



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

3 3433 08156269 0




Line  
DW

63









Guido C. S. Metcalf.

1. Luv

2. Ruid

W



Guido C. S. Metcalf.

1. Livy

2. Rudinow

Handwritten text, possibly a signature or name, appearing as a series of dark, connected strokes.


---

This edit. of Livy is  
the one known as "the im-  
maculate". It was  
printed and edited by  
Thomas Ruddiman the  
great Latin grammarian,  
and is now a very rare  
work. See the description  
in Gibbini's Introduction  
to Greek & Latin Classics,  
vol. ii. p. 170.









T I T I L I V I I  
P A T A V I N I  
H I S T O R I A R U M  
A B U R B E C O N D I T A  
L I B R I Q U I S U P E R S U N T ,  
C U M  
O M N I U M E P I T O M I S ,  
A C  
D E P E R D I T O R U M F R A G M E N T I S :

Ad optimas editiones castigati,

Accurante THO. RUDDIMANNO, A. M.

T O M U S I.

E D I N B U R G I ,  
In ædibus T. & W. RUDDIMANNI,  
Veneunt autem apud G. HAMILTON, A. KINCAID,  
ac socios, & J. BROWN.


M. DCC. LI.

THE NEW YORK

PUBLIC LIBRARY

ASTOR, LENOX AND TILDEN FOUNDATIONS

374



ASTOR, LENOX AND TILDEN FOUNDATIONS

TILDEN FOUNDATIONS

R 1 L

# TYPOGRAPHUS LECTORI BENEVOLO

S. P. D.

**Q**UUM hanc T. Livii, Latinorum  
historicorum principis, in minori  
forma editionem primò suscipere-  
mus, sedulò enitendum duximus,  
ut ea simul nitida, & ad optimas editiones  
castigata, atque à mendis maculisque, quan-  
tum in nobis erat, prodiret immunis : ita  
enim non solum pueris, quorum assiduo te-  
ritur usu, bene consultum, sed & viris in-  
genii cultioris rem pergratam factum iri cen-  
sebamus, si scriptorem hunc nobilissimum  
emaculatum ac mole satis commodâ, ad ma-  
nus habendi occasio subministraretur : hoc  
igitur ut fieret, quid à nobis præstitum sit,  
paucis habeto. Quantis laboribus à rena-  
tis usque literis artisque typographicæ in-  
ventione insudârunt viri docti, ut nativo suo  
splendori restitueretur auctor à librariis mul-  
timodis malè exceptus, & quot qualesque  
viri in hac palæstra luctati sint, hic loci fu-

## A D L E C T O R E M.

sius enarrare longum esset, ac quidem minus necessarium, quum abunde satis notum sit. At dicere liceat quòd, post omnium qui præcesserunt curas, ante Carolum Sigonium Livius in Livio semper desiderari visus sit. Is autem multiplici eruditione imbutus, magnâque industriâ opus aggressus, labes per plures sustulit, scripturamque longè quàm antea sinceriorem reddidit. Alii deinde varii varia suppeditârunt hinc inde remedia & emendationes; sed qui attentius totum quod exstat Liviani operis retractavit, lætemque & elegantiam locis quamplurimis conciliavit ac restituit, erat Jo. Frid. Gronovius, qui ex manuscriptorum & editionum vetustiorum collatione quamplurima emendavit, ac sæpius, ubi hæc auxilia sum destituebant, ex ingenio, quo pollebat acerrimo, suppetias felicissimè, ut plurimum, arcessivit; ita ut eum, tanquam de Livio optimè meritum labenter omnes deinceps agnoscerint, si Jassitheum, sive Raphaelem Fabretum, exceperis; qui viri clarissimi laboribus in hunc auctorem impensis, tanquam somniis & titivitiis, non minùs injuriis quàm invidiosis, obtestavit. Nuper demum doctissimus Arnaldus Drakenborch, Gronovii vestigiis inherens, post alios varios pedices, tam edi-

tos

## A D L E C T O R E M.

tos quam manuscriptos inter se collatos, ad ipsam omnia denuo revocavit; unde accuratissimam, quæ hætenus usquam lucem conspexit, editionem dedit; in qua, quod ad Gronovii laudes ampliandas magnopere confert, conjecturas ejus haud rarò pro candore suo probavit firmavitque. Ad illam igitur Drakenborchii præcipuè, non magis ex aliorum opinione, quam ex animi nostri sententia, editionem quam damus exigere visum est: quocirca viri illius industriæ omnino ferè tribuendum venit, si hæc aliis in minori forma anteferenda fuerit. Non adeo tamen arctè nos constringi passi sumus, ut ne latum unguem ab eo recedere auderemus, ubi ratio id poscere videbatur: quædam enim mutanda monuit & ostendit cl. Kennethus Mackenzie cæsarum patronus, in collegio Edinb. juris civilis P. P. vir non solum in jurisprudentia, sed & in quocumque bonarum literarum genere apprime versatus, quæ absque hesitatione in textum recepimus, v. g. lib. v. cap. 51. ubi prius legebatur, *Non, si me senatusconsulto populi- que jussu revocaretis, redditurus unquam fu- erim*; ille, ex variis lectionibus MSS. codi- cum per ipsam Drakenborchium notatis, e- licit, *Non si milles senatusconsulta populi- que*



## A D L E C T O R E M.

que jussu revocaretis : codex enim Florent. habet, *Non si mille SIGS.* at Voss. pr. Leid. 2. & Lovel. 1. *Non simile senatusconsulto populi que jussu.* Leid. pr. *Non simile sic populi que jussu.* Harlei. pr. *Non sim ille sic populi que jussu.* Klockian. *Non similes cum populi jussu.* Lovel. 4. *Non sine me senatusconsulti populi que jussu.* Vocabula, viz. *si millies*, ex sensu parum perspecto, in MSS. prave divisa satis est perspicuum. Libro quoque decimo, cap. 30. legebatur, *Sed superjecere quidam augendo fidem ; qui in hostium exercitu peditum quadraginta millia, trecentas triginta, equitum sex millia, mille carpentorum scripsere fuisse ;* idque ex emendatione Sigonii, quam posteriores omnes huc usque amplexi sunt. Certe Livium hic loci de numero, supra quod credi potuit ingenti, scriptores quosdam redarguere, ex ipsis ejus verbis constat. Atqui in numeris hisce nihil fidem superat : neque MSS. à Drakenborchio collati numerum peditum incredibilem exhibent. Ille verò aliter se olim habuisse codices Livianos edocuit per testes satis locupletes, Paulum, viz. Orosium, in hist. lib. iii. cap. 21. & Paulum Diaconum ad annum ab U. C. cdl. quorum verba sunt, *Gallorum & Samnitium peditum*

## A D L E G T O R E M.

*peditum* cXL. millia, CCCXXX. *equitum* verò XLVII. millia, *Livius refert, & carpentarios mille in armis contra aciem stetisse Romanam.* Suos ergo numeros Livio restituere haud dubitavimus, ut legeretur: Sed *superjecere quidam augendo fidem qui in hostium exercitu peditum centum quadraginta millia trecentos triginta, equitum sex & quadraginta millia, mille carpentorum scripsere fuisse:* Ita Livium eorum fidei, qui tantum numerum prodiderunt, meritò derogasse palam est. In aliis quoque minutioribus, at paucis illis quidem, à Drakenborchio recessimus, in pluribus fortè recessuri, non conjecturis quidem, quod periculosum foret, sed codicum auctoritate freti, ni metueremus ne critici morosiores nobis proinde negotium facerent. Quid quod in ipso libri primi limine primo aqua nobis hærebat, utrùm cum editis *Æneâ Antenoreque*, an verò cum manuscriptis plerisque *Æneâ Antenoreque omne jus belli Achivos abstinuisse*, dicendum foret: variatio enim haud ejusmodi est, ut librariis referendam hanc MSS. lectionem facilè suspicareris; iis enim minùs usitatam loquendi formam usitatore commutare solenne serè est, insolentiorum rarissimè usurpant. Quicquid sit, vulgatam reti-

## A D L E C T O R E M.

retinuisimus; licet cl. Crevier alteram lecti-  
onem haud temere, tot manuscriptorum  
praesidio suffultus, in splendidam suam edi-  
tionem intulisse videatur. Denique ut tex-  
tus, quoad ejus fieri posset, accuratè exhi-  
beretur, haud leviem impendimus curam,  
immo eam quidem, ut, hac in parte no-  
stram ipsi Drakenborchianæ æquiparandam,  
si non anteponeandam, sperare fas sit: ibi  
enim sphalmata quædam irreplisse; sed ejus  
generis ut nequaquam ipsi viro clarissimo,  
sed operarum incuriæ adscribenda sint, hinc  
inde observavimus. Te, lector, labdribus no-  
stris benignè faveas, oramus. Vale.

8

T. LIVII PATAVINI  
HISTORIARUM  
AB URBE CONDITA

LIBER PRIMUS.

E P I T O M E.

I, II. **A** Dventus *Ænea* in *Italiam*, & res ab eo gesta referuntur. III. *Ascanii* regnum *Alba*, & deinceps *Silviorum*. IV. *Numitoris* filiâ, à *Marte* compressâ, nati *Romulus* & *Remus*. V. *Amulius* obtruncatus. VI. *Urbs* à *Romulo* condita. VIII. *Senatus* lectus. XI. Cum *Sabinis* bellatam. X. *Opima* spolia *Jovi* *Feretrio* lata. XIII. *Incurias* populus divisus. XIV, XV. *Fidenates* & *Veientes* victi. XVI. *Romulus* consecratus. XVIII, &c. *Numa* *Pompius* ritus sacrorum tradidit : *Jano* templum constituit ; ejusque portam, pacatis omnibus circâ populis, primus clausit. cum dea *Egeria* sibi congressus nocturnos esse simulans, feroces populi animas ad religionem perpulit. XXII, &c. *Tullus Hostilius* *Albanos* bello petiit. XXV. Posthæc trigeminorum pugna. XXVI. *Horatius* absolutus. XXVIII. *Metti Fusetii* supplicium. XXIX. *Alba* diruta. XXX. *Albani* in civitatem recepti. *Sabinis* bellum indictum. XXXI. Ad postremum fulmine *Tullus* absumptus. XXXII. *Ancus Marcius* ceremonias, à *Numa* institutas, renovavit : XXXIII. *Latinis* victis, & ad civitatem adscitis, montem *Aventinum* assignavit : *Politorium*, urbem *Latinorum*, bello repetitam, quam *prisci Latini* occupaverant, diruit. pontem *sublicium* in *Tiberim* fecit. *Janiculum* collem urbi addidit. fines imperii protulit.

A

protulit. Ostiam condidit. Regnavit annos viginti quatuor. XXXIV. Eo regnante, Lucumo Damarati Corinthii filius, à Tarquiniiis, Etruria civitate, Ramam venit; & in amicitiam Anci receptus, Tarquinii nomen ferre cepit; & post mortem Anci regnum excepit. XXXV. Centum additis, Patrum numerum auxit. Latinos subegit, Circum designavit, ludos edidit. XXXVI. Sabinorum bello petitus, equitum centurias ampliavit. Tentanda scientia causâ Atti Navii auguris, consuluisse fertur, an id, de quo cogitaret, effici posset: quod quum ille fieri posse respondisset; jussisse eum novacula cotem pracidere; idque protinus ab Atto factum. XXXVII. Sabinos præterea acie vicit, XXXVIII. Urbem muro circumdedit, cloacas fecit. XL. Occisus est ab Anci filiis, quum regnasset annos triginta octo. XLI. Succesit ei Ser. Tullius, natus ex captiva nobili Corniculana; cui puero, adhuc in cunis posito, caput arsisse traditum est. XLII, XLIII. Veientes atque Etruscos prælio fudit. Censum primus egit. Lustrum condidit, quo civium capita censa octoginta millia esse dicuntur. Classes, centuriasque descripsit. XLIV. Pomærium protulit: colles urbi, Quirinalem, Viminalem, Esquilinumque adjecit. XLV. Templum Dianæ cum Latinis in Aventino fecit. XLVII, XLVIII. Interfectus est à L. Tarquinio, Prisci filio, consilio filiae suæ Tulliae, quum regnasset annos quadraginta quatuor. XLIX. Post hunc L. Tarquinius Superbus, neque patrum, neque populi jussu, regnum invasit: quo die scelerata Tullia per patris jacentis corpus carpentum egit. Armatos circa se ad custodiam corporis sui habuit. L, LI. Turnum Herdonium fraude interemit. LIII. Bellum cum Volscis gessit: LV. & ex eorum præda templum Jovi in Capitolio fecit. Terminus & Juventas non addixere: quorum ara moveri non potuerunt. LIV. Filii Sexti Tarquinii dolo, Gabios in potestatem suam redigit. LVI. Hujus filiis Delphos profectis, & consulentibus, quis eorum regnaturus esset Romæ, dictum est, eum regnaturum, qui primus matrem osculatus esset. Quod responsum quum ipsi aliter interpretarentur, Junius Brutus, qui cum iis profectus erat, prolapsus se simulavit, & terram

*terram osculatus est. idque factum ejus eventus rei comprehendit. Nam quum, impotenter se gerendo, Tarquinius Superbus omnes in odium sui adduxisset; ad ultimum, propter expugnatam nocturnâ vi à Sexto filio ejus Lucretia pudicitiam, (quæ, vocato patre ad se Tricipitino, & viro Collatino, obtestata, ne inulta mors ejus esset, cultro se interemit,) LIX. Bruti operâ maximè expulsus est, quum regnâisset annos viginti quinque. LX. Tunc consules primum creati sunt L. Junius Brutus & L. Tarquinius Collatinus.*

## P R Æ F A T I O.

**F**ACTURUSNE operæ pretium sim, si à primordio urbis res populi Romani perscripserim, nec satis scio; nec, si sciam, dicere ausim: Quippe qui, quum veterem, tum vulgatam essem, videam, dum novi semper scriptores, aut in rebus certius aliquid allaturos se, aut scribendi arte rudem vetustatem superaturos, credunt. Utcunque erit, juvabit tamen, rerum gestarum memoriæ principis terrarum populi, pro virili parte & ipsum consuluisse; & si in tanta scriptorum turba mea fama in obscuro sit, nobilitate ac magnitudine eorum, meo qui nomini officient, me consoler. Res est præterea, & immensi operis, ut quæ supra septingentesimum annum repetatur; & quæ, ab exiguis profecta initiis, eò creverit, ut jam magnitudine laboret suâ: & legentium plerisque, haud dubito, quin primæ origines proximaque originibus, minus præbitura voluptatis sint, festinantibus ad hæc nova, quibus jam pridem prævalentis populi vires se ipsæ conficiunt. Ego contrâ hoc quoque laboris præmium petam, ut me à conspectu malorum, quæ nostra tot per annos vidit ætas, tantisper, certè dum prisca illa totâ mente repeto, avertam, omnis expers curæ, quæ scribentis animum, etiam non flectere à vero, sollicitum tamen efficere possit.

Quæ ante conditam condendamve urbem, poetis magis decora fabulis, quam incorruptis rerum gestarum monumentis, traduntur, ea nec affirmare, nec refellere, in animo est. Datur hæc venia antiquitati, ut, miscendo humana divinis, primordia urbium augustiora faciat. Et, si cui populo licere oportet consecrare origines suas, & ad Deos referre auctores; ea belli gloria est populo Romano, ut, quum suum conditorisque sui parentem Martem potissimum ferat, tam & hoc gentes humanæ patientur æquo animo, quam imperium patiuntur. Sed hæc & his similia, utcumque animadversa aut existimata erunt, haud in magno equidem ponam discrimine. Ad illa mihi pro se quisque acriter intendat animum, quæ vita, qui mores fuerint: per quos viros, quibusque artibus, domi militiæque, & partum & augmentum imperium sit. labente deinde paulatim disciplinâ, velut desidentes primò mores sequatur animo; deinde ut magis magisque lapsi sint; tum ire cœperint præcipientes: donec ad hæc tempora, quibus nec vitia nostra, nec remedia pati possumus, perventum est. Hoc illud est præcipuè in cognitione rerum salubre ac frugiferum, omnis te exempli documenta in illustri posita monumento intueri: inde tibi tuæque reipublicæ, quod imitere, capias: inde fœdum inceptu, fœdum exitu, quod vites. Cæterum aut me amor negotii suscepti fallit, aut nulla unquam respublica nec major, nec sanctior, nec bonis exemplis ditior fuit: nec in quam civitatem tam feræ avaritia luxuriaque immigraverint: nec ubi tantus ac tam diu paupertati ac parsimonix honos fuerit. adeò, quanto rerum minus, tanto minus cupiditatis erat. Nuper divitiarum avaritiam, & abundantes voluptates desiderium, per luxum atque libidinem pereundi perdendique omnia, invexere. Sed querelæ, ne tum quidem gratæ futuræ, quum forsitan & necessariæ erunt, ab initio certè tantæ ordiendæ rei absint. Cum bonis potius omnibus, votisque ac præcationibus Deorum Dearumque,

que, si, ut poëtis, nobis quoque mos esset, libentiùs inciperemus, ut oris tanti operis successus prosperos darent.

I. **J**AM primum omnium satis constat, Trojà captà, in ceteros sævitum esse Trojanos; duobus, Æneà Antenoreque, & vetustì jure hospitii, & quia pacis reddendæque Helenæ semper auctores fuerant; omne jus belli Achivos abstinuisse. Casibus deinde variis Antenorem cum multitudine Henetùm, qui, seditione ex Paphlagonia pulsi, & sedes & ducem, rege Pylæmene ad Trojam amisso, quærebant, venisse in intimum maris Adriatici sinum; Euganeisque, qui inter mare Alpesque incolebant, pulsos, Henetos Trojanosque eas tenuisse terras: & in quem primum egressi sunt locum, Troja vocatur; pagoque inde Trojano nomen est: gens universa Veneti appellati. Ænean, ab simili clade domo profugum, sed ad majora initia rerum ducentibus satis, primum in Macedoniam venisse: inde in Siciliam quærentem sedes delatum: ab Sicilia classe Laurentem agrum tenuisse: Trojæ & huic loco nomen est. Ibi egressi Trojani, ut quibus ab immenso prope errore nihil, præter arma & naues, superesset, quum prædam ex agris agerent, Latinus rex Aborigineque, qui tum ea tenebant loca, ad arcendam vim advenarum armati ex urbe atque agris concurrunt. Duplex inde fama est: alii prælio victum Latinum, pacem cum Ænea, deinde affinitatem junxisse tradunt: alii, quum instructæ acies constitissent, priusquam signa canerent, processisse Latinum inter primores, ducemque advenarum evocasse ad colloquium; percunctatum deinde, qui mortales essent, unde, aut quo casu profecti domo, quidve quærentes in agrum Laurentem exissent? Postquam audierit, multitudinem Trojanos esse; ducem Ænean, filium Anchisæ & Veneris: crematà patrià & domo profugos, sedem, condendæque urbi locum quærere, & nobilitatem ad-



miratum gentis virique, & animum vel bello vel paci paratum, dexterâ datâ fidem futuræ amicitiz sanxisse. Inde fœdus ictum inter duces, inter exercitus salutationem factam. Ænean apud Latinum fuisse in hospitio. ibi Latinum apud penates Deos domesticum publico adjunxisse fœdus, filiâ Æneæ in matrimonium datâ. ea res utique Trojanis spem affirmat tandem stabili certaque sede finiendi erroris. Oppidum condunt. Æneas ab nomine uxoris Lavinium appellat. Brevi stirps quoque virilis ex novo matrimonio fuit; cui Ascanium parentes dixerere nomen.

II. Bello deinde Aborigines Trojanique simul petiti. Turnus Rex Rutulorum, cui pacta Lavinia ante adventum Æneæ fuerat, prælatum sibi advenam agrè patiens, simul Æneæ Latinoque bellum intulerat. Neutra acies læta ex eo certamine abiit. victi Rutuli: victores Aborigines Trojanique ducem Latinum amifere. Inde Turnus Rutulique diffisi rebus, ad florentes Etruscorum opes Mezentiumque, eorum regem, confugiunt: qui, Cære opulento tum oppido imperitans, jam inde ab initio minimè lætus novæ origine urbis, & tum nimio plus, quàm satis tutum esset accolis, rem Trojanam crescere ratus, haud gravatim socia arma Rutulis junxit. Æneas adversus tanti belli terrorem ut animos Aboriginum sibi conciliaret, ne sub eodem jure solùm, sed etiam nomine omnes essent, Latinos utramque gentem appellavit. Nec deinde Aborigines Trojanis studio ac fide erga regem Ænean cessere. fretusque his animis coalescentium indies magis duorum populorum Æneas, quanquam tanta opibus Etruria erat, ut jam non terras solùm, sed mare etiam per totam Italiæ longitudinem, ab Alpibus ad fretum Siculum, famâ nominis suî implèffet; tamen, quum mœnibus bellum propulsare posset, in aciem copias eduxit. Secundum inde prælium Latinis, Æneæ etiam ultimum operum mortalium fuit. situs est, quemcunque eum dici jus fasque est, super Numicium

micium flumen : Jovem indigetem appellant.

III. Nondum maturus imperio Ascanius Æneæ filius erat : tamen id imperium ei ad puberem ætatem incolume mansit : tantisper tutelâ muliebri (tanta indoles in Lavinia erat) res Latina & regnum avitum paternumque puero stetit. Haud nihil ambigam; (quis enim rem tam veterem pro certo affirmet?) hiccine fuerit Ascanius, an major, quàm hic, Creusâ matre Ilio incolumi natus, comesque inde paternæ fugæ; quem Iulum eundem Julia gens auctorem nominis sui nuncupat. Is Ascanius, ubicunque & quacunque matre genitus (certè natum Æneâ constat) abundante Lavinii multitudine, florentem jam (ut tum res erant) atque opulentam urbem matri, seu novercæ, reliquit : novam ipse aliam sub Albano monte condidit; quæ, ab situ porrectæ in dorso urbis, Longa Alba appellata. Inter Lavinium & Albam Longam coloniam deductam triginta ferme interfuere anni. tantum tamen opes creverant, maximè fufis Etruscis, ut ne morte quidem Æneæ, nec deinde, inter muliebrem tutelam rudimentumque primum puerilis regni, movere arma aut Mezentius Etruscique, aut ulli alii accolæ ausi sint. Pax ita convenerat, ut Etruscis Latinisque fluvius Albula, quem nunc Tiberim vocant, finis esset. Silvius deinde regnat, Ascanii filius, casu quodam in silvis natus. Is Ænean Silvium creat. is deinde Latinum Silvium. Ab eo coloniz aliquot deductæ, Prisci Latini appellati: Mansit Silvius postea omnibus cognomen, qui Albæ regnarunt. Latino Alba ortus, Albâ Atys, Atys Capys, Capys Capetus, Capeto Tiberinus; qui, in trajectu Albulæ amnis submersus, celebre ad posteros nomen flumini dedit. Agrippa inde Tiberini filius; post Agrippam Romulus Silvius, à patre accepto imperio, regnat. Aventino, fulmine ipse ictus, regnum per manus tradidit. is, sepultus in eo colle, qui nunc est pars Romanæ urbis, cognomen colli fecit. Proca deinde regnat : is Numitorem atque Amu-

lium procreat. Numitori, qui stirpis maximus erat, regnum vetustum Silvix gentis legat. Plus tamen vis potuit, quàm voluntas patris, aut verecundia ætatis. Pulso fratre, Amulius regnat. addit sceleri scelus. stirpem fratris virilem interimit: fratris filix Rheæ Silvix, per speciem honoris, quum Vestalem eam legisset, perpetuâ virginitate spem partûs adimit.

IV. Sed debebatur, ut opinor, fatis tantæ origo urbis, maximique secundum Deorum opes imperii principium. Vi compressa Vestalis, quum geminum partum edidisset, seu ita rata, seu quia Deus auctor culpæ honestior erat, Martem incertæ stirpis patrem nuncupat. Sed nec Dii, nec homines, aut ipsam, aut stirpem à crudelitate regia vindicant. sacerdos vincita in custodiam datur: pueros in profluentem aquam mitti jubet. Forte quadam divinitus super ripas Tiberis effusus lenibus stagnis, nec adiri usquam ad justum cursum poterat amnis: & posse quamvis languidâ mergi aquâ infantes, spem ferentibus dabat. ita velut defuncti regis imperio, in proxima alluvie, ubi nunc ficus Ruminalis est (Romularem vocant ferunt) pueros exponunt. Vastæ tum in iis locis solitudines erant. Tenet fama, quum fluitantem alveum, quo expositi erant pueri, tenuis in sicco aqua destitisset, lupam sitientem ex montibus, qui circa sunt, ad puerilem vagitum cursum flexisse: eam summissas infantibus adeo mitem præbuisse mammas, ut lingua lambentem pueros magister regii pecoris inveniret. Fauſtulo fuisse nomen ferunt. Ab eo ad stabula Larentiæ uxori educandos latos. Sunt, qui Larentiam, vulgato corpore, lupam inter pastores vocatam putant: inde locum fabulæ ac miraculo datum. Ita geniti, itaque educati, quum primum adolevit ætas, nec in stabulis, nec ad pecora segnes, venando peragrarè cirkà saltus. Hinc, robore corporibus animisque sumpto, jam non feras tantum subsistere, sed in latrones, prædâ onustos, impetus facere, pastoribusque rapta dividere: & cum

• cum his, crescente indies grege juvenum; seria ac jocos celebrare.

V. Jam tum in Palatino monte Lupercal hoc fuisse ludicrum ferunt, & à Pallanteo, urbe Arcadica, Pallantium, deinde Palatium, montem appellatum. ibi Evandrum, qui ex eo genere Arcadum multis antè tempestatibus ea tenuerat loca, solenne allatum ex Arcadia instituisse, ut nudi juvenes, Lyceum Pana venerantes, per lusus atque lasciviam currerent. quem Romani deinde vocârunt Inuum. Huic deditis ludicro, quum solenne notum esset, insidiosos ob iram prædæ amissæ latrones, quum Romulus vi se defendisset, Remum cepisse; captum regi Amulio tradidisse, ultrò accusantes. Crimini maximè dabant, in Numitoris agros ab his impetum fieri: inde eos, collectâ juvenum manu, hostilem in modum prædas agere. sic Numitori ad supplicium Remus deditur. Jam inde ab initio Faustulo spes fuerat, regiam stirpem apud se educari; nam & expositos jussu regis infantes sciebat, & tempus, quo ipse eos sustulisset, ad id ipsum congruere; sed rem immaturam, nisi aut per occasionem, aut per necessitatem aperiri noluerat. necessitas prior venit. ita metu subactus, Romulo rem aperit. Forte & Numitori, quum in custodia Remum haberet, audissetque geminos esse fratres, comparando & ætatem eorum, & ipsam minimè servilem indolem, tetigerat animum memoria nepotum: sciscitandoque eodem pervenit, ut haud procul esset, quin Remum agnosceret. Ita undique regi dolus nescitur. Romulus, non cum globo juvenum (nec enim erat ad vim apertam par) sed aliis alio itinere jussis certo tempore ad regiam venire pastoribus, ad regem impetum facit: & à domo Numitoris aliâ comparatâ manu adjuvat Remus. ita regem obtruncant.

VI. Numitor, inter primum tumultum hostes invasisse urbem atque adortos regiam diskitans, quum urbem Albanam in arcem præsidio armisque obtinendam

avocasset, posteaquam juvenes, perpetrata cæde, pergere ad se gratulantes vidit, extemplo advocato concilio, scelera in se fratris, originem nepotum, ut geniti, ut educati, ut cogniti essent, cædem deinceps tyranni, seque ejus auctorem ostendit. Juvenes, per mediam concionem agmine ingressi, quum avum regem salutassent, secuta ex omni multitudine consentiens vox ratum nomen imperiumque regi effecit. Ita Numitori Albanâ permissâ re, Romulum Remumque cupido cepit, in iis locis, ubi expositi, ubique educati erant, urbis condendæ. & supererat multitudo Albanorum Latinorumque. ad id pastores quoque accesserant: qui omnes facili spem facerent, parvam Albam, parvum Lavinium, præ ea urbe quæ conderetur, fore. Interventit deinde his cogitationibus avitum malum, regni cupido, atque inde fœdum certamen coortum à satis miti principio. Quoniam gemini essent, nec ætatis verecundia discrimen facere posset, ut Dii, quorum tutelæ ea loca essent, auguriis legerent, qui nomen novæ urbi daret, qui conditam imperio regeret. Palatium Romulus, Remus Aventinum ad inaugurandum templa capiunt.

VII. Priori Remo augurium venisse fertur, sex vultures: jamque, nunciato augurio, quum duplex numerus Romulo se ostendisset, utrumque regem sua multitudo consalutaverat. tempore illi præcepto, at hi numero avium, regnum trahebant. Inde, cum altercatione congressi, certamine irarum ad cædem vertuntur. ibi in turba ictus Remus cecidit. Vulgatiores fama est, ludibrio fratris Remum novos transiluisse muros: inde ab irato Romulo (quum verbis quoque increpitans adjecisset, *Sic deinde, quicumque alius transiliet moenia mea*) interfectum. Ita solus potitus imperio Romulus; condita urbs conditoris nomine appellata. Palatium primum, in quo ipse erat educatus, munxit: sacra Diis aliis Albano ritu; Græco, Herculi, ut ab Evandro instituta erant, facit. Herculem in ea loca, Gery-

one

one interempto, boves mirâ specie abegisse memorant; ac prope Tiberim fluvium, quâ, præ se armentum agens, nando trajecerat, loco herbido, ut quiete & pabulo læto reficeret boves, & ipsum fessum viâ procubuisse. ibi quum cum cibo vinoque gravatum sopor oppressisset, pastor accola ejus loci, nomine Cacus, ferox viribus, captus pulchritudine boum, quum avertere eam prædam vellet; quia, si agendo armentum in speluncam compulisset, ipsa vestigia quærentem dominum eò deductura erant; aversos boves, eximium quemque pulchritudine, caudis in speluncam traxit. Hercules ad primam auroram somno excitus, quum gregem perlustrâisset oculis, & partem abesse numero sensisset, pergit ad proximam speluncam, si fortè eò vestigia ferrent. quæ ubi omnia foras versa vidit, nec in partem aliam ferre, confusus atque incertus animi, ex loco infesto agere porrò armentum occipit. Inde quum actæ boves quædam ad desiderium, ut sit, relictarum mugissent, reddita inclusarum ex spelunca boum vox Herculem convertit. quem quum vadentem ad speluncam Cacus vi prohibere conatus esset; ictus clavâ, fidem pastorum nequicquam invocans, morte occubuit. Evander tum ea, profugus ex Peloponneso, auctoritate magis quàm imperio, regebat loca: venerabilis vir miraculo literarum, rei novæ inter rudes artium homines; venerabilior divinitate creditâ Carmentæ matris, quam fatiloquam, ante Sibyllæ in Italiam adventum, miratæ hæ gentes fuerant. Is tum Evander, concursu pastorum, trepidantium circa advenam manifestæ reum cædis, excitus, postquam facinus facinorisque causam audivit, habitum formamque viri aliquantùm ampliorem augustiorremque humanâ intuens, rogitat, qui vir esset. Ubi nomen patremque ac patriam accepit; *Jove nate, Hercules, salve*, inquit; *te mihi mater, veridica interpretes Deum, aucturum cælestium numerum cecinit: tibi que aram hic dicatum iri, quam opulentissima olim in terris gens Maximam vocet,*

*cet, tuoque ritu colat.* Dextrâ Hercules datâ, accipere se omen, impleturamque fata, arâ conditâ atque dicatâ, ait. Ibi tum primum, bove eximiâ captâ de grege, sacrum Herculi, adhibitis ad ministerium dapemque Potitiis ac Pinariis, quæ tum familiæ maximè inclytæ ea loca incolabant, factum. Fortè ita evenit, ut Potitii ad tempus præsto essent, iisque exta apponerentur; Pinarii, extis adesis, ad ceteram venirent dapem. inde institutum mansit, donec Pinarium genus fuit, ne extis solennium vescerentur. Potitii, ab Evandro edocti, antistites facri ejus per multas ætates fuerunt: donec, tradito servis publicis solenni familiæ ministerio, genus omne Potitorum interiit. Hæc tum sacra Romulus una ex omnibus peregrina suscepit; jam tum immortalitatis virtute partæ, ad quam eum sua fata ducebant, fautor.

VIII. Rebus divinis ritè perpetratis, vocatâque ad concilium multitudine, quæ coalescere in populi unus corpus nullâ re, præterquam legibus, poterat, jura dedit: quæ ita sancta generi hominum agresti fore ratus, si se ipse venerabilem insignibus imperii secisset, quum cetero habitu se augustiorem, tum maximè lictoribus duodecim sumptis, fecit. Alii ab numero avium, quæ augurio regnum portenderant, eum secutum numerum putant. me haud pœnitet eorum sententiæ esse, quibus & apparitores & hoc genus ab Etruscis finitimis, unde sella curulis, unde toga prætexta sumpta est, numerum quoque ipsum ductum placet: & ita habuisse Etruscos, quodd, ex duodecim populis communiter creato rege, singulos singuli populi lictores dederint. Crescebat interim urbs, munitionibus alia atque alia appetendo loca, quum in spem magis futuræ multitudinis, quàm ad id, quod tum hominum erat, munirent. Deinde, ne vana urbis magnitudo esset, adjiciendæ multitudinis causâ, vetere consilio condentium urbes, qui, obscuram atque humilem conciendo ad se multitudinem, natam è terra sibi prolem ementiebantur; locum, qui nunc se-

ptus

ptus descenditibus inter duos lucos est, Asylum aperit. eò ex finitimis populis turba omnis, sine discrimine, liber an servus esset, avida novarum rerum perfugit: idque primum ad cœptam magnitudinem roboris fuit. Quum jam virium haud pœniteret, consilium deinde viribus parat. centum creat senatores: sive quia is numerus satis erat; sive quia soli centum erant, qui creari patres possent. Patres certè ab honore, patriiique progenies eorum appellati.

IX. Jam res Romana adeò erat valida, ut cuilibet finitimarum civitatum bello par esset; sed, penurià mulierum, hominis ætatem duratura magnitudo erat. quippe quibus nec domi spes proles, nec cum finitimis connubia essent. Tum ex consilio Patrum Romulus legatos circa vicinas gentes misit, qui societatem connubiumque novo populo peterent: *Urbes quoque, ut cetera, ex infimo nasci: deinde quas sua virtus ac Dii juvent, magnas spes sibi magnumque nomen facere. Satis scire, origini Romanae & Deos affuisse, & non defuturam virtutem. proinde ne gravarentur homines cum hominibus sanguinem & genus miscere.* Nusquam benignè legatio audita est: adeò simul spernebant, simul tantam in medio crescentem molem sibi ac posteris suis metuebant. A plerisque rogantibus dimissi, *Ecquod feminis quoque asylum aperissent? id enim demum compar connubium fore.* Ægrè id Romana pubes passa, & haud dubiè ad vim spectare res cœpit. cui tempus locumque aptum ut daret Romulus, ægritudinem animi diffimulans, ludos ex industria parat, Neptuno Equestri solennes: Consualia vocat. Indici deinde finitimis spectaculum jubet: quantoque apparatus tum sciebant, aut poterant, concelebrant; ut rem claram exspectatamque facerent. Multi mortales convenere, studio etiam videndæ novæ urbis; maximè proximi quique, Cæninenses, Crustumini, Antemnates. Jam Sabinorum omnis multitudo, cum liberis ac conjugibus, venit. invitati hospitaliter per domos, quum  
situm



litum moeniaque & frequentem testis urbem vidissent, mirantur, tam brevi rem Romanam crevisse. Ubi spectaculi tempus venit, deditque eò mentes cum oculis erant, tum ex composito orta vis: signoque dato, juvenis Romana ad rapiendas virgines discurrit. magna pars fortè, ut in quem quæque inciderat, raptæ. quasdam formâ eccellente primoribus Patrum destinatas, ex plebe homines, quibus datum negotium erat, domos deferrebant. Unam, longè ante alias specie ac pulchritudine insignem, à globo Talassii cujusdam raptam ferunt. multisque sciscitantibus, cuinam eam ferrent, identidem, ne quis violaret, Talassio ferri clamitatum. inde nuptialem hanc vocem factam. Turbato per metum ludicro, mœsti parentes virginum profugiunt, incusantes violati hospitii fœdus, Deumque invocantes, cujus ad solenne ludosque, per fas ac fidem decepti, venissent. Nec raptis aut spes de se melior, aut indignatio est minor: sed ipse Romulus circuibat docebatque, *Patrum id superbiâ factum, qui connubium finitimis negassent: illas tamen in matrimonio, in societate fortunarum omnium civitatisque, &, quo nihil carius humano generi sit, liberum fore. Mollirent modò iras; &, quibus fors corpora dedisset, darent animos. Sæpe ex injuria postmodum gratiam ortam: eoque melioribus usuras viris, quòd annixurus pro se quisque sit, ut, quum suam vicem functus officio sit, parentum etiam patriæque expleat desiderium. Accedebant blanditiæ virorum, factum purgantium cupiditate atque amore: quæ maxime ad muliebre ingenium efficaces preces sunt.*

X. Jam admodum mitigati animi raptis erant. at raptarum parentes tum maxime fordidâ veste, lacrymisque & querelis, civitates concitabant. Nec domi tantum indignationes continebant, sed congregabantur undique ad Titum Tatium regem Sabinorum: & legationes eò, quòd maximum Tatii nomen in his regionibus erat, conveniebant. Cœninenfes Crustumini-que & Antemnates erant, ad quos ejus injuriæ pars perti-

pertinebat. Lentè agere iis Tatiùs Sabinique visi sunt. Ipsi inter se tres populi communiter bellum parant. Ne Crustumini quidem atque Antemnates, pro ardore iraque Cæninensium, satis se impigrè movent. ita per se ipsum nomen Cæninum in agrum Romanum impetum facit. Sed effusè vastantibus fit obviùs cum exercitu Romulus, levique certamine docet, vanam sine viribus iram esse: exercitum fundit fugatque: fufum persequitur: regem in prælio obtruncat, & spoliât. duce hostium occiso, urbem primo impetu capit. Inde exercitu victore reducto, ipse cum factis vir magnificus, tum factorum ostentator haud minor, spolia ducis hostium cæsi suspensa fabricato ad id aptè ferculo gerens, in Capitolium ascendit: ibique ea quum ad quercum pastoribus sacram deposuisset, simul cum dono designavit templo Jovis fines, cognomenque addidit Deo: *Jupiter Feretri*, inquit, *hec tibi victor Romulus rex regia arma fero, templumque iis regionibus, quas modò animo metatus sum, dedico, sedem opimis spoliis, qua, regibus ducibusque hostium cæsis, me auctorem sequentes, posteri ferent.* Hæc templi est origo, quod primum omnium Romæ sacratum est. ita deinde Diis visum, nec irritam conditoris templi vocem esse, quâ laturos eò spolia posteros nuncupavit: nec, multitudine compotum, ejus doni vulgari laudem. bina postea, inter tot annos, tot bella, opima parta sunt spolia. adeò rara ejus fortuna decoris fuit.

XI. Dum ea ibi Romani gerunt, Antemnatum exercitus, per occasionem ac solitudinem, hostiliter in fines Romanos incursionem facit. raptim & ad hos Romana legio ducta palatos in agris oppressit. Fusi igitur primo impetu & clamore hostes: oppidum captum. duplicique victoriâ ovantem Romulum Herfiliâ conjunx, precibus raptarum fatigata, orat, ut parentibus earum det veniam, & in civitatem accipiat: ita rem coalescere concordia posse. facile impetratum. Inde contra Crustuminos profectus, bellum inferentes. Ibi minus  
etiam,

etiam, quòd alienis cladibus occiderant animi, certaminis fuit. Utròque coloniz missæ. plures inventi, qui propter ubertatem terræ in Crustumini nomina darent. & Romam inde frequenter migratum est; à parentibus maximè ac propinquis raptarum. Novissimum ab Sabinis bellum ortum, multoque id maximum fuit. nihil enim per iram aut cupiditatem actum est: nec ostenderunt bellum priùs, quàm intulerunt. Consilio etiam additus dolus. Sp. Tarpejus Romanæ præerat arci. Hujus filiam virginem auro corrumpit Tatiùs, ut armatos in arcem accipiat. aquam fortè ea tum sacris extra moenia petendum ierat. Accepti obrutam armis necavere: seu ut vi capta potiùs arx videretur; seu prodendi exempli causâ, ne quid usquam fidum proditori esset. Additur fabulæ, quòd vulgò Sabini aureas armillas magni ponderis brachio lævo, gemmatosque magnâ specie annulos habuerint, pepigisse eam, quod in sinistris manibus haberent; eò scuta illi pro aureis donis congesta. Sunt, qui eam, ex pacto tradendi quod in sinistris manibus esset, directò arma petisse dicant: & fraude visam agere, suâ ipsam peremptam mercede.

XII. Tenuere tamen arcem Sabini: atque inde postero die, quum Romanus exercitus instructus, quod inter Palatinum Capitolinumque collem campi est, complèssèt; non priùs descenderunt in æquum, quàm, irâ & cupiditate recuperandæ arcis stimulante animos, in adversum Romani subiere. Principes utrinque pugnam ciebant; ab Sabinis Mettùs Curtius, ab Romanis Hostus Hostilius. hic rem Romanam iniquo loco ad prima signa animo atque audaciâ sustinebat. Ut Hostus cecidit, confestim Romana inclinatur acies; fusaque est ad veterem portam Palatii. Romulus & ipse turbâ fugientium actus, arma ad cælum tollens, *Jupiter, tuis, inquit, jussus avibus hîc in Palatio prima urbi fundamenta jeci. arcem jam, scelere emptam, Sabini habent. inde buc armati, superatâ mediâ valle, tendunt. At tu, pater. Deum hominumque,*  
hinc

*hinc saltem arce hostes : deme terrorem Romanis, fugamque  
 fœdam siste. Hic ego tibi templum Statori Jovi, quod monu-  
 mentum sit posteris, tuâ præsentî ope servatam urbem esse, vo-  
 vco. Hæc precatus, veluti si sensisset auditas preces,  
 Hinc, inquit, Romani, Jupiter optimus maximus resistere atque  
 iterare pugnam jubet. Restitere Romani, tanquam cœlesti  
 voce jussi. ipse ad primores Romulus provolat. Mettus  
 Curtius ab Sabinis princeps ab arce decucurrerat, & ef-  
 fusos egerat Romanos, toto quantum foro spatium est.  
 nec procul jam à porta Palatii erat, clamitans, *Vicinus  
 perfidos hospites, imbelles hostes. Jam sciunt longè aliud esse  
 virgines rapere, aliud pugnare cum viris.* In eum, hæc glo-  
 riantem, cum globo ferocissimorum juvenum Romulus  
 impetum facit. Ex equo tum fortè Mettus pugnabat :  
 eò pelli facilius fuit : pulsum Romani persequuntur. &  
 alia Romana acies, audaciâ regis accensa, fundit Sabi-  
 nos. Mettus in paludem sese, strepitu sequentium tre-  
 pidante equo, conjecit : adverteratque ea res etiam Sa-  
 binos tanti periculo viri. Et ille quidem, annuentibus  
 ac vocantibus suis, favore multorum addito animo, e-  
 vadit. Romani Sabinique in media convalle duorum  
 montium redintegrant prælium. sed res Romana erat  
 superior.*

XIII.—Tum Sabinæ mulieres, quarum ex injuria bel-  
 lum ortum erat, crinibus passis, scissâque veste, victo  
 malis muliebri pavore, ausæ se inter tela volantia in-  
 ferre, ex transverso impetu factò, dirimere infestas a-  
 cies, dirimere iras ; hinc patres, hinc viros orantes, *ne se  
 sanguine nefando soceri generique respergerent : ne parricidio  
 macularent partus suos, nepotum illi, liberum hi progeniem. Sæ  
 affinitatis inter vos, si connubii piget, in nos vertite iras : nos  
 causa belli, nos vulnere ac cadum viris ac parentibus su-  
 mus. melius peribimus, quàm sine alteris vestrum vidue aut  
 orbe vivemus.* Movet res tum multitudinem, tum duces.  
 Silentium & repentina fit quies. inde ad fœdus facien-  
 dum duces prodeunt : nec pacem modò, sed & civita-  
 tem

tem unam ex duabus faciunt: regnum confociant; imperium omne conferunt Romam. Ita geminatâ urbe, ut Sabinis tamen aliquid daretur, Quirites à Curibus appellati. monumentum ejus pugnæ, ubi primum ex profunda emerfus palude equus Curtium in vado statuit, Curtium lacum appellârunt. Ex bello tam tristi læta repentè pax cariores Sabinas viris ac parentibus, & ante omnes Romulo ipsi, fecit. Itaque, quum populum in curias triginta divideret, nomina earum cûriis imposuit. Id non traditur, quum haud dubiè aliquanto numerus major hoc mulierum fuerit, ætate, an dignitatibus suis virorumve, an sorte lectæ sint, quæ nomina curiis darent. Eodem tempore & centuriæ tres equitum conscriptæ sunt: Ramnenses ab Romulo; ab Tito Tatius Tatienses appellati. Lucerum nominis & originis causa incerta est. Inde non modò commune, sed concors etiam, regnum duobus regibus fuit.

XIV. Post aliquot annos, propinqui regis Tatii legatos Laurentium pulsant: quumque Laurentes jure gentium agerent, apud Tatium gratia suorum & preces plus poterant. Igitur illorum pœnam in se vertit. nam Lavinii, quum ad solenne sacrificium eò venisset, concursu facto, interficitur. Eam rem minùs ægrè, quàm dignum erat, tulisse Romulum ferunt. seu ob infidam societatem regni, seu quia haud injuriâ cæsum credebatur. Itaque bellò quidem abstinuit: ut tamen expiarentur legatorum injuriæ, regisque cædes, fœdus inter Romam Laviniumque urbes renovatum est. Et cum his quidem insperata pax erat: aliud multo propius, atque in ipsis prope portis, bellum ortum. Fidenates nimis vicinas prope se convalescere opes rati, priusquam tantum roboris esset, quantum futurum apparebat, occupant bellum facere. juventute armatâ immisâ, vastatur agri quod inter urbem ac Fidenas est. Inde ad lævam versi, quia dextrâ Tiberis arcebat, cum magna trepidatione. agrestium populantur: tumultusque

que repens, ex agris in urbem illatus, pro nuncio fuit. Excitus Romulus (neque enim dilationem pati tam vicinum bellum poterat) exercitum educit: castra à Fidenis mille passuum locat. ibi modico praesidio relicto, egressus omnibus copiis, partem militum locis circa densa obsita virgulta obscuris subsidere in insidiis iussit; cum parte maiore atque omni equitatu profectus, id quod querebat, tumultuoso & minaci genere pugnae, adequitando ipsis prope portis, hostem excivit; fugae quoque, quae simulanda erat, eadem equestris pugna causam minus mirabilem dedit. & quum, velut inter pugnae fugaeque consilium trepidante equitatu, pedes quoque referret gradum, plenis repente portis effusi hostes, impulsà Romanà acie, studio instandi sequendique trahuntur ad locum insidiarum. Inde subito exorti Romani, transversam invadunt hostium aciem. Addunt pavorem mota è castris signa eorum, qui in praesidio relicti fuerant. ita multiplici terrore percussi Fidenates, prius penè quàm Romulus, quique cum eo equis ierant, circumagerent frenis equos, terga vertunt: multoque effusius (quippe verà fugà) qui simulantes paulò antè secuti erant, oppidum repetebant. non tamen eripuerunt se hosti: hærens in terga Romanus, prius quàm fores portarum objicerentur, velut agmine uno irrupit.

XV. Belli Fidenatis contagione irritati Vejentium animi, & consanguinitate, (nam Fidenates quoque Etrusci fuerunt) & quòd ipsa propinquitas loci, si Romana arma omnibus infesta finitimis essent, stimulabat, in fines Romanos excucurrerunt, populabundi magis quàm iusti more belli. Itaque non castris positis, non expectato hostium exercitu, raptam ex agris prædam portantes, Vejos rediere: Romanus contrà, postquam hostem in agris non invenit, dimicationi ultimæ instructus intentusque, Tiberim transit. quem postquam castra ponere, & ad urbem accessurum Vejentes

tes audivere; obviâ egressi, ut potius acie decernerent, quàm inclusi de tectis mœnibusque dimicarent. Ibi, viribus nullâ arte adjunctis, tantum veterani robore exercitus rex Romanus vicit: persecutusque fusos ad mœnia hostes, urbe validâ muris ac situ ipso munitâ abstinuit: agros rediens vastat, ulciscendû magis quàm prædæ studio. Eâque clade haud minùs quàm adversâ pugnâ subacti Veientes, pacem petiti oratores Romanam mittunt. Agri parte multatis in centum annos induciæ datæ. Hæc fermè, Romulo regnante, domi militiæque gesta: quorum nihil absœnum fidei divinæ originis, divinitatisque post mortem creditæ fuit; non animus in regno avito recuperando, non condendæ urbis consiliû, non bello ac pace firmandæ. ab illo enim profectu viribus datis tantum valuit, ut in quadraginta deinde annos tutam pacem haberet. multitudini tamen gratior fuit quàm patribus; longè ante alios acceptissimus militum animis. trecentosque armatos ad custodiam corporis, quos Celeres appellavit, non in bello solam, sed etiam in pace, habuit.

XVI. His immortalibus editis operibus, quum ad exercitum recensendum concionem in campo ad Capræ paludem haberet, subito coorta tempestas cum magno fragore tonitribusque tam denso regem operuit nimbo, ut conspectum ejus concioni abstulerit. nec deinde in terris Romulus fuit. Romana pubes, sedato tandem pavore, postquam ex tam turbido die serena & tranquilla lux rediit, ubi vacuum sedem regiam vidit, etsi satis credebatur Patribus, qui proximi steterant, sublimem raptum procellâ; tamen, velut orbitatis metu ista, moestum aliquamdiu silentium obtinuit. Deinde, à paucis initio factis, Deum Deo natum, regem parentemque urbis Romanæ salvere universi Romulum jubent. pacem precibus exposcunt, uti volens propitius suam semper fospitet progeniem. Fuisse credo tum quoque aliquos, qui discriptum regem Patrum manibus taciti arguerent:

ma-

manavit enim hæc quoque, sed perobscura, fama. Illam alteram admiratio viri & pavor præsens nobilitavit. Consilio etiam unius hominis addita rei dicitur fides. namque Proculus Julius, sollicitâ civitate desiderio regis, & infensâ Patribus, gravis, ut traditur, quamvis magnæ rei auctor, in concionem prodit. *Romulus*, inquit, *Quirites*, *parens urbis hujus*, *primâ hodiernâ luce cælo repente delapsus*, *se mihi obvium dedit*. *quon, perfusus horrore venerabundusque adstitissem, potens precibus, ut contra intueri fas esset; abi, nuncia*, inquit, *Romanis*, *Cælestes ita velle, ut mea Roma caput orbis terrarum sit: proinde rem militarem colant; sciantque, & ita posteris tradant, nullas opes humanas armis Romanis resistere posse*. hæc, inquit, *locutus, sublimis abiit*. Mirum, quantum illi viro, nuncianti hæc fidei fuerit; quâque desiderium Romuli apud plebem exercitumque, factâ fide immortalitatis, lenitum sit.

XVII. Patrum interim animos certamen regni ac cupido versabat. nec dum à singulis, quia nemo magnopere eminebat in novo populo, pervenerant factiones: inter ordines certabatur. oriundi ab Sabinis, ne, quia post Tatii mortem ab sua parte non erat regnatum, in societate æqua possessionem imperii amitterent, sui corporis creari regem volebant. Romani veteres peregrinum regem aspernabantur. In variis voluntatibus regnari tamen omnes volebant, libertatis dulcedine nondum expertâ. Timor deinde Patres incescit, ne civitatem sine imperio, exercitum sine duce, multarum circa civitatum irritatis animis, vis aliqua externa adoriretur. & esse igitur aliquod caput placebat; & nemo alteri concedere in animum inducebat. Itâ rem inter se centum Patres, decem decuriis factis, singulisque in singulas decurias creatis, qui summæ rerum præessent, consociant. decem imperitabant, unus cum insignibus imperii & lictoribus erat: quinque dierum spatio fiebat imperium, ac per omnes in orbem ibat: annumque intervallum regni fuit. id ab re, quod nunc quoque



quoque tenet nomen, Interregnum appellatum. Fremere deinde plebs; multiplicatam servitutem, centum pro uno dominos factos: nec ultrà nisi regem, & ab ipsis creatum, videbantur passuri. Quum sensissent ea moveri Patres, offerendam ultrò rati, quod amissuri erant, ita gratiam ineunt, summâ potestate populo permisâ, ut non plus darent juris, quàm detinerent. decreverunt enim, ut, cùm populus regem jussisset, id sic ratum esset, si Patres auctores fierent: hodieque in legibus magistratibusque rogandis usurpatur idem jus, vi ademptâ priusquam populus suffragium ineat, in incertum comitiorum eventum Patres auctores fiunt. Tum interrex, concione advocatâ: *Quod bonum, faustum, felixque sit*, inquit, *Quirites, Regem create; ita Patribus visum est. Patres deinde, si dignum, qui secundus ab Romulo numeretur, creaveritis, auctores fient.* Adeò id gratum plebi fuit, ut, ne victi beneficio viderentur, id modo sciscerent juberentque, ut Senatus decerneret, qui Romæ regnaret.

XVIII. Inclyta justitia religioque eâ tempestate Numæ Pompilii erat. Curibus Sabinis habitabat, consultissimus vir, ut in illa quisquam ætate esse poterat, omnis divini atque humani juris. Auctorem doctrinæ ejus, quia non exstat aliud, falsò Samium Pythagoran edunt: quem, Servio Tullio regnante Romæ, centum amplius post annos, in ultima Italiæ ora, circa Metapontum Heracleamque & Crotona, juvenum æmulantium studia cætus habuisse constat. Ex quibus locis, etsi ejusdem ætatis fuisset, quæ fama in Sabinos, aut quo linguæ commercio, quenquam ad cupiditatem discendi excivisset? quove præsidio unus per tot gentes, dissonas sermone moribusque, pervenisset? Suopte igitur ingenio temperatum animum virtutibus fuisse opinor magis; instructumque non tam peregrinis artibus, quàm disciplinâ tetricâ ac tristi veterum Sabinorum: quo genere nullum quondam incorruptius fuit. Audito nomine Numæ, Patres Romani, quanquam inclinari  
opes

opes ad Sabinos, rege inde sumpto, videbantur; tamen, neque se quisquam, nec factionis suæ alium, nec denique Patrum aut civium quemquam præferre illi viro ausi, ad unam omnes Numæ Pompilio regnum deferendum decernunt. Accitus, sicut Romulus auguratò urbe condendâ regnum adeptus est, de se quoque Deos consuli iussit. inde ab augure (cui deinde, honoris ergo, publicum id perpetuumque sacerdotium fuit) deductus in arcem, in lapide ad meridiem versus consedit. Augur ad lævam ejus, capite velato, sedem cepit, dextrâ manu baculum sine nodo aduncum tenens, quem lituum appellaverunt. Inde ubi, prospectu in urbem agrumque capto, Deos precatus, regiones ab oriente ad occasum determinavit; dexterâ ad meridiem partes, lævas ad septentrionem esse dixit. Signum contrâ, quò longissimè conspectum oculi ferebant, animo finivit. Tum, lituo in lævam manum translato, dextrâ in caput Numæ impositâ, præcatus est ita: *Jupiter pater, si est fas, hunc Numam Pompilium, cujus ego caput teneo, regem Romæ esse, uti tu signa nobis certa adclarassis inter eos fines, quos feci.* Tum peregit verbis auspicia, quæ mitti vellet. quibus missis, declaratus rex Numa de templo descendit.

XIX. Qui, regno ita potitus, urbem novam, conditam vi & armis, jure eam, legibusque ac moribus de integro condere parat. quibus quum inter bella assuescere videret non posse, quippe efferatos militiâ animos; mitigandum ferocem populum armorum defuetudine ratus, Janum, ad infimum Argiletum, indicem pacis bellicque, fecit: apertus, ut in armis esse civitatem; clausus, pacatos circa omnes populos, significaret. Bis deinde post Numæ regnum clausus fuit: semel T. Manlio consule, post Punicum primum perfectum bellum: iterum, quod nostræ ætati Dii dederunt, ut videremus, post bellum Actiacum, ab Imperatore Cæsare Augusto, pace terrâ marique partâ. Clauso eo, quum omnium circâ finitimorum societate ac foederibus junxisset animos, positus

sitis externorum periculorum curis, ne luxuriarentur otio animi, quos metus hostium disciplinaque militaris continuerat; omnium primum, rem ad multitudinem imperitam, & illis seculis rudem, efficacissimam, Deorum metum injiciendum ratus est. qui quum descendere ad animos sine aliquo commento miraculi non posset, simulat sibi cum Dea Egeria congressus nocturnos esse: ejus se monitu, quæ acceptissima Diis essent, facra instituire; sacerdotes suos cuique Deorum præficere. Atque omnium primum, ad cursum lunæ, in duodecim menses describit annum. quem (quia tricenos dies singulis mensibus luna non explet, defuntque dies solido anno, qui solstitiali circumagitur orbe) intercalariis mensibus interponendis, ita dispensavit, ut quarto & vigesimo anno ad metam eandem solis, unde orsi essent, plenis annorum omnium spatiis, dies congruerent. Idem nefastos dies fastosque fecit: quia aliquando nihil cum populo agi utile futurum erat.

XX. Tum sacerdotibus creandis animum adjecit, quanquam ipse plurima sacra obibat; ea maximè quæ nunc ad Dialem flaminem pertinent. Sed, quia in civitate bellicosa plures Romuli, quàm Numæ, similes reges putabat fore, iturosque ipsos ad bella; ne sacra regis vicis defererentur, flaminem Jovi assiduum sacerdotem creavit, insignique cum veste & curuli regiâ fellâ adornavit. huic duos flamines adjecit: Marti unum, alterum Quirino. Virginesque Vestæ legit, Albâ oriundum sacerdotium, & genti conditoris haud alienum. his, ut assiduz templi antistites essent, stipendium de publico statuit: virginitate aliisque ceremoniis venerabiles ac sanctas fecit. Salios item duodecim Marti Gradvivo legit, tunicæque pictæ insigne dedit, & super tunicam æneum pectori tegumen: coelestiaque arma, quæ ancilia appellantur, ferre; ac per urbem ire canentes carmina cum tripudiis solennique saltatu jussit. Pontificem deinde Numam Marcium, Marei filium, ex Patribus legit, & cique

eique sacra omnia exscripta exsignataque attribuit; quibus hostiis, quibus diebus, ad quæ templa sacra fierent, atque unde in eos sumptus pecunia erogaretur. Cetera quoque omnia publica privataque sacra Pontificis scitis subjecit: ut esset, quò consultum plebes veniret; ne quid divini juris, negligendo patrios ritus, peregrinosque adsciscendo, turbaretur. Nec coelestes modò ceremonias, sed iusta quoque funebria placandosque Manes, ut idem Pontifex edoceret; quæque prodigia, fulminibus aliove quo visu missa, susciperentur atque curarentur: ad ea elicienda ex mentibus divinis, Jovi Elicio aram in Aventino dicavit, Deumque consultuit auguriis, quæ suscipienda essent.

XXI. Ad hæc consultanda procurandaque, multitudine omni à vi & armis conversâ, & animi aliquid agendo occupati erant, & Deorum assidua infidens cura, quàm interesse rebus humanis coeleste Numen videretur, eâ pietate omnium pectora imbuerat, ut fides ac iusjurandum, proximo legum ac poenarum metu, civitatem regerent. & quam ipsi se homines in regis, velut unici exempli, mores formarent; tum finitimi etiam populi, qui antè, castra, non urbem, positam in medio ad sollicitandam omnium pacem, crediderant, in eam verecundiam adducti sunt, ut civitatem, totam in cultum versam Deorum, violari ducerent nefas. Lucus erat, quem medium ex opaco specu fons perenni rigabat aquâ, quò quia se persæpe Numa sine arbitris, velut ad congressum Deæ, inferebat, Camenis eum lucum sacravit; quòd earum ibi concilia cum conjuge sua Egeria essent. Et soli Fidei solenne instituit. ad id sacrarium flamines bigis, curru arcuato, vehi iussit, manumque ad digitos usque involutâ rem divinam facere: significantes fidem tutandam, sedemque ejus etiam in dextris sacratam esse. Multa alia sacrificia locaque sacris faciendis, quæ Argeos pontifices vocant, deditavit. Omnium tamen maximum ejus operum fuit tutela,

per omne regni tempus, haud minor pacis, quàm regni. Ita duo deinceps reges, alius alià vià, ille bello, hic pace, civitatem auxerunt. Romulus septem & triginta regnavit annos: Numa tres & quadraginta. Tum valida, tum temperata & belli & pacis artibus, erat civitas.

XXII. Numæ morte ad interregnum res rediit. Inde Tullum Hostilium, nepotem Hostilii, cujus in infima arce clara pugna adversus Sabinos fuerat, regem populus iussit. Patres auctores facti. Hic non solum proximo regi dissimilis, sed ferocior etiam Romulo fuit. tum ætas viresque, tum avita quoque gloria animum stimulabat. Senescere igitur civitatem otio raras, undique materiam excitandi belli quærebat. Forte evenit, ut agrestes Romani ex Albano agro, Albani ex Romano prædas invicem agerent. Imperitabat tum C. Clulius Albæ. utrinque legati ferè sub idem tempus ad res repetendas missi. Tullus præceperat suis, ne quid prius, quàm mandata, agerent. satis sciebat, negaturum Albanum; ita piè bellum indici posse. Ab Albanis socordius res acta: excepti hospitio ab Tullo blandè ac benignè, comiter regis convivium celebrant. tantisper Romani & res repetiverant priores, & neganti Albano bellum in trigésimum diem indixerant. hæc renunciant Tullo. Tum legatis Tullus dicendi potestatem, quid petentes venerint, facit. illi omnium ignari, primum purgando terunt tempus: *Se invitos quicquam, quod minus placeat Tullo, dicturos; sed imperio subigi: res repetitum se venisse. Ni reddantur, bellum indicere iussos.* Ad hæc Tullus: *Nunciate, inquit, regi vestro, regem Romanum Deos facere testes, uter prius populus res repetentes legatos aspernatus dimiserit, ut in eum omnes expetant huiusce cladis belli.*

XXIII. Hæc nunciant domum Albani. Et bellum utrinque summà ope parabatur, civili simillimum bello, propè inter parentes natosque; Trojanam utramque prolem, quum Lavinium ab Troja, ab Lavinio Alba, ab Albanorum stirpe regum oriundi Romani essent.

Eventus

Eventus tamen belli minùs miserabilem dimicationem fecit: quòd nec acie certatum est; &, testis modò dirutis alterius urbis, duo populi in unum confusi sunt. Albani priores ingenti exercitu in agrum Romanum impetum fecere. castra ab urbe haud plus quinque millia passuum locant, fossâ circumdant: fossa Cluilia ab nomine ducis per aliquot secula appellata est, donec cum re nomen quoque vetustate abolevit. In his castris Cluilius Albanus rex moritur; dictatorem Albani Mettum Fuffetium creant. Interim Tullus ferox, præcipuè morte regis, magnumque Deorum numen, ab ipso capite orsum, in omne nomen Albanum expetiturum pœnas ob bellum impium distitans, nocte, præteritis hostium castris, infesto exercitu in agrum Albanum pergit. Ea res ab stativis excivit Mettum. ducit, quàm proximè ad hostem potest; inde legatum præmissum nunciare Tullo jubet, priusquam dimicent, opus esse colloquio: si secum congressus sit, satis scire, ea se allaturum, quæ nihilo minùs ad rem Romanam, quàm ad Albanam, pertineant. Haud aspernatus Tullus, tametsi vana afferrebantur, in aciem educit. exeunt contrà & Albani. Postquam instructi utrinque stabant cum paucis procerum in medium duces procedunt. Ibi inquit Albanus: *Injurias, & non redditas res ex fœdere, quæ repetitæ sint, & ego regem nostrum Cluilius, causam hujusce esse belli, audisse videor: nec te dubito, Tulle, eadem præ te ferre. sed, si vera potiùs, quàm dictu speciosa, dicenda sunt, cupido imperii duos cognatos vicinosque populos ad arma stimulat. Neque, rectè, an perperam, interpretor: fuerit ista ejus deliberatio, qui bellum suscepit. me Albani gerendo bello ducem creavere. Illud te, Tulle, monitum velim: Etrusca res, quanta circa nos teque maximè sit, quò propiores vos, hoc magis scis. multum illi terrâ, plurimum mari polent. Memor esto, jam, quum signum pugna dabis, has duas acies spectaculo fore; ut fessos confectosque, simul victorem ac victum, aggrediantur. Itaque, si nos dii amant, quoniam, non*

*contenti libertate certâ, in dubiam imperii servitiiq; âleam imus, ineamus aliquam viam, quâ utri utris imperent, sine magna clade, sine multo sanguine utriusque populi, decerni possit.* Haud displicet res Tullo, quanquam, tum indole animi, tum spe victoriæ, ferocior erat. Quærentibus utrinque ratio initur, cui & fortuna ipsa præbuit materiam.

XXIV. Forte in duobus tum exercitibus erant trigemini fratres, nec ætate, nec viribus dispares. Horatios Curiatiosque fuisse, satis constat; nec ferme res antiqua alia est nobilior. tamen in re tam clara nominum error manet; utrius populi Horatii, utrius Curiatii fuerint. Auctores utrôque trahunt: plures tamen invenio qui Romanos Horatios vocent. hos ut sequar, inclinatur animus. Cum trigeminis agunt reges, ut pro sua quisque patria dimicent ferro. ibi imperium fore, unde victoria fuerit. Nihil recusatur: tempus & locus convenit. Priusquam dimicarent, sædus ictum inter Romanos & Albanos est his legibus, ut, cuiusque populi cives eo certamine vicissent, is alteri populo cum bona pace imperitaret. Fœdera alia aliis legibus, ceterum eodem modo omnia, fiunt. Tum ita factum accepimus, nec ullius vetustior fœderis memoria est. Fecialis regem Tullum ita rogavit: *Jubesne me, Rex, cum patre patrato populi Albani fœdus ferire?* jubente rege, *Sagmina,* inquit, *te, Rex, posco.* Rex ait, *Puram tollito.* Fecialis ex arce graminis herbam puram attulit. postea regem ita rogavit: *Rex, facisne me tu regium nuncium populi Romani Quiritium? vasa, comitesque meos?* Rex respondit: *Quod sine fraude mea populi Romani Quiritium fiat, facio.* Fecialis erat M. Valerius. patrem patratum Sp. Fufium fecit, verbenâ caput capillosque tangens. Pater patratus ad iusjurandum patrandum, id est, sancendum fit fœdus; multisque id verbis, quæ longo effata carmine non operæ est referre, peragit. Legibus deinde recitatis: *Audi, inquit, Jupiter; audi pater patratus populi Albani; audi tu populus Albanus; ut illa palam prima*  
*postrema*

*postrema ex illis tabulis cerâve recitata sunt sine dolo malo, utique ea hîc hodie rectissimè intellecta sunt, illis legibus populus Romanus prior non deficiet. Si prior defexit publico consilio, dolo malo; tu illo die, Jupiter, populum Romanum sic ferito, ut ego hunc porcum hîc hodie feriam: tantoque magis ferito quanto magis potes pollesque. Id ubi dixit, porcum saxo silice percussit. Sua item carmina Albani, suumque jusjurandum per suum dictatorem suosque sacerdotes peregerunt.*

XXV. Fœdere isto, trigemini, sicut convenerat, arma capiunt. Quum sui utrosque adhortarentur, *Deos patrios, patriam ac parentes, quidquid civium domi, quidquid in exercitu sit, illorum tunc arma, illorum intueri manus: feroces & suo pte ingenio, & pleni adhortantium vocibus, in medium inter duas acies procedunt. Confederant utrinque pro castris duo exercitus, periculi magis præsentis, quàm curæ, expertes. quippe imperium agebatur, in tam paucorum virtute atque fortuna positum. itaque ergo erecti suspensique in finimè gratum spectaculum animo intenduntur. Datur signum. infestisque armis, velut acies, terni juvenes, magnorum exercituum animos gerentes, concurrunt: nec his, nec illis periculum suum; publicum imperium servitiumque obversatur animo, futuraque ea deinde patriæ fortuna, quam ipsi fecissent: Ut primo statim concursu increpère arma, micantesque fulgere gladii, horror ingens spectantes perstringit: &, neutrò inclinâtâ spe, torpebat vox spiritusque. Confertis deinde manibus, quum jam non motus tantum corporum, agitatioque anceps telorum armorumque, sed vulnera quoque & sanguis spectaculo essent; duo Romani, super alium alius, vulneratis tribus Albanis, expirantes corruerunt. ad quorum casum quum conclamasset gaudio Albanus exercitus, Romanas legiones jam spes tota, nondum tamen cura, deferuerat, exanimes vice unius, quem tres Curiatii circumsteterant. Forte is integer fuit, ut universis so-*



lus nequaquam par, sic adversus singulos ferox. ergo, ut segregaret pugnam eorum, capessit fugam, ita ratus secuturos, ut quemque vulnere affectum corpus finiret. Jam aliquantum spatii ex eo loco, ubi pugnatum est, aufugerat, quum respiciens videt magnis intervallis sequentes: unum haud procul ab sese abesse. in eum magno imperu rediit. Et, dum Albanus exercitus inclamat Curiatiis, uti opem ferant fratri, jam Horatius, casso hoste victor, secundam pugnam petebat. tum clamore, qualis ex insperato faventium solet, Romani adjuvant militem suum: & ille defungi prælio festinat. Prius itaque, quàm alter, qui nec procul aberat, consequi posset, & alterum Curiatium conficit. Jamque, æquato Marte, singuli supererant; sed nec spe, nec viribus pares. alterum, intactum ferro corpus & geminata victoria, ferocem in certamen tertium dabant: alter, fessum vulnere, fessum cursu trahens corpus, victusque fratrum ante se strage, victori objicitur hosti. nec illud prælium fuit. Romanus exsultans, *Duos, inquit, fratrum Manibus dedi: tertium causæ belli hujusce, ut Romanus Albano imperet, dabo.* Malè sustinenti arma gladium supernè jugulo defigit: jacentem spoliatur. Romani ovantes ac gratulantes Horatium accipiunt: eo majore cum gaudio, quo prope metum res fuerat. Ad sepulturam inde suorum nequaquam paribus animis vertuntur; quippe imperio alteri aucti, alteri ditionis alienæ facti. Sepulchra exstant, quo quisque loco cecidit. duo Romana uno loco propius Albam, tria Albana Romanam versus; sed distantia locis, & ut pugnatum est.

XXVI. Priusquam inde digrederentur, roganti Metto, ex fœdere isto quid imperaret, imperat Tullus, uti juventutem in armis habeat: usurum se eorum operâ, si bellum cum Vejentibus foret. ita exercitus inde domos abducti. Princeps Horatius ibat, trigemina spolia præ se gerens: cui soror virgo, quæ desponsa uni ex Curiatiis fuerat, obvia ante portam Capenam fuit: cognitoque

nitoque super humeros fratris pahudamento sponsi, quod ipsa confecerat, solvit crines, & flebiliter nomine sponsum mortuam appellat. Movet feroci juveni animum comploratio sororis in victoria sua tantoque gaudio publico. Stricto itaque gladio, simul verbis increpans, transfigit puellam. *Abi hinc cum immaturo amore ad sponsum, inquit, oblita fratrum mortuorum vivique, oblita patria. Sic eat, quaecunque Romana lugebit hostem. Atrox visum id facinus Patribus plebique: sed recens meritum facto obstabat. tamen raptus in jus ad regem. Rex, ne ipse tam tristis ingratiq; ad vulgus iudicii, aut, secundum iudicium, supplicii auctor esset, concilio populi advocato, Duumviros, inquit, qui Horatio perduellionem judicent, secundum legem facio. Lex horrendi carminis erat: Duumviri perduellionem judicent. Si à Duumviris provocârit, provocatione certato: si vincent, caput obnubito: infelici arbori recte suspendito: verberato vel intra pomerium, vel extra pomerium.* Hac lege Duumviri creati, qui se absolvere non rebantur eâ lege, ne innoxium quidem, posse, quum condemnâssent; tum alter ex his, P. Horati, tibi perduellionem iudico, inquit: I, lictor, colliga manus. Accesserat lictor, injiciebatque laqueum. tum Horatius, auctore Tullo, clemente legis interprete, Provoco, inquit. ita de provocatione certatum ad populum est. Moti homines sunt in eo iudicio, maxime P. Horatio patre proclamante, se filiam jure cæsam judicare. ni ita esset, patrio jure in filium animadversurum fuisse. Orabat deinde, ne se, quem paulo antè cum egregia stirpe conspexissent, orbem liberis facerent. Inter hæc senex, juvenem amplexus, spolia Curiationum fixa eo loco, qui nunc Pila Horatia appellatur, ostentans, Huncceine, aiebat, quem modò decoratum ovantemque victoriâ incedentem vidistis, Quirites, cum sub furca vinctum inter verbera & cruciatus videre potestis? quod vix Albanorum oculi tam deforme spectaculum ferre possent. I, lictor, colliga manus, quæ paulo ante armata imperium

*populo Romano pepercant. I, caput obnube liberatoris urbis  
hujus: arbori infelici suspende: verbera, vel intra pomerium,  
modò inter illa pila & spolia hostium; vel extra pomerium,  
modò intra sepulchra Curiatorum. Quò enim ducere hunc ju-  
venem potestis, ubi non sua decora cum à tanta feditate supplicii  
vindigent? Non tulit populus nec patris lacrimas, nec  
ipsius parem in omni periculo animum: absolverunt-  
que admiratione magis virtutis, quàm jure causæ. Ita-  
que, ut cædes manifesta, aliquo tamen piaculo, lueretur,  
imperatum patri, ut filium expiaret pecuniâ publicâ. Is,  
quibusdam piacularibus sacrificiis factis, quæ deinde  
genti Horatiæ tradita sunt, transmissio per viam tigil-  
lo, capite adoperto, velut sub jugum misit juvenem.  
Id hodie quoque publicè semper refectum manet. Soro-  
rium tigillum vocant. Horatiæ sepulchrum, quo loco  
corruebat ista, constructum est saxo quadrato.*

XXVII. Nec diu pax Albana mansit. invidia vulgi,  
quòd tribus militibus fortuna publicâ commissa fuerit,  
vanum ingenium dictatoris corrumpit; &, quoniam recta  
consilia haud benè evenerant, pravis reconciliare po-  
pularium animos cœpit. Igitur, ut priùs in bello pa-  
cem, sic in pace bellum querens, quia suæ civitati a-  
nimorum plus, quàm virium cernebat esse, ad bellum pa-  
lam atque ex edicto gerendum alios concitat populos:  
suis per speciem societatis prodicionem reservat. Fi-  
denates, colonia Romana, Vejentibus sociis consilii as-  
sumptis, pacto transitionis Albanorum ad bellum atque  
arma incitantur. Quum Fidenæ apertè desciscent, Tul-  
lus Metto, exercituque ejus ab Alba æcito, contra ho-  
stes ducit. ubi Anienem transiit, ad consuentes collo-  
cat castra. Inter eum locum & Fidenas Vejentium ex-  
ercitus Tiberim transierat. Hi & in acie prope flumen  
tenere dextrum cornu: in sinistro Fidenates propius  
montes consistunt. Tullus adversus Vejentem hostem  
dirigit suos: Albanos contra legionem Fidenatium col-  
locat. Albano non plus animi erat, quàm fidei. nec  
manere

manere ergo, nec transire apertè ausus, sensim ad montes succedit. Inde, ubi fatis subisse sese ratus est, erigit totam aciem: fluctuansque animo, ut tereret tempus, ordines explicat. Consilium erat, quâ fortuna rem daret, eâ inclinare vires. Miraculo primò esse Romanis, qui proximi steterant, ut nudari latera sua sociorum digressu senserunt: inde eques citato equo nunciat regi, abire Albanos. Tullus in re trepida duodecim vocat Salios, fanaque Pallori ac Pavori. equitem clarâ increpans voce, ut hostes exaudirent, *redire in praelium* jubet: *nihil trepidatione opus esse: suo jussu circumduci Albanum exercitum, ut Fidenatium nuda terga invadant.* idem imperat, ut hastas equites erigere jubeat. Id factum magnæ parti peditum Romanorum conspectum abeuntis Albani exercitus interfecit. qui viderant, id, quod ab rege auditum erat, rati, eò acrius pugnant. Terror ad hostes transit: & audiverant clarâ voce dictum: & magna pars Fidenatium, ut qui coloni additi Romanis essent, Latine sciebant. Itaque, ne subito ex collibus decursu Albanorum intercluderentur ab oppido, terga vertunt. Instat Tullus, fusoque Fidenatium cornu, in Vejentem, alieno pavore percussam, ferocior redit. Nec illi tulere impetum: sed ab effusa fuga flumen objectum à tergo arcebat. Quò postquam fuga inclinavit: alii, arma foedè jactantes, in aquam cæci ruebant; alii, dum cunctantur in ripis, inter fugæ pugnaeque consilium oppressi. Non alia antè Romana pugna atrocior fuit.

XXVIII. Tum Albanus exercitus, spectator certaminis, deductus in campos. Mettus Tullo devictos hostes gratulatur: contra Tullus Mettum benigne alloquitur. Quod bene vertat, castra Albanos Romanis castris jungere jubet: sacrificium lustrale in diem posterum parat. Ubi illuxit, paratis omnibus, ut assolet, vocari ad concionem utrumque exercitum jubet. Praecones, ab extremo orsi, primos excivere Albanos. hi,

novitate etiam rei moti, ut regem Romanum concionantem audirent, proximi constitere. Ex compposito armata circumdatur Romana legio. centurionibus datum negotium erat, ut sine mora imperia exsequerentur. Tum ita Tullus inquit: *Romani, si unquam antè aliàs ullo in bello fuit, quòd primum Diis immortalibus gratias ageretur, deinde vestra ipsorum virtuti, hesternum id prælium fuit. Dimicatum est enim non magis cum hostibus, quàm, quæ dimicatio major atque periculosior est, cum proditione ac perfidia sociorum. Nam, ne vos falsa opinio teneat, injussu meo Albani subire ad montes: nec imperium illud meum, sed consiliam & imperii simulatio fuit: ut nec, votis ignorantibus deserere vos, averteretur à certamine animus; & hostibus, circumveniri se à tergo ratis, terror ac fuga injiceretur. Nec ea culpa, quam arguo, omnium Albanorum est. ducem secuti sunt: ut & vos, si quòd ego inde agmen declinare voluissem, ferissetis. Mettus ille est ductor itineris hujus, Mettus idem hujus machinator belli, Mettus fœderis Romani Albanique ruptor. Audeat deinde talia alius, nisi in hunc insigne jam documentum mortalibus dederò. Centuriones armati Mettum circumstant. rex cetera, ut orsus erat, peragit. Quod bonum, faustum, felixque sit populo Romano ac mihi, vobisque, Albani, populum omnem Albanum Romam traducere in animo est; civitatem dare plebi; primores in Patres legere; unam urbem, unam rempublicam facere. Ut ex uno quondam in duos populos divisa Albana res est, sic nunc in unum redeat. Ad hæc Albana pubes, inermis ab armatis septa, in variis voluntatibus, communi tamen metu cogente, silentium tenet. Tum Tullus, Mette Fuffeti, inquit, si ipse discere posses fidem ac fœdera servare, vivo tibi ea disciplina à me adhibita esset. Nunc, quoniam tuum insanabile ingenium est, at tu tuo supplicio doce humanum genus ea sancta credere, quæ à te violata sunt. Ut igitur paulò antè animum inter Fidenatem Romanamque rem ancipitem gessisti, ita jam corpus passim distrahendum dabis. Exinde, duabus admotis quadrigis, in currus earum distentum illigat Mettum. deinde in*  
diver-

diversum iter equi concitati, lacerum in utroque curru corpus, quâ inhæserant vinculis membra, portantes. Avertere omnes à tanta foeditate spectaculi oculos. Primum ultimumque illud supplicium apud Romanos exempli parum memoris legum humanarum fuit. in aliis gloriari licet, nulli gentium mitiores placuisse pœnas.

XXIX. Inter hæc jam præmissi Albam erant equites, qui multitudinem traducerent Romam. Legiones deinde ductæ ad diruendam urbem. quæ ubi intravere portas, non quidem fuit tumultus ille, nec pavor, qualis captarum esse urbium solet; quum, effractis portis, stratissime ariete muris, aut arce vi captâ, clamor hostilis & cursus per urbem armatorum omnia ferro flammâque miscet: sed silentium triste ac tacita mœstitia ita defixit omnium animos, ut, præ metu obliti, quid relinquerent, quid secum ferrent, deficiente consilio, rogitantesque alii alios, nunc in liminibus starent, nunc errabundi domos suas, ultimum illud visuri, pervagarentur. Ut verò jam equitum clamor exire jubentium instabat, jam fragor tectorum, quæ diruebantur, ultimis urbis partibus audiebatur, pulvisque, ex distantibus locis ortus, velut nube inductâ omnia impleverat; raptim, quibus quisque poterat, elatis, quum larem ac penates testaque, in quibus natus quisque educatusque esset, relinquentes exirent: jam continens agmen migrantium impleverat vias: & conspectus aliorum mutuâ miseratione integrabat lacrimas: vocesque etiam miserabiles exaudiebantur; mulierum præcipuè, quum obsessa ab armatis templa augusta præterirent, ac velut captos relinquerent Deos. Egressis urbem Albanis, Romanus passim publica privataque omnia testâ adæquat solo, unaque hora quadringentorum annorum opus, quibus Alba steterat, excidio ac ruinis dedit. Templis tamen Deum (ita enim edictum ab rege fuerat) temperatum est.

XXX. Roma interim crescit Albæ ruinis. duplicatur sivium numerus. Cœlius additur urbi mons: &, quod

frequentius habitaretur, eam sedem Tullus regiae capit, ibique habitavit. Principes Albanorum in Patres, ut ea quoque pars reipublicae cresceret, legit Tullios, Servilios, Quintios, Geganios, Curiatios, Claelios: templumque ordini ab se aucto curiam fecit, quae Hostilia usque ad patrum nostrorum aetatem appellata est. &, ut omnium ordinum viribus aliquid ex novo populo adjiiceretur, equitum decem turmas ex Albanis legit. Legiones & veteres eodem supplemento explevit, & novas scripsit. Hac fiducia virum Tullus Sabinis bellum indicit; genti ea tempestate secundum Etruscos opulentissimae viris armisque. Utrunque injuriae factae, ac res nequicquam erant repetitae. Tullus, ad Feroniae sanum mercatu frequenti negotiatores Romanos comprehensos, querebatur: Sabini, suos prius in lucum confugisse, ac Romae retentos. hae causae belli ferebantur. Sabini, haud parum memores, & suarum virium partem Romae ab Tatio locatam, & Romanam rem nuper etiam adjectione populi Albani auctam, circumspicere & ipsi externa auxilia. Etruria erat vicina, proximi Etruscorum Veientes. Inde, ob residuas bellorum iras maxime sollicitatis ad defectionem animis, voluntarios traxere. & apud vagos quosdam ex inopi plebe etiam merces valuit. Publico auxilio nullo adjuti sunt. valuitque apud Veientes (nam de ceteris minus mirum est) pacta cum Romulo induciarum fides. Quum bellum utrinque summâ ope pararent, vertique in eo res videretur, utri prius arma inferrent, occupat Tullus in agrum Sabinum transire. Pugna atrox ad silvam Malitiosam fuit. ubi & peditum quidem robore, ceterum equitatu aucto nuper, plurimum Romana acies valuit. Ab equitibus repente investis turbati ordines sunt Sabinorum: nec pugna deinde illis constare, nec fuga explicari sine magna caede potuit.

XXXI. Devictis Sabinis, quum in magna gloria magnisque opibus regnum Tulli ac tota res Romana esset, nuncia-

nunciatum regi Patribusque est, in monte Albano lapidibus pluuisse. Quod quum credi vix posset, missis ad id visendum prodigium, in conspectu, haud aliter quam quum grandinem venti glomeratam in terras agunt, crebri cecidere coelo lapides. Visi etiam audire vocem ingentem ex fummi cacuminis luco, ut patrio ritu sacra Albani facerent, quæ, velut Diis quoque simul cum patria relictis, oblivioni dederant: & aut Romana sacra susceperant, aut, fortunæ, ut sit, obirati, cultum reliquerant Deum. Romanis quoque ab eodem prodigio novendiale sacrum publicè susceptum est: seu voce cælesti ex Albano monte missâ, (nam id quoque traditur) seu aruspicum monitu. mansit certè solenne, ut, quandoque idem prodigium nunciaretur, feriæ per novem dies agerentur. Haud ita multò post pestilentia laboratum est. unde quum pigritia militandi oriretur; nulla tamen ab armis quies dabatur ab bellicoso rege, salubriora etiam credente militiæ, quàm domi juvenum corpora esse; donec ipse quoque longinquo morbo est implicitus. Tunc adeo fracti simul cum corpore sunt spiritus illi feroces, ut, qui nihil antè ratus esset minùs regium, quàm sacris dedere animum, repentè omnibus magnis parvisque superstitionibus obnoxius degeret, religionibusque etiam populum impleret. vulgò jam homines, cum statum rerum, qui sub Numa rege fuerat, requirentes, unam opem ægris corporibus relictam, si pax veniaque ab Diis impetrata esset, credebant. Ipsam regem, tradunt, volentem commentarios Numæ, quum ibi quædam occulta solennia sacrificia Jovi Elicio facta invenisset, operatum his sacris se abdidisse: sed non ritè initum aut curatum id sacrum esse; nec solùm nullam ei oblatam cœlestium speciem, sed irâ Jovis, sollicitati pravâ religione, fulmine ictum cum domo conflagrasse. Tullus magnâ gloriâ belli regnavit annos duos & triginta.

XXXII. Mortuo Tullo, res, ut institutum jam inde  
ab



ab initio erat, ad Patres redierat: hique interregem nominaverant. quo comitia habente, Ancum Marcium regem populus creavit: Patres fuere auctores. Numæ Pompilii regis nepos, filiâ ortus, Ancus Marcius erat. qui, ut regnare cœpit, & avitæ gloriæ memor, & quia proximum regnum, cetera egregium, ab una parte haud satis prosperum fuerat, aut neglectis religionibus, aut pravè cultis; longè antiquissimum ratus, sacra publica, ut ab Numa instituta erant, facere; omnia ea ex commentariis regis pontificem, in album relata, proponere in publico jubet. inde & civibus otii cupidis, & finitimis civitatibus facta spes, in avi mores atque instituta regem abiturum. Igitur Latini, cum quibus, Tullo regnante, iſtum fœdus erat, sustulerant animos: &, quum incursionem in agrum Romanum fecissent, repetentibus res Romanis superbè responsum reddunt; deſidem Romanum regem inter facella & aras acturum eſſe regnum rati. Medium erat in Anco ingenium, & Numæ, & Romuli memor: &, præterquam quòd avi regno magis necessariam fuiſſe pacem credebat, quum in novo, tum feroci populo; etiam, quod illi contigiſſet otium, ſine injuria id ſe haud faciliè habiturum: tentari patientiam, & tentatam contemni: temporaque eſſe Tullo regi aptiora, quàm Numæ. Ut tamen, quoniam Numa in pace religiones inſtituiſſet, à ſe bellicæ ceremoniæ proderentur; nec gererentur ſolùm, ſed etiam indicerentur bella aliquo ritu; jus ab antiqua gente Æquicolis, quod nunc feciales habent, deſcripſit, quo res repetuntur. Legatus, ubi ad fines eorum venit, unde res repetuntur, capite velato filo (lanæ velamen eſt) *Audi, Jupiter, inquit, audite fines*, (cujuſcunque gentis, ſunt nominat) *audiat fas. Ego ſum publicus nuncius populi Romani, juſtè pièque legatus venio, verbisque meis fides ſit.* Peragit deinde poſtulata. Inde Jovem teſtem facit: *Si ego injuſtè impièque illos homines illaſque res dedier nuncio populi Romani mihi expoſco, tum patriæ compotem me nunquam*

*anquam firis esse. Hæc, quum fines suprascandit, hæc, quicumque ei primus vir obuius fuerit, hæc, portam ingrediens, hæc, forum ingressus, paucis verbis carminis concipiendique jurisjurandi mutatis, peragit. si non deduntur, quos exposcit, diebus tribus & triginta (tot enim solennes sunt) peractis, bellum ita indicit: Audi, Jupiter, & tu Juno, Quirine, Diique omnes cœlestes, vosque terrestres, vosque inferni audite. Ego vos testor, populum illum, (quicumque est, nominat) injustum esse, neque jus persolvere. Sed de istis rebus in patria majores natu consulamus, quo pacto jus nostrum adipiscamur. Cum his nuncius Romam ad consulendum redit. Confestim Rex his ferme verbis Patres consulebat: Quorum rerum, litium, causarum condixit pater patratus populi Romani Quiritium patri patrato priscorum Latinorum hominibusque priscis Latinis, quas res dari, fieri, solvi oportuit, quas res nec dederunt, nec fecerunt, nec solverunt, dic, inquit ei, quem primum sententiam rogabat, quid censes? Tum ille: Puro pioque duello quarendas censeo, itaque consensio consciscoque. Inde ordine alii rogabantur: quandoque pars major eorum, qui aderant, in eandem sententiam ibat, bellum erat consensu. Fieri solitum, ut fecialis hastam ferratam aut sanguineam præustam ad fines eorum ferret, &, non minùs tribus puberibus præsentibus, diceret: Quod populi priscorum Latinorum, hominesque prisci Latini adversus populum Romanum Quiritium fecerunt, deliquerunt, quodd populus Romanus Quiritium bellum cum priscis Latinis jussit esse, senatusque populi Romani Quiritium censuit, consensit, conscivit, ut bellum cum priscis Latinis fieret; ob eam rem ego populusque Romanus populis priscorum Latinorum hominibusque priscis Latinis, bellum indico facioque. Id ubi dixisset, hastam in fines eorum emittebat. Hoc tum modo ab Latinis repetitæ res, ac bellum indictum: moremque eum posterì acceperunt.*

XXXIII. Ancus, demandatà curâ sacrorum flaminibus sacerdotibusque aliis, exercitu novo conscripto, pro-

profectus, Politorium, urbem Latinorum, vi cepit; fecitque morem regum priorum, qui rem Romanam auferant hostibus in civitatem accipiendis, multitudinem omnem Romam traduxit. & quum circa Palatium, sedem veterum Romanorum, Sabini Capitolium atque arcem, Caelium montem Albani implerent; Aventinum novae multitudini datum. additi eodem haud ita multo post, Tellenis Ficanæque captis, novi cives. Politorium inde rursus bello repetitum, quod vacuum occupaverant priusci Latini. eaque causa diruendae urbis ejus fuit Romanis, ne hostium semper receptaculum esset. Postremo, omni bello Latino Medulliam compulso, aliquandiu ibi Marte incerto, varia victoria, pugnatum est: nam & urbs tuta munitionibus, praesidioque firmata valido erat, & castris in aperto positis, aliquoties exercitus Latinus cominus cum Romanis signa contulerat. Ad ultimum, omnibus copiis connixus Ancus, acie primum vincit: inde ingenti praeda potitus, Romam redit, tum quoque multis millibus Latinorum in civitatem acceptis; quibus, ut jungeretur Palatio Aventinum, ad Murciae datae fedes. Janiculum quoque adjectum; non inopia loci, sed ne quando ea arx hostium esset. id non muro solum, sed etiam, ob commoditatem itineris, ponte sublicio, tum primum in Tiberim facto, conjungi urbi placuit. Quiritium quoque fossa, haud parvum munimentum à planioribus aditu locis, Anci regis opus est. Ingenti incremento rebus auctis, quum in tanta multitudine hominum, discrimine recte an perperam facti confuso, facinora clandestina fierent, carcer ad terrorem lacrescentis audaciae media urbe, imminens foro, aedificatur. Nec urbs tantum hoc rege crevit, sed etiam ager finesque. Silva Maesia Vejentibus adempta, usque ad mare imperium prolatum, & in ore Tiberis Ostia urbs condita: salinae circa factae, egregieque rebus bello gestis, aedes Jovis Feretrii amplificata.

XXXIV. Antio regnante, Lueumo, vir impiger ac divi-

divitiis potens, Romam commigravit, cupidine maxime ac spe magni honoris, cujus adipiscendi Tarquiniis (nam ibi quoque peregrinâ stirpe oriundus erat) facultas non fuerat. Damarati Corinthii filius erat; qui, ob seditiones domo profugus, quum Tarquiniis forte consedisset, uxore ibi ductâ duos filios genuit. Nomina his Lucumo atque Aruns fuerunt. Lucumo superfuit patri, bonorum omnium hæres: Aruns prior, quam pater, moritur; uxore gravidâ relicta. Nec diu manet superstes filio pater: qui quum, ignorans nurum ventrem ferre, immetnor in testando nepotis decessisset, puero, post avi mortem, in nullam sortem bonorum nato, ab inopia Egerio inditum nomen. Lucumoni contra, omnium hæredi bonorum, quum divitiæ jam animos facerent, auxit ducta in matrimonium Tanaquil, summo loco nata, & quæ haud faciliè iis, in quibus nata erat, humilia sineret ea, quæ innupisset. Spemnentibus Etruscis Lucumonem, exsule advenâ ortum, ferre indignitatem non potuit; oblitaque ingenitæ erga patriam caritatis, dummodo virum honoratum videret, consilium migrandi ab Tarquiniis cepit. Roma est ad id potissimum visa. In novo populo, ubi omnis repentina atque ex virtute nobilitas sit, futurum locum fore ac strenuo viro: regnâsse Tatium Sabinum: accessit in regnum Numam à Curibus: & Ancum Sabinâ matre ortum, nobilemque unâ imagine Numæ esse. Faciliè persuadet, ut cupido honorum, & cui Tarquini mater nata tantum patria esset. Sublatis itaque rebus commigrant Romam. Ad Janiculum forte ventum erat. ibi ei, carpento sedenti cum uxore, aquila, suspensis demissa leniter alis, pileum aufert: superque carpentum cum magno clangore volitans, rursus, velut ministerio divinitus missa, capiti aptè reponit. inde sublimis abiit. Accepisse id augurium læta dicitur Tanaquil, perita, ut vulgò Etrusci, cœlestium prodigiorum mulier. Excella & alta sperare complexa virum jubet. eam alitem

tem eâ regione cœli & ejus Dei nunciam venisse. circa summum culmen hominis auspiciū fecisse. levâsse humano superpositum capiti decus, ut divinitus eidem redderet. Has spes cogitationesque secum portantes, urbem ingressi sunt, domicilioque ibi comparato, L. Tarquinius Priscum edidere nomen. Romanis conspicuum eum novitas divitiarumque faciebant: & ipse fortunam benigno alloquio, comitate invitandi, beneficiisque, quos poterat, sibi conciliando, adjuvabat; donec in regiam quoque de eo fama perlata est: notitiamque eam brevi, apud regem liberaliter dextrarumque obeundo officia, in familiaris amicitiarum adduxerat jura, ut publicis pariter ac privatis consiliis belli domique interesset: &, per omnia expertus, postremò tutor etiam liberis regis testamento institueretur.

XXXV. Regnavit Ancus annos quatuor & viginti, cuilibet superiorum regum belli pacisque & artibus & gloriâ par. Jam filii prope puberem ætatem erant. eò magis Tarquinius instare, ut quàm primùm comitia regi creando fierent. Quibus indictis, sub tempus pueros venatum ablegavit. isque primus & petisse ambiciose regnum, & orationem dicitur habuisse ad conciliandos plebis animos compositam: *Quum, se non rem novam petere: quippe qui non primus, quod quisquam indignari mirarive posset, sed tertius Roma peregrinus regnum affectet: & Tatium non ex peregrino solum, sed etiam ex hoste, regem factum: & Numam, ignarum urbis, non petentem, in regnum ultrò accitum. Se, ex quo sui potens fuerit, Romanæ cum conjuge ac fortunis omnibus commigrâsse: majorem partem ætatis ejus, quâ civilibus officiis fungantur homines, Romæ se, quàm in vetere patria, vixisse. domi militiarumque sub haud pœnitendo magistro, ipso Anco rege, Romanos se jura, Romanos ritus didicisse. Obsequio & observantiâ in regem cum omnibus, benignitate erga alios cum rege ipso certâsse. Hæc cum haud falsa memorantem, ingenti consensu populus Romanus regnare jussit. Ergo virum, cetera egregium, secuta,*

secuta, quam in petendo habuerat, etiam regnantem ambitio est. nec minùs regni sui firmandi, quàm augendæ reipublicæ, memor, centum in Patres legit; qui deinde minorum gentium sunt appellati. factio haud dubia regis, cujus beneficio in curiam venerant. Bellum primum cum Latinis gessit, & oppidum ibi Appiolas incepit: prædæque inde majore, quàm quanta belli fama fuerat, resectâ, ludos opulentiùs instructiùsque, quàm priores reges, fecit. Tum primum circo, qui nunc maximus dicitur, designatus locus est. loca divisa Patribus equitibusque, ubi spectacula sibi quisque facerent, Fori appellati. Spectare furcis duodenos ab terra spectacula alta sustinentibus pedes. Ludicrum fuit, equi pugilesque ex Etruria maximè acciti. solennes deinde annui mansere ludi, Romani Magnique variè appellati. Ab eodem rege & circa forum privatis ædificanda divisa sunt loca; porticus, tabernæque factæ.

XXXVI. Muro quoque lapideo circumdare urbem parabat, quum Sabinum bellum cœptis intervenit. Adeoque ea subita res fuit, ut priùs Anienem transirent hostes, quàm obviam ire ac prohibere exercitus Romanus posset. Itaque trepidatum Romæ est. & primò dubiâ victoriâ, magnâ utrinque cæde, pugnatum est. Reductis deinde in castra hostium copiis, datoque spatio Romanis, ad comparandum de integro bellum, Tarquinius, equitem maximè suis deesse viribus ratus, ad Ramnes, Tatienfes, Luceres, quas centurias Romulus scripserat, addere alias constituit, suoque insignes relinquere nomine. Id quia inauguratò Romulus fecerat, negare Attus Navius, inclytus eâ tempestate augur, neque mutari, neque novum constitui, nisi aves addixissent, posse. Ex eo ira regi mota, eludensque artem, ut ferunt, *Agedum*, inquit, *divine tu, inaugura, fierine possit, quod nunc ego mente concipio.* Quum ille, in augurio rem expertus, profectò futuram dixisset: *Atqui hoc animo agitavi*, inquit, *te novacula cotem discissurum. cape hac, &*  
perage

*perage quod aves tua fieri posse portendunt.* tum illum haud cunctanter discidisse cotem ferunt. Statua Atti capite velato, quo in loco res acta est, in comitio, in gradibus ipsis ad laevam curiae fuit: cotem quoque eodem loco sitam fuisse memorant, ut esset ad posteros miraculi ejus monumentum. Auguriis certè sacerdotioque augurum tantus honos accessit, ut nihil bellì domique postea, nisi auspiciatò gereretur: concilia populi, exercitus vocati, summa rerum, ubi aves non admisissent, dirimerentur. Neque tum Tarquinius de equitum centuriis quicquam mutavit: numero alterum tantum adjecit, ut mille & octingenti equites in tribus centuriis essent. Posteriores modò sub iisdem nominibus, qui additi erant, appellati sunt: quas nunc, quia geminatae sunt, sex vocant centurias.

XXXVII. Hac parte copiarum auctà, iterum cum Sabinis configitur. Sed praterquam quòd viribus creverat Romanus exercitus, ex occulto etiam additur dolutus, missis, qui magnam vim lignorum, in Anienis ripa jacentem, ardentem in flumen conjicerent: vestitoque juvante accensa ligna, & pleraque, in ratibus impacta, sublevis quum haerent, pontem incendunt. Ea quoque res in pugna terrorem attulit Sabinis. effusis eadem fugam impedit: multique mortales, quum hostem effugissent, in flumine ipso periere: quorum fluitantia arma ad urbem cognita in Tiberi, prius penè quàm nunciari posset, insignem victoriam fecere. Eo praelio praecepta equitum gloria fuit. utrinque ab cornibus positos, quum jam pelleretur media pedum suorum acies, ita incurrisse ab lateribus ferunt, ut non sisterent modò Sabinas legiones, ferociter instantes cedentibus, sed subito in fugam averterent. Montes effuso cursu Sabini petebant, & pauci tenuere; maxima pars, ut antè dictum est, ab equitibus in flumen acti sunt. Tarquinius, instandum perterritis ratus, praeda captivisque Romanis missis, spoliis hostium (votum id Vulcano erat) ingenti cumulo

tumulo accensus, pergit porro in agrum Sabinum exercitum inducere: & quanquam malè gesta res erat, nec gesturos meliùs sperare poterant, tamen, quia consulendi res non dabat spatium, iere obviam Sabini tumultuario milite. iterumque ibi fusi, perditis jam prope rebus, pacem petiere.

XXXVIII. Collatia, & quicquid circa Collatiam agri erat, Sabinis ademptum. Egerius (fratris hic filius erat regis) Collatiz in præsidio relictus. deditosque Collatinos ita accipio, eamque deditionis formulam esse. Rex interrogavit: *Estisne vos legati oratoresque, missi à populo Collatino, ut vos populumque Collatinum dederetis? Sumus. Estne populus Collatinus in sua potestate? Est. Deditisne vos, populumque Collatinum, urbem, agros, aquam, terminos, delubra, utensilia, divina humanaque omnia, in meam populiue Romani ditionem? Dedimus. At ego recipio.* Bello Sabino perfecto, Tarquinius triumphans Romam rediit. inde prisca Latinis bellum fecit. ubi nusquam ad universæ rei dimicationem ventum est, ad singula oppida circumferendo arma, omne nomen Latinum domuit. Corniculum, Ficulea vetus, Cameria, Crustummerium, Ameriola, Medullia, Nomentum, hæc de prisca Latinis, aut qui ad Latinos defecerant, capta oppida. Pax deinde est facta. Majore inde animo pacis opera inchoata, quàm quantà mole gesserat bella: ut non quietior populus domi esset, quàm militiæ fuisset. Nam & muro lapideo, ejus exordium operis Sabino bello turbatum erat, urbem, quàm nondum munierat, cingere parat: & infima urbis loca circa forum aliasque interjectas collibus convalles, quia ex planis locis haud facile evehebant aquas, cloacis è fastigio in Tiberim ductis siccant: & aream ad ædem in Capitolio Jovis, quam voverat bello Sabino, jam præfagiente animo futuram olim amplitudinem loci, occupat fundamentis.

XXXIX. Eo tempore in regia prodigium visu eventuque mirabile fuit. Puero dormienti, cui Servius Tullio



Tullio nomen fuit, caput arsisse ferunt multorum in conspectu. Plurimo igitur clamore inde ad tantæ rei miraculum orto excitos reges. & quum quidam familiarium aquam ad restinguendum ferret, ab regina retentum: sedatoque eam tumultu, moveri vetuisse puerum; donec suâ sponte experrectus esset. Mox cum somno & flammam abiisse. Tum abducto in secretum viro Tanaquil, *Viden' tu puerum hunc, inquit, quem tam humili cultu educamus? Scire licet, hunc lumen quondam rebus nostris dubiis futurum, presidiumque regiæ afflictae. proinde materiem ingentis publicè privatimque decoris omni indulgentiâ nostrâ nutriamus.* Inde puerum liberum loco ceptum haberi, erudiri que artibus, quibus ingenia ad magnæ fortunæ cultum excitantur. Evenit facili, quod Diis cordi esset. Juvenis evasit verè indolis regiæ. nec, quum quæreretur gener Tarquinio, quisquam Romanæ juventutis ullâ arte conferri potuit: filiamque ei suam Rex despondit. Hic, quacunque de causa, tantus illi honos habitus credere prohibet. servâ natum cum, parvumque ipsum servisse. Eorum magis sententiæ sum, qui, Corniculo capto, Servii Tullii, qui princeps in illa urbe fuerat, gravidam viro occiso uxorem, quum inter reliquas captivas cognita esset, ob unicam nobilitatem ab regina Romana prohibitam ferunt servitio partum Romæ edidisse, Prisci Tarquinii domo. Inde tantò beneficio & inter mulieres familiaritatem auctam, & puerum, ut in domo à parvo eductum, in caritate atque honore fuisse: fortunam matris, quod captâ patriâ in hostium manus venerit, ut servâ natus crederetur, fecisse.

XL. Duodequadragesimo ferme anno, ex quo regnare coeperat Tarquinius, non apud regem modò, sed apud Patres plebemque longè maximo honore Servius Tullius erat. Tum Anci filii duo, etsi antea semper pro indignissimo habuerant, se patrio regno tytoris fraude pulsos, regnare Romæ advenam, non modò civi-

cæ,

cæ, sed ne Italicæ quidem stirpis; tum impensius his indignitas crescere, si ne ab Tarquinio quidem ad se rediret regnum, sed præceps inde porro ad servitia caderet: ut in eadem civitate post centesimum ferè annum, quàm Romulus, Deo prognatus, Deus ipse, tenuerit regnum, donec in terris fuerit, id servus servà natus possideat. tum commune Romani nominis, tum præcipuè id domus suæ dedecus fore, si, Anci regis virili stirpe salvà, non modò advenis, sed servis etiam, regnum Romæ pateret. Ferro igitur eam arcere contumeliam statuunt. Sed & injuriæ dolor in Tarquinium ipsum magis, quàm in Servium, eos stimulabat: & quia gravior ultor cædis, si superesset, Rex futurus erat, quàm privatus: tum, Servio occiso, quemcunque alium generum delegisset, eundem regni hæredem facturus videbatur. Ob hæc ipsi regi insidiæ parantur. Ex pastorebus duo ferocissimi delecti ad facinus, quibus consueti erant uterque agrestibus ferramentis, in vestibulo regiæ, quàm potuere tumultuosissimè, specie rixæ in se omnes apparitores regioz convertunt: inde, quum ambo Regem appellarent, clamorque eorum penitus in regiam pervenisset, vocati ad regem pergunt. Primò uterque vociferari, & certatim alter alteri obstrepere, coerciti ab lictore, & jussi in vicem dicere, tandem obloqui desistunt. Unus rem ex composito orditur. Cum intentus in eum se Rex totus averteret, alter elatam securim in caput dejecit: relictoque in vulnere telo, ambo se foras ejiciunt.

XLI. Tarquinium moribundum quum, qui circà erant, exceperant, illos fugientes lictores comprehendunt. clamor inde concursusque populi, mirantium quid rei esset. Tanaquil inter tumultum claudi regiam jubet, arbitros ejicit: simul, quæ curando vulneri opus sunt, tanquam spes subesset, sedulò comparat: simul, si destituat spes, alia præsidia molitur. Servio properè accito, quum penè exsanguem virum ostendisset; dextram

tram tenens orat, ne inultam mortem soceri, ne socrum inimicis ludibrio esse sinat. *Tuum est,* inquit, *Servi, si vir es, regnum; non eorum, qui alienis manibus pessimum facinus fecere. Erige te, Deosque duces sequere, qui clarum hoc fore caput divino quondam circumfuso igni portenderunt. Nunc te illa cælestis excitet flamma. nunc expergiscere verè. Et nos peregrini regnavimus. Qui sis, non unde natus sis, reputa. Si tua re subitâ consilia torpent, at tu mea sequere. Quum clamor impetusque multitudinis vix sustineri posset, ex superiore parte ædium per fenestras, in novam viam verfas, (habitabat enim rex ad Jovis Statoris) populum Tanquilus alloquitur: Jubet bono animo esse, sopitum fuisse regem subito ictu. ferrum haud altè in corpus descendisse. jam ad se redisse. Inspectum vulnus absterso cruore. omnia salubria esse. confidere, propediem ipsum eos visuros. Interim Servio Tullio jubere populum dicto audientem esse. Eum jura redditurum, obitumque alia regis munia esse. Servius cum trabea & licioribus prodit; ac, sede regiâ sedens, alia decernit, de aliis consulturum se regem esse simulat. itaque, per aliquot dies, quum jam expirâset Tarquinius, celatâ morte, per speciem alienæ fungendæ vicis suas opes firmavit. tum demum palam factò, & comploratione in regia ortâ, Servius, præsidio firmo munitus, primus injussu populi, voluntate Patrum regnavit. Anci liberi, jam tunc comprehensis sceleris ministris, ut vivere regem, & tantas esse opes Servii nunciatum est, Sueciam Pomotiam exsulatum ierant.*

XLII. Nec jam publicis magis consiliis Servius, quàm privatis, munire opes. & ne, qualis Anci liberum animus adversus Tarquinium fuerat, talis adversus se Tarquinii liberum esset, duas filias juvenibus regiis, Lucio atque Arunti Tarquiniis, jungit. Nec rupit tamen fati necessitatem humanis consiliis, quin invidia regni etiam inter domesticos infida omnia atque infesta faceret. Peropportunè ad præsentis quietem statûs bellum cum Vejentibus (jam enim induciæ exierant) aliisque Etruscis  
sump-

sumptum. In eo bello & virtus & fortuna enituit Tullii. fusoque ingenti hostium exercitu, haud dubius rex, seu Patrum, seu plebis animos periclitaretur, Romam rediit. Aggrediturque inde ad pacis longè maximum opus. Ut, quemadmodum Numa divini auctor juris fuisset, ita Servium conditorem omnis in civitate discriminis ordinumque, quibus inter gradus dignitatis fortunæque aliquid interlucet, posteris famâ ferrent. Censum enim instituit, rem saluberrimam tanto futuro imperio; ex quo belli pacisque munia non viritum, ut antè, sed pro habitu pecuniarum fierent. Tum classes centuriasque, & hunc ordinem ex censu descripsit, vel paci decorum, vel bello.

XLIII. Ex iis, qui centum millium æris, aut majorem, censum haberent, octoginta confecit centurias, quadragenas seniorum ac juniorum. Prima classis omnes appellati. Seniores, ad urbis custodiam ut præsto essent: juvenes, ut foris bella gererent. arma his imperata, galea, clypeum, ocreæ, lorica; omnia ex ære. hæc ut tegumenta corporis essent. tela in hostem, hastaque & gladius. Additæ huic classi duæ fabrum centuriæ, quæ sine armis stipendia facerent. datum munus, ut machinas in bello ferrent. Secunda classis intra centum usque ad quinque & septuaginta millium censum instituta; & ex his, senioribus junioribusque, viginti conscriptæ centuriæ: arma imperata, scutum pro clypeo, & præter lorica omnia eadem. Tertiæ classis in quinquaginta millium censum esse voluit. totidem centuriæ & hæ, eodemque discrimine ætatum, factæ: nec de armis quicquam mutatum; ocreæ tantum ademptæ. In quarta classe census quinque & viginti millium, totidem centuriæ factæ. arma mutata, nihil præter hastam & verutum datum. Quinta classis aucta, centuriæ triginta factæ: fundas lapidesque missiles hi secum gerebant. in his accensi, cornicines, tibicinesque, in tres centurias distributi. Undecim millibus hæc classis censebatur. Hoc

minor census reliquam multitudinem habuit. inde una centuria facta est, immunis militiâ. Ita pedestri exercitu ornato distributoque, equitum ex primoribus civitatis duodecim scripsit centurias. Sex item alias centurias tribus ab Romulo institutis sub iisdem, quibus inauguratæ erant, nominibus fecit. Ad equos emendos dena millia æris ex publico data; & quibus equos alerent, viduæ attributæ, quæ bina millia æris in annos singulos penderent. Hæc omnia in dites à pauperibus inclinata onera. Deinde est honos additus. non enim (ut ab Romulo traditum ceteri servaverant Reges) viritum suffragium eadem vi eodemque jure promiscuè omnibus datum est: sed gradus facti, ut neque exclusus quisquam suffragio videretur, & vis omnis penes primores civitatis esset. Equites enim vocabantur primi; octoginta inde primæ classis centuriæ: ibi si variaret, quod rarò incidebat, ut secundæ classis vocarentur: nec fere unquam infra ita descenderent, ut ad infimos pervenirent. Nec mirari oportet, hunc ordinem, qui nunc est, post expletas quinque & triginta tribus, duplicato earum numero, centuriis juniorum seniorumque, ad institutam ab Ser. Tulio summam non convenire. quadrifariam enim urbe divisâ regionibus collibusque, quæ habitabantur partes, Tribus eas appellavit; ut ego arbitror, ab tributo: nam ejus quoque æqualiter ex censu conferendi ab eodem inita ratio est. Neque hæc tribus ad centuriarum distributionem numerumque quicquam pertinere.

XLIV. Censu perfectio, quem maturaverat metu legis de incensis latæ cum vinculorum minis mortisque, edixit, ut omnes cives Romani, equites peditesque, in suis quisque centuriis, in campo Martio primâ luce adessent. Ibi instructum exercitum omnem suovetaurilibus lustravit. idque conditum lustrum appellatum, quia is censendo finis factus est. Millia octoginta eo lustro civium censa dicuntur. Adjicit scriptorum antiquissimus Fabius Pictor, eorum, qui ferre arma possent, eum nume-  
rum

rum fuisse. Ad eam multitudinem urbs quoque amplificanda visa est. Addit duos colles, Quirinalem Viminalemque. inde deinceps auget Esquilias: ibique ipse, ut loco dignitas fieret, habitat. Aggere & fossis & muro circumdat urbem. ita pomerium profert. Pomerium, verbi vim solam intuentes, postmerium interpretantur esse. Est autem magis circa murum locus, quem in condendis urbibus quondam Etrusci, quâ murum ducturi erant, certis circa terminis inauguratò consecrabant: ut neque interiore parte ædificia mœnibus continuarentur, quæ nunc vulgò etiam conjungunt; & extrinsecus puri aliquid ab humano cultu pateret soli. Hoc spatium, quod neque habitari, neque arari fas erat, non magis quòd post murum esset, quàm quòd murus post id, pomerium Romani appellârunt. & in urbis incremento semper, quantum mœnia processura erant, tantum termini hi consecrati proferebantur.

XLV. Austâ civitate magnitudinē urbis, formatis omnibus domi & ad bellū & ad pacis usus, ne semper armis opes acquirerentur, consilio augere imperium conatus est, simul & aliquid addere urbi decus. Jam tum erat inclytum Dianæ Ephesiæ sanum: id communiter à civitatibus Asiæ factum fama ferebat. Quum consensum Deosque consociatos laudaret mirè Servius inter proceres Latinorum, cum quibus publicè privatinque hospitalia amicitiasque de industria junxerat; sæpe iterando eadem perpulit tandem, ut Romæ sanum Dianæ populi Latini cum populo Romano facerent. Ea erat confessio, caput rerum Romam esse, de quo toties armis certatum fuerat. Id quanquam omisissum jam ex omnium cura Latinorum, ob rem toties infelicitè tentatum armis, videbatur; uni se ex Sabinis fors dare visa est privato consilio imperii recuperandi. Bos in Sabinis nata cuidam patrifamiliæ dicitur, mirandâ magnitudine ac specie. Fixa per multas ætates cornua in vestibulo templi Dianæ monumentum ei fuere miraculo. Habita,

ut erat, res prodigii loco est: & cecinere vates, cujus civitatis cum civis Dianæ immolasset, ibi fore imperium; idque carmen pervenerat ad antistitem fani Dianæ. Sabinus, ut prima apta dies sacrificio visa est, bovem Romam actam deducit ad fanum Dianæ, & ante aram statuit. Ibi antistes Romanus, quum eum magnitudō victimæ celebrata famā movisset, memor responsi Sabinum ita alloquitur: *Quidnam tu, hospes, paras?* inquit, *incestū sacrificium Dianæ facere?* *Quin tu antè vivo perfunderis flumine?* infamā valle præstuit Tiberis. Religione tactus hospes, qui omnia, ut prodigio responderet eventus, euperet ritè facta, ex templo descendit ad Tiberim. In ærea Romanus immolat Dianæ bovem. id mirè gratum regi atque civitati fuit.

XLVI. Servius, quamquam jam usu haud dubium regnum possederat, tamen, quia interdum jactari voces à juvene Tarquinio audiebat, se injussu populi regnare, conciliatā prius voluntate plebis, agro capto ex hostibus viritim diviso, ausus est ferre ad populum, *vellent, juberentne, se regnare?* tantoque consensu, quanto haud quisquam alius antè, rex est declaratus. Neque ea res Tarquinio spem affectandi regni minuit: immò eò impensius, quia de agro plebis adversā Patrum voluntate senserat agi; criminandi Servii apud Patres, crescendique in curia sibi occasionem datam ratus est, & ipse juvenis ardentis animi, & domi uxore Tullia inquietum animum stimulante. Tulit enim & Romana regia sceleris trageci exemplum, ut tædio regum maturior veniret libertas; ultimumque regnum esset, quod scelere partum foret. Hic L. Tarquinius (Prisci Tarquinii regis filius neposne fuerit, parum liquet; pluribus tamen auctoribus filium ediderim) fratrem habuerat Aruntem Tarquinium, mitis ingenii juvenem. His duobus, ut antè dictum est, duæ Tullia, regis filia, nupserant, & ipsæ longè dispares moribus. Forte ita inciderat, ne duo violenta ingenia matrimonio jungerentur, fortunā, credo, populi Romani, quod

quò diuturnius Servii regnum esset, constituique civitatis mores possent. Angebatur ferox Tullia, nihil materiæ in viro neque ad cupiditatem, neque ad audaciam esse; tota in alterum versa Tarquinium, cum mirari, cum virum dicere, ac regio sanguine ortum: spernere fororem, quòd virum nacta muliebri cessaret audaciâ. Contrahit celeriter similitudo eos, ut serè sit malum malo aptissimum. sed initium turbandi omnia à femina ortum est. Ea, secretis viri alieni assuescèntia sermonibus, nullis verborum contumeliis parcere, de viro ad fratrem, de sorore ad virum; & se rectiùs viduam, & illum cœlibem futurum fuisse contendere, quàm cum impari jungi, ut elanguescendum alienâ ignaviâ esset. Si sibi cum, quo digna esset, Dii dedissent virum, domi se propediem visuram regnum fuisse, quod apud patrem videat. celeriter adolescentem suæ temeritatis implet. Aruns Tarquinius & Tullia minor, prope continuatis funcribus quum domos vacuas novo matrimonio fecissent, junguntur nuptiis, magis non prohibente Servio, quàm approbante.

XLVII. Tum verò in dies infestior Tullia senectus, infestius cœpit regnum esse. jam enim ab scelere ad aliud spectare mulier scelus: nec nocte, nec interdium virum conquiescere pati, ne gratuita præterita parricidia essent. *Non sibi defuisse, cui nupta diceretur, nec cum quo tacita serviret: defuisse, qui se regno dignum putaret: qui meminisset se esse Prisci Tarquini filium; qui habere, quàm sperare, regnum mallet. Si tu is es, ovi nuptam esse me arbitror, & virum & regem appello: sin minùs, eò nunc pejùs mutata est res, quòd isthic cum ignavia est scelus. Quin accingeris? Non tibi ab Corintho, nec ab Tarquiniis, ut patri tuo, peregrina regna moliri necesse est. Dii te penates patrique, & patris imago, & domus regia, & in domo regale solium, & nomen Tarquinium creat vocatque regem. Aut si ad hac parum est animi, quid frustraris civitatem? quid te ut regium juvenem conspici sis? Faceffe hinc Tarquinius, aut Corinthum. Devolvere ro-*



*trè ad stirpem, fratri similior, quàm patri.* His aliisque increpando juvenem instigat, nec conquiescere ipsa potest: si, quum Tanaquil, peregrina mulier, tantum moliri potuisset animo, ut duo continua regna viro, ac deinceps genero, dedisset; ipsa, regio semine orta, nulum momentum in dando adimendoque regno faceret. His muliebribus instinctus furiis Tarquinius circumire & prensare, minorum maximè gentium, Patres; admonere paterni beneficii, ac pro eo gratiam repetere; alligere donis juvenes: tum de se ingentia pollicendo, tum regis criminibus omnibus locis crescere. postremò, ut jam agendæ rei tempus visum est, stipatus agmine armorum, in forum irrupit: inde, omnibus perculsis pavore, in regia sede pro curia sedens, Patres in curiam per præconem ad regem Tarquinium citari jussit. Convenere extemplo, alii jam antè ad hoc præparati, alii metu, ne non venisse fraudi esset, novitate ac miraculo attoniti, & jam de Servio actum rati. Ibi Tarquinius, maledicta ab stirpe ultima orsus; *Servum, servaque natum, post mortem indignam parentis sui, non interregno, ut antea, inito, non comitiis habitis, non per suffragium populi, non auctoribus Patribus, muliebri dono regnum occupasse. Ita natum, ita creatum regem, factorem infimi generis hominum, ex quo ipse sit, odio aliena honestatis ereptum primoribus agrum sordidissimo cuique divisisse: omnia onera, que communia quondam fuerint, inclinasse in primores civitatis: instituisse censum, ut insignis ad invidiam locupletiorum fortuna esset, & parata, unde, ubi vellet, egentissimis largiretur.*

XLVIII. Huic orationi Servius quum intervenisset, trepido nuncio excitatus, extemplo à vestibulo curiæ magnà voce, *Quid hoc, inquit, Tarquini, rei est? quâ tu audaciâ, me vivo, vocare ausus es Patres? aut in sedè confidere mea?* Quum ille ferociter ad hæc, *Se patris sui tenere sedem, multo, quàm servum, potiorum filium regis regni heredem: satis illum diu per licentiam eludentem insultasse dominis; clatror ab utriusque fautoribus oritur, & concursus popu-*

li fiebat in curiam: apparebatque regnaturum, qui viciisset. Tum Tarquinius, necessitate jam ipsâ cogente ultima audere, multo & ætate & viribus validior, medium arripit Servium; elatumque è curia in inferiorem partem per gradus dejicit. Inde ad cogendum Senatum in curiam redit. Fit fuga regis apparitorum, atque comitum. Ipse prope exsanguis, quum semianimi regio comitatu domum se reciperet, pervenissetque ad summum Cyprium vicum, ab iis, qui missi ab Tarquinio fugientem consecuti erant, interficitur. Creditur, quia non abhorret à cetero scelere, admonitu Tullie id factum. carpento certè (id quod satis constat) in forum inuenta, nec reverita cœtum virorum, evocavit virum è curia; regemque prima appellavit. à quo facessere iussa ex tanto tumultu, quum se domum reciperet, pervenissetque ad summum Cyprium vicum, ubi Dianium nuper fuit; flectenti carpentum dextrâ in Virbium cli-vum, ut in collem Esquiliarium eveheretur, restitit pavidus, atque inhibuit frenos is, qui jumenta agebat, ja-centemque dominæ Servium trucidatum ostendit. Fœdum inhumanumque inde traditur scelus, monumento-que locus est: Sceleratum vicum vocant, quo amens, agitantibus furiis sororis ac viri, Tullia per patris corpus carpentum egisse fertur, partemque sanguinis ac cadis paternæ cruento vehiculo, contaminata ipsa resper-saque, tulisse ad penates suos virique sui: quibus iratis, malo regni principio similes propediem exitus sequerentur. Ser. Tullius regnavit annos quatuor & quadraginta, ita ut bono etiam moderatoque succedenti regi difficilis æmulatio esset. Ceterum id quoque ad gloriam accessit, quod cum illo simul iusta ac legitima regna occiderunt. Id ipsum tam mite ac tam moderatum imperium tamen, quia unius esset, deponere eum in animo habuisse, quidam auctores sunt; ni scelus intestinum liberandæ patriæ consilia agitantibus intervenisset.

XLIX. Inde L. Tarquinius regnare incepit, cui Su-

perbo cognomen facta indiderunt, quia socerum gener sepulturâ prohibuit : *Romulum quoque insepultum perisse* distitans : primores Patrum, quos Servii rebus fuisse credebatur, interfecit : conscius deinde, malè quærendi regni ab se ipso adversus se exemplum capi posse, armatis corpus circumsepsit. neque enim ad jus regni quicquam præter vim habebat; ut qui neque populi jussu, neque auctoribus Patribus regnaret. Eò accedebat, ut in caritate civium nihil spei reponenti metu regnum tutandum esset : quem ut pluribus incuteret, cognitiones capitalium rerum sine consiliis per se solus exercebat : perque eam causam occidere, in exilium agere, bonis multare poterat non suspectos modò aut invisos, sed unde nihil aliud, quàm prædam, sperare posset. Ita Patrum præcipuè numero imminuto, statuit nullos in Patres legere; quò contemptior paucitate ipsâ ordo esset; minusque per se nihil agi indignarentur. Hic enim regum primus traditum à prioribus morem de omnibus senatum consulendi solvit : domesticis consiliis rempublicam administravit : bellum, pacem, fœdera, societates per se ipse, cum quibus voluit, injussu populi ac senatus, fecit, diremitque. Latinorum sibi maximè gentem conciliabat, ut peregrinis quoque opibus tutior inter cives esset. neque hospitia modò cum primoribus eorum, sed affinitates quoque, jungebat. Octavio Mamilio Tusculano, (is longè princeps Latini nominis erat, si famæ credimus, ab Ulixæ Deaque Circe oriundus :) ei Mamilio filiam nuptum dat; perque eas nuptias multos sibi cognatos amicosque ejus conciliat.

L. Jam magna Tarquinii auctoritas inter Latinorum proceres erat; quum, in diem certam ut ad lucum Ferentinæ conveniant, indicit : esse, quæ agere de rebus communibus velit. Conveniunt frequentes primâ luce. ipse Tarquinius diem quidem servavit; sed paulo antè, quàm sol occideret, venit. Multa ibi totâ die in concilio variis jactata sermonibus erant. Tarnus  
Her-

Herdonius ab Aricia ferociter in absentem Tarquinium erat invecus; *Haud mirum esse, Superbo inditum Roma cognomen.* (jam enim ita clam quidem mussitantes, vulgò tamen, cum appellabant.) *an quicquam superbius esse, quàm ludificari sic omne nomen Latinum? Principibus longè ab domo excitis, ipsum, qui concilium indixerit, non adesse. tentari profectò patientiam, ut, si jugum acceperint, obnoxios premat. Cui enim non apparere, affectare eum imperium in Latinos? Quod si sui bene crediderint cives, aut si creditum illud, & non raptum parricidio, sit, credere & Latinos (quàmquam ne sic quidem alienigenæ) debere. Sin suos ejus pœniteat, (quippe qui alii super alios trucidentur, exsulatum eant, bona amittant,) quid spei melioris Latinis portendi? Si se audiant, domum suam quemque inde abituros: neque magis observaturos diem concilii, quàm ipse, qui indixerit, observet.* Hæc atque alia eodem pertinentia seditiosus facinorosusque homo, hisque artibus opes domi nactus, quum maximè differeret, intervenit Tarquinius. Is finis orationi fuit. Aversi omnes ad Tarquinium salutandum. qui, silentio facto, monitus à proximis, ut purgaret se, quòd id temporis venisset, *Disceptatorem, ait, se sumptum inter patrem & filium: curâ reconciliandi eos in gratiam moratum esse: &, quia ea res exemisset illum diem, postero die acturum, quæ constituisset. Ne id quidem ab Turno tulisse tacitum ferunt. dixisse enim, Nullam breviorē esse cognitionem, quàm inter patrem & filium, paucisque transigi verbis posse: nī pareat patri, habiturum infortunium esse:*

LI. Hæc Aricinus in regem Romanum increpans ex concilio abiit. Quam rem Tarquinius aliquanto, quàm videbatur, ægrius ferens, confestim Turno necem machinatur; ut eundem terrorem, quo civium animos domi oppresserat, Latinis injiceret. & quia pro imperio palam interfici non poterat; oblato falso crimine infontem oppressit. per adversæ factionis quosdam Aricinos servum Turni auro corrupit, ut in deversorium ejus

vim magnam gladiatorum inferri clam sineret. ea quum unâ nocte perfecta essent, Tarquinius, paulò ante lucem accitis ad se principibus Latinorum, quasi re novâ perturbatus, *moram suam hesternam, velut Deorum quâdam providentiâ illatam*, ait, *saluti sibi atque illis fuisse.* *Ad Turno dici sibi & primoribus populorum parari necem, ut Latinorum solus imperium teneat. Aggressorum fuisse hesterno die in concilio. dilatatam rem esse, quòd auctor concilii absuerit, quem maxime peteret.* Inde illam absentis insectationem esse natam, quòd morando spem destituerit. Non dubitare, si vera deferantur, quin primâ luce, ubi ventum in concilium sit, instructus cum conjuratorum manu armatusque venturus sit. Dicit, gladiatorum ingentem numerum esse ad eum convectum. id vanum necne sit, extemplo sciri posse. Rogare eos, ut inde secum ad Turnum veniant. Suspectam fecit rem, & ingenium Turni ferox, & oratio hesterna, & mora Tarquinii; quòd videbatur ob eam differri cædes potuisse. Eunt inclinatis quidem ad credendum animis, tamen, nisi gladius deprehensis, cetera vana existimaturi. Ubi est eò ventum, Turnum ex somno excitatum circumstant custodes: comprehensusque servis, qui caritate domini vim parabant, quum gladii abditi ex omnibus locis deverticuli protraherentur; enimvero manifesta res visa, injectæque Turno catenæ: & confestim Latinorum concilium magno cum tumultu advocatur. Ibi tam atrox invidia orta est, gladiis in medio positis, ut, indistinctâ causâ, novo genere lethi, dejectus ad caput aquæ Ferentinæ, crate supernè injectâ faxisque congestis, mingeretur.

LII. Revocatis deinde ad concilium Latinis, Tarquinius, collaudatisque, qui Turnum novantem res præ manifesto parricidio meritâ poenâ affecissent, ita verba fecit: *Posse quidem se vetusto jure agere, quòd, quum omnes Latini ab Alba oriundi sint, in eo fœdere teneantur, quo ab Tullo res omnis Albana cum colonis suis in Romanum cesserit imperium.* *Ceterum se utilitatis id magis omnium causâ censere, ut*  
renovetur

renovetur id fœdus : secundâque potiùs fortunâ populi Romani ut participes Latini fruantur, quàm urbium excidia vastationesque agrorum, quas Anco priùs, patre deinde suo regnante, perpeffi sint, semper aut expectent, aut patientur. Haud difficulter persuasum Latinis, quanquam in eo fœdere superior Romana res erat. ceterùm & capita nominis Latini stare ac sentire cum rege videbant, & Turnus sui cuique periculi, si adversatus esset, recens erat documentum. Ita renovatum fœdus, indictumque junioribus Latinorum, ut ex fœdere die certâ ad lucum Fœrentinæ armati frequentes adessent. Qui ubi ad editum Romani regis ex omnibus populis convenere ; ne ducem suum, neve secretum imperium, propriave signa haberent, miscuit manipulos ex Latinis Romanisque, ut ex binis singulos faceret, binosque ex singulis, ita geminatis manipulis centuriones imposuit.

LIII. Nec, ut injustus in pace Rex, ita dux belli pravius fuit. quin eâ arte æquâisset superiores reges, nâ degeneratum in aliis huic quoque decori officisset. Is primus Volscis bellum in ducentos ampliùs post suam ætatem annos movit, Sueffamque Pometiam ex his vi cepit. ubi quum dividendâ prædâ quadraginta talenta argenti aurique refecisset ; concepit animo eam amplitudinem Jovis templi, quæ digna Deum hominumque rege, quæ Romano imperio, quæ ipsius etiam loci majestate esset. Captivam pecuniam in ædificationem ejus templi seposuit. Excepit deinde cum lentius spe bellum, quo Gabios, propinquam urbem, nequicquam vi adortus, quum obsidendi quoque urbem spes pulso à mœnibus adempta esset, postremò minimè arte Romanâ, fraude ac dolo, aggressus est ; nam quum, velut posito bello, fundamentis templi jaciendis aliisque urbanis operibus intentum se esse simularet, Sextus filius ejus, qui minimus ex tribus erat, transfugit ex composito Gabios, patris in se sævitiam intolerabilem conquerens ; *Jam ab alienis in suos vertisse superbiam : & libe-*

rorum quoque eum frequentia tedere ; ut, quam in curia solitudo-  
dinem fecerit, domi quoque faciat : ne quam stirpem, ne quem  
haeredem regni relinquat. Se quidem, inter tela & gladios pa-  
tris elapsam, nihil usquam sibi tutum, nisi apud hostes L. Tar-  
quini, credidisse. Nam, ne errarent, manere bis bellum, quod  
positum simuletur ; & per occasionem eum incautos invasurum.  
Quod si apud eos supplicibus locus non sit, pererraturum se omne  
Latium : Volcosque se inde, & Æquos, & Hernicos petitu-  
rum ; donec ad eos perveniat, qui à patrum crudelibus atque im-  
piis suppliciis tegere liberos sciant. Forsitan etiam ardoris al-  
iquid ad bellum armaque se adversus superbissimum regem ac se-  
rocissimum populum inventurum. Quum, si nihil moraren-  
tur, insensus iræ porro inde abiturus videretur, benignè  
ab Gabinis excipitur. vetant mirari, si, qualis in cives,  
qualis in socios, talis ad ultimum in liberos esset. In se  
ipsum postremo sæviturum, si alia desint. Sibi verò  
gratum adventum ejus esse : futurumque credere brevi,  
ut, illo adjuvante, ab portis Gabinis sub Romana mœ-  
nia bellum transferatur.

LIV. Inde in concilia publica adhiberi. ubi, quum  
de aliis rebus assentire se veteribus Gabinis diceret, qui-  
bus hæ notiores essent, ipse identidem belli auctor esse,  
in eo sibi præcipuam prudentiam assumere, quod utri-  
usque populi vires nōset, sciretque, invisam profecto  
superbiam regiam civibus esse, quam ferre ne liberi qui-  
dem potuissent. Ita quum sensim ad rebellandum pri-  
mores Gabinorum incitaret, ipse cum promptissimis ju-  
venum prædatum atque in expeditiones iret, & dictis  
factisque omnibus ad fallendum instructis vana accre-  
skeret fides, dux ad ultimum belli legitur. Ibi quum,  
in scia multitudine quid ageretur, proelia parva inter  
Romam Gabiosque fierent, quibus plerumque Gabina  
res superior esset ; tum certatim summi infimique Ga-  
binorum Sex. Tarquinius dono Deum sibi missum  
ducem credere. apud milites verò obeundo pericula ac  
labores, pariter prædam munificè largiendo, tantâ cari-  
tate

tate esse, ut non pater Tarquinius potentior Romæ, quàm filius Gabiis esset. Itaque, postquam satis viri-um collectum ad omnes conatus videbat, tum è suis u-num sciscitatum Romam ad patrem mittit, quidnam se facere vellet? quandoquidem, ut omnia unus Gabiis posset, ei Dii dedissent. Huic nuncio, quia, credo, dubiæ fidei videbatur, nihil voce responsum est. rex, velut deliberabundus, in hortum ædium transit, se- quente nuncio filii: ibi, inambulans tacitus, summa papaverum capita dicitur baculo decussisse. Interro- gando expectandoque responsum nuncius sessus, ut re imperfecta, redit Gabios; quæ dixerit ipse, quæque vî- derit, refert: seu irâ, seu odio, seu superbiâ insitâ in- genio, nullam cum vocem emisisse. Sexto ubi, quid vellet parens, quidve præciperet tacitis ambagibus, pa- tuit; primores civitatis, criminando alios apud popu- lum, alios suâ ipsos invidiâ opportunos interemit. mul- ti palam; quidam, in quibus minùs speciosa criminatio erat futura, clam interfecti. Patuit quibusdam volenti- bus fuga, aut in exsilium acti sunt, absentiumque bo- na juxta atque interemptorum divisui fuere. Largi- tionis inde prædæque & dulcedine privati commodi sensus malorum publicorum adimi, donec, orba consi- lio auxilioque, Gabina res regi Romano sine ulla di- micatione in manum traditur.

L.V. Gabiis receptis, Tarquinius pacem cum Æquo- rum gente fecit; foedus cum Tuscis renovavit. Inde ad negotia urbana animum convertit. quorum erat pri- mum, ut Jovis templum in monte Tarpejo, monu- mentum regni sui nominisque, relinqueret: Tarquini- os reges ambos, patrem vovisse, filium perfecisse. Et, ut libera à ceteris religionibus area esset tota Jovis tem- pli que ejus, quod inædificaretur, exaugurare sana sa- cellaque statuit; quæ aliquot ibi à Tatio rege, primum in ipso discrimine adversus Romulum pugne vota, con- secrata, inaugurataque postea fuerant. Inter principia  
con-



condendi hujus operis movisse numen ad indicandam tanti imperii molem traditur Deos: nam, quum omnium sacellorum exaugurationes admitterent aves, in Termini fano non addixere. Id omen auguriumque ita acceptum est; non motam Termini sedem, unumque eum Deorum non evocatum sacris sibi finibus, firma stabiliaque cuncta portendere. Hoc perpetuitatis auspicio accepto, secutum aliud, magnitudinem imperii portendens, prodigium est. caput humanum integrâ facie aperientibus fundamenta templi dicitur apparuisse. Quæ visa species, haud per ambages, arcem eam imperii caputque rerum fore portendebat. idque ita cecidere vates, quique in urbe erant, quosque ad eam rem consultandam ex Etruria acciverant. Augebatur ad impensas regis animus. Itaque Pometinæ manubiæ, quæ perducendo ad culmen operi destinatæ erant, vix in fundamenta suppeditavere. eò magis Fabio, præterquam quòd antiquior est, crediderim, quadraginta ea sola talenta fuisse; quàm Pisoni, qui quadraginta millia pondo argenti seposita in eam rem scribit, summam pecuniæ neque ex unius tum urbis præda sperandam, & nullius, ne horum quidem magnificentiæ operum, fundamenta non exsuperaturam.

LVI. Intentus perficiendo templo, fabris undique ex Etruria accitis, non pecuniâ solum ad id publicâ est usus, sed operis etiam ex plebe. qui quum haud parvus & ipse militiæ adderetur labor, minus tamen plebs gravabatur, se templa Deum exædificare manibus suis: quæ posthac & ad alia, ut specie minora, sic laboris aliquantò majoris, traducebatur opera; fores in circumfaciendos, cloacamque maximam, receptaculum omnium purgamentorum urbis, sub terram agendam: quibus duobus operibus vix nova hæc magnificentia quicquam adæquare potuit. His laboribus exercitâ plebe, quia & urbi multitudinem, ubi usus non esset, onerabatur esse, & colonis mittendis occupari latius imperii

rii fines volebat; Signiam Circeiosque colonos misit, præsidia urbi futura terrâ marique. Hæc agenti portentum terribile visum. anguis, ex columna lignea elapsus, quum terrorem fugamque in regiam fecisset, ipsius regis non tam subito pavore perculit pectus, quàm anxiiis implevit curis. Itaque quum ad publica prodigia Etrusci tantum vates adhiberentur, hoc velut domestico exterritus visu, Delphos ad maximè inclytum in terris oraculum mittere statuit. neque responsa fortium ulli aliî committere ausus, duos filios per ignotas eâ tempestate terras, ignotiora maria, in Græciam misit. Titus & Aruns profecti. comes his additus L. Junius Brutus, Tarquiniâ sorore regis natus, juvenis longè alius ingenio, quàm cujus simulationem induerat. Is quum primores civitatis, in quibus fratrem suum ab avunculo interfectum audisset, neque in animo suo quicquam regi timendum, neque in fortuna concupiscendum relinquere statuit, contemptuque tutus esse, ubi in jure parum præsidii esset. Ergo ex industria factus ad imitationem stultitiæ, quum se suæque prædæ esse regi sineret, Bruti quoque haud abnuît cognomen: ut sub ejus obtentu cognominis liberator ille populi Romani animus latens opperiretur tempora sua. Is tum ab Tarquiniiis ductus Delphos, ludibrium veris, quàm comes, aureum baculum, inclusum corneo cavato ad id baculo, tulisse donum Apollini dicitur, per ambages effigiem ingenii sui. Quò postquam ventum est, perfectis patris mandatis, cupido incessit animos juvenum sciscitandi, ad quem eorum regnum Romanum esset venturum. Ex infimo specu vocem redditam ferunt: *Imperium summum Roma habebit, qui vestrum primus, & juvenes, osculum matri tulerit.* Tarquinius, ut Sextus, qui Romæ relictus fuerat, ignarus responsi ex- perisque imperiî esset, rem summâ ope taceri jubent; ipsi inter se, uter prior, quum Romam redissent, matri osculum daret, sorti permittuat. Brutus, aliò ratus spectare

spectare Pythicam vocem, velut si prolapsus cecidisset, terram osculo contigit: scilicet, quod ea communis mater omnium mortalium esset. Reditum inde Romam, ubi adversus Rutulos bellum summa vi parabatur.

LVII. Ardeam Rutuli habebant, gens, ut in ea regione atque in ea ætate, divitiis præpollens. eaque ipsa causa belli fuit, quod rex Romanus tum ipse ditari, exhaustus magnificentia publicorum operum, tum prædâ delinire popularium animos studebat; præter aliam superbiam regno infestos etiam, quod se in fabrorum ministeriis ac servili tamdiu habitos opere ab rege indignabantur. Tentata res est, si primo impetu capi Ardea posset. ubi id parum processit, obsidione munitio- nibusque cœpti premi hostes. In iis stativis, ut sit longo magis quam acri bello, satis liberi comæatus erant: primoribus tamen magis, quam militibus. Regii quidem juvenes interdum otium conviviiis commessationibusque inter se terebant. forte potantibus his apud Sex. Tarquinium, ubi & Collatinus cœnabat Tarquinius, Egerii filius, incidit de uxoribus mentio: suam quisque laudare miris modis. inde certamine accenso, Collatinus negat, *verbis opus esse, paucis id quidem bonis posse sciri, quantum ceteris præstet Lucretia sua. Quin, si vigor juventa inest, conscendimus equos, invisimusque præsentis nostrarum ingenia? Id cuique spectatissimum sit, quod nec opinato viri adventu occurrerit oculis.* Incaluerant vino. *age sane, omnes.* citatis equis advolant Romam. Quò quum, primis se intendentibus tenebris, pervenissent, pergunt inde Collatiam: ubi Lucretiam, haudquaquam ut regias nurus, quas in convivio luxuque cum æqualibus viderant tempus terentes, sed nocte serâ deditam lætæ inter lucubrantès ancillas in medio ædium sedentem inveniunt. Muliebris certaminis laus penes Lucretiam fuit. adveniens vir Tarquinique excepti benignè. *vigor maritus comiter invitat regios juvenes.* Ibi Sex. Tar-

Tarquinius mala libido Lucretiæ per vim stuprandæ capit. tum forma, tum spectata castitas incitat. Et tum quidem ab nocturno juvenili ludo in castra redeunt.

LVIII. Paucis interjectis diebus, Sex. Tarquinius, incito Collatino, cum comite uno Collatiam venit. ubi exceptus benignè ab ignavis consilii, quum post cœnam in hospitale cubiculum deductus esset, amore ardens; postquam satis tuta circà, sopitque omnes videbantur, stricto gladio ad dormientem Lucretiam venit, sinistraque manu mulieris pectore oppresso, *Tace, Lucretia*, inquit, *Sex. Tarquinius sum; ferrum in manu est: moriere; si emiseris vocem.* Quum pavida ex somno mulier nullam opem, prope mortem imminentem, videret; tum Tarquinius fateri amorem, orare, miscere precibus minas, versare in omnes partes muliebre animum. ubi obstinatam videbat, & ne mortis quidem metu inclinari, addit ad metum dedecus: cum mortua jugulatum servum nudum positurum, ait, ut in sordido adulterio necata dicatur. Quo terrore quum vicisset obstinatam pudicitiam velut victrix libido, profectusque inde Tarquinius, ferox expugnato decore muliebri, esset; Lucretia, mœsta tanto malo, nuncium Romam eundem ad patrem, Ardeamque ad virum mittit, ut cum singulis fidelibus amicis veniant: ita facto maturatoque opus esse; rem atrocem incidisse. Sp. Lucretius cum P. Valerio Volesi filio, Collatinus cum L. Junio Bruto venit; cum quo forte Romam rediens ab nuncio uxoris erat conventus. Lucretiam sedentem mœstam in cubiculo inveniunt. adventu suorum lacrimæ obortæ. querentique viro, *Satin? salva? minime*, inquit; *quid enim salvi est mulieri, amissâ pudicitia? Vestigia viri alieni, Collatine, in lecto sunt tuo. Ceterum corpus est tantum violatum, animus insans. mors testis erit. Sed date dextras fidemque, haud impune adultero fore. Sex. est Tarquinius, quæ hostis pro hospite priore nocte vi armatus mihi sibi que, si vos viri estis, pestiferum hinc abstulit gaudium.* Dant ordine omnes fidem:

dem : consolantur ægram animi, avertendo noxam ab coacta in auctorem delicti. mentem peccare, non corpus : & unde consilium abfuerit, culpam abesse. *Vos, inquit, videritis, quid illi debeatur : ego me, etsi peccato absolvo, supplicio non libero. nec ulla deinde impudica Lucretia exemplo vivet.* Cultrum, quem sub veste abditum habebat, eum in corde defigit : prolapsaque in vulnus, moribunda cecidit. Conclamant vir paterque.

LIX. Brutus, illis luctu occupatis, cultrum, ex vulnere Lucretiæ extractum, manantem cruore præ se tens, *Per hunc, inquit, castissimum ante regiam injuriam sanguinem juro, vosque, Dii, testes facio, me L. Tarquinium Superbum, cum scelerata conjuge & omni liberorum stirpe, ferro, igni, quacunque debine vi possim, exsequaturum. nec illos, nec alium quenquam regnare Romæ passurum.* Cultrum deinde Collatino tradit ; inde Lucretio ac Valerio, stupentibus miraculo rei, unde novum in Bruti pectore ingenium. Ut præceptum erat, jurant : totique ab luctu versi in iram, Brutum, jam inde ad expugnandum regnum vocantem, sequuntur ducem. Elatum domo Lucretiæ corpus in forum deferunt, concientque miraculo, ut sit, rei novæ atque indignitate homines. pro se quisque scelus regium ac vim queruntur. Movet tum patris mœstitia, tum Brutus, castigatorem lacrimarum atque inertium querelarum, auctorque, quod viros, quod Romanos deceret, arma capiendi adversus hostilia ausos. Ferocissimus quisque juvenum cum armis voluntarius adest : sequitur & cetera juvenus. Inde, pari præsidio relicto Collatiæ ad portas, custodibusque datis, ne quis eum motum regibus nunciaret, ceteri armati, duce Bruto, Romam profecti. Ubi eò ventum est, quacunque incedit, armata multitudo pavorem ac tumultum facit. rursus, ubi anteire primores civitatis vident, quicquid sit, haud temerè esse rentur. Nec minorem motum animorum Romæ tam atrox res facit, quàm Collatiæ fecerat. Ergo ex omnibus locis urbis

in

in forum curritur. Quò simul ventum est, præco ad tribunum Celerum, in quo tum magistratu forte Brutus erat, populum advocavit. Ibi oratio habita, nequaquam ejus pectoris ingenique, quod simulatum ad eam diem fuerat, de vi ac libidine Sex. Tarquini, de stupro infando Lucretiæ & miserabili cæde, de orbitate Tricipitini, cui morte filiæ causa mortis indignior ac miserabilior esset. addita superbia ipsius regis, miseriæque & labores plebis, in fossas cloacasque exhauriendas demersæ. Romanos homines, victores omnium circa populorum, opifices ac lapidas pro bellatoribus factos. Indigna Ser. Tullii regis memorata cædes, & invecsta corpori patris nefando vehiculo filia; invocatique ultores parentum Dii. His atrocioribusque, credo, aliis, quæ præsens rerum indignitas haudquaquam relatu scriptoribus facilia subjicit, memoratis, incensam multitudinem perpulit, ut imperium regi abrogaret, exsulesque esse juberet L. Tarquinius cum conjuge ac liberis. Ipse, junioribus, qui ultrò nomina dabant, lectis armatisque, ad concitandum inde adversus regem exercitum Ardeam in castra est profectus; imperium in urbe Lucretio, præfecto urbis jam antè ab rege instituto, relinquit. Inter hunc tumultum Tullia domo profugit, execrantibus, quâcunque incedebat, invocantibusque parentum furias viris mulieribusque.

LX. Harum rerum nunciis in castra perlatis, quum re novâ trepidus rex pergeret Romam ad comprimendos motus, flexit viam Brutus, (senferat enim adventum) ne obvius fieret; eodemque fere tempore, diversis itineribus, Brutus Ardeam, Tarquinius Romam, venerunt. Tarquinio clausæ portæ, exsiliumque indictum: liberatorem urbis læta castra accepere; exactique inde liberi regis. Duo patrem secuti sunt, qui exsulatum Cære in Etruscos ierunt. Sex. Tarquinius, Gabios, tanquam in suum regnum, profectus, ab ultoribus veterum simultatum, quas sibi ipse cædibus rapinisque con-

conciverat, est interfectus. L. Tarquinius Superbus regnavit annos quinque & viginti. Regnatum Romæ ab condita urbe ad liberatam annos ducentes quadraginta quatuor. Duo consules inde comitiis centuriatis à præfecto urbis ex commentariis Ser. Tullii creati sunt, L. Junius Brutus, & L. Tarquinius Collatinus.

## L I B E R II.

### E P I T O M E.

I. **B**Rutus jurejurando populum adstrinxit, neminem regnare Roma passuros: II. Tarquinius Collatinum, collegam suum, propter affinitatem Tarquiniorum suspectum, coëgit consulatu se abdicare, & civitate cedere. V. Bona regum diripi jussit: agrum Marti consecravit, qui Campus Martius nominatus est. adolescentes nobiles, in quibus suos quoque & sororis filios, quia conjuraverant de recipiendis regibus, securi percussit. servo indici, cui Vindicio nomen fuit, libertatem dedit: ex cujus nomine vindicta est appellata. VI. Quum adversus reges, qui, contractis Vejentium & Tarquinienfium copiis, bellum intulerant, exercitum duxisset, in acie cum Arunte, filio Superbi, commortuus est: VII. cumque matrona annum luxerunt. VIII. P. Valerius consul legem de provocatione ad populum tulit. Capitolium dedicatum est. IX, X. Porsena, Rex Clusinarum, bello pro Tarquiniis suscepto, quum ad Janiculum venisset, ne Tiberim transiret, virtute Cocleis Horatii prohibitus est; qui, dum alii pontem publicum rescindunt, solus Etruscos sustinuit; &, ponte rupto, armatus se in flumen misit, & ad suos tranavit. XII. Alterum accessit virtutis exemplum à Mucio: qui, quum ad feriendum Porsenam castra hostium intrasset, occiso soribâ, quem regem esse putabat, comprehensus, impositam altaribus manum, in quibus sacrificatum erat, exuri passus est; dixitque, tales trecentos esse conjuratos in mortem ipsius regis. quorum admiratione coactus Porsena pacis

pacis conditiones ferre, bellum omisit, acceptis obsidibus. XIII. Ex quibus virgo una Clodia, deceptis custodibus, per Tiberim ad suos tranavit : & , quum reddita esset, à Porfena honorificè remissa, equestri statuâ donata est. XVI. Ap. Claudius ex Sabinis Romam transfugit : ob hoc Claudia tribus adjecta est. Numerus tribuum ampliatus est, ut essent viginti una. XIX, XX. Adversus Tarquinium Superbum, cum Latinorum exercitu bellum inferentem, A. Postumius dictator prosperè pugnavit apud lacum Regillum. XXIII, &c. Plebs, quum propter nexos ob as alienum in Sacrum montem secessisset, consilio Menenii Agrippæ à seditione revocata est. Idem Agrippa, quum decessisset, propter paupertatem publico impendio elatus est. XXXIII. Tribuni plebis quinque creati sunt. Oppidum Volscorum Corioli captum est virtute & operâ C. Marcii, qui ob hoc Coriolanus vocatus est. XXXVI, &c. Ti. Atinins, vir de plebe, quum in visu admonitus esset, ut de quibusdam religionibus ad senatum perferret, & neglexisset, amisso filio, debilis factus, postquam, delatus ad senatum lecticâ, eadem illa indicaverat, usu pedum recepto, domum reversus est. XXXIX, XL. Quum C. Marcius Coriolanus, qui in exilium erat pulsus, dux Volscorum factus, exercitum hostium urbi Rome admovisset, & missi ad eum primùm legati, postea sacerdotes, frustra deprecari essent ne bellum patriæ inferret; Veturia mater & Volumnia uxor impetraverunt ab eo, ut recederet. XLI. Lex agraria primùm lata est. Sp. Cassius consularis regni crimine damnatus est necatusque. XLII, &c. Oppia, virgo Vestalis, ob incestum viva defossa est. XLVI, &c. Quum vicini hostes Veientes, incommodi magis, quàm graves, essent, familia Fabiorum id bellum gerendum depoposcit; misitque in id trecentos sex armatos, qui ad Cremeram ad unum ab hostibus cæsi sunt, uno impubere domi relicto. LVIII, LIX. Ap. Claudius consul, quum adversus Volscos contumaciâ exercitûs malè pugnatum esset, decimum quemque militem fuste percussit. LX, &c. Res præterea adversum Volscos, & Æquos, & Veientes, & seditiones inter Patres plebemque continet.



I. **L**iberi jam hinc populi Romani res, pace belloque gestas, annuos magistratus, imperiaque legum, potentiora quàm hominum, peragam. Quæ libertas ut lætior esset, proximi regis superbia fecerat. nam priores ita regnârunt, ut haud immeritò omnes deinceps conditores partium certè urbis, quas novas ipsi sedes ab se auctæ multitudini addiderunt, numerentur: neque ambigitur, quin Brutus idem, qui tantum gloriæ, Superbo exacto rege, meruit, pessimo publico id facturus fuerit, si libertatis immaturæ cupidine priorum regum alicui regnum extorsisset. Quid enim futurum fuit, si illa pastorum convenarumque plebs, transfuga ex suis populis, sub tutela inviolati templi aut libertatem, aut certè impunitatem, adeptæ, soluta regio metu, agitari cœpta esset tribuniciiis procellis? & in aliena urbe cum Patribus serere certamina, priusquam pignora conjugum ac liberorum, caritasque ipsius soli, cui longo tempore assuescitur, animos eorum confociasset? Dissipatæ res nondum adultæ discordiâ forent: quas fovit tranquilla moderatio imperii, eoque nutriendo perduxit, ut bonam frugem libertatis maturis jam viribus ferre possent. Libertatis autem originem inde magis, quia annum imperium consulare factum est, quàm quòd deminutum quicquam sit ex regia potestate, numeres. Omnia jura, omnia insignia primi consules tenuere. id modò cautum est, ne, si ambo fasces haberent, duplicatus terror videretur. Brutus prior, concedente collegâ, fasces habuit: qui non acrior vindex libertatis fuerat, quàm deinde custos fuit. Omnium primùm avidum novæ libertatis populum, ne postmodum flecti precibus aut donis regiis posset, jurejurando adegit, neminem Romæ passuros regnare. Deinde, quò plus virium in senatu frequentia etiam ordinis faceret, cædibus regis deminutum Patrum numerum, primoribus equestribus gradûs lectis, ad trecentorum summam

mam explevit. traditumque inde fertur, ut in senatum vocarentur, qui Patres, quique conscripti essent. conscriptos, videlicet, in novum senatum appellabant lectos. Id mirum quantum profuit ad concordiam civitatis jungendosque Patribus plebis animos.

II. Rerum deinde divinarum habita cura. &, quia quædam publica sacra per ipsos reges factitata erant, ne ubiubi regum desiderium esset, regem sacrificulum creant. Id sacerdotium pontifici subjecere, ne additus nomini honos aliquid libertati, cujus tunc prima erat cura, officeret. ac nescio, an, nimis undique eam minimis quoque rebus muniendo, modum exceßerint. Consul enim alterius, quum nihil aliud offenderit, nomen invisum civitati fuit. Nimum Tarquinius regno assuēsse. initium à Prisco factum. Regnasse deinde Ser. Tullium. ne intervallo quidem facto, oblitum, tanquam alieni, regni Superbum Tarquinium; velut hereditatem gentis scelere ac vi repetisse. Pulso Superbo, penes Collatinum imperium esse. Nescire Tarquinius privatos vivere. non placere nomen. periculosum libertati esse. Hic primò sensim tentantium animos sermo per totam civitatem est datus, sollicitamque suspicione plebem Brutus ad concionem vocat. Ibi omnium primùm iuramentum populi recitat: *Neminem regnare passuros, nec esse Romæ, unde periculum libertati foret. Id summâ ope tuendum esse: neque ullam rem, qua ed pertineat, contemnendam. Invitum se dicere hominis causâ: nec disturbum fuisse, ni caritas reipublica vinceret. Non credere populum Romanum, solidam libertatem recuperatam esse. Regium genus, regium nomen, non solum in civitate, sed etiam in imperio esse. Id officere, id obstare libertati. Hunc tu, inquit, tuâ voluntate, L. Tarquini, remove metum. Meminimus, factemur, ejecisti reges. Absolve beneficium tuum. Ausfer hinc regium nomen. Res tuas tibi non solum reddent cives tui, auctore me; sed, si quid deest, munificè augebunt. Amicus abi, exonera civitatem vano forsitan metu. Ita persuasum est animis, cum gente Tarquinia regnum hinc abiturum.* Consuli primò

primò tam novæ rei ac subitæ admiratio incluserat vocem. Dicere deinde incipientem primores civitatis circumstunt, eadem multis precibus orant. & ceteri quidem movebant minùs. Postquam Sp. Lucretius major ætate ac dignitate, socer præterea ipsius, agere variè, rogando alternis suadendoque, cœpit, ut vinci se consensu civitatis pateretur; timens consul, ne postmodum privato sibi eadem illa cum bonorum amissione, additæque aliâ insuper ignominiâ, acciderent, abdicavit se consulatu: rebusque suis omnibus Lavinium translatis, civitate cessit. Brutus ex senatusconsulto ad populum tulit, ut omnes Tarquinia gentis exsules essent: collegam sibi comitiis centuriatis creavit P. Valerium, quo adjutore reges ejecerat.

III. Quum haud cuiquam in dubio esset, bellum ab Tarquinis imminere, id quidem spe omnium serius fuit. ceterum, id quod non timebant, per dolum ac prodicionem propè libertas amissa est. Erant in Romana juventute adolescentes aliquot, nec ii tenui loco orti, quorum in regno libido solutior fuerat, æquales sodalesque adolescentium Tarquiniorum, assueti more regio vivere. Eam tum, æquato jure omnium, licentiam quærentes, libertatem aliorum in suam vertisse servitutem inter se conquerebantur. *Regem hominem esse, à quo impetres, ubi jus, ubi injuria opus sit: esse gratia locum, esse beneficio; & irasci & ignoscere posse: inter amicum atque inimicum discrimen nòsse. Leges rem surdam, inexorabilem esse, salubriorem melioremque inopi, quàm potenti: nihil laxamenti nec venia habere, si modum excesseris. periculosum esse, in tot humanis erroribus solâ innocentia vivere.* Ita, jam suâ sponte ægris animis, legati ab regibus superveniunt, sine mentione redditus bona tantum repetentes. Eorum verba postquam in senatu audita sunt, per aliquot dies ea consultatio tenuit: ne non reddita, belli causa; reddita, belli materia & adjumentum essent. Interim legati alii alia moliri, apertè bona repetentes, clam recuperandi

superandi regnī consilia fructuere. &, tanquam ad id, quod agi videbatur, ambientes nobilium adolescentium animos pertentant. à quibus placidè oratio accepta est, his literas ab Tarquinis reddunt; & de accipiendis etiam nocte in urbem regibus colloquuntur.

IV. Vitelliis Aquiliisque fratribus primò commissæ res est. Vitelliorum soror consuli nupta Bruto erat: jamque ex eo matrimonio adolescentes erant liberi, Titus Tiberiusque. eos quoque in societatem consilii avunculi assumunt. præterea & nobiles aliquot adolescentes consocii assumpti, quorum vetustate memoria abiit. Interim quum in senatu vicisset sententia, quæ censebat reddenda bona; eamque ipsam causam moræ in urbem haberent legati, quòd spatium ad vehicula comparanda à consulibus sumpsissent, quibus regum asportarent res; omne id tempus cum conjuratis consultando absumunt, evincuntque instando, ut literæ sibi ad Tarquinos darentur; nam aliter qui credituros eos, non vana ab legatis super rebus tantis afferri? Datæ literæ, ut pignus fidei essent, manifestum facinus fecerunt. Nam quum, pridie quàm legati ad Tarquinos proficiscerentur, & cœnatum fortè apud Vitellios esset, conjuratique ibi, remotis arbitris, multa inter se de novo, ut sit, consilio egissent; sermonem eorum ex servis unus excepit, qui jam antea id senserat agi: sed eam occasionem, ut literæ legatis darentur, quæ deprehensæ rem coarguere possent, expectabat. postquam datas sensit, rem ad consules detulit. Consules, ad deprehendendos legatos conjuratosque profecti domo, sine tumultu rem omnem oppressere: literarum in primis habita cura, ne interciderent. proditoribus extemplo in vincula conjectis, de legatis paullulum addubitatum est: & quanquam visi sunt commississe, ut hostium loco essent, jus tamen gentium valuit.

V. De bonis regiis, quæ reddi antè censuerant, res integra refertur ad Patres. illi victi irâ vetuere reddi,

vetuere in publicum redigi. Diripienda plebi sunt data; ut, contacta regiâ prædâ, spem in perpetuum cum his pacis amitteret. Ager Tarquiniorum, qui inter urbem ac Tiberim fuit, consecratus Marti, Martius deinde campus fuit. Forte ibi tum seges farris dicitur fuisse matura messi, quem campi fructum quia religiosum erat consumere, desectam cum stramento segetem magna vis hominum simul immissa corbis fudere in Tiberim, tenui fluentem aquâ, ut mediis caloribus solet. ita in vadis hæsitantis frumenti acervos sedisse illitos limo. Insulam inde paullatim, & aliis, quæ fert temerè flumen, eodem invecitis, factam. postea credo additas moles, manuque adjutum, ut tam eminens area, firmaque templis quoque ac porticibus sustinendis esset. Direptis bonis regum, damnati proditores, sumptumque supplicium, conspectus eò, quod pœnæ capiendæ ministerium patri de liberis consulatus imposuit, &, qui spectator erat amovendus, cum ipsum fortuna exactorem supplicii dedit. Stabant deligati ad palum nobilissimi juvenes. sed à ceteris, velut ab ignotis capitibus, consulis liberi omnium in se averterant oculos, miserebatque non pœnæ magis homines, quàm sceleris, quo pœnam meriti essent; illos, eo potissimum anno patriam liberatam, patrem liberatorem, consulatum ortum ex domo Junia, Patres, plebem, quicquid Deorum hominumque Romanorum esset, induxisse in animum, ut superbo quondam regi, tum infesto exfuli, proderent. Consules in sedem processere suam; missique listores ad sumendum supplicium nudatos virgis cædunt, securique feriunt: quum inter omne tempus pater, vultusque, & os ejus, spectaculo esset, eminente animo patrio inter publicæ pœnæ ministerium. Secundum pœnam nocentium, ut in utramque partem arcendis sceleribus exemplum nobile esset, præmium indici, pecunia ex ærario; libertas & civitas, data. Ille primum dicitur vindictâ liberatus, quidam vindictæ quoque

quoque nomen tractum ab illo putant ; Vindicio ipsi nomen fuisse. Post illum observatum, ut, qui ita liberati essent, in civitatem accepti viderentur.

VI. His, sicut acta erant, nunciatis, incensus Tarquinius non dolore solum tantæ ad irritum cadentis spei, sed etiam odio iræque, postquam dolo viam obseptam vidit, bellum aperte moliendum ratus, circumire supplex Etruriæ urbes ; orare maximè Veientes Tarquiniensesque, *ne se ortum, ejusdem sanguinis, extorrem egentem ex tanto modò regno, cum liberis adolescentibus ante oculos suos perire sinerent. Alios peregrè in regnum Romanum accitos : se regem ; augmentem bello Romanum imperium, à proximis sceleratâ conjuratione pulsum. eos inter se, quia nemo unus satis dignus regno visus sit, partes regni rapuisse ; bona sua diripienda populo dedisse, ne quis expers sceleris esset. Patriam se regnumque suum repetere, & persequi ingratos cives velle. Ferrent opem, adjuvarent ; suas quoque veteres injurias ultum irent, toties casas legiones, agrum ademptum.* Hæc moverunt Veientes : ac pro se quisque, Romano saltem duce, ignominias demendas, belloque amissa repetenda, minaciter fremunt. Tarquinienses nomen ac cognatio movet. pulchrum videbatur, suos Romæ regnare. Ita duo duarum civitatum exercitus, ad repetendum regnum belloque persequendos Romanos, secuti Tarquinium. Postquam in agrum Romanum ventum est, obviam hosti consules eunt. Valerius quadrato agmine peditem ducit : Brutus ad explorandum cum equitatu antecessit. Eodem modo primus eques hostium agminis fuit, (præerat Aruns Tarquinius, filius regis) rex ipse cum legionibus sequebatur. Aruns, ubi ex listoribus procul consulem esse ; deinde jam propius ac certius facie quoque Brutum cognovit, inflammatus irâ, *Ille est vir, inquit, qui nos extorres expulit patriâ. Ipse, en, ille, nostris decoratus insignibus, magnificè incedit. Dii regum ultores adeste.* Concitat calcaribus equum, atque in ipsum infestus consulem dirigit. Sensit in se iri Brutus. Deco-

tum erat tum ipsis capeffere pugnam ducibus: avidè itaque fe certamini offert. adeoque infestis animis concurrerunt, neuter, dum hostem vulneraret, fui prote-  
gendi corporis memor, ut, contrario ictu per parmam  
uterque transfixus, duabus hærentes hastis moribundi  
ex equis lapsi sint. simul & cetera equestris pugna co-  
pit; neque ita multò post & pedites superveniunt. Ibi  
variâ victoriâ, & velut æquo Marte pugnatum est. dex-  
tra utrinque cornua vicere, læva superata. Vejentes,  
vinci ab Romano milite assueti, fusi fugatique. Tar-  
quinienfis, novus hostis, non stetit solùm, sed etiam ab  
sua parte Romanum pepulit.

VII. Ita quum pugnatum esset, tantus terror Tar-  
quinium atque Etruscos incesfit, ut, omisâ irritâ re,  
nocte ambo exercitus, Vejens Tarquinienfisque, suas  
quisque abirent domos. Adjiçunt miracula huic pu-  
gnæ: silentio proximæ noctis ex silva Arfia argentem  
editam vocem; Silvani vocem eam creditam; hæc di-  
cta, *Uno plus Etruscorum cecidisse in acie; vincere bello Ro-  
manum*. Ita certè inde abiire Romani, ut victorès; E-  
trusci pro victis. Nam, postquam illuxit, nec quis-  
quam hostium in conspectu erat, P. Valerius consul  
spolia legit, triumphansque inde Romam rediit. col-  
legæ funus, quanto tum potuit apparatu, fecit. sed  
multò majus morti decus publica fuit moestitia, eò an-  
te omnia insignis, quia matronæ annum, ut parentem,  
eum luxerunt, quòd tam acer ultor violatæ pudicitie  
fuisset. Consuli deinde, qui superfuerat, ut sunt mu-  
tabiles vulgi animi, ex favore non invidia modò, sed  
suspicio etiam cum atroci crimine, orta. Regnum eum  
affectare, fama ferebat: quia nec collegam subrogave-  
rat in locum Bruti, & ædificabat in summa Velia. ibi  
alto atque munito loco arcem inexpugnabilem fore.  
Hæc dicta vulgò creditaque quum indignitate angerent  
consulis animum, vocato ad concilium populo, sum-  
missis fascibus in concionem ascendit, Gratum id mul-  
titu-

audienti spectaculum fuit; summissa sibi esse imperii insignia: confessionemque factam, populi, quàm confusis, majestatem vimque majorem esse. Ubi audire jussi, consul laudare fortunam collegæ, quòd, liberatâ patriâ, in summo honore, pro republica dimicans, maturâ gloriâ, nec dum se vertente in invidiam, mortem occubisset. se superstitem gloria suâ ad crimen atque invidiam superesse: ex liberatore patriæ ad Aquilios se Vitelliosque recidisse. Nunquamne ergo, inquit, ulla aded à vobis spectata virtus erit, ut suspicione violari nequeat? Ego me, illum acerrimum regum hostem, ipsum cupiditatis regni crimen subitum timerem? Ego, si in ipsa arce Capitolioque habitarem, metui me crederem posse à civibus meis? tam levi momento mea apud vos fama pendet? adeone est fundata leviter fides, ut, ubi sim, quàm qui sim, magis referat? Non obstant P. Valerii ades libertati vestra, Quirites; tuta erit vobis Velia. Deferam non in planum modò ades, sed colli etiam subjiciam: ut vos supra suspectum me civem habitetis. In Velia adificent, quibus melius, quàm P. Valerio, creditur libertas. Delata confestim materia omnis infra Veliam; & ubi nunc Vicæpotæ est, domus in infimo clivo ædificata.

VIII. Latæ deinde leges, non solum quæ regni suspicione consulem absolverent, sed quæ aded in contrarium venterent, ut popularem etiam facerent. inde cognomen factum Publicolæ est. ante omnes de provocatione adversus magistratus ad populum, sacrandoque cum bonis capite ejus, qui regni occupandi consilia inisset, gratæ in vulgus leges fuere. Quas quum solus pertulisset, ut sua unius in his gratia esset; tum deinde comitia collegæ subrogando habuit. Creatus Sp. Lucretius Consul, qui magno natâ, non sufficientibus jam viribus ad consularia munera obeunda, intra paucos dies moritur. Suffectus in Lucretii locum M. Horatius Pulvillus. Apud quosdam veteres auctores non invenio Lucretium consulem: Bruto statim Horatium suggerunt. credo, quia nulla gesta res insignem fecerit



consulatum, memoriâ intercidisse. Nondum dedicata erat in Capitolio Jovis ædes. Valerius Horatiusque consules sortiti, uter dedicaret. Horatio sorte evenit. Publicola ad Vejentium bellum profectus. Ægrius, quàm dignum erat, tulere Valerii necessarii, dedicationem tam inclyti templi Horatio dari. id omnibus modis impedire conati, postquam alia frustra tentata erant, postem jam tenenti consuli foedum inter precationem Deum nuncium incutiunt; *mortuum ejus filium esse, funestaque familiâ dedicare cum templum non posse.* Non crediderit factum, an tantum animo roboris fuerit, nec traditur certum, nec interpretatio est facilis. Nihil aliud ad eum nuncium à proposito aversus, quàm ut cadaver efferrî juberet, tenens postem, precationem peragit, & dedicat templum. Hæc post exactos reges domi militiæque gesta primo anno. Inde P. Valerius iterum, T. Lucretius consules facti.

IX. Jam Tarquinii ad Larsen Porſenam, Clusinum regem, perfugerant. ibi, miscendo consiliū precesque, nunc orabant, *ne se, oriundos ex Etruscis, ejusdem sanguinis nominisque, egentes exſulare pateretur*: nunc monebant etiam, *ne orientem morem pellendū reges in altum fineret. Satis libertatem ipsam habere dulcedinis. Nisi, quantā vi civitates eam expetant, tantā regna reges defendant, equari summa infimis. nihil excelsum, nihil, quod supra cetera emineat, in civitatibus fore. Adeſſe finem regnis, rei inter Deos hominesque pulcherrime.* Porſena, tum regem esse Romæ, tum Etruscæ gentis regem, amplum Tuscis ratus, Romam infesto exercitu venit. Non unquam aliàs antè tantus terror senatum invasit. adeo valida res tum Clusina erat, magnumque Porſenæ nomen. nec hostes modò timebant, sed suosmet ipsi cives, ne Romāna plebs, metua perculsa, receptis in urbem regibus, vel eum servitute pacem acciperet. Multa igitur blandimenta plebi per id tempus ab senatu data. annonæ in primis habita cura, & ad frumentum comparandum missi, alii in Volſcos, alii

alii Cumas. Salis quoque vendendi arbitrium, quia impenso pretio venibat, in publicum omni sumptu, ademptum privatis. Portoriiisque & tributo plebes liberata, ut divites conferrent, qui oneri ferendo essent: pauperes satis stipendii pendere, si liberos educarent. Itaque hæc indulgentia Patrum, asperis postmodum rebus in obsidione ac fame, adedò concordem civitatem tenuit, ut regium nomen non summi magis, quàm infimi, horrerent: nec quisquam unus malis artibus postea tam popularis esset, quàm tum bene imperando univèrsus senatus fuit.

X. Quum hostes adessent, pro se quisque in urbem ex agris demigrant: urbem ipsam sepiunt prædiis. alia muris, alia Tiberi objecto videbantur tuta. Pons publicius iter penè hostibus dedit: nì unus vir fuisset, Horatius Cocles; (id munimentum illo die fortuna urbis Romanæ habuit) qui, positus forte in statione pontis, quum captum repentino impetu Janiculum, atque inde citatos decurrere hostes vidisset, trepidamque turbam suorum arma ordinesque relinquere, reprehensans singulos, obstitens, obtestansque Deum & hominum fidem, testabatur: *nequicquam deserto præsidio eos fugere. Si transitum pontem à tergo reliquissent, jam plus hostium in Palatio Capitolioque, quàm in Janiculo, fore. Itaque monere, predicere, ut pontem ferro, igni, quacunque vi possent, interrumpant. Se impetum hostium, quantum corpore uno posset obstiti, excepturum.* Vadit inde in primum aditum pontis: insignisque inter conspecta cedentium pugnae tetra, obversis cominus ad ineundum proelium armis, ipso miraculo audaciæ obstupefecit hostes. duos tamen cum eo pudor tenuit, Sp. Lartium ac T. Herminium, ambos claros genere factisque. Cum his primam periculi procellam, & quod tumultuosissima pugnae erat, pauper per sustinuit. deinde eos quoque ipsos, exigua parte pontis relicta, revocantibus, qui rescindebant, cedere in tutum coëgit. Circumferens inde truces minaci-

ter oculos ad proceres Etruscorum, nunc singulos provocare, nunc increpare omnes, *Servitia regum superborum, suae libertatis immemores, alienam oppugnatum venire.* Cunctati aliquamdiu sunt, dum alius alium, ut praelium incipiant, circumspectant. pudor deinde commovit aciem, & clamore sublato, undique in unum hostem tela conjiciunt. Quæ quum in objecto cuncta scuto hæssissent, neque ille minùs obstinatus ingenti pontem obtineret gradu, jam impetu conabantur detrudere virum; quum simul fragor rupti pontis, simul clamor Romanorum, alacritate perfecti operis sublatus, pavore subito impetum sustinuit. Tum Cocles, *Tiberine pater,* inquit, *te sancte precor, hæc arma & hunc militem propitio flumine accipias.* Ita sic armatus in Tiberim defecit; multisque super incidentibus telis incolumis ad suos tranavit, rem ausus plus famæ habituram ad posteros, quàm fidei. Grata erga tantam virtutem civitas fuit: statua in comitio posita, agri quantum uno die circumaravit, datum. Privata quoque inter publicos honores studia eminebant. nam in magna inopia pro domesticis copiis unusquisque ei aliquid, fraudans se ipse victu suo, contulit.

XI. Porfena, primo conatu repulsus, consiliis ab oppugnanda urbe ad obsidendam versis, præsidio in Janiculo locato, ipse in plano ripisque Tiberis castra posuit; navibus undique accitis, & ad custodiam, ne quid Romam frumenti subvehi sineret, & ut prædatum milites trans flumen per occasiones aliis atque aliis locis trajiceret: brevique adedò infestum omnem Romanum agrum reddidit, ut non cetera solùm ex agris, sed pecus quoque omne in urbem compelleretur, neque quicum extra portas propellere auderet. Hoc tantum licentiæ Etruscis, non metu magis, quàm consilio, concessum. namque Valerius consul, intentus in occasionem multos simul & effusos improvisò adoriundi, in parvis rebus negligens ultor, gravem se ad majora vindicem

servabat. Itaque, ut eliceret prædatores, edicit suis, postero die frequentes portâ Esquilinâ, quæ averrissima ab hoste erat, expellerent pecus; scituros id hostes ratus, quòd in obsidione & fame servitia infida transfugerent. Et sciére perfugæ indicio; multoque plures, ut in spem universæ prædæ, flumen trajiciunt. P. Valerius inde T. Herminium cum modicis copiis ad secundum lapidem Gabinâ viâ occultum confidere jubet: Sp. Lartium cum expedita juventute ad portam Collinam stare, donec hostis prætereat. deinde se objicere, ne sit ad flumen reditus. Consulum alter T. Lucretius portâ Nævîâ cum aliquot manipulis militum egressus: ipse Valerius Cœlio monte cohortes delectas educit. hique primi apparuere hosti. Herminius, ubi tumultum sensit, concurrit ex insidiis, versisque in Valerium Etruscis terga cædit. dextrâ lævâque, hinc à porta Collina, illinc ab Nævîa, redditus clamor. ita cæsi in medio prædatores, neque ad pugnam viribus pares, & ad fugam septis omnibus viis. finisque ille tam effusè evagandi Etruscis fuit.

XII. Obsidio erat nihilominus, & frumenti cum summa caritate inopia; sedendoque expugnaturum se urbem spem Porfena habebat: quum C. Mucius, adolescens nobilis, cui indignum videbatur, populum Romanum servientem, quum sub regibus esset, nullo bello nec ab hostibus ullis obsessum esse; liberum eundem populum ab iisdem Etruscis obsideri, quorum sæpe exercitus fuderit; itaque, magno audacique aliquo facinore eam indignitatem vindicandam ratus, primò suâ sponte penetrare in hostium castra constituit. dein metuens, ne, si consulum injussu & ignaris omnibus iret, forte deprehensus à custodibus Romanis retraheretur ut transfuga, fortunâ tum urbis crimen affirmante, senatum adiit: *Transire Tiberim, inquit, Patres, & intrare, si possim, castra hostium volo; non prado, nec populationum in vicem ultor. Majus, si Dii juvant, in animo est facinus.*

Approbant Patres : abdito intra vestem ferro, proficiscitur. Ubi eò venit, in confertissima turba prope regium tribunal constitit. Ibi quum stipendium forte militibus daretur, & scriba, cum rege sedens pari fere ornatu, multa ageret, eum milites vulgò adirent, timens sciscitari, uter Porfena esset, ne ignorando regem semet ipse aperiret, quis esset, quò temerè traxit fortuna facinus, scribam pro rege obtruncat. Vadentem inde, quà per trépidam turbam cruento mucrone sibi ipse fecerat viam, quum, concursu ad clamorem facto, comprehensum regii satellites retraxissent, ante tribunal regis destitutus, tum quoque, inter tantas fortunæ minas, metuendus magis, quàm metuens : *Romanus sum*, inquit, *civis. C. Mucium vocant. hostis hostem occidere voluit. nec ad mortem minus animi est, quàm fuit ad cadem. Et facere & pati fortia, Romanum est. Nec unus in te ego hos animos gessi : longus post me ordo est idem petentium decus. Proinde in hoc discrimen, si juvat, accingere, ut in singulas horas capite dimices tuo ; ferrum hostemque in vestibulo habeas regia. Hoc tibi juventus Romana indicimus bellum. Nullam aciem, nullum praelium timueris. Uni tibi, & cum singulis, res erit. Quum rex, simul irà insensus, periculoque contreritus, circumdari ignes minitabundus juberet, nisi expromeret properè, quas insidiarum sibi minas perambages jaceret : En tibi, inquit, ut sentias, quàm vile corpus sit istis, qui magnam gloriam vident : dextramque accenso ad sacrificium foculo injicit. quam quum velut alienato ab sensu torreret animo ; prope attonitus miraculo Rex, quum ab sede sua profluisset, amoverique ab altaribus juvenem jussisset, Tu verò abi, inquit, in te magis, quàm in me, hostilla ausus. Juberem macte virtute esse, si pro mea patria ista virtus staret. Nunc jure belli liberum te, intactum inviolatumque hinc dimitto. Tum Mucius, quasi remunerans meritum, Quandoquidem, inquit, est apud te virtuti honos, ut beneficio tuleris à me, quod minis nequisti ; trecenti conjuravimus principes juvenutis Romana, ut in te*

hac

*hâc viâ grassarentur. Mea prima fors fuit. ceteri, ut cuique ceciderit primò, quoad te opportunum fortuna dederit, suo quisque tempore, aderunt.*

XIII. Mucium dimissum, cui postea Scævola à clade dextræ manûs cognomen inditum, legati à Porfena Romam secuti sunt. Adèd moverat eum & primi periculi casus, quo nihil se præter errorem insidiatoris texisset, & subeunda dimicatio toties, quot conjurati superessent, ut pacis conditiones ultrò ferret Romanis. Jactatum in conditionibus nequicquam de Tarquiniis in regnum restituendis, magis quia id negare ipse nequiverat Tarquiniis, quàm quòd negatum iri sibi ab Romanis ignoraret. De agro Vejentibus restituendo impetratum: expressaque necessitas obsides dandi Romanis, si Janiculo præsidium deduci vellent. His conditionibus composità pace, exercitum ab Janiculo deduxit Porfena, & agro Romano excessit. Patres C. Mucio virtutis causâ trans Tiberim agrum dono dedere, quæ postea sunt Mucia prata appellata. Ergo, ita honoratâ virtute, femina quoque ad publica decora excitatæ. Et Clælia virgo, una ex obsidibus, quum castra Etruscorum forte haud procul ripâ Tiberis locata essent, frustrata custodes, dux agminis virginum inter tela hostium Tiberim tranavit: sospitesque omnes Romanam ad propinquos restituit. Quod ubi regi nuntiatum est, primò incensus irâ, oratores Romam misit ad Clæliam obsidem deprecandam; aliàs haud magni facere: deinde in admirationem versus, *Supra Coclites Muciosque dicere id facinus esse, & præ se ferre, quemadmodum, si non dedatur obses, pro rupto se fœdus habiturum; sic deditam, inviolatam ad suos remissurum.* Utrunque constitit fides: & Romani pignus pacis ex fœdere restituerunt: & apud regem Etruscum non tuta solùm, sed honoratâ etiam, virtus fuit: laudatamque virginem parte obsidum se donare dixit: ipsa, quos vellet, legeret. Pro ductis omnibus, elegisse impubes dicitur: quòd & vir-

ginitati decorum, & consensu obsidum ipsorum probabile erat, eam ætatem potissimum liberari ab hoste, quæ maximè opportuna injuriæ esset. Pace redintegratâ, Romani novam in femina virtutem novo genere honoris, statuâ equestri, donavere. in summa Sacra via fuit posita virgo insidens equo.

XIV. Huic tam pacatæ profectioni ab urbe regis Etrusci abhorrens mos, traditus ab antiquis, usque ad nostram ætatem inter cetera solennia manet bonis vendendis, bona Porſenæ regis vendendi. Cujus originem moris, necesse est, aut inter bellum natam esse, neque omiſſam in pace; aut à mitiore creviſſe principio, quàm hic præ se ferat titulus, bona hoſtiliter vendendi. Proximum verò est ex iis, quæ traduntur, Porſenam, diſcedentem ab Janiculo, caſtra opulenta, conveſto ex propinquis ac fertilibus Etruriæ arvis commeatu, Romanis dono dediſſe, inopi tum urbe ab longinqua obſidione. ea deinde, ne populo immiſſo diriperentur hoſtiliter, veniſſe, bonaque Porſenæ appellata, gratiam muneris magis ſignificante titulo, quàm auſtionem fortunæ regiæ, quæ ne in poteſtatem quidem populi Romani eſſet. Omiſſo Romano bello, Porſena, ne fruſtra in ea loca exercitus adductus videretur, cum parte copiarum filium Aruntem Ariciam oppugnatam mittit. Primò Aricinos res necopinata perculerat. arceſſita deinde auxilia, & à Latinis populis, & à Cumis, tantum ſpei fecere, ut acie decernere auderent. Prælio inito, adeò concitato impetu ſe intulerant Etrusci, ut funderent ipſo incurſu Aricinos. Cumânæ cohortes, arte adverſus vim uſæ, declinavere paullulum; effuſæque prælatos hoſtes converſis ſignis ab tergo adortæ ſunt. Ita in medio prope jam victores caſſi Etrusci: pars perexigua, duce amiſſo, quia nullum propius perſugium erat, Romam inermes & fortunâ & ſpecie ſupplicum delati ſunt. ibi benignè excepti diviſique in hoſpitia. Cura-  
tis vulneribus, alii proſecti domos, nuncii hoſpitalium  
bene-

beneficiorum. Multos Romæ hospitum urbisque caritas tenuit. his locus ad habitandum datus, quem deinde *Tuscan vicam* appellârunt.

XV. P. Lucretius inde & P. Valerius Publicola consules facti. Eo anno postremum legati à Porfena de reduciendo in regnum Tarquinio venerunt. quibus quum responsum esset, missurum ad regem senatum legatos; missi confestim honoratissimus quisque ex Patribus. *Non, quin breviter reddi responsum potuerit, non recipi reges, ideo potius delectos Patrum ad eum missos, quàm legatis ejus Roma daretur responsum: sed ut in perpetuum mentio ejus rei finiretur, neu in tantis mutuis beneficiis in vicem animi sollicitarentur: quum ille peteret, quod contra libertatem populi Romani esset; Romani, nisi in perniciem suam faciles esse vellent, negarent, cui nihil negatum vellent. Non in regno populum Romanum, sed in libertate esse. ita induxisse in animum, hostibus potius, quàm regibus, portas patefacere. Eam esse voluntatem omnium, ut, qui libertati erit in illa urbe finis, idem urbi sit. Proinde, si salvam esse vellet Romam, ut patiatur liberam esse, orare. Rex, verecundiâ victus, Quando id certum atque obstinatum est, inquit, neque ego obtundam sapius eadem nequicquam agenda: nec Tarquinius spe auxilii, quod nullum in me est, frustrabor. Alium hinc, seu bello opus est, seu quiete, exilio querant locum, ne quid meam vobiscum pacem distineat. Dictis facta amiciora adjecit: obsidum quod reliquum erat, reddidit. agrum Vejentem, fœdere ad Janiculum isto ademptum, restituit. Tarquinius, spe omni reditus incisa, exsulatum ad generum Mamilium Octavium Tusculum abiit. Romanis pax fida ita cum Porfena fuit.*

XVI. Consules M. Valerius, P. Postumius. Eo anno bene pugnatum cum Sabinis. consules triumphârunt. Majore inde mole Sabini bellum parabant. adversus eos, & ne quid simul ab Tusculo (unde, etsi non apertum, suspectum tamen bellum erat,) repentini periculi oriretur, P. Valerius quartum, T. Lucretius iterum  
con-



consules facti. Seditio, inter belli pacisque auctores orta in Sabinis, aliquantum inde virium transtulit ad Romanos. namque Attus Clausus, cui postea Ap. Claudio fuit Romæ nomen, cum pacis ipse auctor à turbatoribus belli premeretur, nec par factioni esset, ab Regillo, magnâ clientium comitatus manu, Romam transfugit. His civitas data agerque trans Anicnem. vetus Claudia tribus, additis postea novis tribulibus, qui ex eo venirent agro, appellata. Appius, inter Patres lectus, haud ita multò post in principum dignationem pervenit. Consules, infesto exercitu in agrum Sabinum profecti, quum ita vastatione, dein prælio, affixissent spes hostium, ut diu nihil inde rebellionis timere possent, triumphantes Romam redierunt. P. Valerius, omnium consensu princeps belli pacisque artibus, anno post, Agrippa Menenio, P. Postumio Consulibus, moritur, gloriâ ingenti, copiis familiaribus adeò exiguis, ut funeri sumptus deesset: de publico est elatus. Luxe matronæ, ut Brutum. Eodem anno duæ colonie Latinæ, Pometia & Cora, ad Auruncos deficiunt. cum Auruncis bellum initum: fusoque ingenti exercitu, qui se ingredientibus fines consulibus ferociter obtulerat, omne Auruncum bellum Pometiam compulsus est. Nec magis post prælium, quàm in prælio, cædibus temperatum est. & cæsi aliquanto plures erant, quàm capti; & captos passim trucidaverunt. ne ab obsidibus quidem, qui trecenti accepti numero erant, iram belli hostis abstinuit. Et hoc anno Romæ triumphatum.

XVII. Secuti consules, Opiter Virginus & Sp. Cassius, Pometiam primò vi, deinde vineis aliisque operibus, oppugnaverunt. in quos Aurunci, magis jam inextinguibili odio, quàm spe aliquâ aut occasione, coorti, quum plures igni, quàm ferro, armati excucurrissent, eæde incendioque cuncta complent. vineis incensis, multis hostium vulneratis & occisis, consulum quoque alterum, (sed utrum, nomen auctores non adjiciunt)

gravi

gravi vulnere ex equo dejectum, prope interfecerunt. Romam inde, malè gestà re, reditum. inter multos faucios consul spe incertà vitæ relictus. Interjecto deinde haud magno spatio, quod vulneribus curandis supplendoque exercitui fatis esset, tum irà majore belli, tum viribus etiam auctis, Pometiæ arma illata. & quum, vineis resectis aliâque mole belli, jam in eo esset, ut in muros evaderet miles, deditio est facta. ceterum nihilo minus foedè, dedità urbe, quàm si capta foret, Aurunci passim principes securi percussi, sub corona venerunt coloni alii; oppidum dirutum, ager venit. Consules, magis ob iras graviter ultas, quàm ob magnitudinem perfecti belli, triumpharunt.

XVIII. Insequens annus Postumum Cominium & T. Lartium consules habuit. Eo anno Romæ, quum per ludos ab Sabinorum juventute per lasciviam scorta raperentur, concursu hominum rixa ac prope prælium fuit; parvæque ex re ad rebellionem spectare res videbatur. Supra belli Latini metum id quoque accesserat, quòd triginta jam conjurasse populos, concitante Octavio Mamilio, satis constabat. In hac tantarum expectatione rerum sollicità civitate, dictatoris primum creandi mentio orta. sed nec quo anno, nec quibus consulibus, quia ex factione Tarquinia essent, (id quoque enim traditur) parum creditum sit, nec quis primum dictator creatus sit, fatis constat. apud veterrimos tamen auctores T. Lartium dictatorem primum, Sp. Cassum magistrum equitum, creatos invenio. Consulares legere; ita lex jubebat, de dictatore creando lata. Eò magis adducor, ut credam, Lartium, qui consularis erat, potius, quàm M. Valerium, M. filium, Volsci nepotem, qui nondum consul fuerat, moderatorem & magistrum consulibus appositum. qui, si maxime ex ea familia legi dictatorem vellent, patrem multò potius M. Valerium, spectatæ virtutis & consularem virum, legissent. Creato dictatore primum Romæ, postquam præ-

præferri secures viderunt, magnus plebem metus inces-  
sit, ut intentiores essent ad dicto parendum. neque e-  
nim, ut in consulibus, qui pari potestate essent, alteri-  
us auxilium, neque provocatio erat; neque ullum us-  
quam, nisi in cura parendi, auxilium. Sabinis etiam  
creatus Romæ dictator (eò magis quòd propter se crea-  
tum crediderant) metum incussit. itaque legatos de pa-  
ce mittunt. quibus, orantibus dictatorem senatumque,  
ut veniam erroris hominibus adolescentibus darent, re-  
sponsum; *ignosci adolescentibus posse, senibus non posse, quæ  
bella ex bellis fererent.* actum tamen est de pace: impe-  
trataque foret, si, quod impensæ factum in bellum e-  
rat, præstare Sabini (id enim postulatum erat) in ani-  
mum induxissent. Bellum indictum. tacitæ induciæ  
quietum annum tenuere.

XIX. Consules Ser. Sulpicius, M. Tullius. nihil di-  
gnum memoriâ actum. T. Æbutius deinde & C. Vetu-  
sius. His consulibus Fidenæ obsessæ, Crustumeria ca-  
pta, Prænestæ ab Latinis ad Romanos descivit. nec ul-  
trâ bellum Latinum, gliscens jam per aliquot annos, di-  
latum. A. Postumius dictator, T. Æbutius magister e-  
quitum, magnis copiis peditum equitumque profecti, ad  
lacum Regillum in agro Tusculano agmini hostium oc-  
currerunt. &, quia Tarquinius esse in exercitu Latino-  
rum auditum est, sustineri ira non potuit, quin extem-  
plo configerent. Ergo etiam prælium aliquanto, quàm  
cetera, gravius atque atrocius fuit. non enim duces ad  
regendam modò consilio rem affuere, sed, suismet ipsis  
corporibus dimicantes, miscuere certamina: nec quif-  
quam procerum ferme hac aut illa ex acie sine vulnere,  
præter dictatorem Romanum, excessit. In Postumium,  
prima in acie suos adhortantem instruentemque, Tar-  
quinius Superbus, quanquam jam ætate & viribus erat  
gravior, equum infestus admisit: ictusque ab latere,  
concurfu suorum receptus in tutum est. Et ad alterum  
cornu Æbutius magister equitum in Octavium Mamili-  
um

um impetum dederat. nec fefellit veniens Tufculanum ducem; contra quem & ille concitat equum. tantaque vis infestis venientium haftis fuit, ut brachium Æbutio trajectum fit, Mamilio pectus percuffum. Hunc quidem in fecundam aciem Latini recepere. Æbutius, quum fancio brachio tenere telum non poffet, pugna exceffit. Latinus dux, nihil deterritus vulnere, praelium ciet; &, quia fuos perculfos videbat, arceffit cohortem exfulum Romanorum, cui L. Tarquini filius præerat. ea, quòd maiore pugnabat ira ob erepta bona patriamque ademptam, pugnam parumper reftituit.

XX. Referentibus jam pedem ab ea parte Romanis, M. Valerius, Publicolæ frater, confpicatus ferocem juvenem Tarquinium, oftentantem fe in prima exfulum acie, domesticâ etiam gloriâ accenfus, ut, cujus familiar decus ejeti reges erant, ejusdem interfecti forent, fubdit calcaria equo, & Tarquinium infesto fpiculo petit. Tarquinius retrò in agmen fuorum infenfo ceffit hofti. Valerium, temere inveltum in exfulum aciem, ex tranfverfo quidam adortus tranfigit: nec quicquam equitis vulnere equo retardato, moribundus Romanus, labentibus fuper corpus armis, ad terram defluxit. Dictator Pofumius, poftquam cecidiffe talem virum, exfules ferociter citato agmine invehi, fuos perculfos cedere animadvertit; cohorti fuæ, quam delectam manum præfidii caufâ circa fe habebat, dat fignum, ut, quem fuorum fugientem viderint, pro hofti habeant. ita metu ancipiti verfi à fuga Romani in hoftem, & reftituta acies. Cohors dictatoris tum primum praelium iniit. integris corporibus animisque feflos adorti exfules cædunt. Ibi alia inter proceres coorta pugna. Imperator Latinus, ubi cohortem exfulum à dictatore Romano prope circumventam vidit, ex fubfidiariis manipulos aliquot in primam aciem fecum rapit. hos agmine venientes T. Herminius legatus confpicatus, interque eos infignem vefte armisque Mamilium nefcitans,

tantè

tantò vi majore, quàm paulò antè magister equitum, cum hostium duce prœlium ibiit, ut & uno ictu transfixum per latus occiderit Mamilium, & ipse inter spoliandum corpus hostis veruto percussus, quum victor in castra esset relatus, inter primam curationem exspiraverit. Tum ad equites dictator advolat, obtestans, ut, fesso jam pedite, descendant ex equis, & pugnam capeſſant. Dicto parvere: defiliunt ex equis, provolant in primum, & pro antesignanis parmas obijciunt. Recipit extemplo animum pedestris acies, postquam juventutis proceres æquato genere pugnae secum partem periculi sustinentes vidit. Tum demum impulsî Latini, perculsaque inclinavit acies. Equiti admoti equi, ut persequi hostem posset. secuta & pedestris acies. Ibi, nihil nec divinæ nec humanæ opis dictator prætermittens, ædem Castori vovisse fertur: ac pronuntiâſſe militi præmia, qui primus, qui secundus, castra hostium intrâſſet. tantusque ardor fuit, ut eodem impetu, quo fuderant hostem, Romani castra caperent. Hoc modo ad lacum Regillum pugnatum est. Dictator & magister equitum triumphantes in urbem rediere.

XXI. Triennio deinde nec certa pax, nec bellum fuit. Consules Q. Clœlius & T. Lartius. Inde A. Sempromius & M. Minutius. his consulibus ædes Saturno dedicata: Saturnalia institutus festus dies. A. deinde Postumius & T. Virginus consules facti. Hoc demum anno ad Regillum lacum pugnatum, apud quosdam invenio; A. Postumium, quia collega dubie fidei fuerit, se consulatu abdicâſſe; dictatorem inde factum. Tanti errores implicant temporum, aliter apud alios ordinatis magistratibus, ut, nec qui consules secundum quosdam, nec quid quoque anno actum sit, in tanta vetustate, non rerum modò, sed etiam auctorum, digerere possis. Ap. Claudius deinde & P. Servilius consules facti. Insignis hic annus est nuncio Tarquinii mortis. Mortuus est Cumis, quò se, post fractas opes Latiorum, ad

ad Aristodemum tyrannum contulerat. Eo nuncio erecti Patres, erecta plebes. sed Patribus nimis luxuriosa ea fuit lætitia: plebi, cui ad eam diem summâ ope inservitum erat, injuriæ à primoribus fieri cœpere. Eodem anno Signia colonia, quam rex Tarquinius deduxerat, suppleto numero colonorum, iterum deducta est. Romæ tribus una & viginti factæ. Ædes Mercurii dedicata est Idibus Maiis.

XXII. Cum Volscorum gente Latino bello neque pax, neque bellum fuerat. nam & Volsci comparaverant auxilia, quæ mitterent Latinis, ni maturatum ab dictatore Romano esset; & maturavit Romanus, ne prælio uno cum Latino Volſcoque contenderet. Hæc irâ consules in Volſcum agrum legiones duxere. Volſcos, consilii pœnam non metuentes, necopinata res perculit. Armorum immemores obsides dant trecentos principum à Cora atque Pometia liberos. ita sine certamine inde abductæ legiones. Nec ita multò post Volſcis levatis metu suum rediit ingenium: rursus occultum parant bellum, Hernicis in societatem armorum assumptis. Legatos quoque ad sollicitandum Latium passim dimittunt. Sed recens ad Regillum lacum accepta clades Latinos irâ odioque ejus, quicumque arma suaderet, ne ab legatis quidem violandis abstinuit. Comprehensos Volſcos Romam duxere. Ibi traditi consulibus. indicatumque est, Volſcos Hernicosque parare bellum Romanis. Relatâ re ad senatum, ad eum fuit gratum Patribus, ut & captivorum sex millia Latinis remitterent, & de fœdere, quod prope in perpetuum negatum fuerat, rem ad novos magistratus rejicerent. Enimvero tum Latini gaudere factis, pacis auctores in ingenti gloria esse. Coronam auream Jovi donum in Capitolium mittunt. cum legatis donoque, qui captivorum remissi ad suos fuerant, magna circumfusa multitudo venit. Pergunt domos eorum, apud quem quisque servierant: gratias agunt, liberaliter habiti cultique

in calamitate sua. inde hospitia jungunt. Nunquam a-  
hàs antè publicè privatimque Latinum nomen Romano  
imperio conjunctius fuit.

XXIII. Sed & bellum Volsicum imminabat, & civi-  
tas, secum ipsa discors, intestino inter Patres plebem-  
que flagrabat odio, maximè propter nexos ob æs alie-  
num. Fremebant, *se, foris pro libertate & imperio dimi-  
cantes, domi à civibus captos & oppressos esse; tutioremque in  
bello, quàm in pace, inter hostes, quàm inter cives, libertatem  
plebis esse.* invidiamque eam, suà sponte gliscentem, in-  
signis unius calamitas accendit. Magno natu quidam  
eum omnium malorum suorum insignibus se in forum  
projecit. obsita erat squalore vestis, fœdior corporis  
habitus pallore ac macie perempti. Ad hoc, promissa  
barba & capilli efferaverant speciem oris. Noscitaba-  
tur tamen in tanta deformitate, & ordines duxisse aie-  
bant, aliaque militiæ decora vulgò, miserantes eum,  
jactabant. ipse, testes honestarum aliquot locis pugna-  
rum, cicatrices adverso pectore ostentabat. Sciscitan-  
tibus *unde ille habitus? unde deformitas?* quum circum-  
fusa turba esset prope in concionis modum, Sabino bello,  
*ait, se militantem, quia propter populationes agri non fructu  
modò carueris, sed villa incensa fuerit, direpta omnia, pecora  
abacta, tributum iniquo suo tempore imperatum, æs alienum  
fecisse: id, cumulatam usuris, primò se agro paterno avitque  
exuisse, deinde fortunis aliis: postremò, velut tabam, perve-  
nisse ad corpus. Ductum se ab creditore, non in servitium, sed  
in ergastulum & carnificinam esse.* Inde ostentare tergum  
fœdum recentibus vestigiis verberum. Ad hæc visa au-  
ditaque clamor ingens oritur. Non jam foro se tumult-  
us continet, sed passim totam urbem pervadit. Nexæ  
vincti solutique se undique in publicum proripiunt, im-  
plorant Quiritium fidem. Nullo loco deest seditionis  
voluntarius comes. multis passim agminibus per omnes  
vias cum clamore in forum curritur. Magno cum pe-  
riculo suo, qui forte Patrum in foro erant, in eam tur-  
bam

ham inciderunt. nec temperatum manibus foret: nē propere consules, P. Servilius & Ap. Claudius, ad comprimendam seditionem intervenissent. In eos multitudo versa, ostentare vincula sua deformitatemque aliam. Hæc se meritos dicere, exprobrantes suam quisque alius alibi militiam. Postulare multò minaciter magis, quàm suppliciter, ut senatum vocarent: curiamque ipsi, futuri arbitri moderatoresque publici consilii, circumfistunt. Pauci admodum Patrum, quos casus obtulerat, contracti ad consules: ceteros metus non curià modò, sed etiam foro arcebat. nec agi quicquam per infrequentiam poterat senatùs. Tum verò eludi atque extrahi se multitudo putare; &, Patrum qui abessent, non casu, non metu, sed impediendæ rei causâ abesse, & consules ipsos tergiversari; nec dubiè ludibrio esse miseras suas. Jam prope erat, ut ne consulum quidem majestas coërceret iras hominum. quum, incerti, morando, an veniendo, plus periculi contraherent, tandem in senatum veniunt: frequentique tandem curià, non modò inter Patres, sed ne inter consules quidem ipsos, satis conveniebat. Appius, vehementis ingenii vir, imperio consulari rem agendam censebat: uno aut altero arrepto, quieturos alios. Servilius, lenibus remediis aptior, concitatos animos flecti, quàm frangi, putabat quum tutius, tum facilius, esse.

XXIV. Inter hæc major alius terror. Latini equites cum tumultuoso advolant nuncio: *Volsco infesto exercitu ad urbem oppugnandam venire.* quæ audita (adeò duas ex una civitate discordia fecerat) longè aliter Patres ac plebem affecere. Exsultare gaudio plebes; *ultores superbiæ Patrum adesse dicere Deos.* alius alium confirmare, ne nomina darent: cum omnibus potius, quàm solos, perituros. Patres militarent, Patres arma caperent, ut penes eosdem pericula belli, penes quos præmia, essent. At verò curia, mœsta & trepida ancipiti metu & ab cive & ab hoste, Servilium



viliū consulem, cui ingenium magis populare erat, orare, ut tantis circumventam terroribus expediret rempublicam. Tum consul, misso senatu, in concionem prodit. Ibi, *cura esse Patribus*, ostendit, ut *consulatur plebi*. ceterū deliberationi de maxima quidem illa, sed tamen parte civitatis, metum pro universa republica intervenisse. nec posse, quum hostes prope ad portas essent, bello prævertisse quicquam: nec, si sit laxamenti aliquid, aut plebi beneſtum eſſe, niſi mercede prius acceptā, arma pro patria non cepiſſe; neque Patribus ſatis decorum, per metum potiùs, quàm poſtmodo voluntate, affliſtis civium ſuorum fortunis conſuluiſſe. Concioni deinde ediſto addidit fidem, quo edixit, Ne quis civem Romanum vinctum aut clauſum teneret, quò minùs ei nominis edendi apud conſules poteſtas fieret. Ne quis militis, donec in caſtris eſſet, bona poſſideret, aut venderet: liberos nepoteſve ejus moraretur. Hoc propoſito ediſto, & qui aderant, nexi proſiteri extemplo nomina; & undique ex tota urbe proripientium ſe ex privato, quum retinendi juſ creditorum non eſſet, concurſus in forum, ut ſacramento dicerent, fieri. Magna ea manus fuit; neque aliorum magis in Volſco bello virtus atque opera enituit. Conſul copias contra hoſtem educit. parvo dirimente intervallo caſtra ponit.

XXV. Proximā inde nocte Volſci, diſcordiā Romanā freti, ſi qua nocturna tranſitio proditiōe fieri poſſit, tentant caſtra. Senſere vigiles: excitatus exercitus, ſigno dato: concurſum eſt ad arma. Ita fruſtra id inceptum Volſcis fuit. reliquum noctis utrinque quieti datum. Poſtero die primā lūce Volſci, ſoſſis repletis, vallum invadunt. Jamque ab omni parte munimenta veliebantur, quum conſul, quanquam cuncti undique, & nexi ante omnes, ut ſignum daret, clamabant, experiendi animos militum cauſā parumpèr moratus, poſtquam ſatis apparebat ingens ardor, dato tandem ad eſumpendum ſigno, militem avidum certaminis emittit.

Primo

Primo statim iacursu pulsi hostes: fugientibus, quoad insequi pedes potuit, terga cæsa: eques usque ad castra pavidos egit. mox ipsa castra, legionibus circumdatis, quum Volscos inde etiam pavor expulisset, capta direptaque. Postero die ad Sueffam Pometiam, quò confugerant hostes, legionibus ductis, intra paucos dies oppidum capitur: captum prædæ datum. inde paulum recreatus egens miles. Consul cum maxima gloria sua victorem exercitum Romam reducit. decedentem Romam Ecetranorum Volscorum legati, rebus suis timentes post Pometiam captam, adeunt. His ex senatusconsulto data pax, ager ademptus.

XXVI. Confestim & Sabini Romanos territavere: tumultus enim fuit veriùs, quàm bellum. Nocte in urbe nunciatum est, exercitum Sabinum prædabundum ad Anienem amnem pervenisse. ibi passim diripi atque incendi villas. Missus extemplo eò cum omnibus copiis equitum A. Postumius, qui dictator bello Latino fuerat. secutus consul Servilius cum delecta peditum manu. Plerosque palantes eques circumvenit. nec adveniienti peditum agmini resistit Sabina legio. Fessum itinere, tum populatione nocturnâ, magna pars in villis repleti cibo vinoque, vix fugæ quod satis esset virium habuere. Nocte unâ audito perfectoque bello Sabino, postero die, in magnâ jam spe undique partæ pacis, legati Aurunci senatum adeunt, ni decedatur Volscæ agro, bellum indicentes. Cum legatis simul exercitus Auruncorum domo profectus erat. cujus fama, haud procul jam ab Aricia visi, tanto tumultu concivit Romanos, ut nec consuli ordinæ Patres, nec pacatum responsum arma inferentibus arma ipsi capientes dare possent. — Ariciam infesto agmine itur: nec procul inde cum Auruncis signa collata, prælioque uno debellatum est.

XXVII. Fatis Auruncis, victor tot intra paucos dies bellis Romanus promissa consulis fidemque senatûs exspe-

ſpectabat: quum Appius, & inſatâ ſuperbiâ animo, & ut collegæ vanam faceret fidem, quàm aſperrimè poterat, jus de creditis pecuniis dicere. deinceps &, qui antè nexi fuerant, creditoribus tradebantur, & neſcebantur alii. Quod ubi cui militi inciderat, collegam appellabat: concursus ad Servilium fiebat, illius promiſſa jaſtabant, illi exprobrabant ſua quiſque belli merita cicatriceſque acceptas. poſtulabant, ut aut referret ad ſenatum, aut ut auxilio eſſet conſul civibus ſiſis, imperator militibus. Movebant conſulem hæc; ſed tergiverſari res cogeſbat. adeò in alteram cauſam non collega ſolùm præceps icrat, ſed omnis factio nobilium. ita, medium ſe gerendo, nec plebis vitavit odium, nec apud Patres gratiam iniit. Patres mollem conſulem & ambitioſum rati; plebes fallacem. brevique apparuit, æquâſſe eum Appii odium. Certamen conſulibus inciderat, uter dedicaret Mercurii ædem. Senatus à ſe rem ad populum rejecit: utri eorum dedicatio jufſu populi data eſſet, eum præceſſe annonæ, mercatorum collegium inſtituere, ſolennia pro pontifice jufſit ſuſcipere. Populus dedicationem ædis dat M. Lætorio, primi pili centurioni: quod facilè appareret, non tam ad honorem ejus, cui curatio altior faſtigio ſuo data eſſet, factum, quàm ad conſulum ignominiam. Sævire inde utique conſulum alter, Patreſque. ſed plebi creverant animi; & longè aliâ, quàm primò inſtituerant, viâ graſſabantur. Deſperato enim conſulum ſenatuſque auxilio, quum in jus duci debitorem vidiffent, undique convolabant: neque decretum exaudiri conſulis præ ſtrepitu & clamore poterat: neque, quum decreſſet, quiſquam obtemperabat. Vi agebatur, metuſque omnis & periculum libertatis, quum in conſpectu conſulis ſinguli à pluribus violarentur, in creditores à debitoribus verterant. Super hæc timor inceſſit Sabini belli; delectuque decreto, nemo nomen dedit, furente Appio, & inſectante ambitionem collegæ; qui populari ſilentio rempublicam proderet,

& ad id, quòd de credita pecunia jus non dixisset, adjiceret, ut ne delectum quidem ex senatusconsulto haberet. *non esse tamen desertam omnino rempublicam, neque projectum consulare imperium. Se unum & sua & Patrum majestatis vindicem fore.* Quum circumstaret quotidiana multitudo licentià accensa, arripi unum insignem ducem seditionum jussit. Ille, quum à lictoribus jam traheretur, provocavit: nec cessisset provocationi consul, quia non dubium erat populi judicium, nisi ægrè victa pertinacia foret, consilio magis & auctoritate principum, quàm populi clamore. adeò supererant animi ad sustinendam invidiam. Crescere inde malum in dies, non clamoribus modò apertis, sed, quod multò perniciosius erat, secessione occultisque colloquiis. Tandem invisi plebi consules magistratu abeunt, Servilius neutris, Appius Patribus mirè gratus.

XXVIII. A. Virginius inde & T. Vetusus consulatum ineunt. Tum verò plebes, incerta quales habitura consules esset, cœtus nocturnos, pars Esquiliis, pars in Aventino, facere; ne in foro subitis trepidaret consiliis, & omnia temerè ac fortuito ageret. Eam rem consules rati, ut erat, perniciosam, ad Patres deferunt: sed delatam consulere ordine non licuit. adeò tumultuosè excepta est clamoribus undique & indignatione Patrum, si, quod imperio consulari exsequendum esset, invidiam ejus consules ad senatum rejicerent. *Profectò si essent in republica magistratus, nullum futurum fuisse Romæ, nisi publicum, concilium. Nunc in mille curias concionesque (quum alia in Esquiliis, alia in Aventino fiant concilia) dispersam & dissipatam esse rempublicam. Unum, Hercule, virum, (id enim plus esse, quàm consulem) qualis Ap. Claudius fuerit, momento temporis discussuram illos cœtus fuisse.* Correpti consules quum, quid ergo se facere vellent, (nihil enim segnius molliusve, quàm Patribus placeat, acturos) percunctarentur, decernunt, ut delectum quàm acerrimum habcant. otio lascivire plebem. Dimisso senatu, consules

E

in

in tribunal ascendunt. citant nominatim juniores. Quum ad nomen nemo responderet, circumfusa multitudo in concionis modum negare, *Utrâ decipi plebem posse. Nunquam unum militem habituros, ni præstaretur fides publica. libertatem unicuique prius reddendam esse, quàm arma danda: ut pro patria civibusque, non pro dominis, pugnent.* Consules, quid mandatum esset à senatu, videbant: sed eorum, qui intra parietes curiæ ferociter loquerentur, neminem adesse, invidiæ suæ participem: & apparebat atrox cum plebe certamen. Prius itaque, quàm ultima experirentur, senatum iterum consulere placuit. tum verò ad sellas consulum propè convolvere minimus quisque natus Patrum, abdicare consulatum jubentes, & deponere imperium, ad quod tuendum animus deesset.

XXIX. Utrâque re fatis expertâ, tum denum consules: *Ne prædictum negetis, Patres conscripti, adest ingens seditio. Postulamus, ut ii, qui maximè ignaviam increpant, adsint nobis habentibus delectum. Ascerimi cujusque arbitrio, quando ita placet, rem agemus.* Redeunt in tribunal; citari nominatim unum ex iis, qui in conspectu erant, deditâ operâ jubent. Quum staret tacitus, & circa eum aliquot hominum, ne fortè violaretur, constitisset globus, lictorem ad eum consules mittunt. quo repulso, tum verò, indignum facinus esse, clamitantes, qui Patrum consulibus aderant, devolant de tribunali, ut lictori auxilio essent. Sed ab lictore, nihil aliud quàmprehendere prohibito, quum conversus in Patres impetus esset, consulum intercurfu rixâ sedata est: in qua tamen, sine lapide, sine telo, plus clamoris atque irarum, quàm injuriæ, fuerat. Senatus, tumultuosè vocatus, tumultuosius consulitur, quæstionem postulanti-bus iis, qui pulsati fuerant, decernente ferocissimo quoque, non sententiis magis, quàm clamore & strepitu. Tandem, quum iræ resedissent, exprobrantibus consulibus, nihilo plus sanitatis in curiâ, quàm in foro, esse,  
ordi-

ordine confusi cœpit. Tres fuere sententiæ. P. Virginii rem non vulgabat: *de iis tantum, qui, fidem secuti P. Servilii consulis, Volſco, Aurunco, Sabinoque militaſſent bello, agendum cenſebat.* T. Lartius, *Non id tempus eſſe, ut merita tantummodo exſolverentur. totam plebem ære alieno demerſam eſſe: nec ſiſti poſſe, ni omnibus conſulatur. quin, ſi alia aliorum ſit conditio, accendi magis diſcordiam, quàm ſedari.* Ap. Claudius, & naturâ immitis, & efferatus hinc plebis odio, illinc Patrum laudibus, *Non miſeriis, ait, ſed licentiâ, tantum concitum turbarum; & laſcivire magis plebem, quàm ſevire. Id adeò malum ex provocatione natum. quippe minas eſſe conſulum, non imperium; ubi ad eos, qui unâ peccaverint, provocare liceat. Agendum, inquit, dictatorem, à quo provocatio non eſt, creemus. Jam hic, quo nunc omnia ardent, conticeſcet furor. Pulſet tum mihi liſtorum, qui ſciat, jus de tergo vitæque ſua penes unum illum eſſe, cujus majeſtatem violavit.*

XXX. Multis, ut erat, horrida & atrox videbatur Appii ſententia: rurfus Virginii Lartiique exemplo haud ſalubres; utique Lartii putabant ſententiam, quæ totam fidem tolleret. medium maximè & moderatum utroque conſilium Virginii habebatur. Sed factione reſpectuque rerum privatarum, quæ ſemper offecere officientque publicis conſiliis, Appius vicit: ac prope fuit, ut dictator ille idem crearetur. quæ res utique alienaſſet plebem periculoſiſſimo tempore, quum Volſci & Equique & Sabini fortè unâ omnes in armis eſſent. Sed curæ fuit conſulibus & ſenioribus Patrum, ut imperium, ſuo vehemens, manueto permitteretur ingenio. M. Valerium dictatorem Volſi filium creant. Plebes, etſi adverſus ſe creatum dictatorem videbat, tamen, quum provocationem fratris lege haberet, nihil ex ea familia triſte nec ſuperbum timebat. Ediſtum deinde, à dictatore propoſitum, confirmavit animos, Serviliæ ſere conſulis ediſto conveniens. ſed & homini & poteſtati melius rati credi, omiſſo certamine nomina dede-

re. Quantus nunquam antè exercitus, legiones decem effecit: ternæ inde datæ consulibus, quatuor dictator usus. Nec poterat jam bellum differri. Æquî Latinum agrum invaserant. oratores Latinorum à senatu petebant, ut aut mitterent subsidium, aut se ipsos tuendorum finium causâ capere arma sinerent. Tutius visum est, defendi inermes Latinos, quàm pati retractare arma. Vetustius consul missus est. is finis populationibus fuit. Cessere Æqui campis: locoque magis, quàm armis, freti, summis se jugis montium tutabantur. Alter consul, in Volscos profectus, ne & ipse tereret tempus, vastandis maximè agris hostem ad conferenda propiùs castra dimicandumque acie excivit. Medio inter castra campo, ante suum quisque vallum, infestis signis consistere. multitudine aliquantùm Volsci superabant. Itaque effusi & contemptim pugnam iniere. Consul Romanus nec promovit aciem, nec clamorem reddi passus, defixis pilis stare suos iussit: ubi ad manum venisset hostis, tum coortos totâ vi gladiis rem gerere. Volsci, cursu & clamore fessi, quum se velut stupentibus metu intulissent Romanis, postquam impressionem sentire ex adverso factam, & ante oculos micare gladios, haud secus, quàm si in insidias incidissent, turbati vertunt terga; & ne ad fugam quidem satis virium fuit, quia cursu in prælium ierant. Romani contrâ, quia principio pugnae quieti steterant, vigentes corporibus, facillè adepti fessos, & castra impetu ceperunt, & castris exutum hostem Velitras persecuti, uno agmine victores cum victis in urbem irrupere. plusque ibi sanguinis, promiscuâ omnium generum cæde, quàm in ipsa dimicatione, factum. paucis data venia, qui inermes in deditiõnem venerunt.

XXXI. Dum hæc in Volscis geruntur, dictator Sabinos, ubi longè plurimum belli fuerat, fundit, fugatque, exiitque castris. Equitatu immisso mediam turbaverat hostium aciem, quâ, dum se cornua latius pandunt,

ſunt, parum aptè introrſum ordinibus aciem firmave-  
 rant. turbatos pedes invalſit. eodem impetu caſtra ca-  
 pta, debellatumque eſt. Poſt pugnam ad Regillum ſa-  
 cum non alià illis annis pugna clarior fuit. dictator tri-  
 umphans urbem invehitur. Super ſolitos honores locus  
 in circo ipſi poſterisque ad ſpectaculum datus; ſella in  
 eo loco curulis poſita. Volſcis deviſtis Veliternus ager  
 ademptus: Velitras coloni ab urbe miſſi & colonia de-  
 ducta. Cum Æquis poſt aliquanto pugnatum eſt, in-  
 vito quidem conſule; quia loco iniquo ſubeundum erat  
 ad hoſtes: ſed milites, extrahere rem criminantes, ut di-  
 ctator, priuſquam ipſi redirent in urbem, magiſtratu  
 abiret, irritaque, ſicut ante conſulis, promiſſa ejus ca-  
 derent, perpulere, ut fortè temere in adverſos montes  
 agmen erigeret: Id malè commiſſum ignaviâ hoſtium  
 in bonum vertit: qui, priuſquam ad conjeſtum teli ve-  
 niretur, obſtupefacti audaciâ Romanorum, reliſtis ca-  
 ſtris, quæ munitiſſimis tenuerant locis, in adverſas val-  
 les deſiluire: ubi fatis prædæ & victoriâ incruenta fuit.  
 Ita trifariam re bello bene geſtâ, de domesticarum re-  
 rum eventu nec Patribus nec plebi cura deceſſerat. tan-  
 tâ quum gratiâ, tum arte præparaverant ſæneratores,  
 quæ non modò plebem, ſed ipſum etiam dictatorem fru-  
 ſtrarentur. Namque Valerius, poſt Vetuſii conſulis re-  
 ditum, omnium actionum in ſenatu primam habuit pro  
 victore populo, retulitque, quid nexis fieri placeret.  
 quæ quum rejecta relatio eſſet, *Non placeo*, inquit, *con-*  
*cordia auctor: optavidiſtis, me Deus Fidius, prope diem, ut mei*  
*ſimiles Romana plebes patronos habeat. Quod ad me attinet, ne-*  
*que fruſtrabor ultra cives meos, neque ipſe fruſtra dictator ero.*  
*Discordia inteſtina, bellum externum fecere, ut hoc magiſtra-*  
*tu egeret reſpublica. Pax foris parata eſt, domi impeditur. pri-*  
*vatus potiùs, quàm dictator; ſeditioni interero.* ita, curiâ e-  
 greſſus, dictaturâ ſe abdicavit. Apparuit cauſa plebi,  
 ſuam vicem indignantem magiſtratu abſiſſe. itaque, ve-  
 lut perſolutâ fide, quoniam per eum non ſtetiſſet, quin



præstaretur, decedentem domum cum favore ac laudibus profecuti sunt.

XXXII. Timor inde Patres incescit, ne, si dimissus exercitus foret, rursus cœtus occulti conjurationesque fierent. itaque, quanquam per dictatorem delectus habitus esset, tamen, quoniam in consulum verba jurassent, sacramento teneri militem rati, per causam renovati ab Æquis belli educi ex urbe legiones jussere. quo facto maturata est seditio. Et primò agitatum dicitur de consulum cæde, ut solverentur sacramento: doctos deinde, nullam scelere religionem exsolvi, Sicinio quodam auctore, injussu consulum in Sacrum montem secessisse (trans Anienem amnem est) tria ab urbe millia passuum. ea frequentior fama est, quàm, cujus Piso auctor est, in Aventinum secessionem factam esse. Ibi sine ullo duce, vallo fossæque communitis castris, quieti, rem nullam, nisi necessariam ad victum, fumendo, per aliquot dies, neque lacessiti neque lacessentes, sese tenere. Pavor ingens in urbe, metuque mutuo suspensa erant omnia. Timere relicta ab suis plebes violentiam Patrum, timere Patres residem in urbe plebem, incerti, manere eam, an abire mallent. Quam diu autem tranquillam, quæ secesserit, multitudinem fore? quid futurum deinde, si quod externum interim bellum existat? nullam profectò, nisi in concordia civium, spem reliquam ducere. eam per æqua, per iniqua, reconciliandam civitati esse. Placuit igitur oratorem ad plebem mitti Menenium Agrippam, facundum virum & quòd inde oriundus erat, plebi carum. Is, intromissus in castra, prisco illo dicendi & horrido modo nihil aliud, quàm hoc, narrasse fertur: *Tempore, quo in homine, non, ut nunc, omnia in unum consentiebant, sed singulis membris suum cuique consilium, suus sermo fuerat, indignatas reliquas partes, suâ cura, suo labore ac ministerio ventri omnia quærere ventrem, in medio quietum, nihil aliud, quàm datis voluptatibus frui: conspiciat inde, ne manus ad os ciliquæ ferant, neq*

et acciperet datum, nec dentes conficerent: hâc irâ, dum ventrem fame domare vellent, ipsa undè membra totumque corpus ad extremam tabem venisse. Inde apparuisse, ventris quoque hanc segne ministerium esse: nec magis ali, quàm alere eum, reddentem in omnes corporis partes hunc, quo vivimus vigemusque, divisum pariter in venas maturum, confecto cibo, sanguinem. Comparando hinc, quàm intestina corporis seditio similis esset iræ plebis in Patres, flexisse mentes hominum.

XXXIII. Agi deinde de concordia cœptum, concessumque in conditiones, ut plebi sui magistratus essent sacrosancti, quibus auxilii latio adversus consules esset; neve cui Patrum capere eum magistratum liceret. Ita tribuni plebei creati duo, C. Licinius & L. Albius. hi tres collegas sibi creaverunt. in his Sicinium fuisse, seditionis auctorem; de duobus, qui fuerint, minus convenit. Sunt, qui duos tantum in Sacro monte creatos tribunos esse dicant, ibique sacramentum legem latam. Per secessionem plebis Sp. Cassius & Postumus Cominius consulatum inierunt. his consulibus cum Latinis populis ictum fœdus. ad id feriendum consul alter Romæ mansit; alter, ad Volscum bellum missus, Antiatem Volscos fundit fugatque: compulso in oppidum Longulam persecutus, mœnibus potitur. Inde Poluscæ, item Volscorum, cepit: tum magnâ vi adortus est Coriolos. Erat tum in castris inter primores juvenum C. Marcius, adolescens & consilio & manu promptus, cui cognomen postea Coriolano fuit. Quum subito exercitum Romanam, Coriolos obsidentem, atque in oppidanos, quos intus clausos habebat, intentum sine ullo metu extrinsecus imminenti belli, Volscæ legiones, profectæ ab Antio, invasissent, eodemque tempore ex oppido erupissent hostes, fortè in statione Marcius fuit. Is, cum delecta militum manu, non modò impetum e-rumpentium retudit, sed per patentem portam ferox irrupit: cædeque in proxima urbis factâ, ignem, teme-

re arreptum, imminentibus muro ædificiis iniecit. Clamor inde oppidanorum, mixtus muliebri puerilique ploratu, ad terrorem, ut solet, primo ortu & Romanis auxit animum, & turbavit Volscos, utpote captâ urbe, cui ad ferendam opem venerant. Ita fusi Volsci Anzates, Corioli oppidum capsum. tantumque suâ laude obstitit famæ consulis Marcius, ut, nisi fœdus cum Latinis, columnâ æneâ insculptum, monumento esset, ab Sp. Cassio uno, quia collega abfuerat, iſtum, Postumum Cominium bellum gessisse cum Volscis, memoriâ cessisset. Eodem anno Agrippa Menenius moritur, vir omni vitâ pariter Patribus ac plebi carus; post secessionem carior plebi factus. Huic interpreti arbitroque concordiz civium, legata Patrum ad plebem, reductori plebis Romanæ in urbem sumptus funeri defuit. extulit eum plebs sextantibus collatis in capita.

XXXIV. Consules deinde T. Geganius, P. Minucius facti. Eo anno, quum & foris quieta omnia à bello essent, & domi sahata discordia, aliud multò gravius malum civitatem invasit: caritas primùm annonæ, ex incultis per secessionem plebis agris; fames deinde, qualis clausis solet. ventumque ad interitum servitiorum utique & plebis esset, ni consules providissent, dimissa passim ad frumentum coëmendum, non in Etruriâ modò dextris ab Ostia littoribus, lævoque per Volscos mari usque ad Cumas, sed quæsitum in Siciliam quoque. adeò finitimorum odia longinquis coëgerant indigere auxiliis. Frumentum Cumis quum coëmptum esset, naves pro bonis Tarquiniorum, ab Aristodemo tyranno, qui hæres erat, retentæ sunt. in Volscis Pomptinoque ne emi quidem potuit: periculum quoque ab impetu hominum ipsis frumentatoribus fuit. Ex Tuscis frumentum Tiberi venit: eo sustentata est plebs. Incommodo bello in tam arctis comineatibus vexati forent, ni Volscos, jam moventes arma, pestilentia ingens invasisset. eâ clade contreritis hostium animis, ut  
etiam,

etiam, ubi ea remisisset, terrore aliquo tenerentur, & Velitris auxere numerum colonorum Romani, & Norbæ in montes novam coloniam, quæ arx in Pomptino esset, miserunt. M. Minucio deinde & A. Sempronio consulibus, magna vis frumenti ex Sicilia advecta: agitatæque in senatu, quanti plebi daretur. Multi venisse tempus premendæ plebis putabant, recuperandique jura, quæ extorta secessione ac vi Patribus essent: in primis Marcius Coriolanus; hostis tribunicie potestatis, Si annonam, inquit, veterem volunt, jus pristinum reddant Patribus. Cur ego plebeios magistratus, cur Sicinium potentem video, sub jugum missus; tanquam à latronibus redemptus? Egone has indignitates diutius patiar, quàm necesse est? Tarquinium regem qui non tulerim; Sicinium feram? Sece-dat nunc, avocet plebem: patet via in Sacrum montem aliosque colles: rapiant frumenta ex agris nostris, quemadmodum tertio anno rapuere. Utantur annonâ, quam furore suo fecere. Audeo ducere, hoc malo domitos ipsos potiùs cultores agrorum fore, quàm ut armati per secessionem coli prohibeant. Haud tam facile dictu est, faciendumne fuerit, quàm potuisse arbitror fieri, ut; conditionibus laxandi annonam, & tribuniciam potestatem, & omnia invitis jura imposita Patres demerent sibi.

XXXV. Et senatui nimis atrox visa sententia est, & plebem ira prope armavit. Fame se jam, sicut hostes, peti; cibo victuque fraudari: peregrinum frumentum, quæ sola alimenta ex insperato fortuna dederit, ab ore rapi, nisi C. Marcio victi dedantur tribuni, nisi de tergo plebis Romana satisfiat. Eum sibi carnificem novum exortum, qui aut mori, aut servire jubeat. In exeuntem e curia impetus factus esset, ni peropportunè tribuni diem dixissent. Ibi ira est suppressa. se judicem quisque, se dominum vitæ necisque inimici factum videbat. Contemptim primò Marcius audiebat minas tribunicias: auxiliâ non pecunæ, jus datum illi potestati; plebisque, non Patrum, tribunos esse. Sed adeò infensa erat coorta plebs, ut.

unius potest defungendum esset Patribus. Restiterunt tamen adversa invidia, usque sunt, quæ suis quisque, quæ totius ordinis viribus. Ac primò tentata res est, si, dispositis clientibus, absterrendo singulos à coitionibus, consiliisque, disjicere rem possent. Universi deinde processere, (quicquid erat Patrum, reos diceres) precibus plebem exposcentes; *unum sibi civem, unum senatorem, si innocentem absolvere nollent, pro nocente donarent.* Ipse quum die dicta non adesset, perseveratum in ira est. Damnatu absens in Volscos exsulatum abiit, minitans patriæ, hostilesque jam tum spiritus gerens. Venientem Volsci benignè excepere; benigniùsque in dies colebant, quo major ira in suos eminebat, crebræque nunc querelæ, nunc minæ percipiebantur. Hospitio utebatur Attii Tulli. Longè is tum princeps Volsci nominis erat, Romanisque semper infestus. ita quum alterum vetus odium, alterum ira recens stimularet, consilia conferunt de Romano bello. Haud faciliè credebant, plebem suam impelli posse, ut toties infeliciè tentata arma caperent, multis sæpe bellis, pestilentia postremò amissa juventute, fractos spiritus esse: arte agendum in exoieto jam vetustate odio, ut recenti aliquâ irâ exacerbarentur animi.

XXXVI. Ludi fortè ex instauratione magni Romæ parabantur. instaurandi hæc causa fuerat. Ludis manè servum quidam paterfamilias, nondum commisso spectaculo, sub furca cæsum medio egerat circo. cœpti inde ludi, velut ea res nihil ad religionem pertinuisset. Haud ita multò post, Ti. Atinio, de plebe homini, somnium fuit. Visus Jupiter dicere, *Sibi ludis præfultatorem displicuisse: nisi magnificè instaurarentur hi ludi, periculum urbi fore. iret, ea consulibus nunciaret.* Quanquam haud sanè liber erat religione animus, verecundia tamen majestatis magistratuum timorem vicit, ne in ora hominum pro ludibrio abiret. Magno illi ea cunctatio stetit. fructum namque intra paucos dies amisit, cujus repentinæ cladis

cladis ne causa dubia esset, zgro animi eadem illa in somnis obversata species visa est rogitare, *Satin' magnam spreti muninis haberet mercedem? majorem instare, ni eas propere, ac nunciet consulibus.* Jam presentior res erat: cunctantem tamen ac prolatantem ingens vis morbi adorta est debilitate subita. tum enimverò Deorum ira admonuit. fessus igitur malis præteritis instantibusque, consilio propinquorum adhibito quum visa atque audita, & obversatum toties somno Jovem, minas irasque cœlestes, representatas casibus suis, exposuisset; consensu inde haud dubio omnium, qui aderant, in forum ad consules læsticâ adfertur. inde in curiam jussu consulum delatus, eadem illa quum Patribus ingentî omnium admiratione enarrâset; ecce aliud miraculum: qui captus omnibus membris delatus in curiam esset, cum functum officio pedibus suis domum rediisse, traditum memoriæ est.

XXXVII. Ludi quàm amplissimi ut fierent, senatus decrevit: Ad eos ludos, auctore Attio Tullo, vis magna Volscorum venit. Priusquam committerentur ludi, Tullus, ut domi compositum cum Marcio fuerat, ad consules venit. dicit esse, quæ secretò agere de republica velit. Arbitris remotis, *Invitus*, inquit, *quod sequius sit, de meis civibus loquor. Non tamen admissum quicquam ab iis criminatum venio, sed cautum, ne admittant. Nimmio plus, quàm velim; nostrorum ingenia sunt mobilia. Multis id cladibus sensimus. Quippe, qui non nostro merito, sed vestra patientiâ, incolumes sumus. Magna hîc nunc Volscorum multitudo est. ludi sunt. spectaculo intenta civitas erit. Memini, quid per eandem occasionem ab Sabinorum juventute in hac urbe commissum sit: horret ânimus, ne quid inconsultè ac temerè fiat. Hac, nostrâ vestraq; causâ, prius dicenda vobis, consules, ratus sum. Quod ad me attinet, extemplo hinc domum abire in animo est, ne cuius facti distive contagione præsens violer.* Hæc locutus abiit. Consules quum ad Patres rem dubiam sub auctore certo detulissent, auctor magis, ut fit, quàm

quàm res, ad præcavendum vel ex supervacuo movita-  
factoque senatusconsulto, ut urbem excederent Volscî,  
præcones dàmittuntur, qui omnes eos proficisci ante  
noctem juberent. Ingens pavor primò discurrentes ad  
suas res tollendas in hospitia perculit. Proficiscentibus  
deinde indignatio oborta: *Se, ut conscaleratos contamina-  
tosque, ab ludis, festis diebus, cætu quodammoda hominum  
Decorumque, abactos esse.*

XXXVIII. Quum prope continuato agmine irent,  
prægressus Tullus ad caput Ferentinum, ut quisque ve-  
niret, primores eorum excipiens, quærendo indignan-  
doque, & eos ipsos sedulò audientes secunda iræ ver-  
ba, & per eos multitudinem aliam in subjectum viæ  
campum deduxit. Ibi in concionis modum orationem  
exorsus, *Veteres populi Romani injurias, cladisque gentis Vol-  
scorum, ut omnia, inquit, obliviscamini aliæ hodiernam hanc  
contumeliam quo tandem animo fertis, quâ per nostram ignomi-  
niam ludos communisere? An non sensistis, triumphatum hodie de  
vobis esse? Vos omnibus, civibus, peregrinis, tot finitimis po-  
pulis, spectaculo abeuntes fuisse? Vestras conjuges, vestros li-  
beros traductos per ora hominum? Quid eos, qui audire vo-  
cem præconis? quid, qui vos videre abeuntes? quid eos, qui  
huic ignominioso agmini fuere obvii, existimâsse putatis? nisi  
aliquod profectò nefas esse, quo, si intersimus spectaculo, vio-  
laturi sinus ludos, piaculumque merituri: ideo nos ab sede pi-  
orum, cætu, concilioque abigi. Quid, deinde? illud non succur-  
rit, vivere nos, quod maturavimus proficisci? si hoc profectio,  
& non fuga est. Et hanc urbem vos non hostium ducitis, ubi, si  
unum diem morati essetis, mariendum omnibus fuit? Bellum  
vobis indictum est; magno eorum malo, qui indixere, si viri  
estis. Ita & suâ sponte irarum pleni, & incitati, domos  
inde digressi sunt; instigandoque suos quisque populos  
efficere, ut omne Volscum nomen deficeret.*

XXXIX. Imperatores ad id bellum de omnium po-  
pulorum sententia lecti Attius Tullus & C. Marcius ex-  
sul Romanus, in quo aliquanto plus spei repositum,  
Quam

Quam spem nequaquam fefellit: ut faciliè appareret, ducibus validiorem, quàm exercitu, rem Romanam esse. Circejos profectus, primum colonos inde Romanos expulit, liberamque eam urbem Volscis tradidit. Inde, in Latinam viam transversis tramitibus transgressus, Satrium, Longulam, Poluscam, Coriolos, novella hæc Romanis oppida ademit. Indo Lavinium recepit: tunc deinceps Corbionem, Vitelliam, Trebiam, Lavicos, Pedum cepit. Postremum ad urbem à Peto ducit; & ad fossas Cluiliæ quinquè ab urbe millia passuum castris positis, populatur inde agrum Romanum; custodibus inter populatores missis, qui patriciorum agros intactos servarent: sive insensus plebi magis, sive ut discordia inde inter Patres plebemque oriretur. Quæ profectò orta esset, adeò tribuni jam ferocem per se plebem criminando in primores civitatis instigabant. sed externus timor, maximum concordie vinculum, quamvis suspectos insensosque inter se jungebat animos. Id modò non conveniebat; quòd senatus consulesque nusquam alibi spem, quàm in armis, ponebant: plebes omnia, quàm bellum, malebat. Sp. Nautius jam & Sex. Furius consules erant: Eos, recensentes legiones, præsidia per muros aliaque, in quibus stationes vigilasque esse placuerat, loca distribuentes, multitudo ingens pacem poscentium primum seditioso clamore conterruit. deinde vocare senatum, referre de legatis ad C. Marcium mittendis coëgit. Acceperunt relationem Patres; postquam apparuit, labare plebis animos; missique de pace ad Marcium oratores atrax responsum retulerunt: *Si Volscis ager redderetur, posse agi de pace: si prædâ belli per otium frui velint, memorem se & civium injuria, & hospitum beneficii, adniscurum, ut appareat, exilio sibi irritatos, non fractos, animos esse.* Iterum deinde iidem missi non recipiuntur in castra. Sacerdotes quoque, suis insignibus velatos, isse supplices ad castra hostium, traditum est, nihilo magis quàm legatos flexisse animum.



XL. Tum matronæ ad Veturiam, matrem Coriolani, Volumniamque uxorem frequentes cœunt. id publicum consilium, an muliebris timor fuerit, parum invenio. Pervicere certè, ut & Veturia, magno-natu mulier, & Volumnia, duos parvos ex Marcio forens filios, secum in castra hostium irent: &, quam armis viri defendere urbem non possent, mulieres precibus lacrimisque defenderent. Ubi ad castra ventum est, nuntiatumque Coriolano, adesse ingens mulierum agmen, in primo (ut qui nec publicâ majestate in legatis, nec in sacerdotibus tantâ offusâ oculis animoque religione motus esset) multò obstinatioꝝ adversus lacrimas muliebres erat. Dein familiarium quidam, qui insignem moestitiâ inter ceteras cognoverat Veturiam, inter nurum nepotisque stantem, *Nisi me frustrantur, inquit, oculi, mater tibi conjuxque & liberi adsunt.* Coriolanus, prope ut amens consternatus, ab sede sua quum ferret matri obviam complexum, mulier in iram ex precibus versa, *Sine, priusquam complexum accipio, sciam, inquit, ad hostem, an ad filium, venerim: captiva mater-ne in castris tuis sim? In hoc me longa vita, & infelix senectâ traxit; ut exulem te, deinde hostem viderem? Potuisti populari hanc terram; qua te genuit atque aluit? Non tibi, quamvis infesto animo & minaci perveneras, ingredienti fines ira cecidit? non, quum in conspectu Roma fuit, succurrit, intra illa mœnia domus ac penates mei sunt, mater, conjux, liberique? Ergo ego nisi peperissem, Roma non oppugnaretur; nisi filium haberem, libera in libera patria mortua essem. Sed ego nihil jam pati, nec tibi turpius quàm mihi miserius, possum: nec, ut sim miserrima, diu futura sum. De his videris: quos, si pergis, aut immatura mors, aut longa servitus manet.* Uxor deinde ac liberi amplexi: fletusque ab omni turba mulierum ortus, & comploratio sui patrisque, fregere tandem virum. complexus inde suos dimittit: ipse retrò ab urbe castra movit. Abductis deinde legionibus ex agro Romano, invidia rei oppressum periisse tradunt; alii alio leto. Apud Fabium

ma, longè antiquissimum auctorem, usque ad senectutem vixisse eundem invenio. Refert certè, hanc sæpe eum exactà ætate usurpasse vocem, *Multo miserius seni exsilium esse*. Non inviderunt laudes suas mulieribus viri Romani. adeò sine obtræctione gloriæ alienæ vivebatur. Monumento quoque quod esset, templum Fortunæ muliebri ædificatum dedicatumque est. Rediere deinde Volsci, adjunctis Æquis, in agrum Romanum. sed Æqui Attium Tullum haud ultrà tulere ducem. Hinc ex certamine, Volsci Æquine imperatorem conjuncto exercitui darent, seditio, deinde atrox prælium ortum. Ibi fortuna populi Romani. duos hostium exercitus, haud minùs pernicioso quàm pertinaci certamine, confecit. Consules T. Sicinius & C. Aquillius. Sicinio Volsci, Aquillio Hernici (nam ii quoque in armis erant) provincia evenit. Eo anno Hernici devicti: cum Volscis æquo Marte discessum est.

XLI. Sp. Cassius deinde & Proculus Virginius consules facti, cum Hernicis fœdus ictum: agri partes duæ ademptæ. inde dimidium Latinis, dimidium plebi divisurus consul Cassius erat. Adjiciebat huic muneri agri aliquantum, quem publicum possideri à privatis criminabatur. Id multos quidem Patrum, ipsos possessores, periculo rerum suarum terrebat. sed & publica Patribus sollicitudo inerat, largitione consulem periculosas libertati opes struere. Tum primùm lex agraria promulgata est; nunquam deinde usque ad hanc memoriam sine maximis motibus rerum agitata. Consul alter largitioni resistebat, auctoribus Patribus, nec omni plebe adversante: quæ primò ceperat fastidire, munus vulgatum à civibus. Iste in socios. sæpe deinde & Virginium consulem in concionibus velut vaticinantem audiebat, *Pestilens collega munus esse. Agros illos servitutem iis, qui acceperint, laturus. regno viam fieri. Quid ita enim assumi socios & nomen Latinum? Quid attinuisse, Hernicis, paulo. autè hostibus, capti agri partem tertiam reddi, nisi ut hæ gentes*

*gentes pro Coriolano duce Cassium habeant?* Popularis jam esse dissuasor & intercessor legis agrariæ cœperat. uterque deinde consul certatim plebi indulgere. Virginius dicere, passurum se assignari agros, dum ne cui, nisi civi Romano, assignentur. Cassius, quia in agraria largitione ambitiosus in socios, eoque civibus vilior erat, ut alio munere sibi reconciliaret civium animos, jubere, pro Siculo frumento pecuniam acceptam retribui populo. Id verò haud secus, quàm præsentem mercedem regni, aspernata plebes. adeò propter suspicionem instam regni, velut abundarent omnia, munera ejus in animis hominum respuebantur. Quem, ubi primum magistratu abiit, damnatum neatumque constat. Sunt, qui patrem auctorem ejus supplicii ferant: eum, cognita domi causâ, verberasse ac necasse, peculiumque filii Cereri consecravisse. signum inde factum esse, & inscriptum, **EX CASSIA FAMILIA DATUM.** Invenio apud quosdam, idque propius fidem est, à quaestoribus K. Fabio & L. Valerio diem dictam perduellionis, damnatumque populi judicio: dirutas publicè ædes. ea est area ante Telluris ædem: Ceterum sive illud domesticum, sive publicum fuit judicium, damnatur Ser. Cornelio, Q. Fabio consulibus.

XLII. Haud diuturna ira populi in Cassium fuit. Dulcedo agrariæ legis ipsa per se, dempto auctore, subibat animos: accensaque ea cupiditas est malignitate Patrum; qui, devictis eo anno Volseis Æquisque, militem prædâ fraudavere: quicquid captum ex hostibus est, vendidit Fabius consul, ac redegit in publicum. Invisum erat Fabium nomen plebi propter novissimum consulem: tenuere tamen Patres, ut cum L. Æmilio K. Fabius consul crearetur. Eo infestior facta plebes seditione domesticâ bellum externum excivit: bello deinde civiles discordiæ intermissæ. uno animo Patres ac plebes rebellantes Volscos & Æquos, duce Æmilio, prosperâ pugna vicere. Plus tamen hostium fu-

ga, quàm prælum, absumpsit. adeò pertinaciter fufos infecuti sunt equites. Castoris ædes eodem anno Idibus Quinctilibus dedicata est. vota erat Latino bello, Postumio dictatore. filius ejus, duumvir ad id ipsum creatus, dedicavit. Sollicitati & eo anno sunt dulcedine agrariæ legis animi plebis. Tribuni plebis popularem potestatem lege populari celebrabant. Patres, satis superque gratuitè furoris in multitudine credentes esse, largitiones temeritatique invitamenta horrebant. accerimi Patribus duces ad resistendum consules fuere. Ea igitur pars reipublicæ vicit. nec in præsens modò, sed in venientem etiam annum M. Fabium Kæsonis fratrem, & magis invisum alterum plebi, accusatione Sp. Cassii, L. Valerium consules dedit. Certatum eo quoque anno cum tribunis est. vana lex, vanique legis auctores, jactando irritum manus, facti. Fabium inde nomen ingens post tres continuos consulatus, unoque velut tenore omnes expertos tribuniciis certaminibus, habitum. itaque, ut bene locatus, mansit in ea familia aliquamdiu honos. Bellum inde Vejens initum; & Volsci rebellârunt. sed ad bella externa propè supererant vires: abutebanturque iis inter semet ipsos certando. Accessere ad ægras jam omnium mentes prodigia cœlestia, propè quotidianas in urbe agrisque ostentantia minas. motique irâ numinis, causam nullam aliam vates canebant, publicè privatinque, nunc extis, nunc per aves, consulti, quàm haud ritè sacra fieri. qui terrores tamen eò evasere, ut Oppia, virgo Vestalis, damnata incesti pœnas dederit.

XLIII. Q. Fabius inde & C. Julius consules facti. Eo anno non segnior discordia domi, & bellum fortis atrocius fuit. Ab Æquis arma sumpta. Vejentes agrum quoque Romanorum populantes inierunt. quorum bellorum crescente curâ, K. Fabius & Sp. Furius consules fiunt. Ortonam, Latinam urbem, Æqui oppugnabant. Vejentes, pleni jam populationum, Ro-

mam ipsam se oppugnatos minabantur. Qui terrores, quum compefcere deberent, auxere, insuper animos plebis: redibatque non suâ sponte plebi mos detestandi militiam. sed Sp. Licinius tribunus plebis, venisse tempus ratus per ultimam necessitatem legis agrariæ Patribus injungendæ, susceperat rem militarem impediendam. Ceterum tota invidia tribunicie potestatis versa in auctorem est: nec in eum consules acrius, quam ipsius ejus collegæ, coorti sunt: auxilioque eorum delectum consules habent. Ad duo simul bella exercitus scribitur. ducendus Fabio in Æquos, in Veientes Furio datur. Et in Veientibus quidem nihil dignum memoriâ gestum est. Fabio aliquanto plus negotii cum civibus, quam cum hostibus, fuit. unus ille vir ipse consul rempublicam sustinuit, quam exercitus odio consulis, quantum in se fuit, prodebat. Nam quum consul, præter ceteras imperatorias artes, quas parando gerendoque bello edidit plurimas, ita instruxisset aciem, ut, solo equitatu emissio, exercitum hostium funderet, insequi fufos pedes noluit. nec illos, & si non adhortatio invisi ductis, suum saltem flagitium & publicum in præsentia dedecus, postmodo periculum, si animus hosti redisset, cogere potuit gradum accelerare; aut, si aliud nihil, instare instructos. Injussa signa referunt, moestique, (crederes victos) execrantes nunc imperatorem, nunc navatam ab equite operam, redeunt in castra. Nec huic tam pestilenti exemplo remedia ulla ab imperatore quæsitæ sunt. adeo excellentibus ingeniis citius defuerit ars, quæ civem regant, quam quæ hostem superent. Consul Romam rediit, non tam bellicæ gloriæ auctâ, quam irritato exacerbatoque in se militum odio. Obtinere tamen Patres, ut in Fabia gens consulatus maneret. M. Fabium consulem creant: Fabio collega Cn. Manlius datur.

XLIV. Et hic annus tribunum auctorem legis agrariæ habuit. Ti. Pontificius fuit. is, eandem viam, velut

lut processisset Sp. Licinio, ingressus, delectum paulisper impediit. Perturbatis iterum Patribus, Ap. Claudius, *Victam* tribuniciam potestatem, dicere, *priore anno*; in *presentia re ipsa*, exemplo in perpetuum: *quando inventum sit*, suis ipsam viribus dissolvi. Neque enim unquam defuturum, qui & ex collega victoriam sibi, & gratiam melioris partis bono publico velit quesitam. Et plures, si pluribus opus sit, tribunos ad auxilium consulum paratos fore; & unum vel adversus omnes satis esse. Darent modò & consules & primores Patrum operam, ut, si minùs omnes, aliquos tamen ex tribunis reipublica ac senatus conciliarent. Præceptis Appii moniti Patres, & universi comiter ac benignè tribunos appellare; & consulares, ut cuique privatim aliquid juris adversus singulos erat, partim gratiâ, partim auctoritate, obtinere, ut tribuniciæ potestatis vires salubres vellent reipublicæ esse. quatuorque tribunorum adversus unum moratorem publici commodi auxilio delectum consules habent. Inde ad Vejens bellum profecti; quò undique ex Etruria auxilia convenerant, non tam Vejentium gratiâ concitata, quàm quòd in spem ventum erat, discordiâ intestinâ dissolvi rem Romanam posse. Principesque in omnium Etruriæ populorum conciliis fremebant, *Æternas opes esse Romanas*, nisi inter semet ipsi seditionibus *se* viant. id unum venenum, eam labem civitatibus opulentis repperitam, ut magna imperia mortalia essent. Diu sustentatum id malum, partim Patrum consiliis, partim patientiâ plebis, jam ad extrema venisse. Duas civitates ex una factas: suos cuique parti magistratus, suas leges esse. Primum in delectibus *se* vire solitos; eosdem in bello tamen paruisse ducibus. qualicunque urbis statu, manente disciplinâ militari, sisti potuisse: jam non parendi magistratibus morem in castra quoque Romanum militem sequi. Proximo bello in ipsa acie, in ipso certamine, consensu exercitus traditam ultro victoriam victis *Æquis*: signa deserta, imperatorem in acie relictum, injussu in castra reditum. Profectò, si instetur, suo milite vinci Romam posse. Nihil aliud opus esse, quàm iudici ostendique bellum: cetero

sua

*fuâ sponte fata & Deos gesturos.* Ea spes Etruscos amnâverat; multis in vicem casibus viâtos victoresque.

XLV. Consules quoque Romani nihil præterea aliud, quàm suas vires, sua arma, horrebant: memoria pessimi proximo bello exempli terrebat, ne rem committerent eò, ubi duæ simul acies timendæ essent. Itaque castris se tenebant, tam ancipiti periculo averfi. diem tempusque forsitan ipsum leniturum iras, sanitatemque animis allaturum. Vejens hostis Etruscique eò magis præpropere agere; laceßere ad pugnam: primò obsequitando castris provocandoque; postremò, ut nihil movebant, quâ consules ipsos, quâ exercitum increpando: *Simulationem intestine discordiæ remedium timoris inventum: & consules magis non confidere; quàm non credere, suis militibus. Novum seditionis genus, silentium otiumque inter armatos.* ad hæc in novitatem generis originisque, quâ falsa, quâ vera, jâcere. Hæc, quum sub ipso vallo portisque streperent, haud ægrè consules pati. at imperiæ multitudinis nunc indignatio, nunc pudor, pectora versare, & ab intestinis avertere malis: nolle inultos hostes, nolle successum, non Patribus, non consulibus: externa & domestica odia certare in animis. Tandem superant externa. adeò superbè insolenterque hostis eludebat. frequentes in prætorium conveniunt, poscunt pugnam, postulant, ut signum detur. Consules, velut deliberabundi, capita conferunt, diu colloquuntur. pugnare cupiebant; sed retrò revocanda & addenda cupiditas erat, ut adversando remorandoque incitato semel militi adderent impetum. Redditur responsum, immaturam rem agi, nondum tempus pugnæ esse: castris se tenerent. Edicunt inde, ut abstineant pugna. si quis injussu pugnaverit, ut in hostem animadversuros. Ita dimissis, quò minùs consules velle credunt, crescit ardor pugnandi. accedunt insuper hostes ferociùs multò, ut statuisse non pugnare consules cognitum est. Quippe impune se insultaturos. non credi militi arma.

rem ad ultimum seditionis erupturam, finemque venisse Romano imperio. His freti occurrant portis, ingerunt probra, ægrè abstinant, quin castra oppugnent. Enim verò non ultra contumeliam pati Romanus posse: totis castris undique ad consules curritur. non jam sensim, ut antè, per centurionum principes postulant; sed passim omnes clamoribus agunt. Matura res erat; tergiversantur tamen. Fabius deinde, ad crescentem tumultu jam metum seditionis collegâ concedente, quum silentium classico fecisset; *Ego istos, Cn. Manli, posse vincere scio; velle ne scirem, ipsi fecerunt. Itaque certum atque decretum est, non dare signum, nisi, victores se redituros ex hac pugna, jurent. Consulem Romanum miles semel in acie fesselit; Deos nunquam fallit.* Centurio erat M. Flavolejus, inter primores pugnae flagitator. *Victor, inquit, M. Fabi, revertar ex acie. Si fallat, Jovem patrem, Gradivumque Martem, aliosque iratos invocat Deos. Idem deinceps omnis exercitus in se quisque jurat. Juratis datur signum, arma capiunt; eunt in pugnam, irarum spiritusque pleni. Nunc jubent Etruscos probra jacere, nunc armatis sibi quisque linguâ promptum hostem offerri. Omnium illo die, quâ plebis, quâ Patrum, eximia virtus fuit. Fabium nomen, Fabia gens maxime enituit. multis civilibus certaminibus insensos plebis animos illâ pugna sibi reconciliare statuunt. Instruitur acies: nec Vejens hostis Etruscæque legiones detestant.*

XLVI. Propè certa spes erat, non magis secum pugnatu-  
 ros, quàm pugnaverint cum Æquis. majus quoque aliquod, in tam irritatis animis & occasione ancipiti, haud desperandum esse facinus. Res aliter longè evenit. nam non alio antè bello infestior Romanus (ad-  
 deò hinc contumeliis hostes, hinc consules morâ exacerbaverant) præsum iniiit. Vix explicandi ordinis  
 spatium Etruscis fuit, quum, pilis inter primam trepi-  
 dationem abjectis temere magis, quàm emissis, pugna  
 jama



jam in manus, jam ad gladios, ubi Mars est atrocissimus, venerat. Inter primores genus Fabium insigne spectaculo exemploque civibus erat. ex his Q. Fabium, (tertio hic anno ante consul fuerat) principem in confertos Vejentes euntem, ferox viribus & armorum arte Tuscus, incautum inter multas versantem hostium manus, gladio per pectus transfigit. telo extracto, præceps Fabius in vulnus abiit. Sensit utraque acies unius viri casum, cedebatque inde Romanus: quum M. Fabius consul transiit jacentis corpus, objectaque parmâ, *Hoc jurâstis, inquit, milites, fugientes vos in castra redituros? adeo ignavissimos hostes magis timetis, quam Jovem Martemque, per quos jurâstis? At ego injuratus aut victor revertar, aut prope te hic, Q. Fabi, dimicans cadam.* Consuli tum K. Fabius prioris anni consul, *Verbisne istis, frater, ut pugnent, te impetraturum credis? Dii impetrabunt, per quos juravere. Et nos, ut decet proceres, ut Fabio nomine est dignum, pugnando potius, quam adhortando, accendamus militum animos.* Sic in primum infestis hastis provolant duo Fabii, totamque moverunt secum aciem.

XLVII. Proelio ex parte una restituto, nihilo segnius in altero cornu Cn. Manlius consul pugnam ciebat: ubi propè similis fortuna est versata. nam ut altero in cornu Q. Fabium, sic in hoc ipsum consulem Manlium, jam velut fusos agentem hostes, & impigrè milites secuti sunt; &, ut ille gravi vulnere ictus ex acie cessit, interfectum rati, gradum retulere. cessissentque loco, ni consul alter, cum aliquot turmis equitum in eam partem citato equo advectus, vivere clamitans collegam, se victorem fuso altero cornu adesse, rem inclinatam sustinuisset. Manlius quoque ad restituendam aciem se ipse coram offert. Duorum consulum cognita ora accendunt militum animos. simul & vanior jam erat hostium acies, dum, abundante multitudine freti, subtrahita subsidia mittunt ad castra oppugnanda. in qua haud magno certamine impetu facto, dum prædæ  
magis,

magis, quàm pugnae, memores terunt tempus; triarii Romani, qui primam irruptionem sustinere non potuerant, missis ad consules nunciis, quo loco res essent, conglobati ad prætorium redeunt, & suâ sponte ipsi prælium renovant: & Manlius consul, reversus in castra, ad omnes portas milite opposito, hostibus viam clauferat. Ea desperatione Tuscorum rabiem magis, quàm audaciam, accendit. nam quum incurstantes, quacunque exitum ostenderet spes, vano aliquoties impetu essent; globus juvenum unus in ipsum consulem insignem armis invadit. Prima excepta à circumstantibus tela. sustineri deinde vis nequit. Consul mortifero vulnere ictus cadit, fusique circa omnes. Tuscorum crescit audacia. Romanos terror per tota castra trepidos agit. & ad extrema ventum foret, ni legati, rapto consulis corpore, patefecissent unâ portâ hostibus viam. Ea erumpunt; consternatoque agmine abeuntes in victorem alterum incidunt consulem. ibi iterum cæsi fusique passim. Victoria egregia parâta, tristis tamen duobus tam claris funeribus. Itaque consul, decernente senatu triumphum, *Si exercitus sine imperatore triumphare possit, pro eximia eo bello opera facile passurum, respondit: se, familiâ suâ Q. Fabii fratris morte, republicâ ex parte orbâ consule altero amisso, publico privatoque deformem luctu lauream non accepturum.* Omni actio triumpho depositus triumphus clarior fuit. adeo spreta in tempore gloria interdum cumulator redit. Funera deinde duo deinceps collegæ fratrisque ducit. idem in utroque laudator, quum, concedendo illis suas laudes, ipse maximam partem earum ferret. Neque immemor ejus, quod initio consulatus imbiberat, reconciliandi animos plebis, saucios milites curandos dividit Patribus. Fabiis plurimi dati: nec a se majore curâ habiti. Inde populares jam esse Fabii: nec hoc ullâ, nisi salubri reipublicæ, arte.

XLVIII. Igitur non Patrum magis, quàm plebis, studiis K. Fabius cum T. Virginio consul factus, neque  
bella

bella, neque delectus, neque ullam aliam priorem eam agere, quàm ut, jam aliqua ex parte inchoatà concordiz spe, primo quoque tempore cum Patribus coalescerent animi plebis. Itaque principio anni censuit, priusquam quisquam agrariæ legis auctor tribunus existeret, occuparent Patres ipsi suum munus facere: captivum agrum plebi quàm maximè æqualiter darent. verum esse, habere eos, quorum sanguine ac sudore partus sit. Aspernati Patres sunt: questi quoque quidam, nimiam glorià luxuriare & evanescere vividum quondam illud Kæsonis ingenium. Nullæ deinde urbanæ factiones fuere. Vexabantur incursionibus Æquorum Latini. eò cum exercitu Kæso missus, in ipsorum Æquorum agrum depopulandum transit. Æqui se in oppida receperunt, murisque se tenebant: eo nulla pugna memorabilis fuit. At à Vejente hoste clades accepta temeritate alterius consulis. actumque de exercitu foret, ni K. Fabius in tempore subsidio venisset. Ex eo tempore neque pax neque bellum cum Vejentibus fuit; res proximè formam latrocinii venerat. Legionibus Romanis cedebant in urbem. ubi abductas senserant legiones, agros incursabant; bellum quiete, quietem bello in vicem eludentes. Ita neque omitti tota res, nec perfici poterat. & alia bella aut præsentia instabant, ut ab Æquis Volscisque, non diutius, quàm recens dolor proximæ cladis transfiret, quiescentibus: aut mox moturos se apparebat Sabinos semper infestos, Etruriamque omnem. Sed Vejens hostis, assiduus magis, quàm gravis, contumeliis sæpius, quàm periculo, animos agitabat: quod nullo tempore negligi poterat, aut averti aliò sinebat. Tum Fabia gens senatum adiit. consul pro gente loquitur: *Assiduo magis, quàm magno, præsidio, ut scitis, Patres conscripti, bellum Vejens eget. Vos alia bella curate: Fabios hostes Vejentibus date. Auctores sumus, tutam ibi majestatem Romani nominis fore. Nostrium ad nobis velut familiare bellum, privato sumptu gerere in ani-*

*mo est. Respublica & milite illic & pecuniâ vacet. Gratia ingentes actæ. Consul è curia egressus, comitante Fabiorum agmine, qui in vestibulo curiæ, senatusconsultum expectantes, steterant, domum rediit. Jussi armati postero die ad limen consulis adesse, domos inde discedunt.*

XLIX. Manat totâ urbe rumor: Fabios ad cœlum laudibus ferunt. Familiam unam subisse civitatis onus: Vejens bellum in privatam curam, in privata arma versum. Si sint duæ roboris ejusdem in urbe gentes; deposcant, hæc Volscos sibi, illa Æquos: populo Romano tranquillam pacem agente, omnes finitimos subigi populos posse. Fabii postero die arma capiunt. quò jussi erant, conveniunt. Consul, paludatus egrediens, in vestibulo gentem omnem suam instructo agmine videt. acceptus in medium, signa ferri jubet. Nunquam exercitus neque minor numero, neque clarior famâ & admiratione hominum, per urbem incessit. Sex & trecenti milites, omnes patricii, omnes unius gentis, quorum neminem ducem sperneret egregius quibuslibet temporibus senatus, ibant, unius familiæ viribus Vējenti populo pestem minitantes. Sequebatur turba, propria alia cognatorum sodaliumque, nihil medium, nec spem, nec curam, sed immensa omnia volventium animo; alia publica, sollicitudine excitata, favore & admiratione stupens; *ire fortes, ire felices jubent, incēptis eventus pares reddere: consulatus inde ac triumphos, omnia præmia ab se, omnes honores sperare.* Prætereuntibus Capitolium arcemque & alia templa, quicquid Deorum oculis, quicquid animo occurrit, precantur, ut illud agmen faustum atque felix mittant, sospites brevi in patriam ad parentes restituant. Incassum missæ preces. Infelici viâ dextro Jano portæ Carmentalis profecti, ad Cremeram flumen perveniunt. is opportunus visus locus communiendo præsidio. L. Æmilius inde & C. Servilius consules facti. & donec nihil aliud quam in

populationibus res fuit, non ad præsidium modò tantandum Fabii satis erant, sed totà regione, quā Tuscus ager Romano adjacet, sua tuta omnia, infecta hostium, vagantes per utrumque finem, fecere. Intervallum deinde haud magnum populationibus fuit: dum & Veientes, accito ex Etruria exercitu, præsidium Cremeræ oppugnant; & Romanæ legiones, ab L. Æmilio consule adductæ, ceminus cum Etruscis dimicant acie. quanquam vix dirigendi aciem spatium Veientibus fuit. adeò inter primam trepidationem, dum post signa ordines introeunt, subsidiaque locant, infecta subito ab latere Romana equitum ala, non pugne modò incipendæ, sed consistendi, ademit locum. Ita, fusi retrò ad saxa Rubra, (sibi castra habebant) pacem supplices petunt. cujus impetratæ, ab insita animis levitate, ante deductum Cremerà Romanum præsidium, posuuit.

L. Rursus cum Fabiis erat Veienti populo, sine ullo majoris belli apparatu, certamen: nec erant incurSIONES modò in agros, aut subiti impetus incurfantium, sed aliquoties æquo campo collatisque signis certatum. gensque una populi, Romani sæpe ex opulentissima, ut tum res erant, Etrusca civitate victoriam tulit. Id primò acerbum indignumque Veientibus visum. inde consilium ex re natum insidijs ferocem hostem captandi: gaudere etiam, multo successu Fabiis audaciam crescere. Itaque & pecora prædantibus aliquoties, velut casu incidissent, obviam acta: & agrestium fugâ vasti relictæ agri: & subsidia armatorum, ad arcendas populationes missa, sæpius simulato, quàm vero, pavore refugerunt. Jamque Fabii adeò contempserant hostem, ut sua invicta arma neque loco neque tempore ullo crederent sustineri posse. hæc spes provexit, ut ad conspecta procul à Cremera magno campi intervallo pecora (quanquam rara hostium apparebant arma) decurrerent. & quum improvidi effuso cursu insidias circa ipsum iter locatas superassent, palatique passim va-

ga, ut sit pavore injecto, raperent pecora; subito ex insidiis confurgitur, & adversi & undique hostes erant. Primò clamor circumlatus exterruit, dein tela ab omni parte accidebant. coëuntibusque Etruscis, jam continenti agmine armatorum septi, quò magis se hostis inferebat, cogeantur breviori spatio & ipsi orbem colligere. quæ res & paucitatem eorum insignem, & multitudinem Etruscorum, multiplicatis in arcto ordinibus, faciebat. Tum, omisâ pugnâ, quam in omnes partes parem intenderant, in unum locum se omnes inclinant. eò nisi corporibus armisque, rupere cuneo viam. Duxit via in editum leniter collem. inde primò resistere. mox, ut respirandi superior locus spatium dedit, recipiendique à pavore tanto animum, pepulere etiam subeuntes: vincebatque auxilio loci paucitas, nè iugo circummissus Veiens in verticem collis evasisset. ita superior rursus hostis factus. Fabii cæsi ad unum omnes, præsidiumque expugnatum. trecentes sex perisse satis convenit: unum prope puberem ætate relictum, stirpem genti Fabiæ, dubiisque rebus populi Romani sæpe domi bellique vel maximum futurum auxilium.

LI. Quum hæc accepta clades esset, jam C. Horatius & T. Menenius consules erant. Menenius adversus Tuscos victoriâ elatos confestim missus. tum quoque malè pugnatum est, & Janiculum hostes occupare: obsessaque urbs foret, super bellum annonâ premente, (transierant enim Etrusci Tiberim) ni Horatius Consul ex Volscis esset revocatus: adeoque id bellum ipsis insitit mœnibus, ut primò pugnatum ad Spei sit æquo Marte, iterum ad portam Collinam. Ibi quamquam parvo momento superior Romana res fuit, meliorem tamen militem, recepto pristino animo, in futura prælia id certamen fecit. A. Virginius & Sp. Servilius consules fiunt. post acceptam proximam pugne cladem Veientes abstinere acie, populationes o-

rant, & velut ab arce Janiculi passim in Romanum agrum impetus dabant. non usquam pecora tuta, non agrestes erant. Capti deinde eadem arte sunt, quâ ceperant Fabios. secuti dedita opera passim ad illecebras propulsa pecora, precipitavere in insidias. quò plures erant, major cædes fuit. Ex hac clade atrox ira majoris cladis causa atque initium fuit. trajecto enim nocte Tiberi, castra Servilii Consulis adorti sunt oppugnare. inde fusi magnâ cæde in Janiculum se agrè receperunt. Confestim consul & ipse transit Tiberim, castra sub Janiculo communit. postero die, luce ortâ, nonnihil & hesternâ felicitate pugnae ferox, magis tamen, quòd inopia frumenti, quamvis in precipitia, dum celeriora essent, agebat consilia, temerè adverso Janiculo ad castra hostium aciem erexit, sædiusque inde pulsus, quàm pridie pepulerat, interventu collegæ ipse exercitusque ejus est servatus. inter duas acies Etrusci, quum in vicem his atque illis terga darent, occidione occisi. Ita oppressum temeritate felici Vejens bellum.

LII. Urbi cum pace laxior etiam annona rediit, & advecto ex Campania frumento, & postquam timor sibi cuique futuræ inopiæ abiit, eo, quod abditum fuerat, prolato. Ex copia deinde otioque lascivire rursus animi; & pristina mala, postquam foris decrant, domi querere. tribuni plebem agitare suo veneno, agrariâ lege; in resistentes incitare Patres, nec in universos modò, sed in singulos. Q. Considius & T. Genucius, auctores agrariæ legis, T. Menenio diem dicunt. invidiæ erat amissum Cremeræ præsidium, quum haud procul inde stativa consul habuisset. Eum oppresserunt. Quum & Patres haud minùs, quàm pro Coriolano, annisi essent, & patris Agrippæ favor haud dum exolevisset; in multa temperarunt tribuni. quum capitis acquisissent, duo millia æris damnato multam dixerunt. ea in caput vertit. Negant tulisse ignominiam ægritudinemque: inde morbo absumptam esse. Alius deinde

inde reus Sp. Servilius, ut consulatu abiit, C. Nautio & P. Valerio consulibus, initio statim anni, ab L. Cædicio & T. Statio tribunis die dictâ, non, ut Menenius, precibus suis aut Patrum, sed cum multa fiducia innocentiae gratiaque, tribunicios impetus tulit. Et huic praelium cum Tuscis ad Janiculum erat crimini. sed servidi animi vir, ut in publico periculo antè, sic tum in suo, non tribunos modò, sed plebem, oratione feroci refutando, exprobrandoque T. Menenii damnationem mortemque, (cujus patris munere restituta quondam plebs eos ipsos, quibus tum sæviret, magistratus, cas leges haberet) periculum audaciâ discuffit. juvit & Virginius collega, testis productus, participando laudes: magis tamen Menenianum (adeò mutaverant animum) profuit judicium.

LIII. Certamina domi finita. Vejens bellum exortum; quibus Sabini arma conjunxerant. P. Valerius consul, accitis Latinorum Hernicorumque auxiliis, cum exercitu Vejos missus, castra Sabina, quæ pro moribus sociorum locata erant, confestim aggreditur; tantamque trepidationem iniecit, ut, dum dispersi alii aliam manipulatim excurrunt ad arcendam hostium vim, ea porta, cui signa primùm intulerat, caperetur. intra vallum deinde cædes magis, quàm praelium, esse. tumultus è castris & in urbem penetrat; tanquam Vejis captis, ita pavidì Vejentes ad arma currunt. pars Sabinis eunt subsidio; pars Romanos, toto impetu intentos in castra, adoriuntur. Paulisper aversi turbatique sunt. deinde & ipsi utroque versis signis resistunt: & eques, ab consule immissus, Tuscos fundit fugatque. eademque horâ duo exercitus, duæ potentissimæ & maximæ finitimæ gentes superatæ sunt. Dum hæc ad Vejos geruntur, Volsci Æequique in Latino agro posuerant castra, populatique fines erant. eos per se ipsi Latini, assumptis Hernicis, sine Romano aut duce aut auxilio, castris exuerunt. Ingenti prædâ, præter suas recuperatas



ratas res, potiti sunt. missus tamen ab Roma consul in Volscos C. Nautius. Mos, credo, non placebat, sine Romano duce exercituque socios propriis viribus consiliisque bella gerere. nullum genus calamitatis contumeliæque non editum in Volscos est: nec tamen percelli potuere, ut acie dimicarent.

LIV. L. Furius inde & C. Manlius consules. Manlio Vejentes provincia evenit. non tamen bellatum. induciæ in annos quadraginta petentibus datæ, frumento stipendioque imperato. Paci externæ confestim continuatur discordia domi. agrariæ legis tribuniciiis stimulis plebs furebat. Consules, nihil Menenii damnatione, nihil periculo deterriti Servillii, summâ vi resistunt. abeuntes magistratu Cn. Genucius tribunus plebis arripuit. L. Æmilius & Opiter Virginii consulum ineunt. Vopiscum Julium pro Virginio in quibusdam annalibus consulem invenio. Hoc anno (quosunque consules habuit) rei ad populum Furius & Manlius circumcunt sordidati non plebem magis, quàm juniores Patrum. suadent, monent, *Honoribus & administratione reipublica abstineant; consulares verò fascos, prætextam, curulemque sellam, nihil aliud, quàm pompam funeris, putent. claris insignibus velut infulus velatos ad mortem destinari. Quòd si consulatus tanta dulcedo sit, jam nunc ita in animum inducant, consulatum captum & oppressum ab tribunicia potestate esse; consuli, velut apparitori tribunicio, omnia ad natum imperiumque tribuni agenda esse. Si se commoverit, si respexerit Patres, si aliud, quàm plebem, esse in reipublica crediderit, exilium C. Marcii, Menenii damnationem & mortem, sibi proponat ante oculos.* His accensi vocibus Patres consilia inde, non publica, sed in privato, seductaque à plurium conscientia, habere. ubi quum id modò constaret, jure an injuriâ cripiendos esse reos, atrocissima quæque maximè placebat sententia. nec auctor quamvis audaci facinori deerat. Igitur judicii die, quum plebs in foro erecta expectatione staret, mirari,

rari primò, quòd non descenderet tribunus: deinde, quum jam mora suspectior fieret, deterritum à primoribus credere, & desertam ac proditam causam publicam queri. Tandem, qui obversati vestibulo tribuni fuerant, nunciant, domi mortuum esse inventum. quod ubi in totam concionem pertulit rumor; sicut acies funditur duce occiso, ita dilapsi passim alii aliò. Præcipuus pavor tribunos invaserat, quàm nihil auxilii sacratæ leges haberent, morte collegæ monitos. Nec Patres satis moderatè ferre lætitiâ. adeoque neminem noxæ penitebat, ut etiam insontes fecisse videri vellent, palamque ferretur, malo domandam tribuniciam potestatem.

LV. Sub hac pessimi exempli victoria delectus editur: paventibusque tribunis, sine intercessione ullæ consules rem peragunt. Tum verò irasci plebes, tribunorum magis silentio, quàm consulum imperio, & dicere, *Actum esse de libertate sua; rursus ad antiqua reditum; cum Genucio unâ mortuam ac sepultam tribuniciam potestatem. aliud agendum, ac cogitandum, quomodo resistatur Patribus. Id autem unum consilium esse, ut se ipsa plebs, quando aliud nihil auxilii habeat, defendat. Quatuor & viginti lictores apparere consulibus, & eos ipsos plebis homines. Nihil contemptius, neque infirmius, si sint, qui contemnant. Sibi quemque ea magna atque horrenda facere.* His vocibus alii alios quum incitassent, ad Volerone[m] Publiliu[m], de plebe hominem, quia, quòd ordines duxisset, negaret, se militem fieri debere, lictor missus est à consulibus. Volero appellat tribunos. Quum auxilio nemo esset, consules spoliari hominem, & virgas expediri jubent. Provoco, inquit, ad populum, Volero, quoniam tribuni civem Romanu[m] in conspectu suo virgis cadî malunt, quàm ipsi in lecto suo à vobis trucidari. quò ferociùs clamitabat, eo infestius circumscindere & spoliare lictor. Tum Volero, & prævalens ipse, & adjuvantibus advocatis, repulso lictore, ubi indignantium pro se acerrimus erat clamor, eò se in turbam confertissimam recipit, clamitans.

tans, *Provoco, & fidem plebis imploro. adeste cives! adeste commilitones! nihil est, quod expectetis tribunos, quibus ipsis vestro auxilio opus est.* Concitati homines, veluti ad prælium, se expediunt: apparebatque, omne discrimen adesse; nihil cuiquam sanctum, non publici fore, non privati juris. Huic tantæ tempestatum quum se consules obtulissent, facile experti sunt, parum tutam majestatem sine viribus esse. violatis licitoribus, fascibus fractis, è foro in curiam compelluntur; incerti, quatenus Volo-ro exerceret victoriam. Conticescente deinde tumultu, quum in senatum vocari jussissent, queruntur injurias suas, vim plebis, Voleronis audaciam. Multis ferociter dictis sententiis, vicere seniores, quibus, irâ Patrum adversus temeritatem plebis certari, non placuit.

LVI. Volerone[m] amplexa favore plebs proximis comitiis tribunum plebi creat in eum annum, qui L. Pinarium, P. Furium consules habuit. contraque omnium opinionem, quum eum vexandis prioris anni consulibus permittiturum tribunatum credebant, post publicam causam privato dolore habito, ne verbo quidem violatis consulibus, rogationem tulit ad populum, ut plebeii magistratus tributis comitiis fierent. Haud parva res sub titulo primâ specie minime atroci ferebatur; sed quæ patriciis omnem potestatem per clientium suffragia creandi, quos vellent, tribunos auferret. Huic actioni, gratissimæ plebi, quum summâ vi resisterent Patres; nec, quæ una vis ad resistendum erat, ut intercederet, aliquis ex collegio auctoritate aut consulum aut principum adduci posset; res tamen, suo ipsa molimine gravis, certaminibus in annum extrahitur. Plebs Volerone[m] tribunum reficit. Patres, ad ultimum dimicationis rati rem venturam, Ap. Claudium, Appii filium, jam inde à paternis certaminibus invisum infestumque plebi, consulem faciunt. Collega ei T. Quinctius datur. Principio statim anni nihil prius, quam de lege, agebatur. sed ut inventor legis Volero, sic Lætorius, collega e-

jus

jus, auctor quum recentior, tum acrior erat. Ferocem faciebat belli gloria ingens; quod ætatis ejus haud ququam manu promptior erat. Is, quum Volero nihil, præterquam de lege, loqueretur, insectatione abstinens consulum, ipse in accusationem Appii, familiarque superbissimæ ac crudelissimæ in plebem Romanam, exorsus, quum à Patribus non consulem, sed carnificem ad vexandam & lacerandam plebem, creatum esse contenderet; rudis in militari homine lingua non suppetebat libertati animoque. Itaque, deficiente oratione, *Quandoquidem non facile loquor*, inquit, *Quirites, quàm, quod locutus sum, præsto, crasino die adeste. Ego hic aut in conspectu vestro moriar, aut perferam legem.* Occupant tribuni templum postero die. consules nobilitasque ad impediendam legem in concione consistunt. Submo-  
veri Lætorius jubet, præterquam qui suffragium incant. Adolescentes nobiles stabant, nihil cedentes viatori. tum ex his prehendi quosdam Lætorius jubet. Consul Appius negare, jus esse tribuno in quenquam, nisi in plebeium. Non enim populi, sed plebis, eum magistratum esse. nec illum ipsum submovere pro imperio posse more majorum; quia ita dicatur: *Si vobis videtur, discedite, Quirites.* Facile & contemptim de jure disserendo perturbare Lætorium poterat. Ardens igitur ira tribunus viatorem mittit ad consulem: consul lictorem ad tribunum, privatum esse clamitans, sine imperio, sine magistratu; violatusque esset tribunus, ni & concio omnis atrox coorta pro tribuno in consulem esset; & concursus hominum in forum ex tota urbe concitatus multitudinis fieret. Sustinebat tamen Appius pertina-  
ciã tantam tempestatem: certatumque haud incruento prælio foret, ni Quintius, consul alter, consularibus negotio dato, ut collegam vi, si aliter non possent, de foro abducerent, ipse nunc plebem sævientem precibus lenisset, nunc orasset tribunos, ut concilium dimitterent. Darent iræ spatium. non vim suam illis tempus

adempturum; sed consilium viribus additum. & Patres in populi, & consulem in Patrum fore potestate.

LVII. Ægre sedata ab Quintio plebs, multo ægrius consul alter à Patribus. Demisso tandem concilio plebis, senatum consules habent. ubi quum timor atque ira in vicem sententias variassent; quò magis, spatio interposito, ab impetu ad consultandum advocabantur, cò plus abhorrebant à certatione animi. adeò ut Quintio gratias agerent, quòd ejus operà mitigata discordia esset. Ab Appio petitur, *Ut tantam consularem majestatem esse vellet, quanta esse in concordia civitate posset. Dum tribuni consulesque ad se quisque omnia trahunt, nihil relictum esse virium in medio: distractam laceratamque rempublicam magis, quorum in manu sit, quàm ut incolumis sit, queri.* Appius contrà, *testari Deos atque homines, rempublicam prodi per metum ac deserti. non consulem senatui, sed senatum consuli deesse. graviores accipi leges, quàm in Sacerò mente acceptæ sint.* Victus tamen Patrum consensu quievit. lex silentio perfertur.

LVIII. Tum primùm tributis comitiis creati tribuni sunt: numero etiam additos tres, perinde ac duo antea fuerint, Piso auctor est. Nominat quoque tribunos, C. Sicinium, L. Numitorium, M. Duilium, Sp. Icilium, L. Mæcilium. Volsco Æquicumque inter seditionem Romanam est bellum coortum, vastaverant agros, ut, si qua secessio plebis fieret, ad se receptum haberet. compositis deinde rebus, castra retrò movere. Ap. Claudius in Volscos missus. Quintio Æqui provincia evenit. Eadem in militia sævitia Appii, quæ domi; esse liberior, quòd sine tribuniciis vinculis erat. Odisse plebem plus quàm paterno odio: se victum ab ea: se unico consule objecto adversus tribuniciam potestatem, perlatam legem esse; quam minore conatu, nequaquam tantà Patrum spe, priores impederint consules. Hæc ira indignatioque ferocem animum ad vexandum sævo imperio exercitum stimula-

mulabat: nec ullâ vi domari poterat: tantum certamen animis imbibebant. Segniter, otiosè, negligenter, contumaciter omnia agere: nec pudor, nec metus coercerat. Si citiùs agi vellet agmen, tardiùs sedulò incedere: si adhortator operis adesset, omnes suâ sponte motam remittere industriam. præsentì vultus demittere, tacitè prætereuntem execrari: ut invictus ille odio plebeiò animus interdum moveretur. Omni nequicquam acerbitate promptâ, nihil jam cum militibus agere: à centurionibus corruptum exercitum dicere: *tribunos plebei* cavillans interdum & *Volerones* vocare.

LIX. Nihil eorum Volsci nesciebant, instabantque: eò magis, sperantes, idem certamen animorum adversus Appium habiturum exercitum Romanum, quod adversus Fabium consulem habuisset. Ceterum multò Appio, quàm Fabio, violentior fuit. Non enim vincere tantum noluit, ut Fabianus exercitus, sed vinci voluit. Productus in aciem turpi fugâ petit castra; nec antè restitit, quàm signa inferentem Volscum munimentis vidit. foedamque extremi agminis cædem. Tum expressa vis ad pugnandum, ut victor jam à vallo submoveretur hostis: satis tamen appareret, capì tantum castra militem Romanum noluisse. alii gaudere suâ clade atque ignominia. Quibus nihil infestius ferox Appii animus, quum insuper sævire vellet, concionemque advocaret, concurrunt ad eum legati tribunique, monentes; ne utique experiri vellet imperium, cuius vis omnis in consensu obedientium esset. Negare vulgò milites; se ad concionem ituros; passimque exaudiri voces postulantium, ut castra ex Volco agro moveantur. Hostem victorem paullo antè propè in portis ac vallo fuisse; ingentisque mali non suspicionem modò, sed apertam speciem obversari ante oculos. Victus tandem, (quandoquidem nihil præter tempe noxæ lucrarentur) remissa concione, iter in inse-

quentem diem pronunciari quum jussisset, primâ luce classico signum professionis dedit. Quum maximè agmen è castris explicaretur, Volsi, ut eodem signo excitati, novissimos adoriuntur. A quibus perlatus ad primos tumultus, eo pavore signaque & ordines turbavit, ut neque imperia exaudiri, neque instrui acies possent. nemo ullius, nisi fugæ, memor. Ita effuso agmine per stragem corporum armorumque evasere, ut prius hostis desisteret sequi, quàm Romanus fugere. Tandem, collectis ex dissipato cursu militibus, consul, quum revocando nequicquam suos persecutus esset, in pacato agro castra posuit; advocatâque concione, investus haud falsò in proditorem exercitum militaris disciplinæ, desertorem signorum; ubi signa, ubi arma essent, singulos rogitans, inermes milites, signo amisso signiferos; ad hoc centuriones duplicariosque, qui reliquerant ordines, virgis cæsos securi percussit. cetera multitudo sorte decimus quisque ad supplicium lecti.

LX. Contra ea, in Æquis inter consulem ac militem comitate ac beneficiis certatum est. & naturâ Quintilius erat lenior, & sævitia infelix collegæ, quò is magis gauderet ingenio suo, effecerat. Huic tantæ concordix ducis exercitusque non ausi offerre se, Æqui vagari populabundum hostem per agros passi. Nec ullo antè bello latius inde actæ prædæ. omnis militi data est. Addebantur & laudes, quibus, haud minùs quàm præmio, gaudent militum animi. Tum duci, tum propter ducem Patribus quoque placatior exercitus rediit; sibi parentem, alteri exercitui dominum datum ab senatu, memorans. Variâ fortunâ belli, atroci discordiâ domi forisque annum exactum, insignem maximè comitia tributa efficiunt; res major victoriâ suscepti certaminis, quàm usu. plus enim dignitatis comitiis ipsis detractum est, Patribus ex conciliò submovendis, quàm virium aut plebi additum est, aut demptum Patribus.

LXI. Tur-

**LXI.** Turbulentior inde annus excepit; L. Valerio, T. Æmilio consulibus, cum propter certamina ordinum de lege agraria, tum propter iudicium Ap. Claudii: cui, acerrimo adversario legis, causamque possessorum publici agri, tanquam tertio consuli, sustinenti, M. Duilius & C. Sicinius diem dixere. Nunquam antè tam invisus plebi reus ad iudicium vocatus populi est, plenus suarum, plenus paternarum irarum. Patres quoque non temerè pro ullo æquè annisi sunt: propugnatorem senatus, majestatisque vindicem suæ, ad omnes tribunicios plebeiosque oppositum tumultus, modum duntaxat in certamine egressum, iratæ obijci plebi. Unus è Patribus, ipse Ap. Claudius, & tribunos, & plebem, & suum iudicium pro nihilo habebat. Illum non minz plebis, non senatus preces percellere unquam potuere, non modò ut vestem mutaret, aut supplex prensaret homines; sed ne ut ex consueta quidem asperitate orationis (quum ad populum agenda causa esset) aliquid leniret atque submitteret. Idem habitus oris, eadem contumacia in vultu, idem in oratione spiritus erat: adeò ut magna pars plebis Appium non minùs reum timeret, quàm consulem timebat. Semel causam dixit, quo semper agere omnia solitus erat, accusatorio spiritu. adeoque constantia suà & tribunos obstupescit & plebem, ut diem ipsi suà voluntate prodicerent: trahi deinde rem sinerent. Haud ita multum interim temporis fuit. antè tamen, quàm prodicta dies veniret, morbo moritur. cujus quum laudationem tribuni plebis impedire conarentur, plebs fraudari solenni honore supremum diem tanti viri noluit; & laudationem tam æquis auribus mortuū audivit, quàm vivi accusationem audierat; & exsequias frequens celebravit.

**LXII.** Eodem anno Valerius consul, cum exercitu in Æquos profectus, quum hostem ad prælium elicere non posset, castra oppugnare est adortus. Prohibuit  
fœda



steda tempestas, cum grandine ac tonitribus cœlo de-  
jecta. Admirationem deinde auxit, signo receptui da-  
to, ad cœd tranquillâ serenitas reddita: ut, velut numi-  
ne aliquo defensa castra oppugnare iterum, religio fu-  
erit. omnis ira belli ad populationem agri vertit. Al-  
ter consul Æmilius in Sabinis bellum gessit. & ibi,  
quia hostis mœnibus se tenebat, vastati agri sunt. In-  
cendiis deinde, non villarum modò, sed etiam vico-  
rum, quibus frequenter habitabatur, Sabini exciti,  
quum prædatoribus occurrissent, ancipiti prælio di-  
gressi, postero die retulere castra in tutiora loca. Id  
satis consuli visum, cur pro victo relinqueret hostem,  
integrali inde decedens bello.

LXIII. Inter hæc bella, manente discordiâ domi,  
T. Numicius Priscus, A. Virginus consules facti. Non  
ultrâ videbatur latura plebes dilationem agrariæ legis,  
ultimaque vis parabatur, quum, Volscos adesse, fumo  
ex incendiis villarum fugaque agrestium cognitum est.  
Ea res maturam jam seditionem ac propè erumpen-  
tem repressit. Consules, coacti extemplo ab senatu  
ad bellum, eductâ ex urbe juventute, tranquillioribus  
ceteram plebem fecerunt. Et hostes quidem, nihil  
aliud quàm perfusus vano timore Romanis, citato ag-  
mine abeunt. Numicius Antium adversus Volscos,  
Virginus contra Æquos profectus. ibi ex insidiis pro-  
pè magnâ acceptâ clâde; virtus militum rem, prolap-  
sam negligentia consulis, restituit. Mellius in Volscis  
imperatum est. Fusi primo prælio hostes, fugaque in  
urbem Antium, ut tum res erant, opulentissimam acti.  
quam consul oppugnare non ausus, Cenonem, aliud  
oppidum, nequaquam tam opulentum, ab Antiatibus  
cepit. Dum Æqui Volscique Romanos exercitus te-  
nent, Sabini usque ad portas urbis populantes incesse-  
re. deinde ipsi paucis post diebus ab duobus exerci-  
tibus, utroque per iram consule ingressis in fines, plus  
eladium, quàm intulerant, acceperunt.

LXIV. Ex-

**LXIV.** Extremo anno pacis aliquid fuit; sed, ut semper alias, sollicitæ certamine Patrum & plebis. Irata plebs interesse consularibus comitiis noluit. Per Patres clientisque Patrum consules creati, T. Quinctius, Q. Servilius. similem annum priori consules habent, seditiosa initia, bello deinde externo tranquilla. Sabini, Crustuminos campos citato agmine transgressi, quum cædes & incendia circum Anienem flumen fecissent, à porta propè Collina mœnibusque pulsi, ingentes tamen prædas hominum pecorumque egere. quos Servilius consul infesto exercitu insecutus, ipsum quidem agmen adipisci æquis locis non potuit; populationem adèò effusè fecit, ut nihil bello intactum relinquere, multiplicique captâ prædâ rediret. Et in Volscis respublica egregiè gesta, quum ducis, tum militum operâ. Primum æquo campo signis collatis pugnatum, ingenti cæde utrinque, plurimo sanguine. & Romani, quia paucitas damno sentiendo propior erat, gradum retulissent; ni salubri mendacio consul, fugere hostes ab cornu altero clamitans, concitasset aciem. impetu factò, dum se putant vincere, vicere. Consul, metuens ne nimis instando renovaret certamen, signum receptui dedit. Intercessere pauci dies, velut tacitis induciis utrinque quiete sumptâ: per quos ingens vis hominum ex omnibus Volscis Æquisque populis in castra venit, haud dubitans, si senserint, Romanos nocte abituros. Itaque tertiâ ferè vigiliâ ad castra oppugnanda veniunt. Quinctius, sedato tumultu, quem terror subitus exciverat, quum manere intentoriis quietum militem jussisset, Hernicorum cohortem in stationem educit; cornicines tubicinesque, in equos impositos, canere ante vallum jubet, sollicitumque hostem ad lucem tenere. reliquum noctis adèò tranquilla omnia in castris fuere, ut somni quoque Romanis copia esset. Volseos species armatorum perditum, quos & plures esse, & Romanos putabant, fremitus:

mitus hinnitusque equorum, qui, & infueto sedente equite, & insuper aures agitante sonitu, sæviebant, intentos velut ad impetum hostium tenuit.

LXV. Ubi illuxit, Romanus, integer fatiatusque somno productus in aciem, fessum stando & vigiliis Volsco primo impetu perculit. quanquam cessere magis, quam pulsi hostes sunt: quia ab tergo erant clivi, in quos post principia integris ordinibus tutus receptus fuit. Consul, ubi ad iniquum locum ventum est, sistit aciem. miles agrè teneri, clamare & poscere, ut percussis instare liceat. Ferocius agunt equites: circumfusi duci vociferantur, se ante signa ituros. Dum cunctatur consul, virtute militum fretus, loco parum fidens, conclamant, se ituros: clamoremque res est secuta. Fixis in terram pilis, quò leviores ardua evaderent, cursu subeunt. Volsco, effusis ad primum impetum missilibus telis, saxa objacentia pedibus ingerit in subeuntes, turbatosque istibus crebris urguet ex superiore loco. Sic propè oneratum est sinistrum Romanis cornu, ni referentibus jam gradum consul, increpando simul temeritatem, simul ignaviam, pudore metum excussisset. Resistere primò obstinatis animis: deinde, ut in obtinentes locum vires ferebant, audent ultro gradum inferre; &, clamore renovato, commovent aciem. tum rursus, impetu capto, enituntur, atque exsuperant iniquitatem loci. Jam propè erat, ut in summum clivi jugum evaderent, quum terga hostes dedere: effusoque cursu penè agmine uno fugientes sequentesque castris incidere. In eo pavore castra capiuntur. qui Volsco effugere potuerunt, Antium petunt. Antium & Romanus exercitus ductus: paucos circumfessum diès deditur, nullà oppugnantium novà vi; sed quòd jam inde ab infelici pugna castrisque amissis ceciderant animi.

## LIBER III.

## E P I T O M E.

I, &c. XIX. **S** Editiones de agrariis legibus factæ. XVIII. Capitolium, ab exsulibus & servis occupatum, casis iis receptum est. III. Census bis actus est. priore lustro censa sunt civium capita centum quatuor millia ducenta quatuordecim, præter orbos orbasque. XXIV. Sequenti, centum septemdecim millia ducenta novemdecim. XXVI. Quum adversus Æquos res malè gestæ esset, L. Quinctius Cincinnatus dictator factus, quum rure intentus rustico operi esset, ad id bellum gerendum arcessitus est. XXVIII. Is victos hostes sub jugum misit. XXX. Tribunalis plebis numerus ampliatus est, ut essent decem, trigesimo sexto anno à primis tribunis plebis. XXXI. Petitio per legatos, & allatis Atticis legibus, ad constituendas eas proponendasque decemviri pro consulis sine ullis aliis magistratibus creati, altero & trecentesimo anno, quàm Roma condita erat: & ut à regibus ad consules, ita à consulis ad decemviros translatus imperium. XXXIV, &c. Hi, decem tabulis legum positis, quum modestè se in eo honore gessissent, & ob id in alterum quoque annum eundem esse magistratum placuisset, duabus tabulis ad decem adjectis, quum complura impotenter fecissent, magistratum noluerant deponere, & in tertium annum retinuerunt: XLIV, &c. Donec invito eorum imperio finem attulit libido Ap. Claudii. Qui, quum in amorem virginis incidisset, submisso, qui eam in servitutem peteret, necessitatem patri ejus Virginio imposuit, rapto ex taberna proxima cultro, ut filiam interimeret; quum aliter eam tueri non posset, ne in potestatem stuprum illaturi veniret. L, &c. Hoc tam magna luxurie exemplo plebs incitata montem Aventinum occupavit, cogeretque decemviros abdicare se magistratu. ex quibus Appius & unus collegarum, qui præcipuè pœnam meruerant, in carcerem

rem coniecti; ceteri in exsilium acti. LX, &c. Res præterea contra Sabinos, & Volscos, & Æquos prosperè gestas continet, LXXI. Et parum honestum populi Romani judicium: qui, iudex inter Ardeates & Aricinos sumptus, agrum, de quo ambigebatur, sibi adjudicavit.

I. **A**ntio capto, Ti. Æmilius & Q. Fabius consules fiunt. Hic erat Fabius Quintus, qui unus exstinctæ ad Cremeram genti superfu-erat. Jam priore consulatu Æmilius dandi agri plebi fuerat auctor. Itaque secundo quoque consulatu ejus & agrarii se in spem legis crexerant, & tribuni rem, contra consules sæpe tentatam, adiutore utique consule, obtineri posse rati, suscipiunt; & consul manebat in sententia sua. Possessores & magna pars Patrum, tribuniciiis se jactare actionibus principem civitatis, & largiendo de alieno popularem fieri querentes, totius invidiam rei à tribunis in consulem averterant. Atrox certamen aderat, ni Fabius consilio neutri parti acerbò rem expedisset. T. Quintii ductu & auspicio agri capti priore anno aliquantum à Volscis esse: Antium, propinquam, opportunam, & maritimam urbem, coloniam deduci posse: ita sine querelis possessorum plebem in agros ituram, civitatem in concordia fore. Hæc sententia accepta est. Triumviros agro dando creat T. Quintium, A. Virginium, P. Furium. iussu nomina dare, qui agrum accipere vellent. Fecit statim (ut fit) fastidium copia; adeoque pauci nomina dedere, ut ad explendum numerum coloni Volsci adderentur: cetera multitudo poscere Romæ agrum malle, quàm alibi accipere. Æqui à Q. Fabio (is eò cum exercitu venerat) pacem petiere, irritamque cam ipsi subitâ incursione in agrum Latinum fecere.

II. Q. Servilius, insequenti anno (is enim cum Sp. Postumio consul fuit) in Æquos missus, in Latino agro stativa habuit. intra castra quies necessaria mor-  
bo

bo implicitum exercitum tenuit. Extractum in tertium annum bellum est, Q. Fabio & T. Quinctio consulibus. Fabio extra ordinem, quia is victor pacem Æquis dederat, ea provincia data. qui, haud dubiâ spe profectus, famam nominis sui pacaturam Æquos, legatos in concilium gentis missos nunciare iussit; *Q. Fabium consulem dicere, se ex Æquis pacem Romam tulisse; ab Roma Æquis bellum afferre, eâdem dextrâ armatâ, quam pacatam illis antea dederat. quorum id perfidiâ & perjurio fiat, Deos nunc testes esse, mox fore ultores. Se tamen, utcumque sit, etiam nunc, pœnitere suâ sponte Æquos, quàm pati hostilia, malle. Si pœniteat, tutum receptum ad experiam clementiam fore: sin perjurio gaudeant, Diis magis iratis, quàm hostibus, gesturos bellum.* Hæc dicta adeò nihil moverunt quemquam, ut legati propè violati sint, exercitusque in Algidum adversus Romanos missus. Quam ubi Romam sunt nunciata, indignitas rei, magis quàm periculum, consulem alterum ab urbe excivit. ita duo consulares exercitus ad hostem accedere acie instructâ, ut confestim dimicarent. Sed quum fortè haud multum diei superesset, unus ab statione hostium exclamavit: *ostentare hoc est, Romani, non gerere bellum. in noctem imminentem aciem instruitis. longiore luce ad id certamen, quod instat, nobis opus est. Crastino die oriente sole redite in aciem: eris copia pugnandi, ne timete.* His vocibus irritatus miles in diem posterum in castra reduci-tur, longam venire noctem ratus, quæ moram certamini faceret. Tum quidem corpora cibo somnoque curant. ubi illuxit postero die, prior aliquanto consistit Romana acies; tandem & Æqui processere. Prælium fuit utrinque vehemens; quod & Romanus irâ edioque pugnabat, & Æquos conscientia contracti. culpâ periculi, & desperatio futuræ sibi postea fidei, ultima audere & experiri coge-bat. Non tamen sustinere aciem Romanam Æqui: pulsi-que quum in fines suos se recepissent, nihilo inclinatio-ribus ad pacem animis.

animis ferox multitudo increpare duces, quòd in aciem, quàm pugnandi arte Romanus excellat, commissa res sit. Æquos populationibus incursionibusque meliores esse; & multas passim manus, quàm magnam molem unius exercitus, rectius bella gerere.

III. Relicto itaque castris præsidio, egressi tanto cum tumultu invasere fines Romanos, ut ad urbem quoque terrorem pertulerint. nec opinata etiam res plus trepidationis fecit, quòd nihil minùs, quàm ne victus ac propè in castris obsessus hostis memor populationis esset, timeri poterat; agrestesque, pavidì incidentes portis, non populationem, nec prædonum parvas manus, sed, omnia vano augentes timore, exercitus & legiones adesse hostium, & infesto agmine ruere ad urbem, clamabant. Ab his proximi audita incerta, eoque vaniora, ferre ad alios: cursus clamorque vocantium ad arma haud multum à pavore captæ urbis abesse. Fortè ab Algido Quintius consul redierat Romam, (id remedium timori fuit) tumultuque sedato, victos timeri increpans hostes, præsidia portis imposuit. Vocato dein senatu, quum, ex auctoritate Patrum iustitio indicto, profectus ad tutandos fines esset, Q. Servilio præfecto urbis relicto, hostem in agris non invenit. Ab altero consule res gesta egregiè est. qui, quàm venturum hostem sciebat, gravem prædà, eoque impeditiore agmine incedentem aggressus, functionem ei populationem fecit. Pauci hostium evasere ex insidiis: præda omnis recepta est. sic finem iustitio, quod quatrimum fuit, reditus Quintii consulis in urbem fecit. Censui deinde actus, & conditum ab Quintio lustrum. censa civium capita centum quatuor millia & ducenta quatuordecim dicuntur, præter orbos orbasque. In Æquis nihil deinde memorabile actum. in oppida sua se recepere, urì sua popularique passi. Consul, quum aliquoties per omnem  
hostium

hostium agrum infecto agmine populabundus esset, cum ingenti laude prædaque Romam rediit.

IV. Consules inde A. Postumius Albus, Sp. Furius Fusus. Furios Fusios scripsere quidam. id admoneo, ne quis immutationem virorum ipsorum esse, quæ nominum est, putet. Haud dubium erat, quin cum Æquis alter consulum bellum gereret. Itaque Æqui ab Ecetranis Volscis præsidium petiere. quo cupidè oblato, (adeò civitates hæ perpetuo in Romanos odio certavere) bellum summâ vi parabatur. Sentiant Hernici, & prædicunt Romanis, Ecetranum ad Æquos descisse. suspecta & colonia Antium fuit, quòd magna vis hominum inde, quum oppidum captum esset, confugisset ad Æquos. isque miles per bellum Æquicum vel acerrimus fuit. Compulsis deinde in oppida Æquis, ea multitudo dilapsa quum Antium redisset, suâ sponte jam infidos colonos Romanis abalienavit. Necdum maturâ re, quum defectionem parari delatum ad senatum esset, datum negotium est consulibus, ut, principibus coloniarum Romam excitis, quærerent, quidnam rei esset. qui quum haud gravati venissent, introducti à consulibus ad senatum ita responderunt ad interrogata, ut magis suspecti, quàm venerant, dimitterentur. Bellum inde haud dubium haberi. Sp. Furius, consulum alter, cui ea provincia evenerat, profectus in Æquos, Hernicorum in agro populabundum hostem invenit; ignarusque multitudinis, quia nusquam universa conspecta fuerat, imparem copiis exercitum temerè pugnae commisit. Primo concursu pulsus se in castra recepit. neque is finis periculi fuit. namque & proximâ nocte & postero die tantâ vi castra sunt circumfessa atque oppugnata, ut ne nuncius quidem inde mitti Romam posset. Hernici, & malè pugnatum, & consulem exercitumque obsideri, nunciaverunt. tantumque terrorem incussere Patribus, ut (quæ forma senatusconsulti ultimæ semper necessitatis habita



ta est) Postumio alteri consulum negotium daretur, *Videre, ne quid respublica detrimenti caperet.* Ipsum consulem Romæ manere ad conscribendos omnes, qui arma ferre possent, optimum visum est; proconsule T. Quinctium subsidio castris cum sociali exercitu mitti ad eum explendum Latini, Hernicique, & colonia Antium dare Quinctio subitarios milites (ita tum repentina auxilia appellabant) iussi.

V. Multi per eos dies motus multique impetus hinc atque illinc facti, quia, superante multitudine, hostes carpere multifariam vires Romanas, ut non suffecturas ad omnia, aggressi sunt. simul castra oppugnabantur, simul pars exercitus ad populandum agrum Romanum missa, urbemque ipsam, si qua fortuna daret, tentandam. L. Valerius ad præsidium urbis relictus; consul Postumius ad arcendas populationes finium missus. Nihil remissum ab ulla parte curæ aut laboris. vigilæ in urbe, stationes ante portas, præsidiaque in muris disposita, &, quod necesse erat in tanto tumultu, iustitium per aliquot dies servatum. Interim in castris Furius consul, quum primò quietus obsidionem passus esset, in incautum hostem decumana portâ crupit, &, quum persequi posset, metu substitit, ne qua, ex parte altera, in castra vis fieret. Furium legatum (frater idem consulis erat) longiùs exulit cursus: nec suos ille redeuntes, persequendi studio, neque hostium ab tergo incursum vidit. ita exclusus, multis sæpe frustra conatibus captis, ut viam sibi ad castra faceret, acriter dimicans cecidit. Et consul, nuncio circumventi fratris conversus ad pugnam, dum se temerè magis, quàm satis cautè, in mediam dimicationem infert, vulnere accepto, ægrè ab circumstantibus creptus, & suorum animos turbavit, & ferociores hostes fecit. qui, cæde legati & consulis vulnere accensi, nullâ deinde vi sustineri potuere, quum compulsi in castra Romani rursus obsiderentur,

nec spe, nec viribus pares. venissetque in periculum summa rerum, ni T. Quinctius peregrinis copiis cum Latino Hernicoque exercitu subvenisset. Is, intentos in castra Romana Æquos legatiue caput ferociter ostentantes ab tergo adortus, simul ad signum à se procul editum ex castris eruptione factâ, magnam vim hostium circumvenit. Minor cædes, fuga effusior Æquorum in agro fuit Romano. in quos palatos, prædam agentes, Postumius aliquot locis, quibus opportuna imposuerat præsidia, impetum dedit. ii vagi, dissipato agmine fugientes, in Quinctium victorem, cum faucio consule revertentem, incidere. Tum consularis exercitus egregiâ pugnâ consulis vulnus, legati & cohortium ultus est cædem. magnæ clades ultro citroque illis diebus & illatæ & acceptæ. Difficile ad fidem est in tam antiqua re, quot pugnaverint ceciderintve, exacto affirmare numero. audet tamen Antias Valerius concipere summas. Romanos cecidisse in Hernico agro quinq; millia ac trecentos: ex prædatoribus Æquorum, qui populabundi in finibus Romanis vagabantur, ab A. Postumio consule duo millia & quadringentos cæsos: ceteram multitudinem, prædam agentem, quæ inciderit in Quinctium, nequaquam pari defunctam esse cæde. interfecta inde quatuor millia, &, exsequendo subtiliter numerum, ducentos, ait, & triginta. Ut Romam reditum & iustitiam remissum est, cælum visum est ardere plurimo igni; portentaque alia aut obversata oculis, aut vanas exterritis ostentare species. His avertendis terroribus in triduum feræ indictæ, per quas omnia delubra pacem Deum exposcentium virorum mulierumque turbâ implebantur. Cohortes inde Latinæ Hernicæque ab senatu, gratiis ob impigram militiam actis, remissæ domos. Antiates, mille milites, quia serum auxilium post prælium venerant, propè cum ignominia dimissi.

VI. Comititia inde habita: creati consules L. Æbutius, P. Servilius Kalendis Sextilibus, ut tunc principium anni agebatur, consulatum incunt. Grave tempus & fortè annus pestilens erat urbi agrisque, nec hominibus magis, quàm pecori; & auxere vim morbi, terrore populationis pecoribus agrestibusque in urbem acceptis. Ea colluvio mixtorum omnis generis animantium & odore insolito urbanos, & agrestem, confectum in arcta tecta, æstu ac vigiliis angebat, ministeriaque in vicem ac contagio ipsa vulgabant morbos. Vix instantes sustinentibus clades repentè legati Hernici nunciant, in agro suo Æquos Volcosque conjunctis copiis castra posuisse. inde exercitu ingenti fines suos depopulari. Præterquam quòd infrequens senatus indicio erat sociis, afflictam civitatem pestilentiam esse, mœstum etiam responsum tulerè: *ut per se ipsi Hernici cum Latinis res suas tutarentur. Urbem Romanam subita Deum ira morbo populari. Si qua ejus mali quies veniat, ut anno antè, ut semper aliàs, sociis opem laturos.* Discessere socii, pro tristi nuncio tristiores domum referentes; quippe quibus per se sustinendum bellum erat, quod vix Romanis fulti viribus sustinuissent. Non diutius se in Hernico hostis continuit. pergit inde infestus in agros Romanos, etiam sine belli injuria vastatos. Ubi quàm obvius nemo, ne inermis quidem, fieret, perque omnia, non præsidiis modò deserta, sed etiam cultu agresti, transirent; pervenere ad tertium lapidem Gabinà viâ. Mortuus Æbutius erat Romanus consul. collega ejus Servilius exigua in spe trahebat animam. affecti plerique principum, Patrum major pars, militaris ferè ætas omnis: ut non modò ad expeditiones, quas in tanto tumultu res poscebat, sed vix ad quietas stationes viribus sufficerent. Munus vigiliarum senatores, qui per ætatem ac valetudinem poterant, per se ipsi obibant: circuitio ac cura ædilium plebei erat. ad eos summa rerum ac majestas consularis imperii venerat.

VII. De-

VII. Deserta omnia, sine capite, sine viribus, Dii præfides ac Fortuna urbis tutata est, quæ Volscis Æquisque, prædonum potiùs mentem, quàm hostium, dedit. adeò enim nulla spes non potiùdi modò, sed ac adèundi quidem Romana mœnia, animos eorum cepit, testaque procul visa atque imminentes tumuli avertere mentes eorum; ut, totis passim castris fremitu orto, *quid in vasto ac deserto agro inter tabem pecorum hominumque desides sine prada tempus tererent, quum integra loca, Tusculanum agrum, opimum copiis, petere possent?* signa repentè convellerent, transversisque itineribus per Lavicanos agros in Tusculanos colles transirent. eò vis omnis tempestatque belli conversa est. Interim Hernici Latinique, pudore etiàm, non misericordià solùm, moti, si nec obstitissent communibus hostibus, infesto agmine Romanam urbem petentibus, nec opem ullam obsessis sociis ferrent, conjuncto exercitu Romam pergunt. Ubi quum hostes non invenissent, secuti famam ac vestigia, obvii fiunt descendentibus ab Tusculano in Albanam vallem. ibi haudquaquam æquo prælio pugnatum est, fidesque suæ sociis parum felix in præsentia fuit. Haud minor Romæ sit morbo strages, quàm quanta ferro sociorum facta erat. consul, qui unus supererat, moritur. mortui & alii clari viri, M. Valerius, T. Virginius Rutulus, augures; Ser. Sulpicius, curio maximus. & per ignota capita latè evagata est vis morbi: inopsque senatus auxilii humani, ad Deos populum ac vota vertit. iussu cum conjugibus ac liberis supplicatum ire, pacemque exposcere Deùm. Ad id, quod sua quemque mala cogeant, auctoritate publicà evocati, omnia delubra implent. stratz passim matres, crinibus templa verrentes, veniam irarum coelestium, finemque pesti exposcunt.

VIII. Inde paullatim, seu pace Deùm impetratà, seu graviore tempore anni jam circumactò, defuncta mor-

his corpora salubriora esse incipere: versisque animis jam ad publicam curam, quum aliquot interregna exissent, P. Valerius Publicola tertio die, quam interregnum inierat, consules creat L. Lucretium Tricipitinum & T. Veturium Geminum; sive ille Vetusius fuit. Ante diem tertium Idus Sextiles consulatum incunt, jam satis validâ civitate, ut non solum arcere bellum, sed ultro etiam inferre posset. Igitur, nuntiantibus Hernicis, in fines suos transcendisse hostes, impigrè promissum auxilium. duo consulares exercitus scripti. Veturius missus in Volscos ad bellum ultro inferendum. Tricipitinus, populationibus arcendis sociorum agro oppositus, non ultra, quam in Hernicos, procedit. Veturius primo proelio hostes fundit fugatque. Lucretium, dum in Hernicis sedet, prædonum agmen sefellit, supra montes Prænestinos ductum, inde demissum in campos: Vestavere agros Prænestinum Gabinumque: ex Gabino in Tusculanos flexere colles. urbi quoque Romæ ingens præbitus terror, magis in re subita, quam quod ad arcendam vim parum virium esset. Q. Fabius præerat urbi. is, armatâ juventute, dispositisque prædiis, tuta omnia ac tranquilla fecit. Itaque hostes, prædâ ex proximis locis raptâ, appropinquare urbi non ausi, quum circumacto agmine redirent, quanto longius ab urbe hostium abscederent, eo solutiore curâ in Lucretium incident consulem, jam antè exploratis itineribus suis instructum, & ad certamen intentum. Igitur, præparatis animis, repentino pavore perculsos adorti, aliquanto pauciores multitudinem ingentem fundunt fugantque; & compullos in cavas valles, quum exitus haud in facili essent, circumveniunt. Ibi Volscum nomen propè deletum est. tredecim millia quadringentos septuaginta cecidisse in acie ac fuga, mille ducentos quinquaginta vivos captos, signa viginti septem militaria relata, in quibusdam annalibus invenio. ubi etiam adjectum aliquid numero sit, magis certe

certe eades fuit. Victor consul, ingenti prædâ potitus, eadem in stativa rediit. Tum consules castra conjungunt: & Volsci Æquique afflictas vires suas in unum contalere. Tertia illa pugna eo anno fuit. eadem fortuna victoriam dedât. fufis hostibus, etiam castra capta.

IX. Sic res Romana in antiquum statum rediit: secundæque belli res extemplo urbanos motus excitaverunt. C. Terentillus Arsa tribunus plebis eo anno fuit. is, consulibus absentibus, ratus locum tribuniciis actionibus datum, per aliquot dies Patrum superbiam ad plebem criminatus, maxime in consulare imperium, tanquam nimium, nec tolerabile liberæ civitati, invehebatur: *nomine enim tantæque minis invidiosum, re ipsâ propè atrocius, quàm regium, esse. Quippe duos pro uno domino acceptos, immoderatâ, infinitâ potestate: qui, soluti atque effrenati ipsi, omnes metus legum omniaque supplicia verterent in plebem. Quæ ne aterna illis licentia sit, legem sit promulgaturum, ut quinque viri creentur legibus de imperio consulari scribendis. Quod populus in se jus dederit, eo consulem usurum: non ipsos libidinem ac licentiam suam pro lege habituros. Quâ promulgatâ lege, quum timerent Patres, ne, absentibus consulibus, jugum acciperent, senatus à præfecto urbis Q. Fabio vocatur: qui adeo atrociter in rogationem latoremque ipsam est invehens, ut nihil, si ambo consules infesti circumstarent tribunum, relictum minarum atque terroris sit: insidiatum enim, et tempore capto adortum rempublicam. Si quem similem ejus priore anno, inter morbum bellumque, irati Dii tribunum dedissent, non patuisse sisti. Mortuis duobus consulibus, jacente agrâ civitate in calluvione omnium rerum, ad tollendum è republica consulare imperium latum leges fuisse; ducem Volscis Æquisque ad oppugnandam urbem futurum. Quid tandem? illi non licere, si quid consules superbi in aliquem civium, aut crudeliter, fecerint, diem dicere? accusare his ipsis iudicibus, quorum in aliquem sanctum sit? Non est*

lud consulare imperium, sed tribuniciam potestatem invasam intolerandamque facere: quam pacatam reconciliatamque Patribus de integro in antiqua redigi mala. neque illum se deprecari, quod minus pergat, ut cæperit. Vos, inquit Fabius, ceteri tribuni, oramus, ut primum omnium cogitetis, potestatem istam ad singulorum auxilium, non ad perniciem universorum, comparatam esse. tribunos plebis vos creatos, non hostes Patribus. Nobis miserum, invidiosum vobis est, desertam rempublicam invadi. non jus vestrum, sed invidiam, minueritis. Agite cum collega, ut rem integram in adventum consulum differat. ne Æqui quidem ac Volsci, morbo absumptis priore anno consulibus, crudeli superboque nobis bello insistere. Agunt cum Terentillo tribuni: dilataque in speciem actione, re ipsa sublata, consules extemplo arcessiti.

X. Lucretius cum ingenti præda, majore multò gloria, rediit. & auget gloriam adveniens, exposita omni in campo Martio præda, ut suum quisque per triduum cognitum abduceret. reliqua vendita, quibus domini non exsistere. Debebatur omnium consensu consuli triumphus: sed dilata res est, tribuno de lege agente. id antiquius consuli fuit. Jactata per aliquot dies quum in senatu res, tum ad populum est. cessit ad ultimum majestati consulis tribunus, & destitit. tum imperatori exercituique honos suus redditus. Triumphavit de Volscis Æquisque: triumphantem secutæ suæ legiones. alteri consuli datum, ut ovans sine militibus urbem iniret. Anno deinde insequenti lex Terentilla, ab toto relata collegio, novos aggressa consules est. erant consules P. Volumnius, Ser. Sulpicius. Eo anno cælum ardere visum; terra ingenti concussa motu est. bovem locutam, cui rei priore anno fides non fuerat, creditum. Inter alia prodigia & carnem pluit: quem imbrem ingens numerus avium intervalitando rapuisse fertur. quod intercudit, sparsum ita jacuisse per aliquot dies, ut nihil odor mutaret. Li-  
bri

bri per duumviros sacrorum aditi : pericula à conventu alienigenarum prædicta, ne qui in loca summa urbis impetus, cædesque inde fierent. inter cetera monitum, ut seditionibus abstineretur. Id factum ad impediendam legem, tribuni criminabantur, ingensque aderat certamen. Ecce (ut idem in singulos annos orbis volveretur) Hernici nunciant, Volscos & Æquos, etsi accisæ res sint, reficere exercitus; Antii summam rei positam; Ecetræ Antiates colonos palam concilia facere. id caput, eas vires belli esse. Ut hæc dicta in senatu sunt, delectus edicitur : consules belli administrationem inter se dispartiri iussi, alteri ut Volsci, alteri ut Æqui provincia esset. Tribuni coram in foro personare, *Fabulam compositam Volsci belli, Hernicos ad partes paratos. jam ne virtute quidem premi libertatem populi Romani, sed arte eludi. quia, occisione propè occisos Volscos & Æquos movere sua sponte armia posse, jam fides abierit, novos hostes quæri. coloniam fidam, propinquam, infamem fieri. bellum innoxiiis Antiatis indicî, geri cum plebe Romana. quam, oneratam armis, ex urbe præcipiti agmine acturi essent, exsilio & relegatione civium ulciscentes tribunos. Sic, ne quid aliud actum putent, victam legem esse; nisi, dum in integro res sit, dum domi, dum togati sint, caveant, ne possessione urbis pellantur, ne jugum accipiant. Si animus sit, non desore auxilium. consentire omnes tribunos. nullum terrorem externum, nullum periculum esse. Cavisse Deos priore anno, ut tuto libertas defendi posset. Hæc tribuni.*

XI. At ex parte altera consules in conspectu eorum, positis sellis, delectum habebant. eò decurrunt tribuni, concionemque secum trahunt. citati pauci, velut rei experiundæ causâ : & statim vis coorta. Quemcunque licitor jussu consulis prehendisset, tribunus mitti jubebat. neque suum cuique jus modum faciebat, sed virium spe & manu obtinendum erat, quod intenderes. Quemadmodum se tribuni ges-



fuissent in prohibendo delectu, sic patres in lege, quæ  
 per omnes comitiales dies ferebatur, impedienda gere-  
 bant. Initium erat rixæ, quum discedere populum  
 iussissent tribuni, quod Patres se summoverti haud si-  
 nebant. nec ferè seniores rei intererant; quippe quæ  
 non consilio regenda, sed permissa temeritati audaciz-  
 que esset. Multum & consules se abstinebant, ne cui  
 in colluvione rerum majestatem suam contumeliæ of-  
 ferrent. Kæso erat Quinctius, ferox juvenis, quæ no-  
 bilitate gentis, quæ corporis magnitudine & viribus.  
 ad ea munera, data à Diis, & ipse addiderat multa bel-  
 li decora, facundiamque in foro; ut nemo, non lin-  
 guæ, non manu, promptior, in civitate haberetur. Hic,  
 quum in medio Patrum agmine constitisset, eminens  
 inter alios, velut omnes dictaturas consulatusque ge-  
 rens in voce ac viribus suis, unus impetus tribunicios  
 popularesque procellas sustinebat. Hos duce, sæpe  
 pulsî foro tribuni, fusa ac fugata plebs est. qui obvius  
 fuerat, mulcatus nudatusque abibat: ut satis appa-  
 reret, si sic agi liceret, victam legem esse. Tum, pro-  
 pè jam perculsis aliis tribunis, A. Virginus, ex colle-  
 gio unus, Kæsoni capitis diem dicit. atrox ingenium  
 accenderat eo facto magis, quàm contreruerat: eo a-  
 crius obstare legi, agitare plebem, tribunos velut iusto  
 persequi bello. Accusator pati reum ruere, invidiæ-  
 que flammam ac materiam criminibus suis suggerere: legem interim, non tam ad spem perferendi, quàm ad  
 lacestrandam Kæsonis temeritatem, ferre. Ibi multa,  
 sæpe ab juventute inconsultè dicta factaque, in unius  
 Kæsonis suspectum incidunt ingenium: tamen legi re-  
 sistebatur. Et A. Virginus identidem plebi: *Equid  
 sentitis jam, vos, Quirites, Kæsonem simul civem & legem,  
 quum cupitis, habere non posse? quanquam quid ego legem  
 loquor? libertati obstat, omnes Tarquinius superbiæ exsuperat.  
 Expectate, dum consul aut dictator fiat, quem privatum viri-  
 bus & audaciâ regundem videtis.* Assentiebantur multi,  
 pulsatos

pulsatos se querentes, & tribunum ad rem peragendam ultro incitabant.

XII. Jam aderat iudicio dies, apparebatque, vulgo homines in damnatione Kæsonis libertatem agi credere. tum demum coactus cum multa indignitate presabat singulos. sequebantur necessarii; principes civitatis. T. Quintius Capitolinus, qui ter consul fuerat, quum multa referret sua familiæque decora, affirmabat: *Neque in Quintia gente, neque in civitate Romana tantam indelem tam maturo virtutis unquam existisse. Summum primam militem fuisse, se sæpe vidente pugnasse in hostem.* Sp. Furius, missum ab Quintio Capitolino sibi cum in dubiis suis rebus venisse subsidio. neminem unum esse, cujus magis operâ putes rem restitutam. L. Lucretius, consul anni prioris, recenti gloriâ nitens, suas laudes participare cum Kæsone, memorare pugnas, referre egregia facinora, nunc in expeditionibus, nunc in acie: suadere & monere, juvenem egregium, instructum natura fortunæque omnibus bonis, maximum momentum rerum ejus civitatis, in quamcumque venisset, suum, quàm alienum, stultum civem esse. *Quod offendant in eo, fervorem & audaciam statem quotidie auferte; quod desideretur consilium, id in dies crescere. Senescentibus vitiis, maturescante virtute, fiant tantum virum senem in civitate fieri.* Pater inter hos L. Quintius, cui Cincinnato cognomen erat, non iterando laudes, ne cumlaret invidiam, sed veniam errori atque adolescentiæ petendo, sibi, qui non dicto, non facto quemquam offendisset, ut condonarent filium, orabat. Sed alii averfabantur preces, aut verecundiâ, aut metu: alii, se suosque mulcatos querentes, atrociori responso iudicium suum præferebant.

XIII. Premebat rem, præter vulgatam invidiam, crimen unum; quod M. Volscius Fictor, qui ante aliquot annos tribunus plebis fuerat, testis existerat, *Se hunc multo post, quàm pestilentia in urbe fuerat, in juventutem, grassantem in Subura, incidisse. ibi rixam natam esse,*

fratremque suum majorem natu, necdum ex morbo satis val-  
 dum, pugno ictum ab Kafone cecidisse semianimem. Inter  
 manus domum ablatum, mortuumque inde arbitrari, nec sibi  
 rem exsequi tam atrocem per consules superiorum annorum li-  
 cuisset. Hæc Volscio clamitante, aded concitati homi-  
 nes sunt, ut haud multum abfuerit, quin impetu po-  
 puli Kæso interiret. Virginius arripi jubet hominem,  
 & in vincula duci. patricii contrà vi resistunt. T.  
 Quinctius clamat, *Cui rei capitalis dies dicta sit, & de*  
*quo futurum prope diem judicium, eum indemnatum indictâ*  
*causâ non debere violari.* Tribunus supplicium negat sum-  
 pturum se de indemnato; servaturum tamen in vinculis esse  
 ad judicii diem. ut, qui hominem necaverit, de eo supplicii  
 sumendi copia populo Romano fiat. Appellati tribuni me-  
 dio decreto jus auxilii sui expediunt: in vincula con-  
 jici vetant: sisti reum, pecuniamque, nisi sistatur, po-  
 pulo promitti, placere pronunciant. Summam pecu-  
 niæ quantam æquum esset promitti, veniebat in dubi-  
 um: id ad senatum rejicitur. Reus, dum consuleren-  
 tur Patres, retentus in publico est. vades dare placuit.  
 unum vadem tribus millibus æris obligarunt. quot  
 darentur, permissum tribunis est. decem sinterunt. tot  
 vadibus accusator vadatus est reum. Hic primus va-  
 des publicos dedit. dimissus è foro nocte proximâ  
 in Tuscos in exilium abiit. Judicii die quum excusa-  
 retur solum vertisse exilii causâ, nihilo minùs Virgi-  
 nio comitia habente, collegæ appellati dimisere conci-  
 lium: pecunia à patre exacta crudeliter, ut, divendi-  
 tis omnibus bonis, aliquamdiu trans Tiberim, veluti  
 relegatus, devio quodam tugurio viveret.

XIV. Hoc judicium & promulgata lex exercuit ci-  
 vitatem: ab externis armis otium fuit. Quum, velut  
 victores, tribuni, percussis Patribus Kasonis exilio,  
 propè perlatam esse crederent legem, &, quod ad se-  
 niores Patrum pertineret, cessissent possessione repu-  
 blicæ; juniores, id maximè quod Kasonis sodalium  
 fuit,

fuit, auxere iras in plebem, non minnerunt animos. sed ibi plurimum profectum est, quod modo quodam temperare impetus suos. Quum primò post Kæsonis exilium lex coepta ferri est, instructi paratique cum ingenti clientium exercitu sic tribunos, ubi primum submoventes præbuere causam, adorti sunt, ut nemo unius inde præcipuum quicquam gloriæ domum invidiæve ferret; mille pro una Kæsones existisse, plebes quereretur. Mediis diebus, quibus tribuni de lege non agerent, nihil eisdem illis placidius aut quietius erat. benignè salutare, alloqui plebis homines, domum invitare, adesse in foro, tribunos ipsos cetera pati sine interpellatione concilia habere: nunquam ulli, neque publice, neque privatim, truces esse, nisi quum de lege agi ceptum esset. Alibi popularis juvenus erat. nec cetera modò tribuni tranquillò peregere; sed refecti quoque in insoquentem annum. ne voce quidem incommoda, nedum ut ulla vis fieret, paullatim permulcendo tractandoque mansuefecerant plebem. His per totum annum artibus lex elusa est.

XV. Accipiunt civitatem placidiorem consules C. Claudius, Appii filius, & P. Valerius Publicola. Nihil novi novus annus attulerat. legis ferendæ aut accipiendæ cura civitatem tenebat. Quantum juniores Patrum plebi se magis insinuabant, eo acrius contra tribuni tendebant, ut plebi suspectos eos criminando facerent. *Conjunctionem factam, Kæsonem Romæ esse: interficiendorum tribunorum, trucidandæ plebis consilia inita. Id negotii datum ab senioribus Patrum, ut juvenus tribuniciam potestatem e republica tolleret, formaque eadem civitatis esset, quæ ante Sacram montem occupatum fuerat.* Et ab Volscis & Æquis statum jam ac propè solenne in singulos annos bellum timebatur: propiusque aliud novum malum, necopinatò exortum. Exsules servique, ad quatuor millia hominum & quingenti, duce Ap. Herdonio Sabino, nocte Capitolium atque arcem occupa-

verè. Constatim in arce facta cædes eorum, qui conjurare & simul capere arma noluerant. alii inter tumultum præcipientes pavore in forum devolant. alternæ voces, *Ad arma, & Hostes in urbe sunt*, audiebantur. Consules de armare plebem, & inermem pati timebant. Incertū, quod malum repentinum, externum an intestinum, ab odio plebis, an ab servili fraude, urbem invasisset, sedabant tumultus, sedando interdum movebant. nec enim poterat pavida & consternata multitudo regi imperio. Dant tamen arma, non vulgò; tantum ut, incerto hoste, præsidium satis fidum ad omnia esset. Solliciti reliquum noctis, incertique, qui homines; quantus numerus hostium esset, in stationibus disponendis ad opportuna omnis urbis loca, egerè. Lux deinde aperuit bellum ducemque belli. Servos ad libertatem Ap. Herdonius ex Capitolio vocabat, *Se miserrimi cujusque suscepisse causam, ut exules injuriis pulsos in patriam reduceret, & servitiis grave jugum demeret. id malis populo Romano auctore fieri. Si ibi spes non sit, se Volscos, & Æques, & omnia extrema tentaturum & concitaturum.*

XVI. Dilucere res magis Patribus atque consulibus. præter ea tamen, quæ denunciabantur, ne Vejentium, neu Sabinorum id consilium esset, timere: &, quum tantum in urbe hostium esset, mox Sabine Etrusque legiones ex composito adessent; tum æterni hostes Volsci & Æqui, non ad populandos, ut antè, fines, sed ad urbem, ut ex parte captam, venirent. Multi & varii timores. inter ceteros eminebat terror servilis, ne suus cuique domi hostis esset. cui nec credere, nec, non credendo, ne infestior fieret, fidem abrogare, satis erat tutum. Vixque concordia sisti videbatur posse. tantum, superantibus aliis ac emergentibus malis, nemo tribunos aut plebem timebat. mansuetum id malum, & per aliorum quietem malorum semper exoriens, tumque esse peregrino terrore sopitum

tum videbatur. At id propè unum maxime inclinatis rebus incubuit. tantus enim tribunus furor tenuit, ut non bellum, sed vanam imaginem belli, ad aver- tendos ab legis etira plebis animos, Capitolium in- fesse contenderent: patriciorum hospites clientesque, si perlata lege frustra tumultuatos esse se sentiant, ma- jore, quam venerint, silentio abituros. Concilium in- de legi perferendæ habere, avocato populo ab armis. Senatum interim consules habent, alio se majore ab tribunis metu ostendente, quam quem nocturnus hostis intulerat.

XVII. Postquam arma poni, & discedere homines ab stationibus nunciatum est, P. Valerius, collega so- natum retinente, se ex curia proripit, inde in templum ad tribunos venit: *Quid hoc rei est, inquit, tribuni? Ap. Herdonii ducta & aspicio rempublicam eversum estis? Tanta felix vobis corruppendis fuit, qui servitia vestra non commo- vit auctor? Quum hostes supra caput sint, discedi ab armis, legesque ferri placet?* Inde ad multitudinem oratione versa: *Si vos urbis, Quirites, si vestri nulla cura tangit; at vos veremini Deos vestros, ab hostibus captos. Jupiter o- ptimus maximus, Juno regina, & Minerva, alii Dii Dea- que obsidentur. castra servorum publicos vestros penates te- nent. Hac vobis forma fate civitatis videtur? Tantum hostium non solum intra muros est, sed in arce supra forum curiamque: comitia interim in foro sunt: senatus in curia est: velut quem otium superat, senator sententiam dicit: alii Quirites suffragium incitant. Non, quicquid Patrum plebisque est, consules, tribunos, Deos, hominesque omnes armatos opem ferre, in Capitolium currere, liberare ac pacare angustissimam illam domum Jovis optimi maximi decuit? Romule pater, tu mentem tuam, quæ quondam arcem, ab his iisdem Sabinis euro captam, recepisti, da stirpi tuæ: jube hanc ingredi vi- am, quam tu dux, quam tuus ingressus exercitus est. Primus, ea, ego confid, quantum mortalis Deum possum, te, ac tua vestigia sequar. Ultimum orationis fuit, Se arma capere,*

*·vocare omnes Quirites ad arma. si quis impediat, jam se consularis imperii, jam tribunicie potestatis sacratumque legem oblitum, quisquis ille sit, ubicunque sit, in Capitolio, in foro, pro hoste habiturum. ·Juberent tribuni, quoniam in Ap. Herdonium vetarent, in P. Valerium consulem sumi arma ausurum se in tribunis, quod princeps familie sue ausus in re-gibus esset. Vim ultimam apparebat futuram, specta-culoque seditionem Romanam hostibus fore. nec lex tamen ferri, nec ire in Capitolium consul potuit. nō certamina cœpta oppressit: tribuni cessere nocti, timen-tes consulum arma. Amotis inde seditionis auctoribus, ·Patres circumire plebem, inferentesque se in circulos, sermones temporis aptos ferere: admonere, Ut viderent, in quod discrimen rempublicam adducerent. Non inter Pa-tres ac plebem certamen esse, sed simul Patres plebemque, an-tem urbis, templa Deorum, penates publicos privatosque ho-stibus dedi. Dum hæc in foro sedandæ discordiæ causâ aguntur, consules interim, ne Sabini, ne Vejens hostis moveretur, circa portas murosque discesserant.*

XVIII. Eadem nocte & Tusculum de arce capta, Capitolioque occupato, & alio turbatæ urbis statu nun-tii veniunt. L. Mamilius Tusculi tum dictator erat. is, confestim convocato senatu, atque introductis nun-ciis, magno opere censet, *Ne expectent, dum ab Roma legati, auxilium petentes, veniant: periculum ipsum discrimenque, ac sociales Deos, fidemque fœderum id pascere. De-merendi beneficio tam potentem, tam propinquam civitatem, nunquam parem occasionem daturus Deos. Placet ferri au-xilium; juvenus conscribitur, arma dantur. Romam primâ luce venientes, procul speciem hostium præbue-re. Æqui aut Volsci venire visi sunt. deinde, ubi vanus terror abiit, accepti in urbem, agmine in forum descendunt. ibi jam P. Valerius, relicto ad portarum præsidia collegâ, instruebat aciem. Auctoritas viri mo-verat, affirmantis, Capitolio recuperato, & urbe pacatâ, si edoceri se sissent, qua fraus à tribunis occulta in lege ferretur,*  
memorem

*memorem se majorum suorum, memorem cognominis; quod populi colendi velut hereditaria cura sibi à majoribus tradita esset, concilium plebis non impediturum. Hunc ducem secuti, nequicquam reclamantibus tribunis, in clivum Capitolinum erigunt aciem. adjungitur & Tusculana legio. certare socii civesque, utri recuperatae artis suum decus facerent. dux uterque suos adhortatur. Trepidare tum hostes: nec ulli satis rei, præterquam loco, fidere. trepidantibus inferunt signa Romani sociique. Jam in vestibulum petruerant templi, quum P. Valerius, inter primores pugnam ciens, interficitur. P. Volumnius consularis vidit cadentem. is, dato negotio suis, ut corpus obtegerent, ipse in locum vicemque consulis provolat. Præ ardore impetuque tantæ rei sensus non pervenit ad militem: prius vicit, quam se pugnare sine duce sentiret. Multi exfulum cæde sua scedavere templum; multi vivi capti; Herdonius interfectus. Ita Capitolium recuperatum. De captivis, ut quisque liber aut servus esset, suæ fortunæ à quoque sumptum supplicium est. Tusculanis gratiæ actæ: Capitolium purgatum atque lustratum. In consulis domum plebes quadrantes, ut funere ampliore efferretur, jactasse fertur.*

XIX. Pace partâ, instare tum tribuni Patribus, ut P. Valerii fidem exsolverent: instare Claudio, ut collega Deos manes fraude liberaret, agi de lego sineret. Consul, antequam collegam sibi subrogasset, negare, passurum agi de lege. Hæ tenuere contentiones usque ad comitia consulis subrogandi. Decembri mense, summo Patrum studio, L. Quinctius Cincinnatus, pater Kæsonis, consul creatur, qui magistratum statim occiperet. Percussa erat plebes, consulem habitura iratum, potentem favore Patrum, virtute suâ, tribus liberis, quorum nemo Kæsoni cedebat magnitudine animi; consilium & modum adhibendo; ubi res posceret, priores erant. Is, ut magistratum iniit, assiduis concionibus pro tribuna-



U, non in plebe coëroanda, quàm senatu vastiganda, vehementior fuit: cujus ordinis languore perpetui jam tribuni plebis, non at in republica populi Romani, sed ut in perditâ domo, lingua criminibusque regnarent. Cum Kafone filio suo virtutem, constantiam, omnia juvenutatis belli demique decora pulsa ex urbe Romana et fugata esse, loquaces, seditiosos, femina discordiarum, iterum ac tertium tribunos pessimis artibus regio licentiâ vivere. A, inquit, illo Virginius, quàm in Capitolio non fuis, minus supplicii, quàm Ap. Herdonius, meruit? plus hercule aliquanto, qui verè rem affirmare valuit. Herdonius, si nihil aliud, hostem se faciendo propè denunciavit, ut arma caperetis: hic, negando bella esse, arma vobis ademit, nudosque servis vestris, et exsulis objecit. Et vos (C. Claudii pace, et P. Valerii mantui loquar) prius in elivum Capitolinum signa intulistis, quàm hos hostes de foro tolleretis? Pudet Deorum hominumque quum hostes in arce, in Capitolio essent, exsulum et servorum domus, profanatis omnibus, in cella Jovis optimi maximi habitaret, Tusculi autem, quàm Roma, sumpta sunt arma. In dubio fuit, utrum L. Mamilius Tusculanus dux, an P. Valerius et C. Claudius confides Romanam arcem liberarent: et qui antè Latinis, ne pro se quidem ipsis, quum in finibus hostem haberent, attingere arma passi sumus; nunc, nisi Latini sua sponte arma sumpsissent, capti et deleti eramus. Hoc est, tribuni, auxilium plebi ferre, incremem tam hosti trucidandam objicere? Scilicet, si quis vobis humillimus homo de vestra plebe, (quantum partem, velut abruptam à cetero populo, vestram patriam peculiaremque rempublicam fecistis) si quis ex his domum suam obsessam à familia armata unciaret, ferendum auxilium putaretis. Jupiter optimus maximus, exsulum atque servorum septus armis, nullâ humanâ ope dignus erat? et hi postulant, ut sacrosancti habeantur, quibus ipsi Dii neque sacri, neque sancti sunt? At enim, divinis humanisque obruti sceleribus, legem vos hoc anno perlaturus dictitatis? Tum hercule illo die, quo ego consul sum creatus, malè gesta respublica est, pejùs multa, quàm quum P. Valerius consul periit,

*si toleratis. Jam primam omnium, inquit, Quirites, in Volsces & Aequos mihi atque collega legiones ducere in animo est. Nescio quo fato magis bellantes, quam pacati, propitios habemus Deos. quantum periculum ab illis populis fuerit, si Capitolium ab exsiliis obsessum scissent, suspicari de preterito, quam se ipsa experiri, est melius.*

XX. Moverat plebem oratio consulis: erecti Patres restitutam credebant rempublicam: consul alter, comes animosior, quam auctor, suscepisse collegam priorem actionem tam gravis rei facile passus, in peragendis consularis officii partem ad se vindicabat. Tum tribuni, eludentes velut vana dicta, persequi querendo, quoniam modo exercitum educaturi consules essent, quos delectum habere nemo passurus esset? Nobis vero, inquit Quinctius, nihil delectu opus est; quam, quo tempore P. Valerius ad recipiendum Capitolium arma plebi dedit, omnes in verba iuraverint, conventuros se jussu consulis, nec injussu abituros. Edicimus itaque, omnes, qui in verba iurastis, crastina die armati ad lacum Regillum aditis. Cavillari tum tribuni, & populum ensolvere religione velle: privatum eo tempore Quinctium fuisse, quam sacramenta adepti sint. Sed nondum hæc, quæ nunc tenet, seculum, negligentia Deum venerat: nec interpretando sibi quisque jusjurandum & leges aptas faciebat, sed suos potius mores ad ea accommodabat. Igitur tribuni, ut impediendæ rei nulla spes erat, de proferendo exercitu agere. eo magis, quod, & auguris jussus adesse ad Regillum lacum, fama exierat, locumque inaugurari, ubi auspiciis cum populo agi posset; ut, quicquid Romæ vi tribunicia rogatum esset, id comitiis ibi abrogaretur. Omnes id jussuros, quod consules vellent, neque enim provocationem esse longius ab urbe mille passuum: & tribunos, si eo adventant, in alia turba Quiritium subjectos fore consulari imperio. Terrebant hæc: sed ille maximus terror animos agitabat, quod sæpius Quinctius dictitabat, Se consulum comitia non habiturum. Non ita civitatem agram esse, ut consuetis remediis sibi possit. dictatore

opus

opus esse reipublicæ, ut, qui se moverit ad sollicitandam statum civitatis, sentiat, sine provocatione dictaturam esse.

XXI. Senatus in Capitolio erat. eò tribuni cum perturbata plebe veniunt. multitudo clamore ingenti, nunc consulum, nunc Patrum, fidem implorant. nec antè moverunt de sententia consulem, quàm tribuni, se in auctoritate Patrum futuros esse, polliciti sunt. Tunc, referente consule de tribunorum & plebis postulatis, senatusconsulta fiunt, *Neque tribuni legem eo anno ferrent, neque consules ob urbe exercitum educerent.* In reliquum magistratus continuari, et eosdem tribunos refici, iudicare senatum contra rempublicam esse. Consules suere in Patrum potestate: tribuni, reclamantibus consulibus, refecti. Patres quoque, ne quid cederent plebi, & ipsi L. Quinctium consulem reficiebant. Nulla toto anno vehementior actio consulis fuit. Mirer, inquit, si vana vestra, Patres conscripti, auctoritas ad plebem est? Vos elevatis eam. quippe, quia plebs senatusconsultum in continuandis magistratibus solvit, ipsi quoque solutionem vultis, ne temeritati multitudinis cedatis: tanquam id sit plus posse in civitate, plus levitatis ac licentia habere. levius enim vaniusque profectò est, sua decreta ex consulta tollere, quàm aliorum. Imitamini, Patres conscripti, turbam inconsultam: et, qui exempla aliis esse debetis, aliorum exemplo peccetis potius, quàm alii vestro rectè faciant; dum ego ne imiter tribunos, nec me contra senatusconsultum consulem renunciari patiar. Te vero, C. Claudè, adiutor, ut et ipse populum Romanum hac licentià arceas: et de me hoc tibi persuadeas, me ita accepturum, ut non honorem meum à te impeditum, sed gloriam sprete bonoris aulam, invidiamque, que ex continuata eo impenderet, levatam putem. Communiter inde edicunt, Ne quis L. Quinctium consulem faceret. si quis fecisset, se id suffragium non observaturos.

XXII. Consules creati Q. Fabius Vibulanus tertium & L. Cornelius Maluginensis. Censur actus eo anno. Iustrum, propter Capitolium captum, consulem occisum,

occisum, condi religiosum fuit. Q. Fabio, L. Cornelio consulibus, principio anni statim res turbulentæ. Instigabant plebem tribuni. bellum ingens à Volscis & Æquis Latini atque Hernici nunciabant. jam Antii Volscorum legiones esse: & ipsam coloniam ingens metus erat defecturam. agræque impetratum à tribunis, ut bellum præverti sinerent. Consules inde partiti provincias. Fabio, ut Antium legiones duceret, datum: Cornelio, ut Romæ præsidio esset; ne qua pars hostium, qui Æquis mos erat, ad populandum veniret. Hernici & Latini iussi milites dare ex fœdere: duæque partes sociorum in exercitu, tertia civium fuit. Postquam ad diem præstitutum venerunt socii, consul extra portam Capenam castra locat. inde, lustrato exercitu, Antium profectus, haud procul oppido stativisque hostium confedit. Ubi quum Volsci, quia nondum ab Æquis venisset exercitus, dimicare non ausi, quemadmodum quieti vallo se tutarentur, pararent; postero die Fabius, non permixtam unam sociorum civiumque, sed trium populorum tres separatim acies circa vallum hostium instruxit. Ipse erat medius cum legionibus Romanis. inde signum observare iussit, ut pariter & socii rem inciperent, referrentque pedem, si recepturi cecinisset. equites item suæ cuique parti post principia collocat. Ita trifariam adortus castra circumvenit: & quum undique instaret, non sustinentes impetum Volscos vallo deturbat. Transgressus inde munitiones, pavidam turbam inclinatamque in partem unam castris expellit. Inde effusè fugientes eques, cui superare vallum haud facile fuerat, quum ad id spectator pugnae adstitisset, libero campo adeptus, parte victoriæ fruitur, terribiles cædendo. Magna & in castris & extra munimenta cædes fugientium fuit: sed præda major; quia vix arma secum efferre hostis potuit. deletusque exercitus foret, ni fugientes silvæ texissent.

XXIII. Dum ad Antium hæc geruntur, interim Æqui, robore juventutis præmissis, arcem Tusculanam improvisò nocte capiunt: reliquo exercitu haud procul mœnibus Tusculi confidunt, ut distenderent hostium copias. Hæc celeriter Romam, ab Roma in castra Antium perlata, movent Romanos haud secus, quàm si Capitolium captum nunciaretur. adeò & recens erat Tusculanorum meritum, & similitudo ipsa periculi reposcere datum auxilium videbatur. Fabius, omisit omnibus, prædam ex castris raptam Antium conveyit. Ibi medico præsidio relicto, citatum agmen Tusculum, rapit. nihil præter arma, & quod cocti ad manum fuit cibi, setæ militi lieuit. Commeatum ab Roma consul Cornelius subvehit. Aliquot menses Tusculi bellatum, parte exercitus consul castra Æquorum oppugnabat: partem Tusculanis dederat ad arcem recuperandam. Vi nunquam eò subiri potuit. fames postremò inde detraxit hostem. Quò postquam ventum, ad extremum est, inermes nudique omnes sub jugum ab Tusculanis missi. hos, ignominiosè fugâ domum se recipientes, Romanus consul in Algidio confectus, ad unum omnes occidit. Victor ad Columnen (id loco nomen est) exercitu relicto castra locat. Et alter consul, postquam mœnibus jam Romanis, pulso hoste, periculum esse desierat, & ipse ab Roma profectus. Ita bisariam consules ingressi hostium fines, ingenti certamine hinc Volscos, hinc Æquos populantur. Eodem anno descisse Antiates, apud plerosque auctores invenio. L. Cornelium consulem id bellum gessisse, oppidumque cepisse, certum affirmare, quia nulla apud vetustiores scriptores ejus rei mentio est, non ausim.

XXIV. Hoc bello perfectò, tribunicium domi bellum Patres territat. Clamant, fraude fieri, quòd faris teneatur exercitus: frustrationem eam legis tollenda esse, se nihilo minùs rem susceptam peracturos. Obtinuit tamen P. Lucre-

Lucretius præfectus urbis, ut actiones tribunicie in adventum consulum differrentur. Erat & nova exorta causa motus. A. Cornelius & Q. Servilius quaestores M. Volscio, quod falsus haud dubie testis in Kæsonem existisset, diem dixerant, multis enim emanabat indicibus, neque fratrem Volscii, ex quo semel fuerit æger, unquam non modò visum in publico, sed ne assurrexisse quidem ex morbo, multorumque tabe mensium mortuum: nec his temporibus, in quæ testis crimen conjecisset, Kæsonem Romæ visum: affirmantibus, qui unà meruerant, secum eum tum frequentem ad signa, sine ullo comœatu fuisse. ni ita esset, multi privatim ferebant Volscio iudices. Quum ad iudicium ire non auderet, omnes eæ res, in unum congruentes, haud magis dubiam damnationem Volscii, quàm Kæsonis Volscio teste fuerat, faciebant. In mora tribuni erant, qui comitia quaestores habere de reo, nisi prius habita de lege essent, passuros negabant. ita extracta utraque res in consulum adventum est. Qui ubi triumphantes victore cum exercitu urbem inierunt, quia silentium de lege erat, perculsos magna pars credebant tribunos. At illi (etenim extremum anni jam erat) quartum affectantes tribunatum, in comitiarum disceptationem ab lege certamen averterant. & quum consules nihilo minùs adversus continuationem tribunatus, quàm si lex minuendæ suæ majestatis causâ promulgata ferretur, tetendissent, victoria certaminis penes tribunos fuit. Eodem anno Æquis pax est petentibus data. Census, res priore anno inchoata, perficitur: idque lustrum ab origine urbis decimum conditum. Fuerunt censa civium capita centum septemdecim millia trecenta novemdecim. Consulum magna domi bellique eo anno gloria fuit: quòd & foris pacem peperere, & domi, etsi non concors, minùs tamen, quàm aliàs, infesta civitas fuit.

XXV. L. Minucius inde & C. Nautius consules facti  
duas

duas residuas anni prioris causas exceperunt. Eodem modo consules legem, tribuni iudicium de Volscio impediabant: sed in quæstoribus novis major vis, major auctoritas erat. Cum M. Valerio, Valerii filio, Vollesi nepote, quæstor erat T. Quinctius Capitolinus, qui ter Consul fuerat. Is, quoniam neque Quinctiæ familiæ Kæso, neque reipublicæ maximus juvenum restitui posset, falsum testem, qui dicendæ causæ innoxio potestatem ademisset, justo ac pio bellò persequabatur. Quum Virginius maximè & tribuni de lege agerent, duum mensium spatium consulibus datum est ad inspiciendam legem: ut, quum edocuissent populum, quid fraudis occultæ ferretur, sinerent deinde suffragium ihire. hoc intervallū datum res tranquillās in urbe fecit. Nec diuturnam quietem Æqui dederunt: qui, rupto fœdere, quod istum erat priore anno cum Romanis, imperiū ad Gracchum Clœlium deferunt. Is tum longè princeps in Æquis erat. Graccho duce in Lavicanum agrum, inde in Tusculanum, hostili populatione veniunt, plenique prædæ in Algido castra locant. In ea castra Q. Fabius, P. Voltumnus, A. Postumus, legati ab Roma, venerunt quæstam injuriæ, & ex fœdere res repetitum. eos Æquorum imperator, *quæ mandata habeant ad senatū Romano, ad quercum jubet dicere: se alia interim acturum.* quercus ingens arbor prætorio imminebat, cujus umbrā opaca sedes erat. Tum ex legatis unus abiens, & hæc, inquit, *sacrata quercus, & quicquid Deorum est, audiant fœdus à vobis ruptum: nostrisque & nunc querelis adsint, & mox armis; quum Deorum hominumque simul violata jura exsequemur.* Romam ut redire legati, senatus jussit, alterum consulem contra Gracchum in Algidum exercitum ducere: alteri populationem finium Æquorum provinciam dedit. Tribuni suo more impedire delectum. & forsitan ad ultimum impedissent; sed novus subito additus terror est.

XXVI. Vis Sabinorum ingens propè ad mœnia urbis infestâ populatione venit. fœdatis agri, terror injectus urbi est. Tum plebs benignè arma cepit. reclamantibus frustra tribunis, magni duo exercitus scripti. alterum Nautius contra Sabinos duxit: castrisque ad Eretum positis, per expeditiones parvas, plerumque nocturnis incursionibus, tantam vastitatem in Sabino agro reddidit, ut, comparati ad eam, propè intacti bello fines Romani viderentur. Minucio neque fortuna nec vis animi eadem in gerendo negotio fuit. nam, quum haud procul ab hoste castra posuisset, nulla magnopere clade acceptâ, castris se pavidus tenebat. Quod ubi senserant hostes, crevit ex metu alieno, ut sit, audacia: & nocte adorti castra, postquam parum vis aperta profecerat, munitiones postero die circumdant. quæ priusquam, undique vallo objecto, clauderent exitus, quinque equites, inter stationes hostium emissi, Romam portulensem, consulem exercitumque obsideri. Nihil nec tam inopinatum, nec tam insperatum accidere potuit. Itaque tantus pavor, tanta trepidatio fuit, quanta, si urbem, non castra, hostes obsiderent. Nautium consulem arcessunt. in quo quum parum præsidii videretur, dictatoremque dici placeret, qui rem percussam restitueret, L. Quinctius Cincinnatus consensu omnium dicitur. Operæ pretium est audire, qui omnia præ divitiis humana spernunt, neque honori magno locum, neque virtuti putant esse, nisi ubi effusè affluant opes. Spes unica imperii populi Romani L. Quinctius trans Tiberim, contra eum ipsum locum, ubi nunc navalia sunt, quatuor jugerum colebat agrum, quæ prata Quinctia vocantur. Ibi ab legatis, seu fossam fodiens palæ innisus, seu quum araret; operi certè, id quod constat, agresti intentus; salute datâ in vicem redditâque, rogatus, ut, quod bene vereretur ipsi rei que publicæ, togatus mandata senatûs audiret, admiratus, rogitanisque, *satin' salva essent omnia?* togam pro-



properè è tugurio proferre uxorem Raciliam jubet. Quà simul, absterfo pulvere ac sudore, velatus processit, dictatorem cum legati gratulantes consalutant : in urbem vocant : qui terror sit in exercitu, exponunt. Navis Quinctio publicè parata fuit, transvectumque tres obviam egressi filii excipiunt ; inde alii propinqui atque amici ; tum Patrum major pars. Eà frequentia stipatus, antecessantibus lictoribus, deductus est domum : & plebis concursus ingens fuit. sed ea nequaquam tam læta Quinctium vidit ; & imperii nimium, & virum in ipso imperio vehementiorem rata. Et illà quidem nocte nihil præterquam vigdatum est in urbe.

XXVII. Postero die dictator, quum ante lucem in forum venisset, magistrum equitum dicit L. Tarquitiū patriciæ gentis, sed qui, quum stipendia pedibus propter paupertatem fecisset, bello tamen prius longè Romanæ juventutis habitus esset. Cum magistro equitum in concionem venit, iustitiam edicit, claudī tabernas totā urbe jubet, vetat quemquam privatæ quicquam rei agere. Tum, quicumque ætate militari essent, armati, cum cibariis in dies quinque costis vallisque duodenis, ante solis occasum Martio in campo adessent : quibus ætas ad militandum gravior esset, vitino militi, dum is arma pararet, vallumque peteret, cibaria coquere iussit. Sic juvenus discurret ad vallum petendum. sumpsere, unde cuique proximum fuit : prohibitus nemo est : impigreque omnes ad edictum dictatoris præsto fuere. Inde composito agmine, non itineri magis apti, quàm proelio, si res ita tulisset, legiones ipse dictator, magister equitum suos equites ducit. In utroque agminē, quas tempus ipsum poscebat, adhortationes erant : *adderent gradum, maturato opus esse, ut nocte ad hostem pervenire possent. consulem exercitumque Romanum obsideri. tertium diem jam clausos esse : quid quæque non aut dies fecrat, incertum esse : punito sape temporis*

*temporis maximarum rerum momenta verti. Accelera signifer, sequere miles, inter se quoque, gratificantes ducebus, clamabant. mediâ nocte in Algidum perveniunt: & ut sentire se jam prope hostes esse, signa constituunt.*

XXVIII. Ibi dictator, quantum nocte prospici poterat, equo circumvectus, contemplatusque, qui tractus castrorum, quæque forma esset, tribunis militum imperavit, ut sarcinas in unum conjici jubeant, militem cum armis valloque redire in ordines suos. facta, quæ imperavit. Tum, quo fuerant ordine in via, exercitum omnem longo agmine circumdat hostium castris, & ubi signum datum sit, clamorem omnes tollere jubet. clamore sublato, ante se quemque ducere fossam, & jacere vallum. Edito imperio, signum secutum est. jussâ miles exsequitur, clamor hostes circumsonat. Superat inde castra hostium, & in castra consulis venit: alibi pavorem, alibi gaudium ingens facit. Romani, *civilem esse clamorem, atque auxilium adesse, inter se gratulantes, ultra ex stationibus ac vigiliis territant hostem.* Consul differendum negat. *Illo clamore non adventum modò significari, sed rem ab suis ceptam: mirumque esse, nî jam exteriori parte castra hostium oppugnentur.* Itaque arma suos capere, & se subsequi jubet. Nocte initum prælium est à legionibus: dictatori clamore significant, ab eâ quoque parte rem in discrimine esse. Jam se ad prohibenda circumdari opera Æqui parabant, quum, ab interiore hoste prælio cepto, ne per media sua castra fieret eruptio, à munientibus ad pugnantes introsum versi, vacuum noctem operi dedere. pugnatumque cum consule ad lucem est. Luce primâ jata circumvallati ab dictatore erant, & vix adversus unum exercitum pugnam sustinebant. tum à Quintiano exercitu, qui confestim à perfecto opere ad arma rediit, invaditur vallum. hæc instabat nova pugna: illa nihil remiserat prior. Tum,  
ancipiti

incipiti malo urgente, à prælio ad preces versi, hinc dictatorem, hinc consulem orare, ne in occisione victoriam ponerent, ut inermes se inde abire sinerent. Ab consule ad dictatorem ire jussis ignominiam infensus addidit. Gracchum Clælium ducem principesque alios victos ad se adduci jubet, oppido Corbione decedi; *Sanguinis se Æquorum non egere: licere abire: sed, ut exprimatur tandem confessio, subactam domitamque esse gentem, sub jugum abituros.* Tribus hastis jugum fit, humi fixis duabus, superque eas transversâ unâ deligatâ. sub hoc jugo dictator Æquos misit.

XXIX. Castris hostium receptis, plenis omnium rerum, (nudos enim emiserat) prædam omnem suo tantum militi dedit: consularem exercitum ipsumque consulem increpans, *Carebis, inquit, præda parte, miles, ex eo hoste, cui propè præda fuisti. & tu, L. Minuci, donec consularem animum incipias habere, legatus his legionibus præeris.* Ita se Minucius abdicat consulatu, jussusque ad exercitum manet. Sed adeò tum imperio meliori animus mansuetè obediens erat, ut beneficii magis, quàm ignominie, hic exercitus memor, & coronam auream dictatori libram pondo decreverit, & proficiscentem eum patronum salutaverit. Romæ à Q. Fabio præfecto urbis senatus habitus triumphantem Quinctium, quo veniebat agmine, urbem ingredi jussit. ducti ante currum hostium duces: militaria signa prælata: secutus exercitus prædâ onustus: Epulæ instructæ dicuntur fuisse ante omnium domos: epulantesque cum cæmine triumphali & solennibus jocis, comissantium modo, currum secuti sunt. Eo die L. Mamilio Tusculano, approbantibus cunctis, civitas data est. Confestim se dictator magistratu abdicasset, ni comitia M. Volscii falsi testis tenuissent: ea ne impedirent tribuni, dictatoris obstitit metus. Volscius damnatus Lanuvium in exilium abiit. Quinctius sexto decimo die dictaturâ, in sex menses acceptâ, se abdicavit. Per eos dies

dies consul Nautius ad Eretum cum Sabinis egregiè pugnat. ad vastatos agros ea quoque clades accessit Sabinis. Minucio Fabius Quintus successor in Algidum missus. Extremo anno agitatum de lege ab tribunis est. sed, quia duo exercitus aberant, ne quid ferretur ad populum, Patres tenuere. plebes vicit, ut quintum eisdem tribunos crearent. Lupos visos in Capitolio ferunt à canibus fugatos; ob id prodigium iustratum Capitolium esse. Hæc eo anno gesta.

XXX. Sequuntur consules Q. Minucius, C. Horatius Pulvillus. Cujus initio anni quum foris otium esset, domi seditiones iidem tribuni, eadem lex faciebat. ulteriùsque ventum foret, (adèò exarserant animis) ni, velut dedita operà, nocturno impetu Æquorum Corbione amissum præsidium nunciatum esset. Separatum consules vocant, jubentur subitarium scribere exercitum, atque in Algidum ducere. Inde, posito legis certamine, nova de delectu contentio orta. Vincébaturque consulare imperium tribunicio auxilio, quum alius additur terror: Sabinum exercitum prædatum descendisse in agros Romanos, inde ad urbem venire. Is metus perpulit, ut scribi militem tribuni sinerent; non sine pactione tamen, ut, quoniam ipsi quinquennium elusi essent, parvumque id plebi præsidium foret, decem deinde tribuni plebis crearentur. Expresit hoc necessitas Patribus. id modò exceperè, ne postea eisdem tribunos juberent. Tribunicia comitia (ne id quoque post bellum, ut cetera, vanum esset) extemplo habita. Tricesimo sexto anno à primis tribunis plebis, decem creati sunt, bini ex singulis classibus. itaque cautum est, ut postea crearentur. Delectu deinde habito, Minucius, contra Sabinos profectus, non invenit hostem. Horatius, quum jam Æqui, Corbione interfecto præsidio, Ortonam etiam cepissent, in Algido pugnat: multos mortales occidit: fugat hostem non ex Algido modò, sed à Corbione Ortonaque.

Corbionem etiam diruit propter proditum praesidium.

XXXI. Deinde M. Valerius, Sp. Virginii consules facti. Demi forsque otium fuit. annonâ propter aquarum intemperiem laboratum est. De Aventinae publicando lata lex est. Tribuni plebis iidem refecti sequente anno, T. Romilio, C. Veturio consulibus, legem omnibus concionibus suis celebrabant. *Pudore se numeri sui nequaquam aucti, si ea res aquae suo diebus jaceret, ac toto superiore lustro jacuisset. Quum maximè hæc agerent, trepidi nunc ab Tusculano veniunt, Aequos in agro Tusculano esse. Fecit pudorem recens ejus populi meritum morandi auxilii: ambo consules, cum exercitu missi, hostem in sua sede in Algido inveniunt. Ibi pugnatum. supra septem milia hostium caesa: alii fugati: præda parta ingens. Eam propter inopiam ærarii consules vendiderunt. Invidiæ tamen res ad exercitum fuit. eademque tribunis materiam criminandi ad plebem consules præbuit. Itaque ergo, ut magistratu abiere, Sp. Tarpeio, A. Aterio consulibus, dies dicta est Romilio ab C. Claudio Cicerone, tribuno plebis; Veturio ab L. Aëno, ædile plebis. Uterque magnâ Patrum indignatione damnatus, Romilius decem milibus æris, Veturius quindecim. Nec hæc priorum calamitas consulum segniôres novos fecerat consules. & se damnari posse aiebant: & plebem, & tribunos legem ferre non posse. Tum, abjectâ lege, quæ promulgata consenuerat, tribuni lenius agere cum Patribus. Finem tandem certaminum facerent. si plebeia leges displicerent, at illi communiter legum latores, & ex plebe, & ex Patribus, qui utrisque utilis ferrent, quæque æquanda libertatis essent, sinerent creati. Res non aspernabantur Patres: daturum leges neminem, nisi ex Patribus, aiebant. Quum de legibus conveniret, de latore tantum discreparet; missi legati Athenas Sp. Postumius Albus, A. Manlius, P. Sulpicius Camerinus; iussique inclytas leges Solonis describere, & aliarum*  
Græciæ

Græcæ civitatum instituta, mores, juraque noscere.

XXXII. Ab externis bellis quietus annus fuit; quietior insequens, P. Curiatio & Sex. Quinctilio consilibus, perpetuo silentio tribunorum: quod primò legatorum, qui Athenas ierant, legumque peregrinarum expectatio præbuit; dein duo simul mala ingentia exorta, fames pestilentiaque, fœda homini, fœda pecori. Vastati agri sunt: urbs assiduis exhausta funeribus; multæ & claræ lugubres domus. Flamen Quirinalis Ser. Cornelius mortuus; augur C. Horatius Pulvillus: in cuius locum C. Veturium eo cupidius, quia damnatus à plebe erat, augures legere. Mortuus consul Quinctilius, quatuor tribuni plebis. Multiplici clade fœdatus annus. ab hoste otium fuit. inde consules C. Menenius, P. Sestius Capitolinus. Neque eo anno quicquam belli externi fuit. domi motus orti. Jam redierant legati cum Atticis legibus. eo intentius instabant tribuni, ut tandem scribendarum legum initium fieret. Placet creari decemviros sine provocazione, & ne quis eo anno alius magistratus esset. Admischerenturne plebei, controversia aliquamdiu fuit. postremò concessum Patribus, modò ne lex Icilia de Aventino, aliæque sacratæ leges abrogarentur.

XXXIII. Anno trecentesimo altero, quàm condita Roma erat, iterum mutatur forma civitatis, ab consilibus ad decemviros, quemadmodum ab regibus antè ad consules venerat, translato imperio. Minus insignis, quia non diuturna, mutatio fuit. læta enim principia magistratûs ejus nimis luxuriavere. eo citius lapsa res est, repetitumque, duobus uti mandaretur consulum nomen imperiumque. Decemviri creati Ap. Claudius, T. Genucius, P. Sestius, L. Veturius, C. Julius, A. Manlius, Ser. Sulpicius, P. Curiatius, T. Romilius, Sp. Postumius. Claudio & Genucio, quia designati consules in eum annum fuerant, pro honore honos redditus: & Sestio alteri consulum prioris anni, quòd

eam rem collegâ invito ad Patres retulerat. His proximi habiti legati tres, qui Athenas ierant. simul ut pro legatione tam longinqua præmiò esset honos : simul peritos legum peregrinarum ad condenda nova iura usui fore credebant. Supplere ceteri numerum. Graves quoque ætate electos novissimis suffragiis ferunt, quo minùs ferociter aliorum scitis adversarentur. Regimen totius magistratùs penes Appium erat favore plebis. adeoque novum sibi ingenium induerat, ut plebicola repentè omnisque auræ popularis captator evaderet, pro truci sævoque insectatore plebis. Decimo die jus populo singuli reddebant. eo die penes præfectum juris fasces duodecim erant : collegis novem singuli accensi apparebant. & in unica concordia inter ipsos (qui consensus privatis interdum inutilis esset) summa adversus alios æquitas erat. Moderationis eorum argumentum exemplo unius rei notasse, satis erit. Quum sine provocatione creati essent, defosso cadavere, domi apud P. Sestium, patriciæ gentis virum, invento, prolatoque in concionem, in re iuxta manifesta atque atroci, C. Julius decemvir diem Sestio dixit, & accusator ad populum exstitit, cuius rei iudex legitimus erat : decessitque jure suo, ut demptum de vi magistratùs populi libertati adjiceret.

XXXIV. Quum promptum hoc jus velut ex oraculo incorruptum pariter ab his summi infimique ferrent, tum legibus condendis opera dabatur : ingentique hominum exspectatione propositis decem tabulis, populum ad concionem advocaverunt : & quod bonum, faustum, felixque reipublica, ipsis, liberisque eorum esset, ire, & legere leges propositas iussere. Se, quantum decem hominum ingeniis provideri potuerit, omnibus summis infimisque iura equasse. plus pollere multorum ingenia consiliaque. Versarent in animis secum unamquamque rem, agitarent deinde sermonibus : atque in medium, quid in quaque re plus minusus esset, conferrent. Eas leges habiturum populum Roma-

*mem, quas consensus omnium non jussisse latas magis, quam tulisse, videri posset.* Quum ad rumores hominum de unoquoque legum capite edito satis correctæ viderentur, centuriatis comitiis decem tabularum leges perlatæ sunt: qui nunc quoque, in hoc immenso aliarum super alias acervatarum legum cumulo, fons omnis publici privatique est juris. Vulgatur deinde rumor, duas deesse tabulas; quibus adjectis, absolvi posse velut corpus omnis Romani juris. Ea expectatio, quum dies comitiorum appropinquaret, desiderium decemvirosum iterum creandi fecit. Jam plebs, præterquam quod consulum nomen, haud secus quam regum, perosa erat, ne tribunicium quidem auxilium, cedentibus in vicem appellatione decemviris, quærebat.

XXXV. Postquam verò comitia decemviris creandis in trinum nundinum indicta sunt; tanta exarsit ambitio, ut primores quoque civitatis (metu credo, ne tanti possessio imperii, vacuo ab se relicto loco, haud satis dignis pateret) prensarent homines; honorem, summâ ope à se impugnatum, ab ea plebe, cum quæ contenderant, suppliciter petentes. Demissa jam in discrimen dignitas, eâ ætate, iisque honoribus actis, stimulabat Ap. Claudium. nescires, utrum inter decemviros, an inter candidatos, numerares. Propior interdum petendo, quam gerendo, magistratui erat. criminari optimates, extollere candidatorum levissimum quemque humillimumque. ipse medius inter tribunicios Duilios Iciliofque in foro volitare, per illos se plebi venditare: donec collegæ quoque, qui unice illi dediti fuerant ad id tempus, coniecere in eum oculos, mirantes quid sibi vellet. Apparere, nihil sinceri esse; *Profectò haud gratuitam in tanta superbia comitatem fore. nimiam in ordinem se ipsum cogere, & vulgari cum privatis, non tam properantis abire magistratu, quam viam ad continuandum magistratum quarentis, esse.* Propalam obviâre lre cupiditati parum ausi, obsecundando mollire impe-



tum aggrediantur. comitiorum illi habendorum, quando minimus natu sit, munus consensu injungunt. Ars hæc erat, ne semet ipse creare posset; quod præter tribunos plebis (& id ipsum pessimo exemplo,) nemo unquam fecisset. ille enimvero, quod bene vertat, habiturum se comitia professus, impedimentum pro occasione arripuit. dejectisque honore per coitionem duobus Quinctiis, Capitolino & Cincinnato, & patruo suo C. Claudio, constantissimo viro in optimatum causa, & aliis ejusdem fastigii civibus, nequaquam splendore vitæ pares decemviros creat: se in primis, quod haud secus factum improbabant boni, quàm nemo facere ausurum crediderat. Creati cum eo M. Cornelius Maluginensis, M. Sergius, L. Minucius, Q. Fabius Vibulanus, Q. Pœtelius, T. Antonius Merenda, K. Duilius, Sp. Oppius Cornicen, M. Rabuleius.

XXXVI. Ille finis Appio alienæ personæ ferendæ fuit. suo jam inde vivere ingenio cœpit, novosque collegas jam prius, quàm inirent magistratum, in suos mores formare. Quotidie coibant remotis arbitris: inde impotentibus instructi consiliis, quæ secretò ab aliis coquebant, jam haud dissimulando superbiam, rari aditus, colloquentibus difficiles, ad Idus Maias rem perduxere. Idus tum Maiæ solennes incundis magistratibus erant. Initio igitur magistratûs primum honoris diem denunciatione ingentis terroris insignem fecere. nam quum ita priores decemviri servassent, ut unus fasces haberet, & hoc insigne regium in orbem, suam cujusque vicem, per omnes iret, subitò omnes cum duodenis fascibus prodire. Centum viginti lictores forum impleverant, & fascibus secures illigatas præferebant. nec attinuisse demi securim, quum sine provocatione creati essent, interpretabantur. Dècè regum species erat, multiplicatusque terror non infimis solum, sed primoribus Patrum, ratis cædis causam ac principium quæri. ut, si quis memoriam libertatis vo-

cem

cem aut in senatu aut in populo misisset, statim virgæ securesque etiam ad ceterorum metum expedirentur. Nam, præterquam quod in populo nihil erat præsidii, sublata provocatio, intercessionem quoque consensu sustulerant: quum priores decemviri appellatione collegæ corrigi reddita ab se iura tulissent; & quadam, quæ sui iudicii videri possent, ad populum rejecissent. Aliquamdiu æquatus inter omnes terror fuit: paullatim totus vertere in plebem cœpit. Abstinebatur à Patribus: in humiliores libidinosè crudeliterque consulebatur: hominum, non causarum, toti erant; ut apud quos gratia vim æqui haberet. Iudicia domi constabant, pronuntiabant in foro. Si quis collegam appellasset, ab eo, ad quem venerat, ita discedebat, ut pœniteret non prioris decreto stesisse. Opinio etiam sine auctore exierat, non in præsentis modò temporis eos injuriam conspirasse, sed sœdus clandestinum inter ipsos iurejurando ictum, ne comitia haberent, perpetuoque decemviratu possessum semel obtinerent imperium.

XXXVII. Circumspectare tum patriciorum vultus plebei, & inde libertatis captare auram, unde servitutem timendo in eum statum rempublicam adduxerant. Primores Patrum odisse decemviros, odisse plebem: nec probare, quæ fierent; & credere, haud indignis accidere. avidè ruendo ad libertatem in servitutem elapsos juvare nolle: cumulare quoque injurias, ut tædio præsentium consules duo tandem & status pristinus rerum in desiderium veniant. Jam & processerat pars major anni, & duæ tabulæ legum ad prioris anni decem tabulas erant adjectæ: nec quicquam jam supererat, si hæ quoque leges centuriatis comitiis perlata essent, cur eo magistratu reipublicæ opus esset. Expectabant, quàm mox consulibus creandis comitiis edicerentur. Id modò plebes agitabat, quoniam modo tribuniciam potestatem, munimentum libertati, rem intermissam, repararent. Quum interim mentio comi-

tiorum nulla fieri, & decemviri, qui primò tribunicios homines, quia id popolare habebatur, circum se ostentaverant plebei, patriciis juvenibus sepeferant latera. eorum catervæ tribunalia obfederant. Hi ferre, agere plebem plebisque res; quum fortuna, quâ quicquid cupitum foret, potentioris esset. Et jam ne tergo quidem abstinebatur: virgis cædi, alii securi subjici; & ne gratuita crudelitas esset, bonorum donatio sequi domini supplicium. Hâc mercede juvenus nobilis corrupta, non modò non ire obviam injuriæ, sed propagam licentiam suam malle, quàm omnium libertatē.

XXXVIII. Idus Maiæ venere. Nullis subrogatis magistratibus, privati pro decemviris, neque animis ad imperiū inhibendum imminutis, neque ad speciem honoris insignibus, prodeunt. id verò regnum haud dubiè videri. Deploratur in perpetuum libertas; nec vindex quisquam existit, aut futurus videtur. nec ipsi solum desponderant animos, sed contemni cœpti erant à finitimis populis: imperiumque ibi esse, ubi non esset libertas, indignabantur. Sabini magnâ manu incursionem in agrum Romanum fecere: latèque populati, quum hominum atque pecudum inulti prædas egissent, recepto ad Eretum, quod passim vagatum erat, agmine, castra locant, spem in discordia Romana ponentes, eam impedimentum delectui fore. Non nuncii solum, sed per urbem agrestium fuga trepidationem iniecit. Decemviri consultant, quid opus factio sit. destitutis inter Patrum & plebis odia addidit terrorem insuper alium fortuna. Æqui alia ex parte castra in Algido locant: depopulatumque inde excursionibus Tusculanum agrum legati ab Tusculo, præsidium orantes, nunciant. Is pavor perpulit decemviros, ut senatum, simul duobus circumstantibus urbem bellis, consulerent. citari jubent in curiam Patres, haud ignari, quanta invidiæ immineret tempestas: omnes vastati agri periculorumque imminentium causas in se conge-

congesturos, tentationemque eam fore abolendi sibi magistratûs, ni consensu resisterent, imperioque inhibendo acriter in paucos præferocis animi, conatus aliorum comprimerent. Postquam audita vox in foro est præconis, Patres in curiam ad decemviros vocantis; velut nova res, quia intermiserant jam diu morem consulendi senatûs, mirabundam plebem convertit, *quidnam incidisset, cur ex tanto intervallo rem desuetam usurparent. Hostibus belloque gratiam habendam, quòd solitum quicquam libera civitatis fieret.* Circumspicere omnibus fori partibus senatorem, raròque usquam noscitare: curiam inde ac solitudinem circa decemviros intueri; quum & ipsi invisum consensu imperium, & plebs, quia privatis jus non esset vocandi senatum, non convenire Patres interpretarentur; jam caput fieri libertatem repètentium, si se plebs comitem senatui det, & quemadmodum Patres vocati non coeant in senatum, sic plebs abnuat delectum. Hæc fremunt plebes. Patrum haud ferè quisquam in foro, in urbe rari erant. indignitate rerum cesserant in agros; suarumque rerum erant, amissa publicà: tantum ab injuria se abesse rati, quantum à cœtu congressuque impotentium dominorum se amovissent. Postquam citati non conveniebant, dimissi circa domos apparitores, simul ad pignora capienda, sciscitandumque, num consultò detrectarent? reserunt, senatum in agris esse. Lætius id decemviris accidit, quàm si præsentibus detrectare imperium referrent. Jubent acciri omnes; senatumque in diem posterum edicunt; qui aliquantò spe ipsorum frequentior convenit. quo facto proditam à Patribus plebs libertatem rata, quòd iis, qui jam magistratu abissent, privatisque, si vis abesset, tanquam jure cogentibus, senatus paruisset.

XXXIX. Sed magis obedienter ventum in curiam est, quàm obnoxie dictas sententias accepimus. L. Valerium Positum, proditum memorie est, post relationem

tionem Ap. Claudii, priusquam ordine sententiae ro-  
garetur, postulando ut de republica liceret dicere,  
prohibentibus minaciter decemviris, proditurum se ad  
plebem denunciarent, tumultum excitasse. Nec mi-  
nus ferociter M. Horatium Barbatum isse in certamen,  
Decem Tarquinius appellarent, admonentemque, Vale-  
rius & Horatii duobus pulsos reges. Nec nominis homines  
tum pertasum esse; quippe quo Jovem appellari fas sit, quo  
Romulum conditorem urbis, deincepsque reges appellatos, quod  
sacris etiam, ut solenne, retentum sit. Superbum violentiam-  
que tum perosus regis. quae si in rege tum eodem, aut in filio  
regis, ferenda non fuerint, quem laturum in tot privatis? Vi-  
derent, ne, vetando in curia liberè homines loqui, extra curi-  
am etiam moverent vocem. neque se videre, qui sibi minia  
privato ad concionem populum vocare, quam illis senatum co-  
gere, liceat. Ubi vellent, experirentur, quanto ferocior dolor  
libertate sua vindicanda, quam cupiditas injusta dominatione,  
esset. De bello Sabino eos referre; tanquam majus ullum po-  
pulo Romano bellum sit, quam cum iis, qui, legum ferenda-  
rum causâ creati, nihil juris in civitate reliquerint; qui comi-  
tia, qui annuus magistratus, qui vicissitudinem imperitanda  
(quod unum exequenda sit libertatis) sustulerint; qui privati  
fasces & regium imperium habeant. Fuisse, regibus exactis,  
patricios magistratus creatos; postea, post secessionem plebis,  
plebeios. Cujus illi partis essent, rogitare. Populares? quis  
enim eos per populum exisse? Optimates? qui anno jam propè  
senatum non habuerint; tunc ita habeant, ut de republica loqui  
prohibeant? Ne nimium in metu alieno spei poncrent. gra-  
viora, quae patiantur, videri jam hominibus, quam quae me-  
tuant.

XL. Haec vaciferante Horatio, quam decemviri nec  
iræ nec ignoscendi modum reperirent, nec, quod eva-  
sura res esset, cernerent; C. Claudii, qui patruus Ap-  
pii decemviri erat, oratio fuit precibus, quam jurgio,  
similis, orantis per sui fratris parentisque ejus manes;  
Ut civilis potius societatis, in qua notus esset, quam fœderis,  
nefarie

*maſariè iſti cum collegis, memiſſes. multò id magis ſe illius cauſa orare, quàm rei publicæ. Quippe rempublicam, ſi à volentibus nequeat, ab invitiſ jus expetituram. Sed ex magno certamine magnus excitari forme iras; earum eventum ſe horrere. Quum aliud, præterquam de quo retuliſſent, decemviri dicere prohiberent, Claudium interpellandi verrecundia fuit. Sententiam igitur peregit, nullum placere ſenatuſconſultum fieri. Omneſque ita accipiebant, privatos eo à Claudio judicatos: multique ex conſularibus verbo aſſenſi ſunt. Alia ſententia, aſperior inſpeciem, vim minorem aliquanto habuit, quæ patricioſ coire ad prodendum interregem jubebat. cenſendo enim, quoſcunque magiſtratus eſſe, qui ſenatum haberent, judicabat; quos privatos fecerat auctor nullius ſenatuſconſulti faciendi. Ita labante jam cauſa decemvirorum, L. Cornelius Maluginenſis, M. Corneliū decemviri frater, quum ex conſularibus ad ultimum dicendi locum conſultò ſervatus eſſet, ſimulando curam belli, fratrem collegasque ejus tuebatur: quonam ſato incidiſſet, mirari ſe diſſitans, ut decemviros, qui decemviratum petiſſent, aut ſocii, aut bi maximè oppugnarent? aut quid ita, quum per tot meſes vacuà civitate nemo, juſtine magiſtratus ſumma rerum præſent, controverſiam feceriſ; atque demum, quum hoſtes propè ad portas ſint, civiles diſcordias ſerant: niſi quodd in turbido minùſ perſpicuum fore putent, quid agatur. Ceterum neminem, majore curâ occupatiſ animiſ, verum eſſe, præjudiciū rei tantæ aſſerre. Sibi placere, de eo, quodd Valeriuſ Horatiuſque ante Iduſ Maiuſ decemviroſ abſiſſe magiſtratu inſimulent, bellis, quæ imminuant, perfectiſ, republicâ in tranquillum redactâ, ſenatu diſceptante, agi: & jam nunc ita ſe parare Ap. Claudium, ut omiſſorium, quæ decemviriſ creandiſ decemvir ipſe habueriſ, ſciat ſibi rationem reddendam eſſe, utrū in unum annum creati ſint, an donec leges, quæ decſent, perferrentur. In præſentia omnia præter bellum omitti placere: cujuſ ſi falſò famam vulgataſ, vanaque non nuncioſ ſolū, ſed Tuſculano-*

rum etiam legatos, attulisse putent; speculatores mittendos cense-  
re, qui certius explorata referant. Sin fides et nuntius et  
legatis habeatur, doletum primo quoque tempore haberi; de-  
cemvires, quod cuique eorum videntur, exercitus ducere; nec  
rem aliam praeverti.

XLI. In hanc sententiam ut discederetur, juniores  
Patrum evincebant. Ferociiores iterum coorti Valeri-  
us Horatiusque vociferari, ut de republica liceret dicere.  
dicturos ad populum, si in senatu per factionem non liceat.  
Neque enim sibi privatos, aut in curia, aut in concione, posse  
obstare; neque se imaginariis fascibus eorum cessuros esse.  
Tum Appius, jam propè esse ratus, ut, ni violentiam  
eorum pari resisteretur audaciâ, victum imperium es-  
set: Non erit melius, inquit, nisi de quo consulimus, vocem  
misisse. & ad Valerium, negantem se privato reticere,  
lictorem accedere iussit. Jam Quiritium fidem implo-  
rante Valerio à curiæ limine, L. Cornelius complexus  
Appium, non cui simulabat consulendo, disemit certa-  
men. factaque per Cornelium Valerio dicendi gratia,  
quæ vellet, quum libertas non ultra vocem excessisset,  
decemviri propositum tenere. Consulares quoque ac  
seniores ab residuo tribuniciæ potestatis odio, cujus de-  
siderium plebi multo acrius, quàm consularis imperii,  
rebantur esse, propè malebant, postmodo ipsos decem-  
viros voluntate abire magistratu, quàm invidiâ eorum  
exsurgere rursus plebem. si leniter ducta res sine po-  
pulari strepitu ad consules redisset, aut bellis interpōsi-  
tis, aut moderatione consulum in imperiis exercendis,  
posse in oblivionem tribunorum plebem adduci. Si-  
lentio Patrum edicitur delectus. juniores, quum sine  
provocatione imperium esset, ad nomina respondent.  
legionibus scriptis, inter se decemviri comparabant,  
quos ire ad bellum, quos præesse exercitibus oportere-  
ret. Principes inter decemviros erant Q. Fabius &  
Ap. Claudius. bellum domi majus, quàm foris, appa-  
rebat. Appii violentiam aptiorem rati ad comprimen-  
dos.

dos urbanos motus : in Fabio minus in bono constans, quam gnavum in malitia, ingenium esse. Hunc enim virum, egregium olim domi militiæque, decemviratus collegæque ita mutaverant, ut Appii, quam sui, similis mallet esse. huic bellum in Sabinis, M. Rabulcio & Q. Porcilio additis collegis, mandatum. M. Cornelius in Algidum missus cum L. Minucio & T. Antonio & K. Duilio & M. Sergio : Sp. Oppium Ap. Claudio adiutorem ad urbem tuendam, æque omnium decemvirorum imperio decernunt.

XLII. Nihil militiæ, quam domi, melius respublicæ administrata est. Illa modò in ducibus culpa, quòd, ut odio essent civibus, fecerant. alia omnis penes milites noxa erat : qui, ne quid ductu atque auspicio decemvirorum prospere usquam gereretur, vinci se pen suum atque illorum dedecus patiebantur. Fusi & ab Sabinis ad Eretum, & in Algido ab Æquis, exercitus erant, ab Ereto per silentium noctis profugi, propius urbem, inter Fidenas Caustumeriamque, loco edito castra communierant. persecutis hostibus nusquam se æquo certamine committentes, naturâ loci ac vallo, non virtute aut armis, tutabantur. Majus flagitium in Algido, major etiam clades accepta : castra quoque amissa erant ; exutusque omnibus utensilibus miles, Tusculum se, fide misericordiæque victurus hospitem, (quam tamen non scelerant) contulerat. Romam tanti erant terrores allati, ut, posito jam decemvirali odio, Patres vigilias in urbe habendas censerent : omnes, qui per statem arma ferre possent, custodire mœnia, ac portis stationes agere juberent : arma Tusculum ad supplementum decernerent, decemvirosque, ab arce Tusculi degressos, in castris militem habere : castra alia à Fidenis in Sabinum agrum transferri : belloque ultro inferendo deterreri, hostes à consilio urbis oppugnandæ.

XLIII. Ad clades ab hostibus acceptas duo nefanda sciastra decemviri belli domique adjiciunt. L. Sicci-

um.



um in Sabiniis, per invidiam decemviralem tribunorum creandorum secessionisque mentiones ad vulgus militum sermonibus occultis ferentem, prospectatum ad locum castris capiendum mittunt. datur negotium militibus, quos miserant expeditionis ejus comites, ut eum opportuno adorti loco interficerent. Haud inultum interfecere. nam circa repugnantem aliquot insidiatores cecidere, quum ipse se praevalidus, pari viribus animo, circumventus tutaretur. Nunciant in castra ceteri, praecipitatum in insidias esse Siccium egregie pugnantem, militesque quosdam cum eo amissos. Primo fides nunciantibus fuit. Profecta deinde cohors ad sepeliendos, qui ceciderant, decemvirorum permisso, postquam nullum spoliatum ibi corpus, Sicciumque in medio jacentem armatumque, omnibus in cunctis corporibus, videre; hostium neque corpus ullum, nec vestigia abeuntium; profecto ab suis interfectum memorantes, retulere corpus. Invidiaeque plena castra erant, & Romam ferri protinus Siccium placebat, ni decemviri funus militare ei publice impensam facere maturassent. Sepultus ingenti militum maestitia, pessima decemvirorum in vulgus fama, est.

XLIV. Sequitur aliud in urbe nefas, ad libidine ortum, haud minus fredo eventu, quam quod per stuprum eademque Lucretiae urbe regneque Tarquinius expulerat: ut non finis solum idem decemviris, qui regibus, sed causa etiam eadem imperii amittendi esset. Ap. Claudiam virginis plebeiae stuprandae libido cepit. Pater virginis L. Virginius honestum ordinem in Alcido ducebat, vir exempli recti domi militiaeque. Porinde uxor instituta fuerat, liberique instructantur. Despenderat filiam L. Icilio tribunicio, viro acri, & pro causa plebis expertae virtutis. Hanc virginem adultam, formam excellentem, Appius, amore ardens, pressio ac spe pellicere adortus, postquam omnia pudore septa animadvertenter, ad crudelam superbamque vim ani-

animum convertit. M. Claudio clienti negotiâ dedit, ut virginem in servitutem affereret, neque cederet secundum libertatem postulantibus vindicias : quod pater puellæ abesset, locum injuriæ esse ratus. Virgini, venienti in forum, (ibi namque in tabernis literarum ludi erant) minister decemviri libidinis manum iniecit; servâ suâ natam (servamque appellans) esse. sequique se jubebat, cunctantem vi abstrahendum. Pavidâ puellâ stupente, ad clamorem nutricis, fidem Quiritium implorantis, fit concursus. Virginii patris sponsique Iciliî populare nomen celebratur. notos gratiæ eorum, turbam indignitas rei virgini conciliat. Jam à vi tuta erat; quum assertor nihil opus esse multitudine concitatâ ait, se jure grassari, non vi. Vocat puellam in jus; auctoribus, qui aderant, ut sequeretur. Ad tribunal Appii perventum est. notam judici fabulam petitor, quippe apud ipsum auctorem argumenti, peragit; puellam, domi suæ natam, furtoque inde in domum Virginii translatam, suppositam ei esse. Id se indicio compertum asserre, probaturumque vel ipso Virginio judice, ad quem major pars injuriæ ejus pertineat. Interim dominum sequi ancillam, æquum esse. Advocati puellæ, quum Virginium reipublicæ causâ dixissent abesse, biduo adfuturum, si nunciatum ei sit; iniquum esse, absentem de liberis dimicare; postulant, ut rem integram in patris adventum differat; lege ab ipso latâ vindicias det secundum libertatem; neu patiatur, virginem adultam famæ prius, quàm libertatis, periculum adire.

XLV. Appius decreto præfatus, quàm libertati faveret, eam ipsam legem declarare, quam Virginii amici postulationi suæ prætendant. Ceterum ita in ea firmum libertati fore præsidium, si nec causis, nec personis variet. In his enim, quæ afferantur in libertatem, quia quivis lege agere possit, id juris esse: in ea, quæ in patris manu sit, neminem esse alium, cui dominus possessione cedat. Placere itaque patrem arcessi.

interea

interem juris sui iacturam assertorem non facere, quæ dicat puellam sistendamque in adventum ejus, qui pater dicatur, promittat. Adversus injuriam decreti quum multi magis fremerent, quàm quisquam unus-recusare auderet; P. Numitorius, puellæ avunculus, & sponsus Icilius interveniunt. datæque inter turbam viâ, quum multitudo Iciliî maximè interventu resisti posse Appio crederet, lictor decrevisse ait: vociferantemque Icilium submovet. Placidum quoque ingenium tam atrox injuria accendisset. Ferro binc tibi submovendus sum, Appi, inquit, ut tacitum feras, quod celari vis. Virginem ego hanc sum ducturus, nuptam pudicamque habiturus. Proinde omnes collegarum quoque lictores convocata, expediri virgas & secures jubet: non manebit extra domum patris sponsa Iciliæ. Non, si tribuniciû auxilium & provocationem, plebi Romanæ duas arces libertatis tuenda, ademistis, ideo in liberos quoque nostros conjugisque regnum vestra libidini datum est. Sevit in tergum & in cervicem nostras; pudicitia saltem in tuto sit. Huic si vis asseretur, ego præsentium Quiritum præ sponsa, Virginis militum pro unica filia, omnes Deorum hominumque implorabimus fidem. neque tu istud unquam decretum sine cade nostra referes. Postulo, Appi, etiam. atque etiam consideres, quò progrediare. Virginis viderit, de filia, ubi venerit, quid agat. Hoc tantum sciat, sibi, si hujus vindiciis cesserit, conditionem filia querendam esse. me, vindicantem sponsam in libertatem, vita citius deferet, quàm fides.

XLVI. Concitata multitudo erat, certamenque instare videbatur. lictores Icilium circumsteterant: nec ultra minas tamen processum est. Quum Appius, Non Virginiam defendi ab Icilio, sed inquietum hominem, & tribunatum etiam nunc spirantem, locum seditionis querere, diceret; non præbiturum se illi eod. die materiam: sed ut jam sciret, non id petulantia sue, sed Virginis absenti & patrio nomini & libertati, datum, jus eod. die se non dicturum, neque decretum interpositurum: à M. Claudio petiturum, ut decederet jure suo, vindicarique puellam in posterum diem patere-

tur.

*tar. Quòd nisi pater postero die adfuisset, denunciare se Icilio  
similibusque Iciliis, nèque legi suæ latorem, neque decemviro  
constantiam desore: nec se utique collegarum lictores convoca-  
turum ad coercendos seditionis auctores. contentum se suis licto-  
ribus fore. Quum dilatum tempus injuriæ esset, secessis-  
sentque advocati puellæ, placuit omnium primum, fra-  
trem Iciliæ filiumque Numitorii, impigros juvenes, per-  
gere inde rectà ad portam, & quantum accelerari pos-  
set, Virginium acciri è castris. In eo verti puellæ sa-  
lutem, si postero die vindex injuriæ ad tempus præsto  
esset. Jussi pergunt, citatisque equis nuncium ad pa-  
trem perferunt. Quum instaret assertor puellæ, ut vin-  
dicaret, sponsoresque daret; atque id ipsum agi dice-  
ret Icilius, sedulo tempus terens, dum præciperent i-  
ter nuncii missi in castra, manus tollere undique mul-  
tudo, & se quisque paratum ad spondendum Icilio  
ostendere. Atque ille lacrimabundus, *Gratum est, in-  
quit; crastinâ die vestrâ operâ utar. Sponsores nunc satis  
est.* Ita vindicatur Virginia, spondentibus propinquis.  
Appius, paullisper moratus, ne ejus rei causâ sedisse  
videretur, postquam, omisis rebus aliis præ cura uni-  
us, nemo adibat, domum se recepit; collegisque in  
castra scribit, *ne Virgino commeatum dent, atque etiam in  
custodia habeant.* Improbum consilium serum, ut de-  
buit, fuit: & jam commeatu sumpto profectus Virgi-  
nius primâ vigiliâ erat, quum postero die mane de re-  
tinendo eo nequicquam literæ redduntur.*

XLVII. At in urbe primâ luce, quum civitas in  
foro exspectatione erecta staret; Virginius fordidatus  
filiam suam obsoletâ veste, comitantibus aliquot ma-  
tronicis, cum ingenti advocacy in forum deducis.  
Circumire ibi & prensare homines cœpit; & non ora-  
re solum precariam opem, sed pro debita petere, *Se  
pro liberis eorum ac conjugibus quotidie in acie stare: nec ali-  
am virum esse, cujus strenuè ac ferociter facta in bello plura  
memorari possent. Quid prodesse, si, incolumi urbe, que, ca-*  
*pita,*

*plâ, ultima timeantur, liberis suis sint patienda? Hæc præpè concionabundus circumibat homines. Similia his ab Icilio iactabantur. comitatus muliebris plus tacito fletu, quàm ulla vox, movebat. Adversus quæ omnia obstinato animo Appius (tanta vis amentisæ verius, quàm amoris, mentem turbaverat) in tribunal escendit: & ultro querente pauca petitor, quid ius sibi prædic per ambitionem dictum non esset, priusquam aut ille postulatum perageret, aut Virginio respondendi daretur locus, Appius interfatur. Quem decreto sermonem prætenderit, forsan aliquem verum auctores antiqui tradiderint. quia nusquam ullum in tanta seditate decreti verisimilem invenio; id, quod constat, nudum videtur proponendum, decessisse vindicias secundum servitutem. Præmo stupor omnes admiratione rei tam atrocis defixit. silentium inde aliquamdiu tenuit. Dein quum M. Claudius, circumstantibus matronis, iret adprehendendam virginem, lamentabilisque eum mulierum comploratio excepisset; Virginio, intentans in Appium manus, Icilio, inquit, Appi, non tibi, filiam despondi: & ad nuptias, non ad stuprum, educui. Placet pædum ferarumque ritu promissum in concubitus ruere? Passurus hæc tibi sit, nescio: non spero esse passuros illos, qui arma habent. Quem repelleret affector virginis à globo mulierum circumstantiumque advocatorum, silentium factum per præconem:*

XLVIII. Decemvir, alienatus ad libidinem animo, negat, hesterno tantum convicio Iciliæ violentiæque Virginii, cuius testem populum Romanum habeat, sed certis quoque indicibus compertum se habere, nocte totâ octus in urbe factos esse ad movendam seditionem. Itaque se, baud inscium ejus dimicationis, cum armatis descendisse; non ut quemquam quietum violaret, sed ut turbantes civitatis otium pro majestate imperii coerceret. Proinde quiesse erit melius. I, inquit, licetor, submovo turbam; & da viam domino ad prebendum mancipium. Quum hæc intenuisset plenus ira,

mul-

multitudo ipsa se suâ sponte dimovit, desertaque præda injuriæ puella stabat. Tum Virginus, ubi nihil usquam auxilii vidit, *Quæso*, inquit, *Appi*, *primum ignosce patrio dolori, si quid inclementius in te sum inuestus: deinde sinas hîc coram virgine nutricem percontari, quid hoc rei sit? ut, si falsò pater dictus sum, equiore hinc animo discedam.* Datâ veniâ, seducit filiam ac nutricem. propè Cloacinæ ad tabernas, quibus nunc Novis est nomen, atque ibi ab lanio cultro arrepto, *Hoc te uno, quo possum*, ait, *modo, filia, in libertatem vindico.* Pectus deinde puellæ transfigit; respectansque ad tribunal, *Te*, inquit, *Appi, tuumque caput sanguine hoc consecro.* Clamore ad tam atrox facinus orto excitus Appius, comprehendendi Virginium jubet. ille ferro, quacunque ibat, viam facere: donec, multitudine etiam prosequentium tuente, ad portam perrexit. Icilius Numitoriusque exsangue corpus sublatum ostentant populo: scelus Appii, puellæ infelicem formam, necessitatem patris deplorant. Sequentes clamitant matronæ, *Eamne liberarum procreandorum conditionem? ea pudicitia premia esse? ceteraque, quæ in tali re muliebris dolor, quo est moestior imbecillo animo, eo miserabilia magis querentibus subjicit.* Virorum & maximè Iciliï vox tota, tribunicæ potestatis ac provocationis ad populum creptæ, publicarumque indignationum, erat.

XLIX. Concitatur multitudo partim atrocitate sceleris, partim spe per occasionem repetendæ libertatis, Appius nunc vocari Icilium, nunc retractantem arripi; postremò, quum locus adeundi apparitoribus non daretur, ipse, cum agmine patriciorum juvenum per turbam vadens, in vincula duci jubet. Jam circa Icilium non solum multitudo, sed duces quoque multitudinis erant L. Valerius & M. Horatius. qui, repulso listore, si jure ageret, vindicare se à privato Icilium aiebant; si vim afferre conaretur, ibi quoque se haud imparcs fore. Hinc atrox rixa oritur. Valerium Ho-

ratiumque

ratiumque listor decemviri invadit. franguntur à multitudine fasces. In concionem Appius ascendit. Sequuntur Horatius Valeriusque. eos concio audit : decemviro obstrepitur. Jam pro imperio Valerius discedere à privato listores jubebat : quum, fractis animis, Appius, vitæ metuens, in domum se propinquam foro, insciis adversariis, capite obvoluto, recepit. Sp. Oppius, ut auxilio collegæ esset, in forum ex altera parte irrumpit. videt imperium vi victum. Agitatus deinde consiliis, atque ex omni parte assentiendo multis auctoribus trepidus, senatum postremò vocari iussit. ea res, quòd magnæ parti Patrum displicere acta decemvirorum videbantur, spe per senatum finiendæ potestatis ejus multitudinem sedavit. Senatus nec plebem irritandam censuit ; & multò magis providendum, ne quid Virginii adventus in exercitu motus faceret.

L. Itaque missi juniores Patrum in castra, quæ tum in monte Vecilio erant, nunciant decemviris, *ut omnē ope ab seditione milites contineant* : ubi Virginiius majorem, quàm reliquerat in urbe, motum excivit. Nam, præterquam quòd agmine propè quadringentorum hominum veniens, qui ab urbe indignitate rei accensi comites ei se dederant, conspectus est ; strictum etiã telum, resperfusque ipse cruore, tota in se castra convertit. & togæ, multifariam in castris visæ, majoris aliquanto, quàm erat, speciem urbanæ multitudinis fecerant. Quærentibus, *quid rei esset*, flens diu vocem non misit : tandem, ut jam ex trepidatione concurrentium turba constitit, ac silentium fuit, ordine cuncta, ut gesta erant, exposuit. Supinas deinde tendens manus, commilitones appellans, orabat, *Ne, quod scelus Ap. Claudii esset, sibi attribuerent : neu se, ut parricidam liberum, averfarentur. Sibi vitam filia suâ cariorem fuisse, si libera ac pudica vivere licitum fuisset. quum, velut servam, ad stuprum rapî videret, morte amitti melius ratum, quàm contumeliâ, liberos, misericordiâ se in speciem crudelitatis lapsum. nec se*  
super-

*superstitem filia futurum fuisse, nisi spem ulciscenda mortis o-  
jus in auxilio commilitonum habuisset. Illis quoque enim filias,  
sorores, conjugesque esse. nec cum filia sua libidinem Ap. Clau-  
dii extinctam esse; sed, quo impunitior sit, eo effrenatiorem  
fore. Alienâ calamitate documentum datum illis cavenda si-  
milis injuriæ. quod ad se attineat, uxorem sibi fâto ereptam:  
filiam, quia non ultrâ pudica victura fuerit, miseram, sed bo-  
nestam, mortem occubuisse. Non esse jam Appii libidini lo-  
cum in domo sua. ab alia violentia ejus eodem se animo suum  
corpus vindicaturam, quo vâdicaverit filia. Ceteri sibi ac li-  
beris suis consulerent. Hæc Virginio vociferanti succla-  
mabat multitudo, nec illius dolori, nec sua libertati se de-  
futuros. Et immixti turbæ militum togati, quum ea-  
dem illa querendo, docendoque, quanto visa, quàm  
audita, indigniora potuerint videri, simul profligatam  
jam rem nunciando Romæ esse; insecutique, qui Ap-  
pium propè interemptum in exsilium abisse dicerent,  
perpulerunt, ut ad arma conclamaretur, vellerentque  
signa, & Romam proficiscerentur. Decemviri simul  
his, quæ videbant, simul his, quæ acta Romæ audie-  
rant, perturbati, alius in aliam partem castrorum, ad  
sedandos motus discurrunt: & leniter agentibus re-  
sponsum non redditur: imperium si quis inhiberet, &  
viros & armatos se esse, respondetur. Eunt agmine ad  
urbem, & Aventinum insidunt; ut quisque occurre-  
rat, plebem ad repetendam libertatem creandosque tri-  
bunos plebis adhortantes. alia vox nulla violenta au-  
dita est. Senatum Sp. Oppius habet: nihil placet a-  
sperè agi; quippe ab ipsis datum locum seditionis esse.  
Mittuntur tres legati consulares, Sp. Tarpeius, C. Ju-  
lius, P. Sulpicius, qui quærerent senatûs verbis, cujus  
jussu castra deseruissent? aut quid sibi vellent, qui ar-  
mati Aventinum obsedissent? belloque averso ab ho-  
stibus patriam suam cepissent? Non defuit, quid re-  
sponderetur: deerat, qui daret responsum, nullodum  
certo duce, nec satis audentibus singulis invidiæ se of-  
ferre,*



Terre. id modò à multitudine conclamatum est, ut *L. Valerium & M. Horatium* ad se mitterent. his se daturus responsum.

LI. Dimissis legatis, admonet milites *Virginius*, in re non maxima paulò antè trepidatum esse, quia sine capite multitudo fuerit : responsumque, quanquam non inutiliter, fortuito tamen magis consensu, quàm communi consilio, esse. Placere decem creari, qui summæ rei præessent, militarique bonore tribunos militum appellari. Quum ad eum ipsum primum is honos deferretur, *Melioribus meis vestrisque rebus reservate*, inquit, *ista de mè judicia*. Nec mihi filia insulta bonorem ullum jucundum esse patitur ; nec in perturbata republica eos utile est præesse vobis, qui proximi invidia sint. Si quis usus mei est, nibilo minor ex privato capietur. Ita decem numero tribunos militares creant. Neque in *Sabinis* quievit exercitus. ibi quoque auctore *Icilio Numitorioque*, secessio ab decemviris facta est, non minore motu animorum *Siccii cædis* memoriâ revocata, quàm quem nova fama de virgine adedò scèdè ad libidinem petita accenderat. *Icilius* ubi audivit, tribunos militum in *Aventino* creatos, ne comitiorum militarium prærogativam urbana comitia iisdem tribunis plebis creandis sequerentur, peritus rerum popularium imminensque ei potestati, & ipse prius, quàm iretur ad urbem, pari potestate eundem numerum ab suis creandum curat. Portâ *Collinâ* urbem intravere sub signis, mediâque urbe agmine in *Aventinum* pergunt. ibi, conjuncti alteri exercitui, viginti tribunis militum negotium dederunt, ut ex suo numero duos crearent, qui summæ rerum præessent. *M. Oppium*, *Sex. Manilium* creant. Patres, solliciti de summa rerum, quum senatus quotidie esset, jurgiis sæpius terunt tempus, quàm consiliis. *Siccii cædes* decemviris, & *Appiana libido*, & dedecora militiæ objiciebantur. Placebat, *Valerium Horatiumque* ire in *Aventinum*. Illi negabant se alter ituros, quàm si decemviri deponerent

erent insignia magistratus ejus, quo anno jam antè abissent. Decemviri, querentes se in ordinem cogi, non antè, quàm perlatis legibus, quarum causà creati essent, deposituros imperium se aiebant.

LII. Per M. Duilium, qui tribunus plebis fuerat, certior facta plebs, contentionsibus assiduis nihil transigi, in Sacrum montem ex Aventino transit; affirmante Duilio, non prius, quàm deferi urbem videant, curam in animis Patrium descensuram. admonitum Sacrum montem constantia plebis: scitatos, quod sine restituta potestate redigi in concordiam res nequeant. Viâ Nomentanâ, cui tum Ficolanâ nomen fuit, profecti, castra in monte Sacro locaverunt; modestiam patrum suorum nihil violando imitati. Secuta exercitum plebs, nullo, qui per aetatem ire posset, retractante. Prosequuntur conjuges liberique, cuius se relinquerent in ea urbe, in qua nec pudicitia, nec libertas sancta esset, miserabiliter rogantes. Quum vasta Romæ omnia insueta solitudo secisset, in foro præter paucos seniorum nemo esset; vocatis utique in senatum Patribus, desertum apparuisset forum; plures jam, quàm Horatius & Valerius, vociferabantur, *Quid expectabitis, Patres conscripti? Si decemviri finem pertinacia non faciunt, ruere ac desolare omnia passuri estis? Quod autem istud imperium est, decemviri; quod amplexi tenetis? Tellus ac parietibus jura diciari estis? Non pudet, lictorum vestrorum majorem prope numerum in foro conspici, quàm togatorum aliorumque? Quid, si hostes ad urbem veniant, facturi estis? quid, si plebs mox, ubi parum secessione moveamur, armata veniat? Occasione urbis vultis finire imperium? Atqui aut plebs non est habenda, aut habendi sunt tribuni plebis. Nos citius caruerimus patriciis magistratibus, quàm illi plebeiis. Novam inexperitamque eam potestatem eripere patribus nostris, ne nunc, dulcedine semel capti, ferant desiderium. quum præsertim nec nos temperemus imperiis, quo minùs illi auxilli egeant. Quum hæc ex omni parte jactarentur, vultu consensu decemviri,*

viri, futuros se, quando ita videatur, in potestate Patrum affirmant. Id modò simul orant ac monent, ut ipsis ab invidia caveatur: nec suo sanguine ad supplicia Patrum plebem affuefaciant.

LIII. Tum Valerius Horatiusque, missi ad plebem conditionibus, quibus videretur, revocandam componendasque res, decemviris quoque ab ira & impetu multitudinis præcavere jubentur. Profecti gaudio ingenti plebis in castra accipiuntur; quippe liberatores haud dubiè & motûs initio, & exitu rei. Ob hæc advenientibus gratiæ actæ. Icilius pro multitudine verba facit. Idem, quum de conditionibus ageretur, quarrentibus legatis, quæ postulata plebis essent, composito jam ante adventum legatorum consilio, ea postulavit, ut appareret, in æquitate rerum plus, quàm in armis, reponi spei. Potestatem enim tribuniciam, provocationemque repetebant, quæ ante decemvirs creatos auxilia plebis fuerant, & ne cui fraudi esset, concessisse milites aut plebem ad repetendam per secessionem libertatem. De decemvirorum modò supplicio atrox postulatum fuit. Dedi quippe eos æquum censebant, vivosque igni concrematuros minabantur. Legati ad ea: *Qua consilii fuerunt, adeò equa postulastis, ut ultro vobis deferenda fuerint. libertati enim ea præsidia petistis, non licentiæ ad impugnandos alios. Ira vestra magis ignoscendum, quàm indulgendum est. quippe qui crudelitatis odio in crudelitatem ruitis, & prius penè, quàm ipsi liberi sitis, dominari jam in adversarios vultis. Nunquamne quiescet civitas nostra à suppliciis, aut Patrum in plebem Romanam, aut plebis in Patres? Scuto vobis magis, quàm gladio, opus est. Satis superque humilis est, qui jure æquo in civitate vivit, nec inferendo injuriam, nec patiendo. Etiam, si quando metuentes vos præbituri estis, quum, recuperatis magistratibus legibusque vestris, judicia penes vos erunt de capite nostro fortunisque; tunc, ut quæque causa erit, statuetis. nunc libertatem repeti satis est.*

LIV. Fa-

LIV. Facerent, ut vellent, permittentibus cunctis, mox redituros se legati rebus perfectis affirmant. Profecti quum mandata plebis Patribus exposuissent, alii decemviri, quandoquidem præter spem ipsorum supplicii sui nulla mentio fieret, hæud quicquam abnuere. Appius, truci ingenio & invidia præcipuâ, odium in se aliorum suo in eos metiens odio, *Haud ignaro, inquit, imminet fortuna. Video, donec arma adversariis tradantur, differri adversus nos certamen. dandus invidiæ est sanguis. Nihil: ne ego quidem moror, quo minus decemviratu abeam.* Factum senatusconsultum, Ut decemviri se primo quoque tempore magistratu abdicarent. Q. Furius pontifex maximus tribunos plebis crearet. & ne cui fraudi esset secessio militum plebisque. His senatusconsultis perfectis, dimisso senatu, decemviri prodeunt in concionem, abdicantque se magistratu, ingenti hominum lætitiâ. Nunciantur hæc plebi. legatos quicquid in urbe hominum supererat prosequitur. Huic multitudini læta alia turba ex castris occurrit. congratulantur libertatem concordiamque civitati restitutam. Legati pro concione: *Quod bonum, sanctum, felixque sit vobis, rei que publicæ, redite in patriam ad penates, conjuges, liberosque vestros: sed, quâ hîc modestiâ fuistis, ubi nullius ager in tot rerum usu necessario tantæ multitudini est violatus, eam modestiam ferte in urbem. in Aventinum ite, unde profecti estis. Ibi felici loco, ubi prima initia inchoastis libertatis vestra, tribunos plebi creabitis. præsto erit pontifex maximus, qui comitia habeat.* Ingens assensus: alacritasque cuncta approbantium fuit. Convellunt inde signa, profectique Romam certant cum obviiis gaudio. armati per urbem silentio in Aventinum perveniunt. ibi extemplo, pontifice maximo comitia habente, tribunos plebis creaverunt, omnium primum A. Virginium, inde L. Icilium, & P. Numitorium avunculum Virginiae, auctores secessionis. Tum C. Sicinium, progeniem ejus, quem primum tribunum plebis creatum in Sacro mon-

I

te,

te, proditum memorie est; & M. Duilius, qui tribu-  
-natum insignem ante decemviros creatos gesserat, nec  
in decemviralibus certaminibus plebi defuerat. Spe  
deinde magis, quam meritis, electi, M. Titinius, M.  
Pomponius, C. Apronius, P. Villius, C. Oppius. Tri-  
-bunatu imito, L. Icilius extemplo plebem rogavit, &  
plebs scivit, ne cui fraudi esset secessio ab decemviris  
facta. Confestim de conscribendis creatisq; cum provo-  
-catione M. Duilius rogationem pertulit. ea omnia in  
pratis Flaminis concilio plebis acta, quem nunc Cir-  
-cum Flaminium appellant.

LV. Perinterregem deinde consules creati, L. Va-  
-lerius, M. Horatius; qui extemplo magistratum occe-  
-perunt: quorum consulatus popularis sine ulla Patrum  
injuria, nec sine offensione fuit. quicquid enim liber-  
-tati plebis caveretur, id suis decedere opibus credebant.  
Omnium primum, quum veluti in controverso jure  
esset, tenerentur Patres plebiscitis, legem centuriatis  
comitiis tulere, *Ut, quod tributum plebes jussisset, populum  
teneret.* quâ lege tribunicis rogationibus telum acerrim-  
-um datum est. Aliam deinde consularem legem de  
provocatione, unicum præsidium libertatis, decemvi-  
-rali potestate everfam, non restituant modò, sed etiam  
in posterum muniant, sanciendo novam legem, *Ne  
quis ullum magistratum sine provocatione crearet. qui creas-  
-set, eum jus fasque esset occidi: neve ea cades capitalis noxa  
haberetur.* Et quum plebem hinc provocatione, hinc  
tribunicio auxilio satis firmassent, ipsis quoque tribu-  
-nis, ut sacrosancti viderentur, (cujus rei propè jam  
memoria aboleverat) relatis quibusdam ex magno in-  
-tervallo ceremoniis, renovârunt; & quum religione in-  
-violatos eos, tum lege etiam fecerunt, sanciendo, *Ut,  
qui tribunis plebis, aedilibus, judicibus, decemviris nocuisset,  
ejus caput Jovi sacrum esset. familia ad adam Cereris, Libe-  
-ri, Liberaque venam iret.* Hâc lege juris interpretes ne-  
-gant quemquam sacrosanctum esse: sed cum, qui eo-  
rum

ram cuiquam nocuerit, sacrum sancti. Itaque ædilem prehendi ducique à majoribus magistratibus: quod etsi non jure fiat, (noceri enim ei, cui hæc lege non liceat) tamen argumentum esse, non haberi pro sacro-sancto ædilem: tribunos vetere jurejurando plebis, quum primum eam potestatem creavit, sacrosanctos esse. Fuere, qui interpretarentur, eadem hæc Horatiâ lege consulum quoque & prætoribus, quia iisdem auspiciis, quibus consules, crearentur, cautum esse: judicem enim consulem appellari. Quæ refellitur interpretatio, quod his temporibus nondum consulem judicem, sed prætorem, appellari mos fuerit. Hæ consulares leges fuere. Institutum etiam ab iisdem consulis, ut senatusconsulta in ædem Cereris ad ædiles plebis deferrentur; quæ antea arbitrio consulum supprimebantur vitiabanturque. M. Duilius deinde tribunus plebis plebem rogavit, plebesque scivit; *qui plebem sine tribunis reliquisset, quique magistratum sine provocatione creasset, tergo ac capite puniretur.* Hæc omnia ut invitis, ita non adversantibus, patriciis transacta; quia nondum in quemquam unum sæviebatur.

LVI. Fundatâ deinde & potestate tribuniâ, & plebis libertate, tum tribuni aggredi singulos tutum matrumque jam rati, accusatorem primum Virginium & Appium reum deligunt. Quum diem Appio Virginio dixisset, & Appius, stipatus patriciis juvenibus, in forum descendisset; redintegrata extemplo est omnibus memoria sædissimæ potestatis, quum ipsum satelitesque ejus vidissent. Tum Virginio, *Oratio*, inquit, *rebus dubiis inventa est. Itaque neque ego accusando apud vos eum tempus teram, à cuius crudelitate vosmet ipsi armis vindicastis: nec istum ad cetera scelera impudentiam in defendendo se adjicere patiar.* Omnium igitur tibi, *Ap. Claudi*, *qua impie nefarieque per biennium alia super alia es ausus, gratiam facio. unius tantum criminis, ni judicem dices, ut ad libertatem in servitutem contra leges vindicias non dedisse,*

*in vincula te duci jubeo. Nec in tribunicio auxillo Appianus, nec in judicio populi ullam spem habebat. at tamen & tribunos appellavit: &, nullo morante, arreptus à viatore, Provoco, inquit. Audita vox una vindex libertatis, ex eo missa ore, quo vindiciæ nuper ab libertate dictæ erant, silentium fecit. Et, dum pro se quisque, Deos tandem esse, & non negligere humana, fremunt, & superbia crudelitatiq; etsi feras, non leves tamen venire penas; provocare, qui provocationem sustulisset; & implorare præsidium populi, qui omnia jura populi obtrisset; rapique in vincula egentem jure libertatis, qui liberum corpus in servitutem addixisset; ipsius Appii, inter concionis murmur fidem populi Romani implorantis, vox audiebatur. Majorum merita in rempublicam domi militiæque commemorabat: suum infelix erga plebem Romanam studium, quoddam æquandarum legum causâ cum maxima offensione Patrum consulatu abisset: suas leges, quibus manentibus lator earum in vincula ducatur. Ceterum sua propria bona malaque, quum causâ dicendâ data facultas sit, tum se experturum. In præsentia se communi jure civitatis civem Romanum die dictâ postulare, ut dicere liceat, ut judicium populi Romani experiri. non ita se invidiam pertinuisse, ut nihil in aequitate & misericordia civium suorum spem habeat. Quoddam si indictâ causâ in vincula ducatur, iterum se tribunos plebei appellare, & monere, ne imitentur, quos oderint. Quoddam si tribuni eodem fœdere obligatos se fateantur tollendâ appellationis causâ, in quam conspirasse decemviros criminati sint; ait se provocare ad populum: implorare leges de provocatione, & consulares, & tribunicias, eo ipso anno latas. Quem enim provocaturum, si hoc indemnato indictâ causâ non liceat? Cui plebeio & humili præsidium in legibus fore, si Ap. Claudio non sit? se documento futurum, utrum novis legibus dominatio, an libertas firmata sit: & appellatio provocatioque adversus injuriam magistratuum ostentata tantum inanibus literis, an verè data sit.*

**LVII.** Contra ea Virginius, unum Ap. Claudium

& legum expertem & civilis & humani fœderis esse, aiebat. *Respicerent tribunal homines, castellum omnium scelerum: ubi decemvir ille perpetuus, bonis, tergo, sanguini civium infestus, virgas securesque omnibus minitans, Deorum hominumque contemptor; carnificibus, non lictoribus, stipatus, jam ab rapinis & cadibus animo ad libidinem verso, virginem ingenuam in oculis populi Romani, velut bello captam, ab complexu patris abreptam, ministro cubiculi sui clienti dono dederit. Ubi crudeli decreto nefandisque vindictis dexteram patris in filiam armaverit: ubi, tollentes corpus semianime virginis, sponsum avunculumque in carcerem duci jusserit; stupro interpellato magis, quàm cede, motus. & illi carcerem edificatum esse, quod domicilium plebis Romana vocare sit solitus. Proinde, ut ille iterum ac sapius provocet, sic se iterum ac sapius judicem illi ferre, si vindictas ab libertate in servitutem dederit. si ad judicem non eat, pro damnato in vincula duci jubere. Ut haud quoquam improbante, sic magno motu animorum, quum tanti viri supplicio suamet plebi jacti nimia libertas videretur, in carcerem est conjectus: tribunus ei diem prodixit. Inter hæc ab Latinis & Herhiciis legati gratulatum de concordia Patrum ac plebis Romam venerunt; donumque ob eam Jovi optimo maximo coronam auream in Capitolium tulere parvi ponderis, prout res haud opulentæ erant, colebanturque religiones piæ magis, quàm magnificæ. Eisdem auctoribus cognitum est, Æquos Volcosque summâ vi bellum apparare. Itaque partiri provincias consules jussi. Horatio Sabini, Valeria Æqui Volsci-que evenere. Quum ad ea bella delectum edixissent, favore plebis non juniores modò, sed emeritis etiam stipendiis, pars magna voluntariorum; ad nomina danda præsto fuere. eoque non copiâ modò, sed genere etiam militum, veteranis admistis, firmior exercitus fuit. Priusquam urbem egrederentur, leges decemviales, quibus *tabulis duodecim* est nomen; in æs incisas in*



publico proposuerunt. Sunt, qui jussu tribunorum ædiles functos eo ministerio scribant.

LVIII. C. Claudius, (qui, perosus decemvirorum scelera, & ante omnes fratris filii superbie infestus, Regillum, antiquam in patriam, se contulerat) is magno jam natu, quum ad pericula ejus deprecanda redisset, cujus vitia fugerat, sordidatus cum gentilibus clientibusque in foro prensabat singulos; orabatque, *Ne Claudie genti tam iniustam maculam vellent, ut carcere & vinculis viderentur digni: virum, honoratissima imaginis futurum ad posteros, legum latorem conditoremque Romani juris, jacere vinctum inter fures nocturnos ac latrones. Averterent ab ira parumper ad cognitionem cogitationemque animos: & potius unum tot Claudis deprecantibus condonarent, quam propter unius odium multorum preces aspernarentur. Se quoque id generi ac nomini dare, nec cum eo in gratiam redisset, cujus adversa fortuna velit succursum. Virtute libertatem recuperatam esse: clementiam concordiam ordinem stabiliri posse.* Erant, quos moveret sua magis pietate, quam ejus, pro quo agebat, causa. sed Virginicus, sui patris ut misererentur, orabat, filiaque: nec gentis Claudie, regnum in plebem sortita, sed necessariorum Virginia triumph. tribunorum preces audirent; qui, ad auxilium plebis creati, ipsi plebis fidem atque auxilium implorarent. Justiores hæ lacrimæ videbantur. itaque, spe incisa, priusquam prodita dies adesset, Appius sibi mortem conscivit. Subinde arreptus à P. Numitorio Sp. Oppius, proximus invidiæ, quod in urbe fuerat, quum injustæ vindiciæ à collega dicèrentur. Plus tamen facta injuria Oppio, quam non prohibita, invidiæ fecit. testis productus, qui, septem & viginti enumeratis stipendiis, octies extra ordinem donatus, donaque ea gerens in conspectu populi, scissa veste tergum laceratum virgis ostendit, nihilum deprecans, quin, si quam suam noxam reus dicere posset, prædatus iterum in se saviret. Oppius quoque ductus in vincula est, & ante judicii diem finem ibi vitæ fecit.

*Æcit. Bona Claudii Oppiique tribuni publicavere. collegæ eorum exiliâ causâ solum verterunt: bona publicata sunt. & M. Claudius, assertor Virginie, diè diâ damnatus, ipso remittente Virginie ultimam penam, dimissus Tibur exsulatum abiit: manseruntque Virginie, mortuæ quàm vivæ felicitioris, per tot domos ad petendas penias vagari, nullo relicto fonte tandem quieverunt.*

*LIX. Ingens metus incessebat Patres; vultusque jam iidem tribunorum erant, qui decemvirorum fuerant, quum M. Duilius tribunus plebis, inhibito salubriter modo nimie potestatis, *Et libertatis, inquit, nostra & penarum ex inimicis satis est. itaque hoc anno nec diem dici cuquam, nec in vinula duci quinquam sum passurus. Nam neque vetera peccata repeti jam oblitterata placet, quum nova explata sint decemvirorum supplicia; & nihil admissum iri, quod vim tribuniciam desideret; spondeat perpetua consulum arbitrium in libertate vestra tuenda cura.* Ea primum moderatio tribuni metum Patribus dempsit, eademque auxit consulum invidiam; quod adeo toti plebis fuissent, ut Patrum salutis libertatisque prior plebeio magistratui, quàm patricio, cura fuisset; & ante inimicos satietas penarum fustrum cepisset, quàm obviâ ituros licentias eorum consules appareret. Multique erant, qui mollior consultum dicerent, quod legum ab iis latarum Patres auctores fuissent. neque erat dubium, quin, turbato reipublicæ statu, tempori succubuissent.*

*LX. Consules, rebus urbanis compositis, fundatoque plebis statu, in provincias diversi abiere. Valerius adversus conjunctos jam in Algide exercitus Æquorum Volscorumque sustinuit consilio bellum. Quod si ex templo rem fortune commisisset, haud scio, an (quum animi ab decemvirorum infelicitibus auspiciis Romanis hostibusque erant) magno detrimento certamen futurum fuerit. Castris, mille passuum ab hoste positâ, copias continebat. hostes medium inter bina ca-*

stra spatium acie instructâ complebant. provocantibusque ad prælium responsum Romanus nemo reddebat. Tandem fatigati stando, ac nequiesquam exspectando certamen, Aequi Volscique, postquam concessum propemodum de victoria credebant, pars in Hernicos, pars in Latinos prædatum abeunt. relinquitur magis castris præsidium, quàm satis virium ad certamen. quod ubi consul sensit, reddit illatum antea terrorem, instructâque acie ultro hostem laessit. Ubi illi, conscientia quid abesset virium, detractavere pugnam, crevit extemplo Romanis animus, & pro victis habebant paventes intra vallum. Quum per totum diem stetissent intenti ad certamen, nocti cessere: & Romani quidem pleni spei corpora curabant. Haudquaquam pari hostes animo nuncios passim trepidi ad revocandos prædatores dimittunt. recurritur ex proximis locis; ultiores non inventi. Ubi illuxit, egreditur castris Romanis, vallum invasurus, ni copia pugnae fieret. &, postquam multa jam dies erat, neque movebatur quicquam ab hoste, jubet signa inferri consul. motâque acie, indignatio Aequos & Volscos incessit, si victores exercitus vallum potius, quàm virtus & arma tegerent. igitur & ipsi efflagitatum ab ducibus signum pugnae accipere. Jamque pars egressa portis erat, deincepsque alii servabant ordinem, in suum quisque locum descendentes, quum consul Romanus prius, quàm totis viribus sulta constaret hostium acies, intulit signa: adortusque nec omnes dum eductos, nec, qui erant, satis explicatis ordinibus, prope fluctuantem turbam trepidantium huc atque illuc, circumspicientiumque se ac suos, addito turbatis mentibus clamore atque impetu, invadit. Retulere primò pedem hostes. deinde, quum animos collegissent, & undique duces, *victis cessuri essent*, increparent, restituitur pugna.

LXI. Consul ex altera parte Romanos *meminisse* jubebat, *illo die primum liberos pro libera urbe Romana pugnare*.

guare. Sibi met ipsis victuros, non ut decenvirorum victores premium essent. Non Appio duce rem geri, sed consule Valerio, à liberatoribus populi Romani orto, liberatore ipso. Ostenderent, prioribus praliis per duces, non per milites, stetitisse, ne vincerent. Turpe esse, contra cives plus animi habuisse, quàm contra hostes: & domi, quàm foris, servitutem magis timuisse. Unam Virginiam fuisse, cujus pudicitia in pace periculum esset: unum Appium civem periculosa libidinis. at, si fortuna belli inclinet, omnium liberis ab tot millibus hostium periculum fore. Nolle ominari, quæ nec Jupiter, nec Mars pater passuri sint, iis auspiciis condita urbi accidere. Aventini Sacrique montis admonebat, ut, ubi libertas parata esset paucis antè mensibus, eò imperium illibatum referrent: ostenderentque, eandem indolem militibus Romanis post exactos decenviros esse, quæ ante creatos fuerit: nec, æquatis legibus, imminutam virtutem populi Romani esse. Hæc ubi inter signa peditum dicta dedit; avolat deinde ad equites; Agite, juvenes, inquit, præstate virtute peditem, ut honore atque ordine præstatis. Primo concursu pedes movit hostem: pulsum vos, immisissis equis; exigite è campo. Non sustinebant impetum. & nunc cunctantur magis, quàm resistunt. Concitant equos, permittuntque in hostem, pedestri jam turbatum pugna: & perruptis ordinibus, elati ad novissimam aciem, pars libero spatio circumvesti, jam fugam undique capeffentes plerosque à castris avertunt, præterequitantesque absterrent. Peditum acies, & consul ipse, visque omnis belli fertur in castra: captisque cum ingenti cæde, majore præda potitur. Hujus pugnae fama perlata non in urbem modò, sed in Sabinos ad alterum exercitum. In urbe lætitia modò celebrata est; in castris animos militum ad æmulandum decus accendit. Jam Horatius eos, excursionibus sufficiendo, præliisque levibus experiundo assuefecerat sibi potius fidere, quàm meminisse ignominia decenvirorum ductu acceptæ; parvaque certamina in summam totius profecerant spei. Nec cessabant Sabin-

ni, feroces ab re priore anno bene gesta, laceffere atque instare, rogitantes, *Quid latrocinii modo procurfantes pauci recurrentesque terebant tempus, & in multa praelia parvaque carperent summam unius belli? Quin illi congrederentur acie, inclinandamque semel fortuna rem darent?*

LXII. Ad id, quod suâ sponte fatis collectum animorum erat, indignitate etiam Romani accendebantur. Jam alterum exercitum victorem in urbem rediturum; sibi ultro per contumelias hostem insultare. quando autem se, si tum non sint, pares hostibus fore? Ubi hæc fremere militem in castris consul sensit, concione advocatâ, *Quemadmodum, inquit, in Alcido res gesta sit, ar:itror vos, milites, audisse: qualem liberi populi exercitum decuit esse, talis fuit. consultu collega, virtute militum victoria parta est. Quod ad me attinet, id consilii animique habiturus sum, quod vos mihi effeceritis. & trahi bellum salubriter, & maturè perfici potest. Si trabendum est, ego, ut in dies spes virtutis vestra crescat, eadem, quâ institui, disciplinâ efficiam. Si jam satis animi est, decernique placet, agitedum, clamorem, qualem in acie sublati estis, tollite hîc, indicem voluntatis virtutisque vestra.* Postquam ingenti alacritate clamor est sublati, *Quod bene vertat, gesturum se illis morem, posteroque die in aciem deducturum, affirmat.* Reliquum dici appandis armis consumptum est. Postero die simul instrui Romanam aciem Sabini videre, & ipsi, jam pridem avidi certaminis, procedunt. Prælium fuit, quale inter fidentes sibimet ambo exercitus, veteris perpetuæque alterum gloriæ, alterum nuper novâ victoriâ elatum. Consilio etiam Sabini vires adjuvere. nam quum æquâssent aciem, duo extra ordinem millia, quæ in sinistrum cornu Romanorum in ipso certamine impressionem facerent, tenere. quæ ubi, illatis ex transverso signis, degravabant prope circumventum cornu; equites duarum legionum sexcenti fere ex equis desiliunt, cedentibusque jam suis provolant in primum; simulque & hosti se opponunt, &, æquato pri-

nam periculo, pudore deinde, animos peditum accendunt. Verecundia erat, equitem suo alienoque Marte pugnare: peditem ne ad pedes quidem degresso equiti parem esse.

LXIII. Vadunt igitur in proelium ab sua parte emissum; & locum, ex quo cesserant, repetunt: momentoque non restituta modo pugna, sed inclinatur etiam Sabinis cornu. Eques inter ordines peditum restans se ad equos recipit: transvolat inde in partem alteram, suis victoriae nunciis; simul & in hostes jam pavidos, quippe fuso suae partis validiore cornu, impetum facit. non aliorum eo proelio virtus magis estuit. Consul providere omnia, laudare fortes, increpare, sicubi segnior pugna esset. Castigati fortium statim virorum operam edebant: tantumque hos pudor, quantum alios laudes excitabant. Redintegrato clamore, undique omnes conissi hostem avertunt, nec deinde Romana vis sustineri potuit. Sabini, fusi passim per agros, castra hosti ad praedam relinquunt. ibi non sociorum, sicut in Algido, res, sed suas Romanus, populationibus agrorum amissas, recipit. Gemina victoria duobus bifariam proelia parta, maligne senatus in unum diem supplicationes consulum nomine decrevit. Populus injussu & altero die frequens sit supplicatum. & haec vaga popularisque supplicatio studiis propè celebratior fuit. Consules, ex composito, eodem biduo ad urbem accessere, senatumque in Martium campum evocavere: ubi quum de rebus ab se gestis agerent, questi primores Patrum, senatum inter milites dedita opera terroris causam haberi. itaque inde consules, ne criminationi locus esset, in prata Flaminia, ubi nunc aedes Apollinis est, (jam tum Apollinarem appellabant) avocavere senatum. Ubi quum ingenti consensu Patrum negaretur triumphus, L. Icilius tribunus plebis tulit ad populum de triumpho consulum, multis dissuasum prodeuntibus, maxime C. Claudio vociferantibus.

rante, De Patribus, non de hostibus, consules triumphare velle; gratiamque pro privato merito in tribunalum, non pro virtute honorem, peti. nunquam autem de triumpho per populum actum, semper estimationem arbitriumque ejus honoris peger senatum fuisse. ne reges quidem majestatem summi ordinis imminuisse: ut ita omnia tribuni potestatis sue implerent, ut nullum publicum consilium suerent esse. Ita demum liberam civitatem fore, ita equas leges, si sua quisque jura ordo, suam majestatem tenet. In eandem sententiam multa & à ceteris senioribus Patrum quum essent dicta, omnes tribus eam rogationem acceperunt. Tum primum, sine auctoritate senatus, populi jussu triumphatum est.

LXIV. Hæc victoria tribunorum plebisque propè in haud salubrem luxuriam vertit; conspiratione inter tribunos facta, ut iidem tribuni rescicerentur, & quo sua minus cupiditas emineret, consulibus quoque continuarent magistratum. Consensum Patrum causabantur, quo per contumeliam consulum jura plebis labefacta essent. Quid futurum, nondum firmatis legibus, si novos tribunos per factiones suas consules adorti essent? non enim semper Valerios Horatiosque consules fore, qui libertati plebis suas spes postferrent. Forte quadam utili ad tempus, ut comitiis præset, potissimum M. Duilio forte evenit, viro prudenti, & ex continuatione magistratus invidiam imminentem cernenti. qui quum ex veteribus tribunis negaret aliis se rationem habiturum, pugnarentque collegæ, ut liberis tribus in suffragium mitteret, aut concederet sortem comitorum collegis, habituris è lege potius comitia, quàm ex voluntate Patrum; injecta contentione, Duilius, consules ad subsellia accitos quum interrogasset, quid de comitiis consularibus in animo haberent, respondissentque, se novos consules creaturos, auctores popularis sententiæ haud populares natus, in concionem cum iis processit. Ubi quum consules, producti ad populum, interrogatique, si eos po-  
pulus.

pulos Romanus, memor libertatis per illos receptæ domi, memor militiæ rerumque gestarum, consules iterum faceret, quidnam facturi essent, nihil sententiæ summutassent; collaudatis consulibus, quod perseverarent ad ultimum diffiniales decemvirorum esse, comitia habuit: & quinq; tribunis plebis creatis, quum præstudiis apertè petentium novem tribunorum alii candidati tribus non explerent, conciliū dimisit; nec deinde comitiorum causā habuit. Satisfactum legi aiebat, quæ, numero nusquam præfinito tribunis, modò ut relinquerentur, sanciret; & ab iis, qui creati essent, cooptari collegas juberet. Recitabatque rogationis carmen, in quo, *Si tribunos plebei decem rogabo, si qui vos minus hodie decem tribunos plebei feceritis: hi tum uti, quos sibi collegas cooptassint, ut illi legitimi eadem lege tribuni plebei sint, ut illi, quos hodie tribunos plebei faceritis.* Duilius, quum ad ultimum perseverasset, negando quindecim tribunos plebei rempublicam habere posse, victa collegarum cupiditate, pariter Patribus plebique acceptus, magistratu abiit.

LXV. Novi tribuni plebis in cooptandis collegis Patrum voluntatem foverunt. duos etiam patricios consulareque, Sp. Tarpeium & A. Aterium, cooptavere. Consules creati, Lar. Herminius, T. Virginius Cœlimontanus, nihil magnopere ad Patrum aut plebis causam inclinati, otium domi ac foris habuere. L. Trebonius tribunus plebis, infestus Patribus, quod se ab iis in cooptandis tribunis fraude captum, proditum à collegis, aiebat, rogationem tulit, *ut qui plebem Romanam tribunos plebi rogaret, is usque eò rogaret, dum decem tribunos plebi faceret;* insectandisque Patribus, unde Aspero etiam inditum est cognomen, tribunatum gessit. Inde M. Geganius Macerinus & C. Julius, consules facti, coitiones tribunorum, adversus nobilium juventutem ortas, sine insectatione potestatis ejus, conservatā majestate Patrum, sedavere. plebem, decreto ad bellum, Volscor.



Volscorum & Aequorum delectu, sustinendo rem, ab seditionibus continuere: urbano quoque otio foris omnia tranquilla esse affirmantes, per discordias civiles externos tollere animos. Cura pacis, concordiae quoque intestinae causa fuit. Sed alter semper ordo gravis alterius modestiae erat. quiescenti plebi ab junioribus Patrum injuriae fieri coepit. ubi tribuni auxilio humilioribus essent, in primis parum proderat: deinde ne ipsi quidem inviolati erant; utique postremis mensibus, quum & per coitiones potentiorum injuria fieret, & vis potestatis omnis aliquanto posteriore anni parte languidior ferme esset: jamque plebs ita in tribunatu ponere aliquid spei, si similes Icilio tribunos haberet: nomina tantum se biennio habuisse. Seniores contra Patrum, ut nimis seroces suos credere juvenes esse; ita malle, si modus excedendus esset, suis, quam adversariis, superesse animos. adeo moderatio tuendae libertatis, dum aequari velle simulando ita se quisque extollit, ut deprimat aliam, in difficili est: cavendoque ne metuant homines, metuentes ultro se efficiunt: & injuriam a nobis repulsam, tanquam aut facere aut pati necesse sit, *injungimus aliis.*

LXVI. T. Quinctius Capitolinus quartum & Agrippa Furius, consules inde facti, nec seditionem domi, nec foris bellum, acceperunt: sed immincebat utrumque. Jam non ultra discordia civium reprimi poterat, & tribunis & plebe incitata in Patres, quum dies alicui nobilium dicta novis semper certaminibus conciones turbaret. ad quarum primum strepitum, velut signo accepto, arma cepere Aequi ac Volsci: simul quod persuaserant iis duces, cupidi praedarum, biennio ante delectum indictum haberi non potuisse, abnuente jam plebe imperium. ea adversus se non esse missos exercitus. dissolvi licentia militandi morem. nec pro communi jam patria Romam esse. quicquid irarum simultatumque cum externis fecit, in ipsos verti. *occisos lupos intestinae rabie opprimendi:*

*mendat occasionem esse.* Coniunctis exercitibus Latinum primum agrum perpopulati sunt : deinde postquam ibi nemo vindex occurrebat, tum verò, exsultantibus belli auctoribus, ad moenia ipsa Romæ populabundi regione portæ Esquilinæ accessere, vastationem agrorum per contumeliam urbi ostentantes. unde postquam inulti, prædam præ se agentes, retro ad Corbionem agmine iere, Quinctius consul ad concionem populum vocavit.

LXVII. Ibi in hanc sententiam locutum accipio : *Esse mihi nullius noxa confusus, Quirites, sum, tamen cum pudore summo in concionem vestram processi. Hoc vos scire, hoc posteris memoria traditum iri, Æquos & Volscos, vix Hernicis modò pares, T. Quinctio quartum consule, ad moenia urbis Roma impune armatos venisse. Hanc ego ignominiam, (quanquam jam diu ita vivitur, is status rerum est, ut nihil boni divinet animus) si huic potissimum imminere anno scissem, vel exilio, vel morte, si alia fuga honoris non esset, vitâssem. Ergo, si viri arma illa habuissent, qua in portis fuere nostris, capi Roma me consule potuit? satis honorum, satis superque vita erat : mori consulem tertium oportuit. Quem tandem ignavissimi hostium contempsere? nos consules? an vos Quirites? Si culpa in nobis est, auferte imperium indignis; & si id parum est, insuper pœnas expetite. Si in vobis, nemo Deorum nec hominum sit, qui vestra puniat peccata, Quirites; vosmet tantum eorum pœniteat. Non illi vestram ignaviam contempsere, nec sua virtuti confisi sunt; quippe toties fusi fugatique, castris exati, agro multati, sub jugum missi, & se & vos novero. Discordia ordinum est venenum urbis huius; Patrum ac plebis certamina: dum nec nobis imperii, nec vobis libertatis est modus, dum tadet vos patriciorum, hos plebeiorum magistratum, sustulere illi animos. Prò Deis fidem, quid vobis vultis? Tribunos plebis concupistis. concordia causâ concessimus. Decemviros desiderastis. creati passi sumus. Decemvirorum vos pertasum est. coëgimus abire magistratu. Manente in eisdem privatas irâ vestrà, mor-*

vi atque exfulare nobilissimos viros honoratissimosque passi sumus. Tribunos plebis creare iterum voluistis. creastis. Consules facere vestrarum partium, etsi Patribus videbamus iniquum; patricium quoque magistratum plebi donam fieri vidimus. auxilium tribuniciū, provocationem ad populum, scita plebis injuncta patribus. sub titulo aquandarum legum, nostra jura oppressa tulimus & ferimus. Qui finis erit discordiarum? Eequando unam urbem habere, ecquando communem hanc esse patriam licebit? Victi nos equiore animo quiescimus, quàm vos victores. Satisne est, nobis vos metuendos esse? Adversus nos Aventinum capitur, adversus nos Sacer occupatur mons. Esquilias quidem ab hoste propè captas, & scandentem in aggerem Volsūm hostem nemo submovit. in nos viri, in nos armati estis.

LXVIII. Agitedum, ubi hic curiam circumfederitis, & forum infestum feceritis, & carcerem impleveritis principibus; iisdem istis ferocibus animis egredimini extra portam Esquilinam: aut, si ne hoc quidem audetis, ex muris visite agros vestros ferro ignique vastatos, prædam abigi, fumare incensa passim tellus. At enim communis res per hac loco est pejore: ager uritur, urbs obsidetur, belli gloria penes hostes est. Quid tandem? private res vestræ in quo statu sunt? Jam unicuique ex agris sua damna nunciabuntur. quid est tandem domi, unde ea expleatis? Tribuni vobis amissa reddent ac restituent? vocis verborumque quantum voletis, ingerent, & criminum in principes, & legum aliarum super alias, & concionum. Sed ex illis concionibus nunquam vestrum quisquam re, fortunâ, domum auctior rediit. Ecquis retulit aliquid ad conjugem ac liberos, præter odia, offensiones, simultates publicas privataeque? à quibus semper non vestrâ virtute innocentiaque, sed auxilio alieno tuti sitis. At, Hercules, quum stipendia, nobis consulibus, non tribunis ducibus, & in castris, non in fora, faciebatis, & in acie vestrum clamorem hostes, non in concione Patres Romani borrebant, prædâ partâ, agro ex hoste capto, pleni fortunarum gloriaque, simul publica, simul privata, triumphantes domum ad penates redibatis. nunc oneratum vestris.

vestris fortunis hostem abire finitis. Hærete affixi concionibus, & in foro vivite: sequitur vos necessitas militandi, quam fugitis? Grave erat in Æquos & Volscos propoisci? ante portas est bellum. si inde non pellitur, jam intra mœnia erit, & arcem & Capitolium scandet, & in domos vestras vos persequetur. Biennio antè senatus delectum haberi, & educi exercitum in Algidum jussit. sedemus desidiosi domi, mediæm ritu inter nos altercantes; præsentî pace lati, nec cernentes, ex otio illo brevi multiplex bellum rediturum. His ego gratiora dictu alia esse scio: sed me vera pro gratis loqui, etsi meum ingenium non moneret, necessitas cogit. Vellem equidem vobis placere, Quirites; sed multo malo vos salvos esse, quâlicunque erga me animo futuri estis. Naturâ hoc ita comparatum est, ut, qui apud multitudinem suâ causâ loquitur, gratior eo sit, cujus mens nihil, præter publicum commodum, videt. nisi fortè assentatores públicos, plebicos istos, qui vos nec in armis nec in otio esse sinunt, vestrâ vos causâ incitare & stimulare putatis. Concitati, aut honori, aut quaestui illis estis: & quia in concordia ordinum nullos se usquam esse vident, mæle rei se, quàm nullius, turbarum ac seditioarum, duces esse volunt. Quorum rerum si vos tadium tandem capere potest, & patrum vestrosque antiquos mores vultis, pro his novis sumere, nulla supplicia recuso, nisi paucis diebus hos populatores agrorum nostrorum fusos, fugatosque castris, exuero, & à partis nostris mœnibusque ad illorum urbes hunc belli terrorem, quo nunc vos attoniti estis, transtulero.

LXIX. Rarò aliàs tribuni popularis oratio acceptior plebi, quàm tunc severissimî consulis, fuit. Juventus quoque, quæ inter tales metus detractationem militiæ, telum acerrimum adversus Patres, habere solita erat, arma & bellum spectabat: & agrestium fuga spoliatique in agris & vulnerati, scœdiora illis, quæ subjicebantur oculis, nunciantes, totam urbem irâ implevere. In senatum ubi ventum est, ibi verò in Quinctium omnes versi, ut unum vindicem majestatis Romanæ intueri; & primores Patrum dignam dicere concionem impera-

perio consulari, dignam tot consulatibus antea actis, dignam videri omni, plenam bonorum saepe gestorum, sapius meritorum. Alios confides aut per proditorem dignitatis Patrum plebi adulatos, aut acerbe tuendo jura ordinis asperiores domando multitudinem fecisse: T. Quinctium orationem memoriam majestatis Patrum, concordiaeque ordinum, & temporum in primis habuisse. Orare eum collegamque, ut capefferent rempublicam: orare tribunos, ut uno animo cum consulibus bellum ab urbe ac mœnibus propulsari vellent, plebemque obedientem in re tam trepida Patribus praeberent: appellare tribunos communem patriam, auxiliumque eorum implorare, vastatis agris, urbe prope oppugnata. Consensu omnium delectus decernitur habeturque. Quum consules in concione pronuntiasset, Tempus non esse causas cognoscendi; omnes juniores postero die prima luce in campo Martio adessent; cognoscendis causis eorum, qui nomina non dedissent, bello perfecto se daturus tempus; pro desertore futurum, cujus non probassent causam: omnis juvenus adfuit postero die. Cohortes sibi quaeque centuriones legerunt: bini senatores singulis cohortibus praepositi. Haec omnia admodum maturè perfecta accepimus, ut signa, eo ipso die à quaestoribus ex aerario promptà delataque in campum, quartà diei hora mota ex campo sint: exercitusque novus, paucis cohortibus veterum militum voluntate sequentibus, manserit ad decimum lapidem. Insequens dies hostem in conspectum dedit, castraque ad Corbionem castris sunt conjuncta. Tertio die, quum ira Romanos, illos, quum toties rebellassent, conscientia culpae ac desperatio irritaret, mora dimicandi nulla est facta.

LXX. In exercitu Romano quum duo consules essent potestate pari; quod saluberrimum in administratione magnarum rerum est, summa imperii, concedente Agrippa, penes collegam erat: & praelatus ille facilitati submittentis se comiter respondebat, communicando consilia laudesque, & æquando imparem sibi. In acie Quinctius dextrum cornu, Agrippa sinistrum tenuit:

ault: Sp. Postumio Albo legato datur media acies tu-  
 enda; legatum alterum Ser. Sulpicium equitibus præ-  
 faciunt. Pedites ab dextro cornu egregie pugnare,  
 haud segniter resistentibus Volscis. Ser. Sulpicius per  
 mediam hostium aciem cum equitatu perrupit. unde  
 quum eadem reverti posset ad suos, priusquam hostis  
 turbatos ordines resciceret, terga impugnare hostium fa-  
 tius visum est. momentoque temporis, in averfam in-  
 cursando aciem, ancipiti terrore dissipasset hostes, ni  
 suo proprio cum prælio equites Volscorum & Æquo-  
 rum exceptum aliquamdiu tenuissent. Ibi verò Sulpi-  
 cius, negare *cautandi tempus esse, circumventos intercla-  
 sosque ab suis vociferans, ni equestre prælium connisi omni  
 vi perficerent. Nec fugare equitem integrum satis esse, con-  
 ficerent equos virosque, ne quis reveheretur inde ad prælium,  
 aut integraret pagnam. non posse illos resistere sibi, quibus  
 conferta positum acies cessisset.* Haud surdis auribus di-  
 cta: impressione una totum equitatum fudere, magnam  
 vim ex equis præcipitare, ipsos equosque spiculis  
 confodere. is finis pugne equestris fuit. Tunc, ad-  
 erti peditum aciem, nuncios ad consules rei gestæ mit-  
 tunt, ubi jam inclinabatur hostium acies. nuncius de-  
 inde & vincens Romanis animos auxit, & referen-  
 tes gradum percussit Æquos. In media primùm acie  
 vinci coepti, quæ permissus equitatus turbaverat ordi-  
 nes. Sinistrum deinde cornu ab Quintio consule pel-  
 li coeptum; in dextro plurimum laboris fuit. Ibi A-  
 grippa, ætate viribusque ferox, quum omni parte pu-  
 gnæ meliùs res geri, quàm apud se, videret, accepta  
 signa ab signiferis ipse inferre, quædam jacere etiam in  
 confertos hostes coepit. Cujus ignominie metu concei-  
 tati milites, invadere hostem. ita æquata ex omni par-  
 te victoria est. Nuncius tum à Quintio venit, victo-  
 rem jam se imminere hostium castris; nolle irrumpere,  
 antequam sciat debellatum & in sinistro cornu esse. Si  
 jam sudisset hostes, conferret ad se signa, ut simul o-  
 mnis

annis exercitus prædâ potiretur. Victor Agrippa cum mutua gratulatione ad victorem collegam castraque hostium venit. ibi paucis defendentibus, momentoque suis, sine certamine in munitiones irrumpunt; prædâque ingenti compotem exercitum, suis etiam rebus recuperatis, quæ populatione agrorum amissæ erant, reducant. Triumphum nec ipsos postulâsse, nec delatum iis ab senatu, accipio: nec traditur causa spreti aut non sperati honoris. Ego quantum in tanto intervallo temporum conjicio, quum Valerio atque Horatio consulibus, qui præter Volscos & Æquos Sabini etiam belli perfecti gloriam pepererant, negatus ab senatu triumphus esset, verecundiæ fuit pro parte dimidia rerum consulibus petere triumphum: ne etiam, si impetrassent, magis hominum ratio, quàm meritum, habita videretur.

LXXI. Victoriâ honestam, ex hostibus partam, turpe domi de finibus sociorum iudicium populi deformavit. Aricini atque Ardeates de ambiguo agro quum sæpe bello certassent, multis in vicem cladibus fessi, iudicem populum Romanum cepere. Quum ad causam orandam venissent, concilio populi à magistratibus dato, magnâ contentione actum. jamque editis testibus, quum tribus vocari, & populum inire suffragium oporteret, consurgit P. Scaptius de plebe, magno natu: &, *Si licet, inquit, consules, de republica dicere, extrare ego populum in hac causa non patiar.* Quum, ut vanum, cum negarent consules audiendum esse, vociferantemque, *prodi publicam causam*, submoveri iussisset, tribunos appellat. Tribuni, ut serè semper reguntur a multitudine magis, quàm regunt, dedere cupidæ audiendi plebi, ut, quæ vellet, Scaptius diceret. Ibi inquit, *Annum se tertium & octogesimum agere, & in eo agro, de quo agitur, militasse, non juvenem, vicesima jam stipendia merentem, quum ad Coriolos sit bellatum. Eo rem se vetustate oblitteratam, ceterum sue memoriæ infixam, as-*  
*ferre:*

ferre : agrum, de quo ambigitur, finium Coriolanorum fuisse, captisque Coriolis, jure belli publicum populi Romani factum. Mirari se, quonam more Ardeates Ariciniq̃ue, cujus agri jus nunquam usurpaverint incolumi Coriolanâ re, eum se à populo Romano, quem pro domino judicem fecerint, intercepturos sperent. Sibi exiguam vita tempus superesse : non potuisse se tamen inducere in animam, quin, quem agrum miles pro parte virili manu cepisset, eum senex quoque voce, quâ unda posset, vindicaret. Magnopere se suadere populo, ne inutili pudore suam ipse causam damnavet.

LXXII. Consules quum Scaptium non silentio modo, sed cum assensu etiam, audiri animadvertissent, Deos hominesque testantes flagitium ingens fieri, Patrum primores arcessunt. cum his circumire tribunos, orare, Ne pessimum facinus pejore exemplo admitterent judices, in suam rem litem vertendo, quam præsertim, etiam si fas sit, curam emolumenti sui judici esse, nequaquam tantum agro intercipiendo acquiratur, quantum amittatur alienandis injuriâ sociorum animis. Nam fama quidem ac fidei damna majora esse, quàm quæ aestimari possent. Hoc legatos referre domum : hoc vulgari : hoc socios audire : hoc hostes. quo cum dolore hos ? quo cum gaudio illos ? Scaptione hoc, concionalis seni, assignaturos putarent finitimos populos ? Clarum hæc fore imaginem Scaptium : populum Romanum quadruplatoris & interceptoris litis aliena personam laturum. quem enim hoc privata rei judicem fecisse, ut sibi controversiosam adjudicaret rem ? Scaptium ipsum id quidem, etsi præmortui jam sit pudoris, non facturum. Hæc consules, hæc Patres vociferantur. sed plus cupiditas & auctor cupiditatis Scaptius valet. Vocatæ tribus judicaverunt, agrum publicum populi Romani esse. Nec abnuitor ita fuisse, si ad judices alios itum foret : nunc haud sanè quicquam bono causæ levatur dedecus judicii. idque non Aricinis Ardeatibusque, quàm Patribus Romanis, sædijs atque acerbius visum. Reliquum anni quietum ab urbanis motibus & ab externis mansit.



## LIBER IV.

## E P I T O M E.

**I. &c.** **L** Ex de conubio Patrum & plebis à tribunis plebis contentione magna, Patribus repugnantibus, perlata est. VI, VII. Tribuni militares. Aliquot annis res populi Romani domi militieque per hoc genus magistratus administratae sunt. VIII. Item censores tunc primum creati sunt. XI. Ager Ardeatibus populi Romani iudicio ablati, missis in eum colonis, restitutus est. XII, XIII, &c. Quum fame populus Romanus laboraret, Sp. Maelius, eques Romanus, frumentum populo suo impensa largitus est: & ob id factum conciliata sibi plebe, regnum affectans à C. Servilio Ahala, magistro equitum, iussu Quintii Cincinnati dictatoris occisus est. XVI. L. Minucius index bove aurata domatus est. XVII, XVIII. Legatis Romanis à Fidenatibus occisis, quoniam ob rempublicam occubuerant, statue in Rostris posita sunt. XIX, XX. Cossus Cornelius tribunus militum, occiso Tolamnio rege Vejentium, opima spolia secunda retulit. XXIV. Mam. Aemilius dictator, censura honore, qui antea per quinquennium gerebatur, anni & sex mensium spatio finito, ob eam rem à censoribus notatus est. XXXI, &c. XXXIV. Fidena in potestatem redacta, eoque coloni missi sunt. quibus occisis, Fidenates, quum defecissent, à Mam. Aemilio dictatore victi sunt, & Fidena capta. XLV. Conjuratio servorum oppressa est. XLIX, L. Postumius, tribunus militum, propter crudelitatem ab exercitu occisus est. LIX. Stipendium ex arario tum primum militibus datum est. LX, LXI. Res praeterea gestas adversus Volscos, & Fidenates, & Faliscos, continet.

**I. H** OS secuti M. Genucius & C. Curtius consules. Fuit annus domi forisque infestus. nam anni principio & de conubio Patrum

& plebis C. Canuleius tribunus plebis rogationem promulgavit; quâ contaminari sanguinem suum Patres, confundique jura gentium rebantur: & mentio, primò sensum illata à tribunis, ut alterum ex plebe consulem liceret fieri, eò proeessit deinde, ut rogationem novem tribuni promulgarent, *ut populo potestas esset, seu de plebe, seu de Patribus vellet, consules facienda*. Id verò si fieret, non vulgari modò cum infimis, sed prorsus auferri à primoribus ad plebem, summum imperium credebant. Latè ergo audire Patres, Ardeatium populum ob injuriam agri abjudicati descisse, & Veientes depulatos extrema agri Romani, & Volscos Æquosque ob communitam Verruginem fremere. adeò vel infelix bellum ignominiosæ paci præferebant. His itaque in majus etiam acceptis, ut inter strepitum tot bellorum conticescerent actiones tribunicia, delectus haberi, bellum armaque vi summâ apparari jubent; si quo intensius possit, quàm T. Quinctio consule apparatus sit. Tum C. Canuleius pauca in senatu vociferatus, nequiquam territando consules avertere plebem à cura novarum legum; nunquam eos se vivo delectum habituros, antequam ea, quæ promulgata ab se collegisque essent, plebes scivisset; & confestim ad concionem advocavit.

II. Eodem tempore & consules senatum in tribunal, & tribunus populum in consules incitabat. Negabant consules, jam ultra ferri posse furores tribunicios. ventum jam ad finem esse; domi plus belli concitari, quàm foris. Id adeò non plebis, quàm Patrum; neque tribunorum magis, quàm consulum, culpa accidere. cujus rei premium sit in civitate, eam maximis semper auctibus crescere: sic pace bonos, sic bello fieri. Maximum Roma premium seditionum esse: id & singulis universisque semper bonori fuisse. Remiserant, quam majestatem senatus ipsi à patribus acceperant, quam liberis tradituri essent; ut (quemadmodum plebs gloriari posset) auctiorem amplioremque esset. Finem ergo non fieri, nec futuram, donec, quàm felices seditiones, tam hono-

rati

vati seditionum auctores essent. Quas quantasque res C. Canuleium aggressum? collusionem gentium, perturbationem auspicioꝝ publicoꝝ: privatoꝝque afferre, ne quid sinceri, ne quid incontaminati sit: ut, discrimine omni sublato, nec se quisquam, nec suos noverit. Quam enim aliam vim connubia promiscua habere, nisi ut ferarum prope ritu vulgentur concubitus plebis Patrumque? ut, qui natus sit, ignoret, cujus sanguinis, quorum sacrorum sit; dimidiis Patrum sit, dimidiis plebis, ne secum quidem ipse concors. Parum id videri, quod omnia divina humanaque turbentur: jam ad consulatum vulgi turbatores accingi; & primò, ut alter consul ex plebe fieret, id modò sermonibus tentasse: nunc rogari, ut, seu ex patribus, seu ex plebe velit, populus consules creet: & creaturos baud dubiè ex plebe seditiosissimum quemque. Canuleios igitur Icilioſque consules fore. ne id Jupiter optimus maximus sineret, regia majestatis imperium eò recidere: & se millies mortuos potius, quàm ut tantum dedecoris admitti patiantur. Certum habere, majores quoque, si divinassent, concedendo omnia non mitiorem in se plebem, sed asperiorum alia ex aliis iniquiora postulando, quam prima impetrasset, futuram, primò quamlibet dimicationem subituros fuisse potius, quàm eas leges sibi imponi paterentur. Quia tum concessum sit de tribunis, iterum concessum esse. finem non fieri. Posse in eadem civitate tribunos plebis & Patres esse? aut hunc ordinem, aut illum magistratum tollendum esse: potiùsque serò, quàm nunquam obviam eundem audacia temeritatique. Illine ut impune primò discordias ferentes concitent finitima bella, deinde adversus ea, quæ concitaverint, armari civitatem defendique prohibeant? & quum hostes tantum non arcessierint, exercitus conscribi adversus hostes non patiantur? Sed audeat Canuleius in senatu proloqui, se, nisi suas leges tanquam victoris Patres accipi sinant, delectum haberi prohibiturum. quid esse aliud, quàm minari, se proditurum patriam? oppugnari atque capi passurum? quid eam vocem animorum, non plebi Romana, sed Volscis & Æquis & Vejentibus allaturam? Nonne, Canuleio duce, se speraturos Capitolium atque arcem scendere

dere posse, si Patribus tribuni, cum jura ac majestatis adem-  
pta, animos etiam eripuerint? Consules paratos esse duces  
prius adversus scelus civium, quam adversus hostium arma.

III. Quum maximè hæc in senatu agerentur, Canu-  
leius pro legibus suis & adversus consules ita differuit:  
*Quantopere vos, Quirites, contemnerent Patres, quam indi-  
gnos ducerent, qui una secum urbe intra eadem mania vivere-  
tis, sepe equidem & antè videor animadvertisse: nunc tamen  
maximè, quòd aded atroces in has rogationes nostras coorti  
sunt: quibus quid aliud quam admonemus, cives nos eorum es-  
se, & si non easdem opes habere, eandem tamen patriam in-  
colere? Altera connubium petimus, quod finitimis externisque  
dari solet. nos quidem civitatem, quæ plus quam connubium  
est, hostibus etiam victis dedimus. Altera nihil novi feri-  
mus; sed id, quod populi est, repetimus atque usurpamus: ut,  
quibus velit, populus Romanus honores mandet. Quid tandem  
est, cur cælum ac terras misceant? cur in me impetus modò  
pendè in senatu sit factus? negent se manibus temperaturos, vi-  
olatosque denuncient sacrosanctam potestatem? Si populo  
Romano liberum suffragium datur, ut, quibus velit, consula-  
tum mandet, & non præciditur. spes plebeio quoque, si dignus  
summo honore erit, apiscendi summi honoris, stare urbs hæc  
non poterit? de imperio actum est? & perinde hoc valet,  
plebeius ne consul fiat, tanquam servum aut libertinum aliquis  
consulem futurum dicat? Ecquid sentitis, in quanto contem-  
ptu vivatis? Lucis vobis hujus partem, si liceat, adimant.  
quòd spiratis, quòd vocem mittitis, quòd formas hominum ha-  
betis, indignantur. Quin etiam (si Diis placet) nefas aiunt  
esse, consulem plebeium fieri. Obsecro vos, si non ad fastos,  
non ad commentarios pontificum admittimur; ne ea quidem  
scimus, quæ omnes peregrini etiam sciunt? consules in locum  
regum successisse? nec aut juris, aut majestatis quicquam ha-  
bere, quòd non in regibus antè fuerit? En unquam creditis  
fando auditum esse, Numam Pompilium, non modò non pa-  
tricium, sed ne civem quidem Romanum, ex Sabino agro ac-  
cicum, populi jussu, Patribus auctoribus, Romæ regnasse? L.*

deinde Tarquinium, non Romana modò, sed ne Italica quidem gentis, Damarati Corinthii filiam, incolam ab Tarquinis, vivis liberis Anci, regem factum? Ser. Tullium post hunc, captivum Corniculani natum, patre nullo, matre serva, ingenio, virtute regnum tenuisse? Quid enim de T. Tatio Sabino dicam, quem ipse Romulus, parens urbis, in societatem regni accepit? Ergo, dum nullum fastiditur genus, in quo eniteret virtus, crevit imperium Romanum. Pœniteat nunc vos plebei consulis, quum majores nostri advenas reges non fastidierint, & ne regibus quidem exactis clausa urbs fuerit peregrina virtuti. Claudiam certè gentem, post reges exactas, ex Sabinis non in civitatem modò accepimus, sed etiam in patriciorum numerum. Ex peregrinone patricius, deinde consul fiat? civis Romanus si sit ex plebe, præcisa consulatus spes erit? Utrum tandem non credimus fieri posse, ut vir fortis ac strenuus, pace bellogue bonus, ex plebe, sit Numa, L. Tarquinio, Ser. Tullio similis? An ne, si sit, quidem ad gubernacula reipublice accedere eum patiemur? potiusque decemviris, teterrimis mortalium, qui tum omnes ex Patribus erant, quàm optimis regum novis hominibus, similes consules sumus habituri?

IV. At enim nemo post reges exactos de plebe consul fuit. Quid postea? Nullane res nova institui debet? & quod nondum est factum (multa enim nondum sunt facta in novo populo) ea, ne si utilia quidem sint, fieri oportet? Pontifices, augures, Romulo regnante, nulli erant: ab Numa Pompilio creati sunt. census in civitate & descriptio centuriarum classiumque non erat: ab Ser. Tullio est facta. Consules nunquam fuerant: regibus exactis creati sunt. Dictatoris nec imperium nec nomen fuerat: apud patres esse cœpit. Tribuni plebis, adiles, quaestores, nulli erant: institutum est, ut fierent. Decemviros legibus scribendis intra decem hos annos & creavimus, & è republica sustulimus. Quis dubitat, quin, in æternum urbe condita, in immensum crescente, nova imperia, sacerdotia, jura gentium hominumque instituantur? Hoc ipsum, ne connubium Patribus cum plebe esset, non decemviri tulerunt paucis bis annis pessimo exemplo publico, cum summa injuria

*injuria plebis? An esse ullā major aut insignitior contumelia potest, quā partem civitatis, velut contaminatam, indignam consubio haberi? Quid est aliud, quā exsilium intra eadem mœnia, quā relegationem pati? Ne affinitatibus, ne propinquitatibus immisceamur, cavent; ne societur sanguis. Quid hoc si polluat nobilitatem istam vestram, quam plerique oriundī ex Albanis & Sabinis, non genere nec sanguine, sed per cooperationem in Patres habetis, aut ab regibus lecti, aut post reges exactos jussu populi; sinceram servare privatis consiliis non poteratis, nec ducendo ex plebe, neque vestras filias sororesque enubere sinendo à Patribus? Nemo plebeius patricia virgini vim afferret: patriciorum ista libido est. nemo invitum participationem nuptialem quemquam facere cōgisset. Verū enim verò lege id prohiberi, & connubium tolli Patrum ac plebis, id demum contumeliosum plebi est. cur enim non consertis, ne sit connubium divitibus ac pauperibus? Quod privatorum consiliorum ubique semper fuit, ut, in quam cuique femina convenisset domum, nuberet; ex qua pactus esset vir domo, in matrimonium duceret; id vos sub legis superbissima vincula conjicitis, quā dirimatis societatem civilem, duasque ex una civitate faciatis. Cur non sancitis, ne vicinus patricio sit plebeius? ne eodem itinere eat? ne idem convivium ineat? ne in foro eodem consistat? Quid enim in re est aliud, si plebeiam patricius duxerit, si patriciam plebeius? quid juris tandem mutatur? nempe patrem sequuntur liberi. nec, quod nos ex connubio vestro petamus, quicquam est, praterquam ut hominum, ut civium numero simus. nec, vos (nisi in contumelianam ignomiziamque nostram certare juvat) quod contendatis, quicquam est.*

V. Denique, utrū tandem populi Romani, an vestrum summum imperium est? Regibus exactis, utrū vobis dominatio, an omnibus aqua libertas parita est? Oportet licere populo Romano, si velit, jubere legem. an, ut quæque rogatio promulgata erit, vos delectum pro pœna decernetis? & simul ego tribuus vocare tribus in suffragium cæpero, tu statim consul sacramento juniores adiges, & in castra educes? &

minaberis plebi, minaberis tribuno? Quid, si non, quantum ista viua adversus plebis consensum valerent, bis jam experti essetis? scilicet, quia vobis consultum volebatis, certamine abstinuistis. an idem non est dimicatum, quod, quae pars firmior, eadem modestior fuit? Nec nunc erit certamen, Quirites. animos vestros illi tentabunt semper, vires non experientur. Itaque ad bella ista, seu falsa, seu vera sunt, consules, parata vobis plebes est, si, connubiis redditis, unam hanc civitatem tandem facitis; si coalescere, si jungi miscerique vobis privatis necessitudinibus possunt; si spes, si aditus ad honores viris strenuis et fortibus datur; si in consortio, si in societate recipi publicae esse, si, quod aequae libertatis est, in vicem annuis magistratibus parere atque imperitare licet. Si haec impediēt aliquis, ferte sermonibus, et multiplicata fama bella; nemo est nomen daturus, nemo arma capturus, nemo dimicaturus pro superbis dominis, cum quibus nec in re publica honorum, nec in privata connubii societas est.

VI. Quum in concionem et consules processissent, et res a perpetuis orationibus in altercationem vertisset; interroganti tribuno, cur plebeium consulem fieri non oporteret? ut fortasse verè, sic parum utiliter in praesens certamen respondit, quod nemo plebeius auspicia haberet. ideoque decemviros connubium diremisse, ne incerta prole auspicia turbarentur. Plebes ad id maxime indignatione exarsit, quod auspiciari, tanquam invisi Diis immortalibus, negarentur posse. nec ante finis contentionum fuit, (quam et tribunum acerrimum auctorem plebes nata esset, et ipsa cum eo pertinaciam certaret) quam victi tandem Patres, ut de connubio ferretur, consensere: ita maxime rati contentionem de plebeis consulibus tribunos aut totam deposituros, aut post bellum dilatos esse; contentamque interim connubio plebem paratam delectui fore. Quum Canuleius victoriam de Patribus et plebis favore ingens esset, accensi alii tribuni ad certamen, pro rogatione sua, summa vi pugnant, et, crescente in dies fama belli, delectum impediunt. Con-

sules,

fules, quum per senatum, intercedentibus tribunis, nihil agi posset, consilia principum domi habebant. apparebat, aut hostibus, aut civibus de victoria concedendum esse. Soli ex consularibus Valerius atque Horatius non intererant consiliis. C. Claudii sententia consules armabat in tribunos: Quinctiorum, Cincinatique & Capitolini, sententiæ abhorrebant à cæde violandisque, quos, fœdere isto cum plebe, sacrosanctos accepissent. Per hæc consilia eò deducta res est, ut tribunos militum consulari potestate promiscuè ex Patribus ac plebe creari sinerent; de consulibus creandis nihil mutaretur. eoque contenti tribuni, contenta plebs fuit. Comitia tribunis consulari potestate tribus creandis indicuntur. quibus indictis, extemplo, quicumque aliquid seditiosè dixerat, aut fecerat, quam maximè tribunicii, & pressare homines, & concurrere toto foro, candidati cœpere: ut patricios desperatio primò, irritata plebe, adipiscendî honoris, deinde indignatio, si cum his gerendus esset honos, deterreret, postremò coacti tamen à primoribus petere, ne cessasse possessione reipublicæ viderentur. Eventus eorum comitiorum docuit, alios animos in contentione libertatis dignitatisque, alios, secundum deposita certamina, incorrupto iudicio esse: tribunos enim omnes patricios creavit populus; contentus eo, quòd ratio habita plebeciorum esset. Hanc modestiam æquitatemque & altitudinem animi ubi nunc in uno inveneris, quæ tum populi universi fuit?

VII. Anno trecentesimo decimo, quàm urbs Roma condita erat, primùm tribuni militum pro consulibus magistratum incunt, A. Sempronius Atratinus, L. Atilius, T. Cæcilius; quorum in magistratu concordia domi pacem etiam foris præbuit. Sunt, qui propter adjectum Æquorum Volscorumque bello & Ardeatium defectioni Vejens bellum, quia duo consules obire tot simul bella nequirent, tribunos militum tres creatos dicant,



tant, sine mentione promulgatæ legis de consulibus creandis ex plebe, & imperio & insignibus consularibus usos. Non tamen pro firmato jam stetit magistratus ejus jus; quia tertio mense, quàm inierunt, augurum decreto, perinde ac vitio creati, honore abiere; quòd C. Curtius, qui comitiis eorum præfuerat, parum rectè tabernaculum cepisset. Legati ab Ardea Romanam venerunt, ita de injuria querentes, ut, si dederetur ea, in fœdere atque amicitia mansuros, restituto agro, appareret. Ab senatu responsum est, *judicium populi rescindi ab senatu non posse, præterquam quòd nullo nec exemplo nec jure fieret, concordia etiam ordinum causâ. Si Ardeates sua tempora expectare velint, arbitriumque senatui levanda injuria sua permittant, fore; ut postmodo gaudeant, se ira moderatos; sciantque, Patribus equè curæ fuisse, ne quæ injuria in eos oriretur, ac ne orta diuturna esset.* Ita legati, quum se rem integram relatueros dixissent, comiter dimissi. Patricii, quum sine curuli magistratu respública esset, coiere, & interregem creavere. contentio, consulesne, an tribuni militum crearentur, in interregno rem dies complures tenuit. Interrex ac senatus, consulum comitia; tribuni plebis & plebs, tribunorum militum ut habeantur, tendunt. Vicerunt Patres, quia & plebs, patriciis seu hunc seu illum delatura honorem, frustra certare supersedit: & principes plebis ea comitia malebant, quibus non haberetur ratio sui, quàm quibus ut indigni præterirentur. tribuni quoque plebis certamen sine effectu in beneficio apud primores Patrum reliquere. T. Quinctius Barbatus interrex consules creat L. Papirium Mugillanum, L. Sempronium Atratinum. His consulibus cum Ardeatibus fœdus renovatum est. idque monumenti est, consules eos illo anno fuisse, qui neque in annalibus priscis, neque in libris magistratuum inveniuntur. credo, quòd tribuni militum initio anni fuerunt, eo, perinde ac si totum annum in imperio fuerint, successis his consulibus, præter-

prætermiſſa nomina conſulum horum. Licinius Macer auctor eſt, & in fœdere Ardeatino, & in linteis libris ad Monetæ inventa. Et foris, quum tot terrores à ſinitimis oſtentati eſſent, & domi otium fuit.

VIII. Hunc annum (ſeu tribunos modò, ſeu tribunis ſuffectos conſules quoque habuit) ſequitur annus haud dubiis conſulibus, M. Geganio Macerino iterum, T. Quinctio Capitolino quintum conſulibus. Idem hic annus cenſuræ initium fuit, rei à parva origine ortæ: quæ deinde tanto incremento auſta eſt, ut morum diſciplinæque Romanæ penes eam regimen, ſenatus, equitumque centuriæ, decoris dedecoriſque diſcrimen ſub ditione ejus magiſtratus, publicorum juſ privato- rumque locorum, veſtigialia populi Romani ſub nutu atque arbitrio eſſent. Ortum autem initium rei eſt, quòd in populo, per multos annos incenſo, neque diſferri cenſus poterat, neque conſulibus, quum tot populo- rum bella imminerent, operæ erat id negotium agere. Mentio illata ab ſenatu eſt, *Rem operoſam ac mi- nimè conſularem ſuo proprio magiſtratu egere: cui ſcribarum miniſterium, cuſtodique & tabularum cura, cui arbitrium formæ cenſendi ſubjiceretur.* Et Patres, quanquam rem parvam, tamen, quo plures patricii magiſtratus in re- publica eſſent, læti acceperunt: id, quod evenit, futu- rum credo etiam rati, ut mox opes eorum, qui præſe- ſent, ipſi honori juſ majeſtatemque adjicerent. Et tri- buni, (id quod tunc erat) magis neceſſariam, quàm ſpe- cioſi miniſterii procurationem intuentes, ne in parvis quoque rebus incommodè adverſarentur, haud ſanè tetendere. Quum à primoribus civitatis ſpretus ho- nor eſſet, Papirium Semproniumque, quorum de con- ſulatu dubitatur, ut eo magiſtratu parum ſolidum conſulatum explerent, cenſui agendo populus ſuffragiis præfecit. Cenſores ab re appellati ſunt.

IX. Dum hæc Romæ geruntur, legati ab Ardea ve- niunt, pro veterrima ſocietate renovatoque fœdere

recenti, auxilium propè everſæ urbi implorantes. Frui namque pace, optimo confilio cum populo Romano ſervatâ, per inteſtina arma non licuit; quorum cauſa atque initium traditur ex certamine factionum ortum: quæ ſuete erantque pluribus populis magis exitio, quàm bella externa, quàm fames morbive, quæque alia in Deûm iras, velut ultima publicorum malorum, vertunt. Virginem plebei generis, maximè formâ notam, petiere juvenes: alter virgini genere par, tutoribus fratrès, qui & ipſi ejuſdem corporis erant; nobilis alter, nullâ re, præterquam formâ, captus. adjuvabant eam optimatium ſtudia, per quæ in domum quoque puellæ certamen partium penetravit, nobilis ſuperior ſudicio matris eſſe, quæ quàm ſplendiſſimis nuptiis jungi puellam volebat. tutores, in ea quoque re partem memores, ad ſuum tendere. Quum res peragi intra parietes nequiſſet, ventum in jus eſt. poſtulatũ audito matris tutorumque, magiſtratus ſecundum patientis arbitrium dant jus nuptiarum. ſed vis potentior eſt: namque tutores, inter ſuæ partis homines de injuria decreti palam in foro concionati, manu factâ virginem ex domo matris rapiunt. adverſus quos infeſtior coorta optimatium acies ſequitur accenſum injuriâ juvenem. fit prælium atrox. Pulſa plebs, nihil Romæ plebi ſimilis, armata ex urbe profeſta, colle quodam capto, in agros optimatium cum ferro ignique exarſerunt ſacile. urbem quoque, omnis etiam expertam ante certaminis, multitudinem opificum ad ſpem prædæ advocatâ, obſidere parat. nec ulla ſpecies eladeſque bellæ abeſt; velut contactâ civitate rabie duorum juvenum, funeſtes nuptias ex ocaſu patriæ petentium. Partem parti utriusque domi armorum bellicæ eſt viſum. optimatès Romanos ad auxilium urbis obſeſſæ, plebs ad expugnandam ſecum Ardeam Volſcos excitare. Priores Volſci, ducẽ Riquo Glælio, Ardeam venire, & quonibus hoſium vallum objicere. Quod ubi Romanis eſt

~~est~~ nunciatum, extemplo M. Geganius consul, cum exercitu profectus, tria millia passuum ab hoste locum castris cepit, præcipitique jam die curare corpora milites jubet. quartâ deinde vigiliâ signa profert: cæptumque opus adeo appropriatum est, ut, sole orto, Volsci firmiore se munimento ab Romanis circumvallatos, quàm à se urbem, viderent. & aliâ parte consul muro Ardez brachium injunxerat; quâ ex oppido sui commeare possent.

X. Volscus imperator, qui ad eam diem, non compectu præparato, sed ex populatione agrorum rapto in diem frumento, aluisset militem, postquam septus vallo repente inopem omnium rerum videt, ad colloquium consule evocato, si solvenda obsidionis causâ venerit Romanus, abducturum se inde Volscos, ait. Adversus ea consul, victis conditiones accipiendâs esse, non ferendas, respondit; neque, ut venerint ad oppugnandos socios populi Romani suo arbitrio, ita abituros Volscos esse. Dedi imperatorem, arma poni, jubet, fatentes victos se esse, & imperio parere, aliter, tam abeuntibus, quàm manentibus, se hostem insensum, victoriam potius ex Volscis, quàm pacem insidam, Romanis relaturum. Volsci exignam spem in armis, aliâ undique abscissâ, quum tentassent, præter cetera adversa loco quoque iniquo ad pugnam congressi, iniquiore ad fugam, quum ab omni parte cæderentur, ad preces à certamine versi, dedito imperatore traditisque armis, sub jugum missi, cum singulis vestimentis ignominie cladisque pleni, dimittuntur. & quum haud procul urbe Tusculo confedisent, vetere Tusculanorum odio inermes oppressi dederunt pœnas, vix nunciis cædis relictis. Romanus Ardez turbatas seditione res, principibus ejus motus securi percussis, bonisque eorum in publicum Ardeatium redactis, composuit: demptamque injuriam judicii tanto beneficio populi Romani Ardeates credebant; senatui superesse aliquid ad delendum publicæ avaritiæ monumentum videbatur. Con-

ful triumphans in urbem redit, Clodio duce Volscorum ante currum ducto, prælatisque spoliis, quibus dearmatum exercitum hostium sub jugum miserat. Æquavit, quod haud facile est, Quintius consul togatus armati gloriam collegæ: quia concordia pacisque domesticam curam, jura infimis summisque moderando, ita tenuit, ut cum & Patres severum consulem, & plebs satis comem crediderint. Et adversus tribunos auctoritate plura, quàm certamine, tenuit. quinque consulatus, eodem tenore gesti, vitæque omnis, consulariter acta, verendum penè ipsum magis, quàm honorem, faciebant. eo tribunorum militarium nulla mentio his consulibus fuit.

XI. Consules creant M. Fabium Vibulanum, Postumum Æbutium Cornicinem. Fabius & Æbutius consules, quo majori gloria rerum, domi forisque gestarum, succedere se cernebant, (maximè autem memorabilem annum apud finitimos socios hostesque esse, quod Ardeatibus in re præcipiti tantà foret curâ subventum) eo impensius, ut delerent prorsus ex animis hominum infamiam judicii, senatusconsultum fecerunt; ut, quoniam civitas Ardeatium intestino tumultu redacta ad paucos esset, coloni eò præsidii causâ adversus Volscos scriberentur. Hoc palam relatum in tabulas, ut plebem tribunosque falleret judicii rescindendi consilium initum. Consenserant autem, ut, multo majore parte Rutulorum colonorum, quàm Romanorum, scriptâ, nec ager ullus divideretur, nisi is, qui interceptus judicio infami erat; nec ulli prius Romano ibi, quàm omnibus Rutulis divisus esset, gleba ulla agri assignaretur. Sic ager ad Ardeates rediit. Triumviri ad coloniam Ardeam deducendam creati Agrippa Menenius, T. Clælius Sículus, M. Æbutius Elva. qui, per minimè populare ministerium agro assignando sociis, quem populus Romanus suum judicasset, quum plebem offenderent, ne primoribus quidem Patrum sa-

is accepti, quòd nihil gratiæ cuiusquam dederant; vexationes, ad populum jam die dicta ab tribunis, coloni adscripti remanendo in colonia, quam testem integritatis justitiæque habebant, vitavere.

XII. Pax domi forisque fuit & hoc & insequentis anno, C. Furio Pacilo & M. Papirio Crasso consulibus. Ludi, ab decemviris per secessionem plebis à Patribus ex senatusconsulto voti, eo anno facti sunt. Causa seditionum nequicquam à Pœtelio quæritur. qui, tribunus plebis iterum ea ipsa denunciando factus, neque, ut de agris dividendis plebi referrent consules ad senatum, pervincere potuit: &, quum magno certamine obtinuisset, ut consularentur Patres, consulum à tribunorum placeret comitia haberi, consules creari jussi sunt. ludibrioque erant minz tribuni, denunciantis se delectum impediturum; quum, quietis finitimis, neque bello, neque belli apparatu opus esset. Sequitur hanc tranquillitatem rerum annus, Proculo Geganiò Macerino, L. Menenio Lanato consulibus, multiplici clade ac periculo insignis, seditionibus, fame, regno propè per largitionis dulcedinem in cervices accepto. Unum afuit bellum externum: quo si aggravatæ res essent, vix ope Deorum omnium resisti potuisset. Coepere à fame mala, seu adversus annus frugibus fuit, seu dulcedine concionum & urbis deserto agrorum cultu. nam utrumque traditur. & Patres plebem desidem, & tribuni plebis nunc fraudem nunc negligentiam consulum accusabant. Postremò perpulere plebei, haud adversante senatu, ut L. Minucius præfectus annonæ crearetur; felicior in eo magistratu ad custodiam libertatis futurus, quàm ad curationem ministerii sui: quam postremò annonæ quoque levatæ haud immeritam & gratiam & gloriam tulit. Qui quum, multis circa finitimos populos legationibus terrâ marique nequicquam missis, (nisi quòd ex Etruria haud ita multum frumenti advectum est) nullum momentum an-

nonz fecisset; &, revolutus ad dispensationem inopiar, profiteri cogendo frumentum, & vendere, quod usu menstruo superesset, fraudandoque parte diurni cibâ servitia, criminando inde & obijciendo iræ populi frumentarios, acerbâ inquisitione aperiret magis, quam levaret, inopiam; multi ex plebe, spe amissâ, potius quam ut cruciarentur trahendo animam, capitibus obvolutis se in Tiberim præcipitaverunt.

XIII. Tum Sp. Mælius ex equestri ordine, ut illis temporibus, prædives, rem utilem, pessimo exemplo, pejore consilio, est aggressus. frumento namque ex Etruriâ privatâ pecuniâ per hospitem clientiumque ministeria coëmpto, (quæ, credo, ipsa res ad levandam publicâ curâ annonam impedimento fuerat) largitiones frumenti facere instituit: plebemque, hoc munere delinitam, quacunque incederet, conspectus clatusque supra modum hominis privati, secum trahere; haud dubium consulum favore ac spe despondentem. Ipse, ut est humanus animus insatiabilis eo, quod fortuna spondet, ad altiora & non concessa tendere. &, quoniam consulatus quoque eripiendus invitis Patribus esset, de regno agitare: id unum dignum tanto apparatu consiliorum & certamine, quod ingens exsudandum esset; præmium fore. Jam comitia consularia instabant. quæ res eum, nec dum compositis maturisve satis consiliis, oppressit. Consul sextum creatus T. Quinctius Capitolinus, minime opportunus vir novanti res: collega additur ei Agrippa Menenius, cui Lanato erat cognomen. & L. Minucius præfectus annonæ, seu refectus, seu, quoad res posceret, in incertum creatus. nihil enim constat, nisi in libros linteos utroque anno relatum inter magistratus præfecti nomen. Hic Minucius, eandem publicè curationem agens, quam Mælius privatim agendam susceperat, quum in utraque domo genus idem hominum versaretur, rem compertam ad senatum refert, *Tela in damum Melii conferri, eumque*  
*concione*

unctiones domi habere: ac non dubia regni consilia esse. tempus agenda rei nondum stare; cetera jam convenisse; et tribunos mercede emptos ad prodendam libertatem, et partita decibus multitudinis ministeria esse. Serius se penè, quàm tantum fuerit, ac cuius incerti vanique auctor esset, ea deferre. Quæ postquam sunt audita, & undique primores Patrum & prioris anni consules inereparent, quòd eas largitiones cœtusque plebis in privata domo passi essent fieri, & novos consules, quòd expectassent, donec à præfecto annonæ tanta res ad senatum deferretur, quæ consulenti non auctorem solum desideraret, sed etiam vindicem; tum T. Quinctius, consules immerito increpari, ait, qui, constructi legibus de provocatione ad dissolvendum imperium latis, nequaquam tantum virium in magistratu: ac nam rem pro atrocitate vindicandam, quantum animi, haberent. opus esse non forti solum viro, sed etiam libero exsolutoque legum vinculis. Itaque se dictatorem L. Quinctium dicturum. ibi animum parum tanta potestati esse. Approbantibus cunctis, primò Quinctius abnuere: &, quid sibi vellent, rogitari, qui se atate exactâ tanta dirimicationi objicerent. Dein, quum undique plus in illo senili animo non consilii modò, sed etiam virtutis esse, quàm in omnibus aliis dicerent, laudibusque haud immeritis onerarent, & consul nihil remitteret; precatus tandem Deos immortales Cincinnatus, ne senectus sua in tam tropidis rebus damno dedecoreve reipublicæ esset, dictator à consule dicitur ipse deinde C. Servilium Ahalem magistrum equitum dicit.

XIV. Postero die, dispositis præsidiis, quum in forum descendisset, conversaque in eum plebs novitate rei ac miraculo esset, & Mæliani atque ipse dux eorum in se intentam vim tantî imperii cernerent; expertes consiliorum regni, qui tumultus, quod bellum repens, aut dictatoriam majestatem, aut Quinctium post octogesium annum rectorem reipublicæ quæsisset, rogarent; missus ab dicta-



dictatore Servilius magister equitum ad Mælium, *Vocat te, inquit, dictator.* Quum pavidus ille, *quid vellet*, quæreret; Serviliusque *causam dicendam esse* proponeret. crimenque, à Minucio delatum ad senatum, diluendum; tunc Mælius recipere se in catervam suorum; & primum circumspiciens tergiversari: postremò, quum apparitor jussu magistri equitum duceret, ereptus à circumstantibus, fugiensque, fidem plebis Romanæ implorare: & opprimi se consensu Patrum dicere, quòd plebi benignè fecisset: orare, ut opem sibi ultimo in discrimine ferrent, neve ante oculos suos trucidari sinerent. Hæc cum vociferantem affecutus Ahala Servilius obtruncat: resperfusque cruore obtruncati, stipatus catervâ patriciorum juvenum, dictatori renunciat, vocatum ad eum Mælium, repulso apparitore concitantem multitudinem, pœnam meritam habere. Tum dictator, *Macte virtute, inquit, G. Servili, esto, liberatâ republicâ.*

XV. Tumultuantem deinde multitudinem incertâ existimatione facti, ad concionem vocari jussit; & Mælium jure casum, pronunciavit, etiam si regni crimine infons fuerit; qui vocatus à magistro equitum ad dictatorem non venisset. Se ad causam cognoscendam confedissee; quâ cognita, habiturum fuisse Mælium similem causa fortunam. Vim parantem, ne judicio se committeret, vi coercitum esse. nec cum eo, tanquam cum cive, agendum fuisse; qui natus in libero populo inter jura legesque, ex qua urbe reges exactos sciret, eodemque anno sororis filios regis, & liberos consulis liberatoris patria, propter passionem indicatam recipiendorum in urbem regum, à patre securi esse percussos; ex qua Collatinum Tarquinium consulem nominis odio abdicare se magistratu atque exulare jussum; in qua de Sp. Cassio, post aliquot annos, propter consilia inita de regno supplicium sumptum; in qua nuper decemviros bonis, exilio, capite multatos ob superbiam regiam, in ea Sp. Mælius spem regni conceperit. Et quis homo? quanquam nullam nobilitatem, nullos honores, nulla merita cuiquam ad dominationem pandere viam; sed tamen  
Clau-

*Clandios, Cassios, consulatibus, decemvratibus, factis majorumque honoribus, splendore familiarum sustulisse animos, quò nefas fuerit: Sp. Maelium, cui tribunatus plebis magis optandus, quàm sperandus, fuerit, frumentarium divitem, bilibris farris sperasse libertatem se civium suorum emisse, ciboque obijciendo ratum victorem finitimorum omnium populum in servitutem perlici posse: ut, quem senatorem concoquere civitas vix posset, regem ferret, Romuli conditoris, ab Diis orti, recepti ad Deos, insignia atque imperium habentem. Non pro scelere id magis, quàm pro monstro, habendum. Nec satis esse sanguine ejus expiatum, nisi testa parietesque, intra quæ tantum amentia conceptum esset, dissiparentur; bonaque, contacta pretiis regni mercandi, publicarentur. jubere itaque, quaestores vendere ea bona, atque in publicum redigere.*

XVI. Domum deinde, ut monumento area esset oppressæ nefariæ spei, dirui extemplo jussit. id *Æquimælium* appellatum est. L. Minucius bove aurato extra portam Trigemina est donatus, ne plebe quidem invitâ, quia frumentum Mælianum, assibus in modios æstimatum, plebi divisit. Hunc Minucium, apud quosdam auctores, transisse à Patribus ad plebem, undecimumque tribunum plebis cooptatum seditionem, motam ex Mæliana cæde, sedasse, invenio. Ceterum vix credibile est, numerum tribunorum Patres augeri passos, idque potissimum exemplum à patricio homine introductum; nec deinde id plebem concessum semel obtinuisse, aut certè tentasse. sed ante omnia refellit falsum imaginis titulum paucis antè annis lege cautum, ne tribunis collegam cooptare liceret. Q. Cæcilius, Q. Junius, Sext. Titinius, soli ex collegio tribunorum neque tulerant de honoribus Minucii legem; & criminari nunc Minucium, nunc Servilium apud plebem, querique indignam necem Mælii non destiterant. Per vicerunt igitur, ut tribunorum militum potius, quàm consulum, comitia haberentur; haud dubii, quin sex locis (tot enim jam creari licebat) & plebei aliqui, profitendo

fitendò se ultores fore Malianæ cædis, crearentur. Plebs, quanquam agitata multis eo anno, & variis motibus erat, nec plures, quam tres, tribunos consulari potestate creavit, & in iis L. Quinctium Cincinnati filium: ex cujus dictaturæ invidia tumultus quærebatur. Prælati suffragiis Quinctio Mam. Æmilius, vir summæ dignitatis. L. Julium tertium creant.

. XVII. In horum magistratû Fidenæ, colonia Romana, ad Lartem Tolumnium Vejentium regem ac Vejentes descere. Majus additum defectioni scelus. C. Fulcinium, Clodium Tullum, Sp. Ancium, L. Roscium, legatos Romanos, causam novi consilii quærentes, jussu Tolumnii interfecerunt. Levant quidam regis facinus. in tesserarum prospero jactu vocem ejus ambiguan, ut occidi jussisse videretur, ab Fidenatibus exceptam, causam mortis legatis fuisse. Rem incredibilem; interventu Fidenatium, novorum sociorum, consulentium de cæde rupturæ jus gentium, non aversum ab intentione lustris animum: nec deinde in horrorem, versum facinus. propius est fidem, obstringi Fidenatium populum, ne respicere spem ullam ab Romanis posset, conscientia tanti sceleris voluisse. Legatorum, qui Fidenis cæsi erant, statum publicè in Rostris positæ sunt. Cum Vejentibus Fidenatibusque, præterquam finitimis populis, ab causa etiam tam nefanda bellum exorsis, atrox dimicatio instabat. Itaque ad curam summæ rerum, quietâ plebe tribunisque ejus, nihil controversiæ fuit, quin consules crearentur M. Geganius Macerinus tertium & L. Sergius Fidenas; à bello credo, quod deinde gessit, appellatum. Hic enim primus eis Anienem cum rege Vejentium secundo prælio confixit, nec incruentam victoriam retulit. Major itaque ex civibus amissis dolor, quam lætitia fuis hostibus fuit. & senatus, ut in trepidis rebus, dictatorem dixi Mam. Æmilium jussit. Is magistrum equitum ex collegio prioris anni, quo simul tribuni militum consulari

sulari potestate fuerant, L. Quinctium Cincinnatum, dignum parente juvenem, dixit. Ad delectum à consulibus habitum centuriones veteres belli periti adjecti, & numerus amissorum proximâ pugna expletus. Legatos Quinctium Capitolinum & M. Fabium Vibulanum sequi se dictator jussit. Quum potestas major, tum vir quoque potestati par, hostes ex agro Romano trans Anienem submovere, collesque inter Fidenas atque Anienem ceperunt, referentes castra: nec antè in campos degressi sunt, quàm legiones auxilio Faliscorum venerunt. Tum demum castra Etruscorum promœnibus Fidenarum posita. & dictator Romanus haud procul inde ad confluentes consedit in utriusque ripis amnis, quâ sequi munimento poterat, vallo interposito. postero die in aciem eduxit.

XVIII. Inter hostes variæ fuere sententiæ. Faliscus, procul ab domo militiam agrè patiens, satisque fidens sibi, poscere pugnam: Vejenti Fidenati, que plus spei in trahendo bello esse. Tolumnius, quanquam suorum magis placebant consilia, ne longinquam militiam non paterentur Falisci, postero die se pugnaturum edicit. Dictatori ac Romanis, quod detrectasset pugnam hostis, animi accessere: posteroque die, jam militibus castra urbemque se oppugnatos frementibus, ni copia pugnae fiat, utrinque acies inter bina castra in medium campi procedunt. Vejens, multitudine abundans, qui inter dimicationem castra Romana aggredierentur, post montes circummisit. Trium populorum exercitus ita stetit instructus, ut dextrum cornu Vejentes, sinistrum Falisci tenerent, medii Fidenates essent. Dictator dextro cornu adversus Faliscos, sinistro contra Vejentem Capitolinus Quinctius intulit signa. ante mediam aciem cum equitatu magister equitum processit. Parumper silentium & quies fuit, nec Etruscia, nisi cogerentur, pugnam inituris, & dictatore arceam Romanam respiciente, ut ab auguri-

bus,

bus, simul aves rite admisissent, ex composito tolleretur signum. Quod simul conspexit, primos equites clamore sublato in hostem emisit. secuta peditum acies ingenti vi conflixit. Nullâ parte legiones Etruscæ sustinere impetum Romanorum. eques maximè resistebat; equitumque longè fortissimus ipse rex, ab omni parte effusè sequentibus obequitans Romanis, trahēbat certamen.

XIX. Erat tum inter equites tribunus militum A. Cornelius Cossus, eximiâ pulchritudine corporis, animo ac viribus par, memorque generis, quod, amplissimum acceptum, majus auctiusque reliquit posteris. Is quum ad impetum Tolumnii, quacunq; se intendisset, trepidantes Romanas videret turmas, insignemque cum regio habitu volitantem totâ acie cognovisset, *Hæcine est, inquit, ruptor fœderis humani, violatorque gentium jûris? jam ego hanc mactatam victimam, (si modò sancti quicquam in terris esse Dii volunt) legatorum manibus dabo.* Calcaribus subditis, infestâ cuspide in unum fertur hostem. quem quum ictum equo dejecisset, confestim & ipse hastâ innisus se in pedes excepit. Assurgentem ibi regem umbone resupinat, repetitumque sæpius cuspide ad terram affixit. tum exsanguî detracta spolia; caputque abscissum victor spiculo gerens, terrore cæsi regis hostes fundit. Ita equitum quoque fusa acies, quæ una fecerat anceps certamen. Dictator legionibus fugatis instat, & ad castra compulsos cædit. Fidenatium plurimi locorum notitiâ effugere in montes. Cossus, Tiberim cum equitatu transvectus, ex agro Vejentano ingentem detulit prædam ad urbem. Inter prælium & ad castra Romana pugnatum est adversus partem copiarum, ab Tolumnio, ut antè dictum est, ad castra missam. Fabius Vibulanus coronâ primûm vallum defendit: intentos deinde hostes in vallum, egressus dextrâ principali cum triariis repente invadit. quæ pavore injecto, cædes minor, quia pauciores

maiores erant; fuga non minùs trepida, quàm in acie, fuit.

XX. Omnibus locis re bene gestà, dictator senatus-consulto jussuque populi triumphans in urbem rediit. Longè maximum triumphì spectaculum fuit Cossus, spolia opima regis interfecti gerens. in eum milites càmmina incondita, æquantes eum Romulo, canere. Spolia in æde Jovis Feretrii prope Romuli spolia, quæ, prima Opima appellata, sola eà tempestate erant, cum solenni dedicatione dono fixit. averteratque in se à curru dictatoris civium ora, & celebritatis ejus diè fructum propè solus tulerat. Dictator coronam auream libram pondo ex publica pecunia, populi jussu, in Capitolio Jovi donum posuit. Omnes ante me auctores secutus, A. Cornelium Cossum tribunum militum secunda spolia opima Jovis Feretrii templo intulisse, exposui. ceterùm, præterquam quòd ea rite opima spolia habentur, quæ dux duci detraxit; nec ducem novimus, nisi cujus auspicio bellum geritur; titulus ipse, spoliis inscriptus, illos meque arguit, consulem eà Cossum cepisse. Hoc ego quum Augustum Cæsarem, templorum omnium conditorem aut restitutorem, ingressum ædem Feretrii Jovis, quam vetustate dilapsam refecit, se ipsum in thorace linteo scriptum legisse audissem; propè sacrilegium ratus sum, Cossò spoliolorum suorum Cæsarem, ipsius templi auctorem, subtrahere testem. qui si ea in re sit error, quòd tam veteres annales, quòdque magistratum libri, quos linteos in æde repositos Monetæ Macer Licinius citat identidem auctores, nonò post demum anno cum T. Quintio Penno A. Cornelium Cossum consulem habeant; existimatio communis omnibus est. nam etiam illud accedit, ne tam clara pugna in eum annum transferri posset, quòd imbelles triennium ferme pestilentia inoplaque frugum circa A. Corneliū consulem fuit: adeò ut quidam annales, velut funesti, nihil præter nomina consulum sugge-

suggerant. Tertius ab consulatu Cossi annus tribunum eum militum consulari potestate habet; eodem anno magistrum equitum: quo in imperio alteram insignem edidit pugnam equestrem. ea libera conjectura est. Sed, (ut ego arbitror) vana versare in omnes opiniones licet: quum auctor pugnae, recentibus spoliis in sacra sede positis, Jovem propè ipsum, cui vota erant, Romulumque intuens, haud spernendos falsi tituli testes, se A. Cornelium Cossium consulem scripserit.

XXI. M. Cornelio Maluginense, L. Papirio Crasso consulibus, exercitus in agrum Vejentem ac Faliscum ducti: praeda abacta hominum pecorumque: hostis in agris nusquam inventus, neque pugnandi copia facta, urbes tamen non oppugnatae, quia pestilentia populum invasit. Et seditiones domi quassatae sunt, nec motus tamen, ab Sp. Maelio tribuno plebis; qui, favore nominis moturum se aliquid ratus, & Minucio diem dixerat, & rogationem de publicandis bonis Servilii Ahalae tulerat: falsis criminibus à Minucio circumventum Maelium arguens, Servilio caedem civis indemnati obijciens. quae vapores ad populum ipso auctore fuere. Ceterum magis vis morbi ingravescens curae erat, terroresque ac prodigia; maxime quod crebris motibus terrae ruere in agris nuntiabantur testa. Obsecratio itaque à populo, duumviris praeventibus, est facta. Pestilentior inde annus, C. Julio iterum & L. Virginio consulibus, tantum metum vastitatis in urbe agrisque fecit, ut non modo praedandi causa quisquam ex agro Romano non exiret, bellive inferendi memoria Patribus aut plebi esset; sed ultro Fidenates, qui se primo aut oppido, aut montibus, aut muris tenuerant, populabundi descenderent in agrum Romanum. deinde, Vejentium exercitu accito, (nam Falisci percelli ad instaurandum bellum, neque clade Romanorum, neque sociorum precibus, potuerunt) duo populi transire Anienem; atque haud procul Collina portae signa habere.

buere. Trepidatum itaque, non in agris magis, quam in urbe, est. Julius consul in aggere murisque explicat copias. à Virginio senatus in æde Quirini consulitur. Dictatorem dici A. Servilium placet, cui Prisco alii, alii Struſto fuiſſe cognomen tradunt. Virginius, dum collegam conſuleret, moratus, permittente eo, nocte dictatorem dixit. is ſibi magiſtrum equitum Poſtumum Æbutium Elvam dicit.

XXII. Dictator omnes luce primâ extra portam Collinam aſſeſſe jubet. quibuſcunque vires ſuppeteabant ad arma ferenda, præſto fuere: ſigna ex ærario prompta feruntur ad dictatorem. Quæ quum agerentur, hoſtes in loca altiora conceſſere. eò dictator agmine infeſto ſubit: nec procul Nomento ſignis collatis, fudit Etruſcas legiones. compulſit inde in urbem Fidenas, valloque circumdedit. Sed neque ſcalis capi poterat urbs alta & munita; neque in obſidione viſ ulla erat, quia frumentum non neceſſitati modò ſatis, ſed copiarum quoque, abunde ex antè conveſto ſufficiebat. Ita, expugnandi pariter cogendique ad deditionem ſpe amiſſâ, dictator in locis, propter propinquitatem notis, ab averſa parte urbis maxime neglecta, quia ſuapte naturâ tutiſſima erat, agere in arcem cuniculum inſtituit. ipſe, diverſiſſimis locis ſubeundo ad mœnia quadrifariam diviſo exercitu, qui alii aliis ſuccederent ad pugnam, continenti die ac nocte prælio ab ſenſu operis hoſtes avertebat: donec, perſoſſo à caſtris monte, erecta in arcem via eſt; intentiſque Etruſcis ad vanas à certo periculo minas, clamor ſupra caput hoſtilis captam urbem oſtendit. Eo anno C. Furius Paculus & M. Geganius Macerinus cenſores villam publicam in campo Martio probaverunt: ibique primum cenſus populi eſt actus.

XXIII. Eoſdem conſules inſequenti anno reſectos, Julium tertium, Virginium iterum, apud Macrum Licinium invenio. Valerius Antias & Q. Tubero M. Manlium



Manlium & Q. Sulpicium consules in eum annum eundem. ceterum in tam discrepante editione & Tubero & Macer libros linteos auctores profitentur: neuter, tribunos militum eo anno fuisse, traditum à scriptoribus antiquis dissimulat. Licinio libros haud dubiè sequi linteos placet: & Tubero incertus veri est. sed inter cetera, vetustate incomperta, hoc quoque in incerto positum. Trepidatum in Etruria est post Fidenas captas, non Vejentibus solùm exterritis metu similis excidii, sed etiam Faliscis memorià initi primò cum iis belli: quanquam rebellantibus non adfuerant. Igitur quum duæ civitates, legatis circa duodecim populos missis, impetrassent, ut ad Voltumnæ fanum indiceretur omni Etruriæ concilium; velut magno inde tumultu imminente, senatus Mam. Æmilium dictatorem iterum dici iussit. ab eo A. Postumius Tubertus magister equitum est dictus; bellumque tanto majore, quàm proximo, conatu apparatus est, quanto plus erat ab omni Etruria periculi, quàm ab duobus populis fuerat.

XXIV. Ea res aliquanto exspectatione omnium tranquillior fuit. Itaque quum renunciatum à mercatoribus esset, negata Vejentibus auxilia, iussosque suo consilio bellum initum suis viribus exsequi, nec adversarum rerum querere socios, cum quibus spem integram communicati non sint: tum dictator, ne nequicquam creatus esset, materià querendæ bello gloriæ adempta, in pace aliquid operis edere, quod monumentum esset dictaturæ, cupiens, censuram minuere parat: seu nimiam potestatem ratus, seu non tam magnitudine honoris, quàm diuturnitate, offensus. Concione itaque advocatâ, *republicam foris gerendam, ait, itaque omnia præstanda, Deos immortales suscepisse: se, quod intra muros agendum esset, libertati populi Romani confuturum. maximam autem ejus custodiam esse, si magna imperia diuturna non essent; & temporis modus imponeretur,*  
quibus

quibus juris imponi non posset. Alios magistratus annuos esse, quinquennalem censuram : grave esse, iisdem per tot annos magnâ parte vitæ obnoxios vivere. se legem laturum, ne plus, quàm annua ac semestris, censura esset. Consensu ingenti populi legem postero die pertulit. Et, ut re ipsâ, inquit, sciatis Quirites, quàm mihi diuturna non placeant imperia, dictaturâ me abdicô. Deposito suo magistratu, modo aliorum magistratui imposito, sine alteri, cum gratulatione ac favore ingenti populi domum est reductus. Censores ægrè passi, Mamercum, quod magistratum populi Romani minuisse, tribu moverunt, octuplicatoque censu ærarium fecerunt, quam rem ipsum ingenti animo tulisse ferunt, causam potius ignominie intuentem, quàm ignominiam ; primores Patrum, quamquam deminutum censure jus noluisent, exemplo a terbitatis censorie offensos : quippe quum se quisque diutius ac sæpius subiectum censoribus fore cerneret, quàm censuram gesturum. Populi certè tanta indignatio coorta dicitur, ut vis à censoribus nullius auctoritate, præterquam ipsius Mamerci, deterreri quiverit.

XXV. Tribuni plebis, assiduis concionibus prohibendo consularia comitia, quum res propè ad interregnum perducta esset, evicere tandem, ut tribuni militum consulari potestate crearentur : victorie præmium, quod petebatur, ut plebeius crearetur, nullum fuit. omnes patricii creati sunt, M. Fabius Vibulanus, M. Fostius, L. Sergius Fidenas. Pestilentia eo anno aliarum rerum otium præbuit. ædis Apollini pro valetudine populi vota est. multa duumviri ex libris, placandæ Deum iræ, avertendæque à populo pestis causâ, fecere : magna tamen clades in urbe agrisque, promiscuè hominum pecorumque pernicie, accepta. famem cultoribus agrorum timentes in Etruriam, Pomptinumque agrum & Cumas, postremò in Siciliam quoque frumenti causâ misere. Consularium comitorum nulla mentio habita est. Tribuni militum consulari

fulari potestate omnes patricii creati sunt, L. Pinarius Mamercinus, L. Furius Medullinus, Sp. Postumius Albus. Eo anno vis morbi levata, neque à penuria frumenti, quia antè provifum erat, periculum fuit. Confilia ad movenda bella in Volſcorum Æquorumque conciliis, & in Etruria ad fanum Voltumnæ, agitata. Ibi prolata in annum res, decretoque cautum, ne quod antè concilium fieret; nequicquam Vejente populo querente, eandem, quâ Fidenæ deletæ ſint, imminere Vejis fortunam. Interim Romæ principes plebis, jam diu nequicquam imminentes ſpei majoris honoris, dum foris otium eſſet, cœtus indicare in domos tribunorum plebei. ibi ſecreta confilia agitare: queri, *ſe à plebe ad-  
eò ſpretos, ut, quum per tot annos tribuni militum conſulari  
potestate creentur, nulli unquam plebeio ad eum honorem ad-  
itus fuerit. multum providiſſe ſuos majores, qui caverint, ne  
cui patricio plebeii magiſtratus paterent; aut patricos habendos  
fuiſſe tribunos plebei. adeò ſe ſuis etiam ſordere, nec à plebe  
minus, quàm à Patribus contemni.* Alii purgare plebem, culpam in Patres vertere: *eorum ambitione artibusque  
fieri, ut obſeptum plebi ſit ad honorem iter. ſi plebi reſpi-  
rare ab eorum mixtis precibus minimis que liceat, memorem eam  
ſuorum inituram ſuffragia eſſe, & parto auxilio imperium quoque  
adſcituram.* Placet, tollendæ ambitionis cauſâ tribunos legem promulgare, ne cui album in veſtimentum addere, petitionis liceret cauſâ. Parva nunc res, & vix ſeriò agenda videri poſſit, quæ tunc ingenti certamine Patres ac plebem accendit. Vicere tamen tribuni, ut legem perferrent: apparebatque, irritatis animis, plebem ad ſuos ſtudia inclinaturam. quæ ne libera eſſent, ſenatusconſultum factum eſt, ut conſularia comitia haberentur.

XXVI. Tumultus cauſa fuit, quem ab Æquis & Volſcis Latini atque Hernici nunciârunt. T. Quinctius, Lucii filius, Cincinnatus (eidem & Penno cognomen additur) & C. Julius Mento, conſules facti: nec  
ultra

ultra terror bellī est dilatus. Lege sacratā, quæ maxima apud eos vis cogendæ militiæ erat, delectu habito, utrinque validi exercitus profecti in Algidum convenere. ibique, seorsum Æqui, seorsum Volsci, castra communivere; intentiorque, quàm unquam antè, munienti exercendique militem cura ducibus erat. eo plus nuncii terroris Romam attulere. Senatui dictatorem dici placuit: quia, etsi sæpe victi populi, majore tamen conatu, quàm aliàs unquam, rebellarent: & aliquantum Romanæ juventutis morbo absumptum erat: ante omnia pravitas consulum discordiaque inter ipsos, & certamina in consiliis omnibus terrebant. Sunt, quib. malè pugnatum ab his consulibus in Algido auctores fiat, eamque causam dictatoris creandi fuisse. Illud satis constat, ad alia discordes in uno adversus Patrum voluntatem consensisse, ne dicerent dictatorem: donec, quum alia aliis terribilliora adferrentur, nec in auctoritate senatus consules essent, Q. Servilius Priscus, summis honoribus egregiè usus, *Vos, inquit, tribuni plebis, quoniam ad extrema ventum est, senatus appellat, ut in tanto discrimine reipublica dictatorem dicere consules pro potestate vestra cogatis.* Quâ voce auditâ, occasionem oblatam rati tribuni augendæ potestatis secedunt, proque collegio pronunciant, *placere, consules senatui dicto audientes esse: si adversus consensum amplissimi ordinis ultra tendant, in vincula se duci eos iussuros.* Consules ab tribunis, quàm ab senatu, vinci maluerunt; proditum à Patribus summi imperii jus, datumque sub jugum tribuniciæ potestati consulatum memorantes; siquidem cogi aliquid pro potestate ab tribuno consules, & (quid ulterius privato timendum foret?) in vincula etiam duci possent. Sors, ut dictatorem diceret, (nam ne id quidem inter collegas convenerat). T. Quintiō evenit. is A. Postumium Tubertum, socerum suum, severissimi imperii virum, dictatorem dixit: ab eo L. Julius magister equitum est dictus, simul edictum: &

justitium : neque aliud totâ urbe agi, quàm bellum apparari : cogitatio vacantium militiæ munere post bellum differtur. ita dubii quoque inclinant ad nomina danda. & Hernicis Latinisque milites imperati. utrinque enixè obeditum dictatori est.

XXVII. Hæc omnia celeritate ingenti acta : reliquoque C. Julio consule ad præsidium urbis, & L. Julio magistro equitum ad subita belli ministeria, ne quæ res, quâ eguissent in castris, moraretur, dictator, præeunte A. Cornelio pontifice maximo, ludos magnos tumultus causâ vocit : profectusque ab urbe, divise eum Quinctio consule exercitu, ad hostes pervenit. Sicut bina castra hostium, parvo inter se spatio distantia, viderant, ipsi quoque mille ferme passus ab hoste, dictator Tusculo, consul Lanuvio, propiorem locum castris ceperunt. Ita quatuor exercitus, totidem munimenta, planitiem in medio, non parvis modò excursionibus ad prælia, sed vel ad explicandas utrinque acies satis patentem, habebant. nec, ex quo castris castra collata sunt, cessatum à levibus proeliis est ; facile patiente dictatore, conferendo vires spem universæ victoriæ, tentato paulatim eventu certaminum, suos præcipere. Itaque hostes, nullâ in prælio justo relicta spe, noctu adorti castra consulis, rem in casum ancipitis eventus committunt. Clamor subito ortus, non consulis modò vigiles, exercitum deinde omnem, sed dictatorem quoque ex somno excitavit. Ubi præsentis ope res egebant, consul nec animo defecit, nec consilio : pars militum portarum stationes firmant : pars coronâ valium cingunt. In alteris apud dictatorem castris, quo minus tumultus est, eo plus animadvertitur, quid opus facto sit. nullo contempto ad castra subsidio, cui Sp. Postumius Albus legatus præficitur, ipse parte copiarum parvo circuitu locum maximè secretum ab tumultu petit, unde ex necopinato aversum hostem invadat. Q. Sulpicium legatum præficit castris :

M. Fa-

M. Fabio legato assignat equites. nec ante lucem movere jubet manum, inter nocturnos tumultus moderatum difficilem. Omnia, quæ vel alius imperator prudens & impiger in tali re præciperet ageretque, præcipit ordine atque agit. illud eximium consilii animique specimen, & neutiquam vulgatæ laudis, quod ultro ad oppugnanda castra hostium, unde majore agmine profectos exploratum fuerat, M. Geganium cum cohortibus delectis misit. qui, postquam intentos homines in eventum periculi alieni, pro se incautos neglectis vigiliis stationibusque, est adortus, prius penè cepit castra, quàm oppugnari hostes satis scirent. inde, fumo, ut convenerat, datum signum ubi conspectum ab dictatore est, exclamat, capta hostium castra, nunciarique passim jubet.

XXVIII. Et jam lucebat, omniaque sub oculis erant: & Fabius cum equitatu impetum dederat, & consul eruptionem e castris in trepidos jam hostes fecerat. Dictator autem, parte alterà subsidia & secundam aciem adortus, circumagenti se ad dissonos clamores ac subitos tumultus hosti undique objecerat victorem peditem equitemque. Circumventi igitur jam in medio ad unum omnes pœnas rebellionis dedissent, ni Vectius Messius ex Volscis, nobilior vir fastig, quàm genere, jam orbem volventes suos increpans clarâ voce, *Hic prœbituri, inquit, vos telis hostium estis indefensi, inulti? Quid igitur arma habetis? aut quid ultra bellum intulistis; in otio tumultuosi, in bello segnes? Quid hic stantibus spei est? an Deum aliquem protecturum vos, rapturamque hinc putatis? ferro via facienda est. Hæc, quæ me prægressum videritis, agite, qui visuri domos, parentes, conjuges, liberos estis, ite mecum. Non murus, nec vallum, sed armati armatis obstant. virtute paret, necessitate, quæ ultimum ac maximum telum est, superiores estis. Hæc locutum exsequentemque dicta redintegrato clamore secuti, dant impressionem, quâ Postumius Albus cohortes*

tes objecerat : & moverunt victorem, donec dictator, pedem jam referentibus suis, advenit : eoque omne prælium versum est. Uni viro Messio fortuna hostium ininitur. multa utrinque vulnera, multa passim cædes est. Jam ne duces quidem Romani incruenti pugnant. Unus Postumius, ictus saxo, perfracto capite, acie excessit. non dictatorem humerus vulneratus, non Fabium propè affixum equo femur, non brachium abscissum consulem ex tam ancipiti prælio submovit.

XXIX. Messium impetus per stratos cæde hostes cum globo fortissimorum juvenum extulit ad castra Volscorum, quæ nondum capta erant. eodem omnis acies inclinatur. Consul, effusos usque ad vallum persecutus, ipsa castra vallumque aggreditur. eodem & dictator aliâ parte copias admovet. non segnior oppugnationis est, quàm pugna fuerat. Consulem signum quoque intra vallum iniecisse ferunt, quo milites acrius subirent; repetendoque signo primam impressionem factam. Et dictator, proruto vallo, jam in castra prælium intulerat. Tum abjici passim arma, ac dedi hostes cæpti. castrisque & his captis, hostes, præter senatores, omnes venundati sunt. Prædæ pars sua cognoscentibus Latinis atque Hernicis reddita; partem sub hasta dictator vendidit : præpositoque consule castris, ipse, triumphans investus urbem, dictaturâ se abdicavit. Egregiæ dictaturæ tristem memoriam faciunt, qui filium ab A. Postumio, quod, occasione bene pugnandi captus, injussu decesserit præsidio, victorem securi percussus tradunt. nec libet credere; & licet, in variis opinionibus: & argumento est, quod *Imperia Manliana*, non *Postumiana*, appellata sint: quum, qui prior auctor tam sævi exempli foret, occupaturus insignem titulum crudelitatis fuerit. *Imperioso* quoque Manlio cognomen inditum: Postumius nullâ tristi notâ est insignitus. C. Julius consul ædem Apollinis, absente collegâ, sine sorte dedicavit: ægrè id passus Quinctius, quum, di-

mille

misso exercitu, in urbem redisset, nequicquam in senatu est conquestus. Insigni magnis rebus anno additur, nihil tum ad rem Romanam pertinere visum, quòd Karthaginenses, tanti hostes futuri, tum primum per seditiones Siculorum ad partis alterius auxilium in Siciliam exercitum trajecere.

XXX. Agitatum in urbe ab tribunis plebis, ut tribuni militum consulari potestate crearentur; nec obtineri potuit. Consules fiunt L. Papirius Crassus, L. Julius. Æquorum legati fœdus ab senatu cum petissent, & pro fœdere deditio ostentaretur, inducias annorum octo impetraverunt. Volscorum res, super acceptam in Algido cladem, pertinaci certamine inter pacis bellique auctores in iurgia & seditiones versa. Undique otium fuit Romanis. Legem de multarum æstimatione pergratam populo, quum ab tribunis parari consules unius ex collegio proditione exceperant, ipsi præoccupaverunt ferre. Consules L. Sergius Fidenas iterum, Hostus Lucretius Tricipitinus. Nihil dignum dictu actum his consulibus. Secuti eos consules, A. Cornelius Cossus, T. Quinctius Pennus iterum. Venientes in agrum Romanum excursions fecerunt. Fama fuit, quosdam ex Fidenatium juventute participes ejus populationis fuisse: cognitioque ejus rei L. Sergio, & Q. Servilio, & Mam. Æmilio permessa. Quidam Ostiam relegati, quòd, cur per eos dies à Fidenis afuissent, parum constabat. colonorum additus numerus, agerque iis bello interemptorum assignatus. Siccitate eo anno plurimum laboratum est: nec cœlestes modò defuerunt aquæ, sed terra quoque, ingenito humore egens, vix ad perennes suffecit amnes. defectus alibi aquarum circa torridos fontes rivosque stragem sui pecorum morientium dedit: scabie alia absumpta: vulgatique contactu in homines morbi, & primò in agrestes ingrueant servitiaque. urbs deinde impletur. Nec corpora modò affecta tabo, sed animos quoque



inmultiplex religio, & pleraque externa, invasit; novos ritus sacrificandi vaticinando inferentibus in domos, quibus quæstui sunt capti superstitione animi: donec publicus jam pudor ad primores civitatis pervenit, cernentes in omnibus vicis sacellisque peregrina atque insolita piacula pacis Deum exposcendæ. Datum inde negotium ædilibus, ut animadverterent, ne qui, nisi Romani Dii, neu quo alio more, quam patrio, colebantur. Iræ adversus Veientes in insequentem annum, C. Servilium Ahalam, L. Papirium Mugillanum consules, dilatæ sunt. Tunc quoque, ne confestim bellum indiceretur, neve exercitus mitterentur, religio obstetit. feciales prius mittendos ad res repetendas censuerunt. Cum Veientibus nuper acie dimicatum ad Nomentum & Fidenas fuerat: induciæque inde, non pax, facta, quarum & dies exierat, & ante diem rebellaverant. Missi tamen feciales: nec eorum, quum more patrum jurati repeterent res, verba sunt audita. Controversia inde fuit, utrum populi jussu indiceretur bellum, an satis esset senatusconsultum. Pervicere tribuni, denunciando impedituros se delectum, ut consules de bello ad populum ferrent. omnes centuriæ jussere. In eo quoque plebs superior fuit, quod tenuit, ne consules in proximum annum crearentur.

XXXI. Tribuni militum consulari potestate quatuor creati sunt, T. Quinctius Pennus ex consulatu, C. Furius, M. Postumius, A. Cornelius Cossus. ex iis Cossus præfuit urbi. tres, delectu habito, profecti sunt Vejos, documentoque fuere, quam plurimum imperium bello inutile esset. Tendendo ad sua quisque consilia, quum aliud alii videretur, aperuerunt ad occasionem locum hosti. incertam namque aciem, signum aliis dari receptui, aliis cani jubentibus, invasere opportunè Veientes: castra propinqua turbatos ac terga dantes accipere. plus itaque ignominie, quam cladis, est acceptum. Mœsta civitas fuit, vinci insueta: .odisse tribunos,

duos, poscere dictatorem, in eo verti spes civitatis. & quum ibi quoque religio obstaret, ne non posset nisi ab consule dici dictator, augures consulti eam religionem eximere. A. Cornelius dictatorem Mam. Æmilius dixit: & ipse ab eo magister equitum est dictus. Adeò, simul fortuna civitatis virtute verà eguit, nihil censoria animadversio effecit, quo minus regimen rerum ex notata indignè domo peteretur. Vejentes, re secundà elati, missis circum Etruriæ populos legatis, jactando tres duces Romanes ab se uno proelio fuisse, quum tamen nullam publici consilii societatem movissent, voluntarios undique ad spem prædæ adsciverunt. Uni Fidenatium populo rebellare placuit: & tanquam nisi ab scelere bellum ordiri nefas esset, sicut legatorum antea, ita tum novorum colonorum cæde imbutis armis, Vejentibus sese conjungunt. Consultare inde principes duorum populorum, Vejos an Fidenas sedem belli caperent. Fidenæ viis opportuniores. itaque, trajecto Tiberi, Vejentes Fidenas transfulerunt bellum. Romæ terror ingens erat: accito exercitu ab Vejis, eoque ipso ab re malè gesta perculso, castra locantur ante portam Collinam, & in muris armati dispositi, & justitium in foro, tabernæque clausæ: suntque omnia castris, quàm urbi, similiora.

XXXII. Tum trepidam civitatem, præconibus per vicos dimissis, dictator ad concionem advocatam increpuit, quòd animos ex tam levidus fortune momentis suspensos gererent, ut, parvâ jacturâ acceptâ, quæ ipsa non virtute hostium, nec ignaviâ Romani exercitus, sed discordiâ imperatorum, accepta sit, Vejentem, hostem sexies victum, pertimescant, Fidenasque propè sæpius captas quàm oppugnatas. Eosdem & Romanos & hostes esse, qui per tot secula fuerint: eosdem animos, easdem corporis vires, eadem arma gerere. se quoque eundem dictatorem Mam. Æmiliam esse, qui antè Vejentium Fidenatiumque, adjunctis Faliscis, ad Nomentum exercitus fuderit: & magistrum equitum A. Cornelium cum-

dem in acie fore, qui priore bello tribunus militum, Larte Tolumnio rege Vejentium in conspectu duorum exercituum occiso, spolia opima Jovis Feretrii templo intulerit. Prois memores, secum triumphos, secum spolia, secum victoriam esse; cum hostibus scelus legatorum contra jus gentium interfectorum, eadem in pace Fidenatum colonorum, inducias ruptas, septimam infelicem defectionem, arma caperent. Simul castra castris conjunxissent, satis confidere, nec sceleratissimis hostibus diuturnum ex ignominia exercitus Romani gaudium fore; & populum Romanum intellecturum, quanto melius de republica meriti sint, qui se dictatorem tertium dixerint; quam eos, qui, ob creptum censura regnum, labem secunda dictatura sua imposuerint. Votis deinde nuncupatis profectus, mille & quingentos passus citra Fidenas castra locat: dextrâ montibus, lævâ Tiberi amne septus. T. Quintium Pennum legatum occupare montes jubet, occultumque id jugum capere, quod ab tergo hostibus foret. Ipse postero die, quum Etrusci pleni animorum ab pristini diei meliore occasione, quam pugna, in aciem processissent, cunctatus parumper, dum speculatores referrent, Quintium evasisse in jugum propinquum arcis Fidenarum, signa profert: peditumque aciem instructam pleno gradu in hostem inducit: magistro equitum præcipit, ne injussu pugnam inciperet: se, quum opus sit, equestri auxilio signum daturum. tum ut memor regia pugna, memor opimi doni, Romulique ac Jovis Feretrii, rem gereret. Legiones impetu ingenti configunt. Romanus odio accensus, impium Fidenatem, prædonem Vejentem, ruptores induciarum, cruentos legatorum infandâ cæde, resperfos sanguine colonorum suorum, perfidos socios, imbelles hostes compellans, factis simul dictisque odium explet.

XXXIII. Concusserat primo statim congressu hostem: quum repentè, patefactis Fidenarum portis, nova erumpit acies, inaudita ante id tempus invisitata.  
que.

que. ignibus armata ingens multitudo, facibusque ardentibus tota collucens, velut fanatico instincta cursu, in hostem ruit: formaque insolitæ pugnae Romanos pa-  
rumper exterruit. Tum dictator, magistro equitum equitibusque, tum ex montibus Quintio accito, prælium ciens, ipse in sinistrum cornu, quod, incendio similis quàm prælio, territum cesserat flammis, accurrit: clarâque voce, *Fumône victi, inquit, velut examen apum loco vestro exacti, inermi sedetis hosti? Non ferro exstinguetis ignes? non faces has ipsas pro se quisque, si igni, non telis, pugnandum est; ereptas ultro inferetis? Agite, nominis Romani ac virtutis patrum vestraque memores, vertite incendium hoc in hostium urbem; & suis flammis delete Fidenas, quas vestris beneficiis placare non potuistis. Legatorum hoc vos vestrorum colonorumque sanguis, vastatique fines monent.* Ad imperium dictatoris mota cuncta acies: faces partim emissæ excipiuntur, partim vi eripiuntur: utraque acies armatur igni. Magister equitum & ipse novat pugnam equestrem. frenos ut detrahant equis, imperat: & ipse princeps, calcaribus subditis eversus, effreno equo in medios ignes infertur: & alii concitati equi libero cursu ferunt equitem in hostem. Pulvis elatus, mixtusque fumo, lucem ex oculis virorum equorumque aufert. ea, quæ militem terruerat, species nihil terruit equos. ruinæ igitur similem stragem eques, quacunque pervaserat, dedit. Clamor deinde accidit novus: qui quum utramque mirandam in se aciem vertisset, dictator exclamat; *Quintium legatum & suos ab tergo hostem adortos*: ipse, redintegrato clamore, infert acris signa. Quum duæ acies, duo diversa prælia, circumventos Etruscos & à fronte & ab tergo urguerent, neque in castra retrò, neque in montes, unde se novus hostis objecerat, iter fugæ esset, & equitem passim liberi frenis dispulissent: equi Vejentium maxima pars Tiberim effusi petunt. Fidenatium qui supersunt, ad urbem Fidenas tendunt. Infert pavidos

fuga in mediâ eadem: obtruncantur in ripis: alios, in aquam compulso, gurgites ferunt: etiam peritos nandi lassitudo & vulnera & pavor degravant; pauci ex multis tranant. alterum agmen fertur per castra in urbem. eadem & Romanos sequentes impetus rapit; Quinctium maxime, & cum eo degressos modo de montibus, recentissimum ad laborem militem, quia ultimo prælio advenerat.

XXXIV. Hi, postquam mixti hostibus portam intrâre, in muros evadunt; suisque capti oppidi signum ex muro tollunt. Quod ubi dictator conspexit, (jam enim & ipse in deserta hostium castra penetraverat) cupientem militem discurrere ad prædam, spe injectâ majoris in urbem prædæ, ad portam dueit; receptusque intra muros in arcem, quod ruere fugientium turbam videbat, pergit. Nec minor cædes in urbe, quàm in prælio, fuit; donec, abjectis armis, nihil præter vitam petentes, dictatori deduntur. Urbs castraque diripiuntur. Postero die singulis captivis ab equite ad centurionem sorte ductis, &, quorum eximia virtus fuerat, binis, aliis sub corona venundatis, exercitum victorem opulentumque prædâ triumphans dictator Romam reduxit: jussuque magistro equitum abdicare se magistratu, ipse deinde abdicat die sextodecimo, reddito in pace imperio, quod in bello trepidisque rebus acceperat. Classi quoque ad Fidenas pugnatum cum Vejentibus, quidam annales retulere: rem æquè difficilem atque incredibilem: nec nunc lato satis ad hoc amne; & tum aliquanto, ut à veteribus accepimus, arctiore: nisi in trajectu fortè fluminis prohibendo, aliquarum navium concursum in majus (ut fit) celebrantes, navalis victoriæ vanum titulum appetivere.

XXXV. Insequens annus tribunos militares consulari potestate habuit, A. Sempronium Atratinum, L. Quinctium Cincinnatum, L. Furium Medullinum, L. Horatium Barbatum. Vejentibus annorum viginti induciæ

*datæ, & Aquis triennii, quum plurimum annorum petissent. Et ab seditionibus urbanis otium fuit. Annum insequentem, neque bello foris, neque domi seditione insignem, ludi bello voti celebrem, & tribunorum militum apparatu, & finitimorum concursu, fecere. Tribuni consulari potestate erant: Ap. Claudius Crassus, Sp. Nautius Rutilus, L. Sergius Fidenas, Sex. Julius Iulus: spectaculum comitate etiam hospitum, ad quod publico consensu venerant, advenis gratius fuit. Post ludos conciones seditiosæ tribunorum plebi fuerunt, objurgantium multitudinem, quod, admiratione eorum, quos odisset, stupens, in aeterno se ipsa teneret servitio: & non modò ad spem consulatus in partem revocandam aspirare non auderet, sed ne in tribunis quidem militum creandis (qua communia essent comitia Patrum ac plebis) aut sui aut suorum meminisset. Desineret ergo mirari, cur nemo de commodis plebis ageret: eò impendi laborem ac periculum, unde emolumentum atque bonos speretur. Nihil non aggressuros homines, si magna cenatis magna premia proponantur. Ut quidem aliquis tribunus plebis ruat cacus incertamina periculo ingenti, fructu nullo; ex quibus pro certo habeat, Patres, adversus quos tenderet, bello inexpiabili saepsecuturos; apud plebem, pro qua dimicaverit, nibilo se honoratiorem fore, neque sperandum, neque postulandum esse. Magnos animos magnis honoribus fieri. neminem se plebeium contempturum, ubi contemni desissent. Experiendam rem denique in uno aut altero esse, sitne aliquis plebeius ferendo magno bonori; an portento simile miraculoque sit, fortem ac strenuum virum aliquem existere. ortum ex plebe. Summâ vi expugnatum esse, ut tribuni militum consulari potestate & ex plebe crearentur. Petisse viros domi militiæque spectatos: primis annis sugillatos, repulsos, risum Patribus fuisse: desisse postremò prædere ad contumeliâ os. Nec se videre, cur non lex quoque abrogetur, quâ id liceat, quod nunquam futurum sit. minorem quippe ruborem fore in juris iniquitate, quàm si per indignitatem ipsorum prætereantur.*

XXXVI. Hujus generis orationes, cum assensu auditæ, incitavere quosdam ad petendum tribunatum militum, alium alia de commodis plebis laturum se in magistratu profitentem. Agri publici dividendi coloniarumque deducendarum ostentatæ spes, & vestigali possessoribus agrorum imposito, in stipendium militum erogandi æris. Captatum deinde tempus ab tribunis militum, quo per discessum hominum ab urbe, quum Patres clandestinâ denunciatione revocati ad diem certam essent, senatusconsultum fieret, absentibus tribunis plebi: ut, quoniam Volscos in Hernicorum agros prædatum exisse fama esset, ad rem inspiciendam tribuni militum proficiscerentur, consulariaque comitia haberentur. Profecti Ap. Claudium, filium decemviri, præfectum urbis relinquunt, impigrum juvenem, & jam inde ab incunabulis imbutum odio tribunorum plebisque. tribunis plebi nec cum absentibus iis, qui senatusconsultum fecerant, nec cum Appio, transactâ re, quod contenderent, fuit.

XXXVII. Creati consules sunt C. Sempronius Atratinus, Q. Fabius Vibulanus. Peregrina res, sed memoriâ digna, traditur eo anno facta: Vulturnum, Etruscorum urbem, quæ nunc Capua est, ab Samnitibus captam; Capuamque ab duce eorum Capye, vel (quod propius vero est) à campestri agro appellatam. Cepere autem, prius bello fatigatis Etruscis, in societatem urbis agrorumque accepti: deinde festo die graves somno epulisque incolas veteres novi coloni nocturnâ cæde adorti. His rebus actis, consules ii, quos diximus, Idibus Decembribus magistratum occepere. Jam non solum, qui ad id missi erant, retulerant, imminere Volscum bellum; sed legati quoque ab Latinis & Hernicis nunciabant, *Non antè unquam Volscos. nec duces legendis, nec exercitui scribendo, intentiones fuisse. vulgò fremere, aut in perpetuum arma bellumque oblivioni danda, jugumque accipiendum; aut iis, cum quibus de imperio*  
certe-

*certetur, nec virtute, nec patientiâ, nec disciplinâ rei militaris cedendum esse.* Haud vana attulere: sed nec perinde Patres moti sunt; & C. Sempronius, cui ea provincia forti evenit, tanquam constantissimâ re, fortunâ fretus, quod victoris populi adversus victos dux esset, omnia temere ac negligenter egit. adeo ut disciplinæ Romanæ plus in Volſco exercitu, quàm in Romano, esset. Ergo fortuna, ut sæpe aliàs, virtutem est secuta. Primo prælio, quod ab Sempronio incautè inconsultèque commissum est, non subsidiis firmatâ acie, non equite aptè locato, concursus est. clamor indicium primum fuit, quod res inclinatura esset. excitatio crebriorque ab hoste sublati; ab Romanis dissonus, impar, segniùs sæpe iteratus, incerto clamore prodidit pavorem animorum. Eo ferocior illatus hostis, urgere scutis, micare gladiis: altera ex parte nutant circumspectantibus galeæ, & incerti trepidant, applicantque se turbæ. Signa nunc resistentia deseruntur ab antesignanis, nunc inter suos manipulos recipiuntur. nondum fuga certa, nondum victoria erat. tegi magis Romanus, quàm pugnare. Volſcus inferre signa, urgere aciem, plus cædis hostium videre, quàm fugæ.

XXXVIII. Jam omnibus locis ceditur. nequicquam Sempronio consule objurgante atque hortante, nihil nec imperium, nec majestas valebat: dataque mox terga hostibus forent, ni Sex. Tempanius, decurio equitum, habente jam re, præsentis animo subvenisset. qui quum magnâ voce exclamasset, *ut equites, qui salvam rempublicam vellent esse, ex equis desilirent;* omnium turmarum equitibus, velut ad consulis imperium motis, *Nisi hac,* inquit, *armata cohors sistat impetum hostium, actum de imperio est. Sequimini pro vexillo cuspidem meam. ostendite Romanis Volſcisque, neque equitibus vobis: ullos equites, nec peditibus esse pedites pares.* Quum, elamore comprobata adhortatio esset, vadit altè cuspidem gerens, quacunque incedunt, vi viam faciunt.:



stant: eò se inferunt objectis parmis, ubi suorum plurimum laborem vident. restituitur omnibus locis pugna, in quæ eos impetus tulit: nec dubium erat, quin, si tam pauci simul obire omnia possent, terga daturi hostes fuerint.

XXXIX. Et quum jam parte nullâ sustinerentur, dat signum Volsens imperator, ut parmatîs, novæ cohorti hostium, locus detur, donec impetu illati ab suis excludantur. Quod ubi est factum, interclusi equites: nec perumpere eadem, quâ transferant, posse; ibi maximè confertis hostibus, quâ viam fecerant: & consul legionesque Romanæ, quum, quod tegumen modò omnis exercitûs fuerat, nusquam viderent, ne tot fortissimos viros interclusos opprimeret hostis, tendunt in quemcunque casum. Diversi Volsci, hinc consulem ac legiones sustinere, alterâ fronte instare Tempanio atque equitibus, qui quum sæpe conati nequissent perumpere ad suos, tumulto quodam occupato, in orbem se tutabantur, nequaquam iusti. Nec pugnæ finis ante noctem fuit: consul quoque, nusquam remisso certamine, dum quicquam superfuit lucis, hostem tenuit: nox incertos diremit: tantusque ab imprudentia eventûs utraque castra tenuit pavor, ut, relictis faucibus & magnâ parte impedimentorum, ambo pro victis exercitûs se in montes proximos reciperent. Tumulus tamen circumsessus ultra mediam noctem est. quò quum circumsedentibus nunciatum esset, castra desertâ esse, victos rati suos, & ipsi, quâ quævis in tenebris pavor tulit, fugerunt. Tempanius metu insidiarum suos ad lucem tenuit: digressus deinde ipse cum paucis speculatum, quum ab faucibus hostibus sciscitando comporisset, castra Volscorum desertâ esse, latus ab tumulto suos devocat, & in castra Romana penetrat. ubi quum vastâ desertaque omnia, atque eandem, quam apud hostes, sæditatem invenisset, priusquam Volscos cognitus error reduceret, quibus poterat faucibus ductis, secum,

secum, ignarus quam regionem consul petisset, ad urbem proximis itineribus pergit.

XL. Jam eò fama pugnae adversae castrorumque desertorum perlata erat: & ante omnia deplorati erant equites, non privato magis, quam publico, luctu: Fabiusque consul, terrore urbi quoque injecto, stationem ante portas agebat: quum equites, procul visi non sine terrore ab dubiis, quinam essent, mox cogniti, tantam ex metu lætitiā fecere, ut clamor urbem pervaderet gratulantium, salvos victoresque rediisse equites: & ex mœstis paulo antè domibus, quæ conclamaverant suos, procurreretur in vias; pavidæque matres ac conjuges, oblita præ gaudio decoris, obviam agmini occurrerent, in suos quæque, simul corpore atque animo vix præ gaudio compotes, effusæ. Tribunis plebi, qui M. Postumio & T. Quintio diem dixerant, quòd ad Vejos eorum operâ malè pugnatum esset, occasio visa est per recens odium Sempronii consulis renovandæ in eos invidiæ. Itaque, advocatâ concione, quum proditam Vejis rempublicam esse ab ductibus, proditum deinde, quia illis impune fuerit, in Volscis ab consule exercitum, traditos ad eadem fortissimos equites, deserta fœdè castra, vociferati essent; C. Julius, unus ex Tribunis, Tempanium equitem vocari jussit: coramque eis, *Sexte Tempani, inquit, quero de te, arbitrerisne C. Sempronium consulem aut in tempore pugnam inisse, aut firmasse subsidii aciem, aut ullo boni consulis functum officio? Et, tunc ipse, victis legionibus Romanis, tuo consilio equitem ad pedes deduxeris, restituerisque pugnam? excluso deinde ab acie nostra tibi atque equitibus num aut consul ipse subvenerit, aut miserit presidium? postero denique die ecquid presidii usquam habueris? an tu cohorsque in castra vestra virtute perruperitis? ecquem in castris consulem, ecquem exercitum inveneritis? an deserta castra, relictos suos milites? Hac pro virtute tua fideque, quâ unâ hoc bello respublica stetit, dicenda tibi sunt hodie. Denique, ubi C. Sem-*

*Sempronius, ubi legiones nostræ sint? desertus sis, an deserueris consulem exercitumque? victi denique simus, an vicerimus?*

XLI. Adversus hæc Tempanii oratio incompta fuisse dicitur; ceterum militariter gravis, non suis vana laudibus, non crimine alieno læta: *Quanta prudentia rei bellicæ in C. Sempronio esset, non militis de imperatore existimationem esse, sed populi Romani fuisse, quum eum comitiis consulem legeret. Itaque ne ab se imperatoria consilia; neu consulares artes exquirerent, quæ pensitanda quoque magnis animis atque ingeniis essent; sed, quod viderit, referre posse. Vidisse autem se prius, quàm ab acie intercluderetur, consulem in prima acie pugnantem, adhortantem, inter signa Romana telaque hostium versantem: postea se, ab conspectu suorum ablatum, ex strepitu tamen & clamore sensitse, usque ad noctem extractum certamen: nec ad tumultum, quem ipse tenuerat, præ multitudine hostium credere perrumpi potuisse. Exercitus ubi esset, se nescire: arbitrari, velut ipse in re trepida loci præsidio se suosque sit tutatus, sic consulem servandi exercitus causâ, loca tutiora castris cepisse. Nec Volscorum meliores res esse credere, quàm populi Romani. Fortunam noctemque omnia erroris mutui implēsse. precantemque deinde, ne se fessum labore ac vulneribus tenerent, cum ingenti laude, non virtutis magis, quàm moderationis, dimissum. Quum hæc agerentur, jam consulem viâ Lavicanâ ad fanum Quietis erat. eò missa plaustra, jumenta que alia. ab urbe exercitum, affectum prælio. ac viâ nocturnâ, exceperet. Paulò post in urbem est ingressus consul, non ab se magis enixè amovens culpam, quàm Tempanium meritis laudibus ferens. Mœstæ civitati ab re malè gesta & iratæ ducibus M. Postumius reus objectus, qui tribunus militum pro consule ad Vejos fuerat; decem millibus æris gravis damnatur. T. Quinctium collegam ejus, quia & in Volscis consul auspicio dictatoris Postumii Tuberti, & ad Fidenas legatus dictatoris alterius Mam. Æmilii, res pro-*

prosperè gesserat, totam culpam ejus temporis in prædamnatum collegam transferentem, omnes tribus absolverunt. profuisse ei Cincinnati patris memoria dicitur, venerabilis viri, & exactæ jam ætatis Capitolinus Quinctius, suppliciter orans, ne se, brevi reliquo vitæ spatio, tam tristem nuncium ferre ad Cincinnatum paterentur.

XLII. Plebs tribunos plebi absentes, Sex. Tempanium, A. Sellium, Sex. Antistium, & Sp. Icilium, fecit; quos & pro centurionibus sibi præfecerant, Tempanio auctore, equites. Senatus, quum odio Sempronii consulare nomen offenderet, tribunos militum consulari potestate creari jussit. creati sunt L. Manlius Capitolinus, Q. Antonius Merenda, L. Papirius Mugillanus. Principio statim anni L. Hortensius tribunus plebis C. Sempronio consuli anni prioris diem dixit, quem quum quatuor collegæ, inspectante populo Romano, orarent, ne imperatorem suum innoxium, in quo nihil præter fortunam reprehendi posset, vexaret: ægrè Hortensius pati, tentationem eam credens esse perseverantiæ suæ; nec precibus tribunorum, quæ in speciem modò jactentur, sed auxilio confidere reum, itaque modò ad eum conversus, *Ubi illi patricii spiritus, ubi submissus & fidens innocentia animus esset?* quærebat. *sub tribunicia umbra consularem virum delituisse.* modò ad collegas, *Vos autem, si reum perago, quid acturi estis? an erepturi jus populo, & eversuri tribuniciam potestatem?* Quum illi, & de Sempronio & de omnibus summam populi Romani potestatem esse, dicerent, nec se judicium populi tollere aut velle, aut posse; sed, si preces sue pro imperatore, qui sibi parentis esset loco, non valuissent, se vestem cum eo mutaturos: tum Hortensius, *Non videbit, inquit, plebs Romana sordidatos tribunos suos. C. Sempronium nihil moror, quando hoc est in imperio consecutus, ut tam carus esset militibus.* Nec pietas quatuor tribunorum, quàm Hortensii tam placabile ad justas preces ingenium, pariter plebi

plebi Patribusque gravior fuit. Non diutius fortuna Æquis indulgit, qui ambiguam victoriam Volscorum pro sua amplexi fuerant.

XLIII. Proximo anno N. Fabio Vibulano, T. Quintio, Capitolini filio, Capitolino consulibus, ductu Fabii, cui sorte ea provincia evenerat, nihil dignum memoratu actum. quum trepidam tantum ostendissent aciem Æqui, turpi fugâ funduntur, haud magno consulis decore. itaque triumphus negatur. Ceterum ob Sempronianæ cladis levatam ignominiam, ut ovans urbem intraret, concessum est. Quemadmodum bellum minore, quam timuerant, dimicatione erat perfectum, sic in urbe ex tranquillo necopinata moles discordiarum inter plebem ac Patres exorta est, coepta ab duplicando quæstorum numero. quam rem, (ut, præter duos urbanos quæstores, duo consulibus ad ministeria belli præsto essent) à consulibus relatum, quum & Patres summâ ope approbassent, consulibus tribuni plebis certamen intulerunt, ut pars quæstorum (nam ad id tempus patricii creati erant) ex plebe fieret. Adversus quam actionem primò & consules & Patres summâ ope adnisi sunt: concedendo deinde, ut, quemadmodum in tribunis consulari potestate creandis usi sunt, adæquè in quæstoribus liberum esset arbitrium populi; quum parum proficerent, totam rem de augendo quæstorum numero omittunt. Excipiunt omissem tribuni, aliæque subinde, inter quas & agrariæ legis, seditiosæ actiones existunt: propter quos motus quum senatus consules, etiam tribunos, creari mallet, neque posset per intercessionem tribunicias senatusconsultum fieri; respublica à consulibus ad intervegnum, neque id ipsum (nam coire patricos tribuni prohibebant) sine certamine ingenti, rediit. Quum pars maior insequentis anni per novos tribunos plebi & aliquot interreges certaminibus extracta esset, modò prohibentibus tribunis patricos coire ad prodendum inter-

regem.

regem, modò interregem interpellantibus, ne senatusconsultum de comitiis consularibus faceret; postremò L. Papirius Mugillanus, proditus interrex, castigando nunc Patres, nunc tribunos plebi, *desertam omissemque ab hominibus rempublicam, Deorum providentiâ curâque exceptam*, memorabat *Vejentibus induciis & cunctatione Æquorum stare. Unde si quid increpet terroris, sine patricio magistratu placere rempublicam opprimi? non exercitum, non ducem scribendo exercitui esse? an bello intestino bellum externum propulsaturos? qua si in unum conveniant, vix Deorum opibus, quin obruatur Romana res, resisti posse. quin illi, remittendo de summa quisque juris, mediis copularent concordiam: Patres, patiendo tribunos militum pro consulibus fieri: tribuni plebis, non intercedendo, quo minus quatuor quaestores promiscuè de plebe ac Patribus libero suffragio populi fierent.*

XLIV. Tribunicia primùm comitia sunt habita. creati tribuni consulari potestate omnes patricii, L. Quinctius Cincinnatus tertium, L. Furius Medullinus iterum, M. Manlius, A. Sempronius Atratinus. Hoc tribuno comitia quaestorum habente, petentibusque inter aliquot plebeios filio Antistii tribuni plebis, & fratre alterius tribuni plebis Sex. Pompeii, nec potestas, nec suffragatio horum valuit, quin, quorum patres avosque consules viderant, eos nobilitate præferrent. Furere omnes tribuni plebis, ante omnes Pompeii Antistiiusque, repulsâ suorum accensi, *Quidnam id rei esset? non suis beneficiis, non Patrum injuriis, non denique usurpandi libidine, quum liceat, quod ante non licuerit, si non tribunum militarem, ne quaestorem quidem quemquam ex plebe factum. non valuisse patris pro filio, fratris pro fratre preces, tribunorum plebis, potestatis sacrosanctæ, ad auxilium libertatis creatæ. Fraudem profectò in re esse, & A. Sempronium comitiis plus artis adhibuisse, quàm fidei. Ejus injuriâ queri suos honore dejectos. Itaque quum in ipsum, & innocentiam tutum & magistratu, in quo tunc erat, impetus fieri non posset, flexere iras in*  
C. Sem-

C. Sempronium, patruelem Atratinum: eique ob ignominiam Volsci belli, adiutore collegâ M. Canuleio, diem dixere. Subinde ab eisdem tribunis mentio in senatu de agris dividendis illata est, (cui actioni semper acerrimè C. Sempronius resisterat) ratis, id quod erat, aut depositâ causâ leviozem futurum apud Patres reum, aut perseverantem sub iudicii tempus plebem offensurum. Adversâ invidiâ objici maluit, & suâ nocere causâ, quàm publicâ deesse; stetitque in eadem sententia, *Ne qua largitio, cessura in trium gratiam tribunorum, fieret. nec tum agrum plebi, sed sibi invidiam, queri. Se quoque subiturum eam tempestatem forti animo. nec senatus tanti se civem, aut quemquam alium debere esse, ut in parcendo uni malum publicum fiat.* Nihilo demissiore animo, quum dies venit, causâ ipse pro se dictâ, nequicquam omnia expertis Patribus, ut mitigarent plebem, quindecim millibus æris damnatur. Eodem anno Postumia, virgo Vestalis, de incestu causam dixit, crimine innoxia; ob suspicionem propter cultum amœniores ingeniumque liberius, quàm virginem decet, parum abhorrens famam. Ampliatam, deinde absolutam, pro collegii sententia pontifex maximus abstinere joci, colique sanctè potius, quàm scitè, jussit. Eodem anno à Campanis Cumæ, quam Græci tum urbem tenebant, capiuntur. Insequens annus tribunos militum consulari potestate habuit, Agrippam Menenium Lanatum, P. Lucretium Tricipitinum, Sp. Nautium Rutilum.

XLV. Annus, felicitate populi Romani, periculo potius ingenti, quàm clade, insignis. Servitia, urbem ut incenderent distantibus locis, conjurârunt; populoque ad opem passim ferendam testis intento, ut arcem Capitoliumque armati occuparent. Avertit nefanda consilia Jupiter: indicioque duorum comprehensi fontes pœnas dederunt. indicibus dena millia gravis æris, quæ tum divitiæ habebantur, ex ærario numerata, & liber-

tas præmium fuit. Bellum inde ab Æquis reparari coëptum : & , novos hostes Lavicanos consilia cum veteribus jungere, haud incertis auctoribus Romam est allatum. Æquorum jam velut anniversariis armis assuebat civitas. Lavicos legati missi quum responsa inde retulissent dubia, quibus, nec tum bellum parari, nec diuturnam pacem fore, appareret : Tusculanis negotium datum, *adverterent animos, ne quid novi tumultus Lavicis oriretur.* Ad insequentis anni tribunos militum consulari potestate, inito magistratu, legati ab Tusculo venerunt, L. Sergium Fidenatem, M. Papirium Mugillanum, C. Servilium, Prisci filium, quo dictatore Fidenæ captæ fuerant. Nunciabant legati, Lavicanos arma cepisse, & cum Æquorum exercitu depopulatos agrum Tusculanum castra in Algido posuisse. Tum Lavicanis bellum indictum : factoque senatusconsulto, ut duo ex tribunis ad bellum profiscerentur, unus res Romæ curaret, certamen subito inter tribunos exortum. se quisque belli ducem potiolem ferre, curam urbis, ut ingratam ignobilemque, aspernari. Quum parum decorum inter collegas certamen mirabundi Patres conspicerent, Q. Servilius, *Quando nec ordinis hujus ulla, inquit, nec reipublica est verecundia, patria majestas altercationem istam dirimet. filius meus extra sortem urbi præerit. Bellum utinam, qui appetunt, consideratius concordiusque, quàm cupiunt, gerant.*

XLVI. Delectum haberi non ex toto passim populo placuit. decem tribus forte ductæ sunt ; ex his scriptos juniores duo tribuni ad bellum duxere. Coëpta inter eos in urbe certamina cupiditate eadem imperii multo impensius in castris accendi : nihil sentire idem, pro sententia pugnare : sua consilia velle, sua imperia sola rata esse : contemnere in vicem, & contemni. donec, castigantibus legatis, tandem ita comparatum est, ut alternis diebus summam imperii haberent. Quæ quum allata Romam essent, dicitur Q. Servilius, ætate & usu doctus,



doctus, precatus ab Diis immortalibus, ne discordia tribunorum damnosior reipublicæ esset, quàm ad Vejos fuisset: &, velut haud dubiâ clade imminente, instituisse filio, ut milites scriberet, & arma pararet. Nec falsus vates fuit. nam ductu L. Sergii, cujus dies imperii erat, loco iniquo sub hostium castris, quum, quia simulato metu receperat se hostis ad vallum, spes vana expugnandi castra eò traxisset, repentino impetu Æquorum per supinam vallem fusi sunt, multique in ruina majore quàm fuga oppressi obtruncatique; castraque, eo die agrè retenta, postero die, circumfusus jam magna ex parte hostibus, per averfam portam fugâ turpi deferuntur. duces legatique, & quod circa signa roboris de exercitu fuit, Tusculum petiere. Palati alii per agros passim multis itineribus, majoris, quàm accepta erat, cladis nuncii Romam contenderunt. Minus trepidationis fuit, quòd eventus timori hominum congruens fuerat; & quòd subsidia, quæ respicerent in re trepida, præparata erant ab tribuno militum: jussuque ejusdem, per minores magistratus sedato in urbe tumultu, speculatores properè missi nunciavere, Tusculi duces exercitumque esse; hostem castra loco non movisse. &, quod plurimum animorum fecit, dictator ex senatusconsulto dictus Q. Servilius Priscus; vir, cujus providentiam in republica, quum multis alijs tempestatibus antè experta civitas erat, tum eventu ejus belli, quòd uni certamen tribunorum suspectum ante rem malè gestam fuerat; magistrò equitum creato, à quo ipse tribuno militum dictator erat dictus, filio suo, ut tradidere quidam, (nam alii Abalam Servilium magistrum equitum eo anno fuisse scribunt) novo exercitu profectus ad bellum, accitis qui Tusculi erant, duo millia passuum ab hoste locum castris cepit.

XLVII. Transierat ex re bene gesta superbia negligentiaque ad Æquos, quæ in Romanis ducibus fuerat: itaque primo statim proelio quum dictator equitatu im-

misso

misso antesignanos hostium turbasset, legionum inde signa inferri properè jussit, signiferumque ex suis unum cunctantem occidit. Tantus ardor ad dimicandum fuit, ut impetum Æqui non tulerint: victique acie quum fugâ effusâ potissent castra, brevior tempore & certamine minor castrorum oppugnatio fuit, quàm prœlium fuerat. Captis direptisque castris, quum prædam dictator militi concessisset, secutique fugientem ex castris hostem equites renunciassent, omnes Lavicanos victos, magnam partem Æquorum Lavicos confugisse; postero die ad Lavicos ductus exercitus: oppidumque, coronâ circumdatum, scalis captum ac direptum est. Dictator, exercitu victore Romam reducto, die octavo, quàm creatus erat, magistratû se abdicavit; & opportunè senatus, priusquam ab tribunis plebi agrariæ seditiones, mentione illatâ de agro Lavicano dividendo, fierent, censuit frequens, coloniam Lavicos deducendam. coloni ab urbe mille & quingenti missi bina jugera acceperunt. Captis Lavicis, ac deinde tribunis militum consulari potestate, Agrippâ Menenio Lanato, & L. Servilio Structo, & P. Lucretio Tricipitino, iterum omnibus his, & Sp. Rutilio Crasso, & insequente anno A. Sempronio Atratino tertium, & duobus iterum M. Papirio Mugillano, & Sp. Nautio Rutilo, biennium tranquillæ externæ res, discordia domi ex agrariis legibus fuit.

XLVIII. Turbatores vulgi erant Spurius Mæcilius quartum & Metilius tertium tribuni plebis, ambo absentes creati. & quum rogationem promulgassent, ut ager ex hostibus captus viritim divideretur, magnæque partis nobilium eo plebiscito publicarentur fortunæ; (nec enim ferme quicquam agri, ut in urbe alieno solo posita, non armis partum erat; nec, quod venisset assignatumve publicè esset, præterquam plebs habebat) atrox plebi Patribusque propositum videbatur certamen: nec tribuni militum, nunc in senatu, nunc in

in conciliis privatis principum cogendis, viam consilii inveniebant; quum Ap. Claudius, nepos ejus, qui decemvir legibus scribendis fuerat, minimus natu ex Patrum concilio, dicitur dixisse, *Vetus se ac familiare consilium domo afferre. proavum enim suum Ap. Claudium ostendisse Patribus viam unam dissolvenda tribunicia potestatis per collegarum intercessionem. Facile homines novas auctoritate principum de sententia deduci, si temporum interdum potius, quam majestatis, memor adhibeantur oratio. Pro fortuna illis animos esse. ubi videant, collegas principes agenda rei gratiam omnem ad plebem preoccupasse, nec locum in ea relictum sibi; haud gravatè acclinaturos se ad causam senatûs, per quam universo ordini cum prioribus se Patrum concilient.* Approbantibus cunctis, & ante omnes Q. Servilio Prisco, quod non degenerasset ab stirpe Claudia, collaudante juvenem, negotium datur, ut, quos quisque posset ex collegio tribunorum, ad intercessionem perlicerent. Misso senatu, prensantur ab principibus tribuni: suadendo, monendo, pollicendoque gratum id singulis privatim, gratum universo senatui fore, sex ad intercessionem comparavere. Posteroque die quum ex composito relatum ad senatum esset de seditione, quam Mæcilius Metiliusque largitione pessimi exempli concirent; ex orationes à primoribus Patrum habitæ sunt, ut pro se quisque jam nec consilium sibi suppetere diceret, nec se ullam opem cernere aliam usquam, præterquam in tribunicio auxilio. in ejus potestatis fidem circumventam rempublicam, tanquam privatum inopem, confugere. Præclarum ipsis potestatique esse, non ad vexandum senatum discordiamque ordinum movendam plus in tribunatu virium esse, quam ad resistendum improbis collegis. Fremitus deinde universi senatûs ortus, quum ex omnibus partibus curiæ tribuni appellarentur: tum, silentio facto, ii, qui præparati erant gratiâ principum, quam rogationem à collegis promulgatam senatus censeat dissolvendæ reipublicæ

blicæ esse, ei se intercessuros ostendunt. Gratia intercessoribus ab senatu actæ. Latroes rogationis, concione advocatâ, proditores plebis commodorum ac fervos consularium appellantes, aliâque truci oratione in collegas inveciti, actionem deposuere.

XLIX. Duo assidua bella insequens annus habuisset, quo P. Cornelius Cossus, C. Valerius Potitus, Q. Quintus Cincinnatus, N. Fabius Vibulanus, tribuni militum consulari potestate fuerunt; ni Vejens bellum religio principum distulisset, quorum agros Tiberis, super ripas effusus, maximè ruinis villarum vastavit. Simul Æquos triennio antè accepta clades prohibuit Bolanis, suæ gentis populo, præsidium ferre. Excursionibus inde in confinem agrum Lavicanum factæ erant, novisque colonis bellum illatum. quam noxam quum se consensu omnium Æquorum defensuros sperassent, deserti ab suis, ne memorabili quidem bello, per obfidionem levemque unam pugnam & oppidum & fines amisere. Tentatum ab L. Sextio tribuno plebis, ut rogationem ferret, quâ Bolas quoque, sicut Lavicos, coloni mitterentur, per intercessionem collegarum, qui nullum plebiscitum, nisi ex auctoritate senatûs, passuros se perferri ostenderunt, discussum est. Boli insequente anno receptis, Æqui, coloniâque eò deductâ, novis viribus oppidum firmarunt, tribunis militum Romæ consulari potestate Cn. Cornelio Cossio, L. Valerio Potito, Q. Fabio Vibulano iterum, M. Postumio Regillensi. Huic bellum adversus Æquos permisum est, pravæ mentis homini; quam tamen victoriâ magis, quàm bellum, ostendit. Nam, exercitu impigre scripto ductoque ad Bolas, quum levibus præliis Æquorum animos fregisset, postremò in oppidum irrupit. deinde ab hostibus in cives certamen vertit; & quum inter oppugnationem prædam militis fore edixisset, capto oppido, fidem mutavit. Eam, magis adducor, ut credam iræ causam exercitui fuisse, quàm

quodd in urbe nuper direpta coloniaque nova minus prædicatione tribuni prædæ fuerit. Auxit eam iram, postquam, ab collegis arcessitus, propter seditiones tribunicias in urbem revertit, audita vox ejus in concione stolidi ac propè vecors; quâ Sextio tribuno plebis, legem agrariam ferenti, simul, Bolas quoque ut mitterentur coloni, laturum se dicenti, dignos enim esse qui armis cepissent, eorum urbem agrumque Bolanum esse; *Malum quidem militibus meis, inquit, nisi quieverint.* quod auditum non concionem magis, quàm mox Patres, offendit. & tribunus plebis, vir acer nec infacundus, nactus inter adversarios superbum ingenium immodicamque linguam, quàm irritando agitandoque in eas impelleret voces, quæ invidiæ, non ipsi tantum, sed causæ atque universo ordini, essent, neminem ex collegio tribunorum militum sæpius, quàm Postumium, in disceptationem trahebat. Tum verò secundum tam sævum atque inhumanum dictum, *Auditis, inquit, Quirites, sicut servis malum minantem militibus? tamen hæc bellua dignior vobis tanto honore videbitur, quàm qui vos, urbe agrisque donatos, in colonias mittunt; qui senectuti vestra prospiciunt; qui pro vestris commodis adversus tam crudeles superbosque adversarios depugnant. Incipite deinde mirari, cur pauci jam vestram suscipiant causam. quid ut à vobis sperent? an honores, quos adversariis vestris potius, quàm populi Romani propugnatoribus, datis? Ingenuistis modo, voce hujus audistis. quid id refert? jam, si suffragium detur, hunc, qui malum vobis minatur, iis, qui agros sedesque ac fortunas stabilire volunt, præferetis.*

L. Perlatæ hæc vox. Postumii ad milites multo in castris majorem indignationem movit. *Prædæ interceptorem fraudatoremque etiam malum minari militibus?* Itaque quum fremitus apertè esset, & quaestor P. Sestius eadem violentiâ coerceri putaret seditionem posse, quâ mota erat; missa ad vociferantem quendam militem licitore, quum inde clamor & jurgium oriretur, sa-

to istius turbâ excedit; insuper increpante, qui vulneraverat, *habere questorem, quod imperator esset militibus minatus*. Ad hunc tumultum accitus Postumius asperiora omnia fecit acerbis quæstionibus, crudelibus suppliciis. postremo quum modum iræ nullum faceret, ad vociferationem eorum, quos necari sub crate jusserat, concursu facto, ipse ad interpellantes pœnam vecors de tribunali decurrit. Ibi quum submoventes passim lictores centurionesque vexarent turbam, eò indignatio erupit, ut tribunus militum ab exercitu suo lapidibus cooperiretur. Quod tam atrox facinus postquam est Romam nunciatum, tribunis militum de morte collegæ per senatum quæstiones decernentibus, tribuni plebis intercedebant. sed ea contentio ex certamine alio pendebat; quòd cura incesserat Patres, ne metu quæstionum plebs irâque tribunos militum ex plebe crearet: tendebantque summâ ope, ut consules crearentur. Quum senatusconsultum fieri tribuni plebis non paterentur, iidem intercederent consularibus comitiis, res ad interregnum rediit. victoria deinde penes Patres fuit.

LI. Q. Fabio Vibulano interrege comitia habente, consules creati sunt A. Cornelius Cossus, L. Furius Medullinus. Hjs consulibus principio anni senatusconsultum factum est, ut de quæstione Postumianæ cædis tribuni primo quoque tempore ad plebem ferrent; plebesque præficeret quæstioni, quem vellet. A plebe consensu populi consulibus negotium mandatur. qui, summâ moderatione ac lenitate per paucorum supplicium, quos sibi met ipsos conscisse mortem satis creditum est, transactâ re, nequivere tamen consequi, ut non ægerrimè id plebs ferret. *jacere tandiu iustas sanctiones, quæ de suis commodis ferrentur: quum interim de sanguine & supplicio suo latam legem confestim exerceri, & tantam vim habere*. Aptissimum tempus erat, vindictis seditionibus, delinimentum animis Bolani agri divitionem

visionem objici : quo facto minuisse desiderium agrariae legis, quae possessio per injuriam agro publico Patres pellebat. Tunc haec ipsa indignitas angebat animos, non in retinendis modo publicis agris, quos vi teneret, pertinacem nobilitatem esse ; sed ne vacuum quidem agrum, nuper ex hostibus captum, plebi dividere ; mox paucis, ut cetera, futurum praedae. Eodem anno adversus Volscos, populantes Hernicorum fines, legiones ductae à Furio consule, quum hostem ibi non invenissent, Ferentinum, quod magna multitudo Volscorum se contulerat, cepere. minus praedae, quam speraverant, fuit : quod Volsci, postquam spes tuendi exigua erat, sublatis rebus, nocte oppidum reliquerunt. postero die propè desertum capitur. Hernicis ipse ager dono datus.

LII. Annum modestiâ tribunorum quietum excepit tribunus plebis, L. Icilius, Q. Fabio Ambusto, C. Furio Pacilo consulibus. Is quum principio statim anni, velut pensum nominis familiarumque, seditiones agrariis legibus promulgandis ciceret ; pestilentia coorta, minacior tamen quam perniciosior, cogitationes hominum à foro certaminibusque publicis ad domum curamque corporum nutriendorum avertit. minusque eam damnosam fuisse, quam seditio futura fuerit, credunt. Defunctâ civitate plurimorum morbis, perpauca funeribus, pestilentem annum inopia frugum, neglecto cultu agrorum, (ut plerumque fit) excepit, M. Papirio Atriatino, C. Nautio Rutilo consulibus. Jam fames, quam pestilentia, tristior erat : ni, dimissis circa omnes populos legatis, qui Etruscum mare, quique Tiberim accolunt, ad frumentum mercandum, annonae foret subventum. Superbè ab Samnitibus, qui Capuam habebant Cumasque, legati prohibiti commercio sunt : contra ea benignè ab Siculorum tyrannis adjuti. maximos commeatus summo Etruriae studio Tiberis devexit. Solitudinem in civitate agri experti consules sunt :  
quum,

quum, in legationes non plus singulis senatoribus inveni-  
nientes, coacti sunt binos equites adjicere. Præterquam  
ab morbo annonaque, nihil eo biennio intestini exter-  
nive incommodi fuit. at ubi hæ sollicitudines discesse-  
re, omnia, quibus turbari solita erat civitas, domi dis-  
cordia, foris bellum exortum.

LIII. M. Æmilio, C. Valerio Potito consulibus,  
bellum Æqui parabant: Volscis, quanquam non pu-  
blico consilio, capeissentibus arma, voluntariis merce-  
de secutis militiam. Ad quorum famam hostium (jam  
enim in Latinum Hetnicumque transcenderant agrum)  
delectum habentem Valerium consulem M. Mænius  
tribunus plebis, legis agrariæ lator, quum impediret,  
auxilioque tribuni nemo invitus sacramento diceret;  
repente nunciatur, arcem Carventanam ab hostibus oc-  
cupatam esse. Ea ignominia accepta, quum apud Pa-  
tres invidiæ Mænio fuit, tum ceteris tribunis, jam an-  
te præparatis intercessoribus legis agrariæ, præbuit ju-  
stio-rem causam resistendi collegæ. Itaque quum res  
diu ducta per altercationem esset; consulibus Deos ho-  
minesque testantibus, *quicquid ab hostibus cladis ignominia-  
que aut jam acceptum esset, aut immineret, culpam penes  
Mænium fore, qui delectum impediret; Mænio contra vo-  
ciferante, si injusti domini possessione agri publici cederent,  
se moram delectui non facere;* decreto interposito, novem  
tribuni sustulerunt certamen; pronunciaveruntque ex  
collegii sententia, C. Valerio consuli se, *damnum aliamque  
coercitionem, adversus intercessionem collega, delectus causâ  
detestantibus militiam inhibenti, auxilio futuros esse.* Hoc  
decreto consul armatus quum paucis, appellantibus tri-  
bunum, collum torfisset; metu ceteri sacramento dixe-  
re. Ductus exercitus ad Carventanam arcem, quan-  
quam invisus infestusque consuli erat, impigrè primo  
statim adventu, dejectis qui in præsidio crant, arcem  
recepit. prædatores, ex præsidio per negligentiam di-  
lapsi, occasionem aperuerunt ad invadendum. Præda



ex assiduis populationibus, quod omnia in locum tantum congesta erant, fuit aliquantum. venditum sub hasta consul in ærarium redigere quæstores jussit; tum prædicans participem prædæ fore exercitum, quum militiam non abnuisset. Auctæ inde plebis ac militum in consulem iræ. itaque, quum ex senatusconsulto urbem ovans introiret, alternis inconditi versus militari licentiâ jactati: quibus consul increpitus, Mænni celebre nomen laudibus fuit, quum ad omnem mentionem tribuni favor circumstantis populi plausuque & assensu cum vocibus militum certaret. Plusque ea res, quam propè solennis militum lascivia in consulem, curæ Patribus iniecit. & tanquam haud dubius inter tribunos militum honos Mænni, si peteret, consularibus comitiis est exclusus.

LIV. Creati consules sunt Cn. Cornelius Cossus, L. Furius Medullinus iterum. Non aliâ ægrâ plebs tulit, tribunicia sibi comitia non commissa. eum dolorem quæstoris comitiis simul ostendit, & ulta est, tunc primum plebeiis quæstoribus creatis: ita ut, in quatuor creandis, uni patricio K. Fabio Ambusto relinqueretur locus; tres plebei, Q. Silius, P. Ælius, P. Papius clarissimarum familiarum juvenibus præferrentur. Auctores fuisse tam liberi populo suffragii Icilios accipio, ex familia infestissima patribus tres in eum annum tribunos plebis creatos, multarum magnarumque rerum molem avidissimo ad eod. populo ostentantes: quem affirmassent, nihil se moturos, si ne quæstoris quidem comitiis, quæ sola promiscua plebi Patribusque reliquisset senatus, satis animi populo esset ad id, quod tamdiu vellent, & per leges liceret. Pro ingenti itaque victoria id fuit plebi: quæsturamque eam non honoris ipsius sine æstimabant; sed patefactus ad consulatum ac triumphos locus novis hominibus videbatur. Patres contra, non pro communicatis, sed pro amissis honoribus, fremere: negare, *Si te ita sint, liberos tollentes*

*dos esse : qui pulsi majorum loco, cernentesque alios in possessione dignitatis suæ, Salii Flaminesque nusquam aliâ, quàm ad sacrificandum pro populo, sine imperiis ac potestatibus relinquuntur. Irritatis utriusque partis animis, quum & spiritus plebes sumpsisset, & tres ad popularem causam celeberrimi nominis haberet duces ; Patres omnia quaestoriis comitiis, ubi utrumque plebi liceret, similia fore cernentes, tendere ad consulum comitia, quæ nondum promiscua essent. Icilius contra tribunos militum creandos dicere, & tandem aliquando impartiendos plebi honores.*

LV. Sed nulla erat consularis actio, quam impediendo id, quod petebant, exprimerent : quum mirâ opportunitate, Volscos & Æquos prædatum extra fines exisse in agrum Latinum Hernicumque, assertur. ad quod bellum ubi ex senatusconsulto consules delectum habere occipiunt ; ob stare tunc enixè tribuni, sibi plebique eam fortunam oblatam memorantes. Tres erant, & omnes acerrimi viri, generosique jam, ut inter plebeios. duo, singuli singulos, sibi consules assertandos assiduâ operâ desumunt : uni concionibus data nunc detinenda, nunc concienda, plebs. Nec delectum consules, nec comitia, quæ petebant, tribuni expediebant. inclinante deinde se fortunâ ad causam plebis, nuntii veniunt, arcem Carventanam, dilapsis ad prædam militibus, qui in præsidio erant, Æquos, interfectis paucis custodibus arcis, invasisse. alios recurrentes in arcem, alios palantes in agris caesos. Ea adversa civitati res vires tribunicæ actioni adjecit. nequicquam enim tentati, ut tum denique desisterent impediendo bello, postquam non cessere nec publicæ tempestati, nec suæ invidiæ, pervincunt, ut senatusconsultum fiat de tribunis militum creandis : certo tamen pacto, ne cujus ratio haberetur, qui eo anno tribunus plebis esset : neve quis reficeretur in annum tribunus plebis ; haud dubiè Icilius denotante senatu, quos mer-

cedem seditiosi tribunatus petere consulatum insimulabant. Tum delectus haberi, bellumque omnium ordinum consensu apparari ceptum. Consules ambo profecti sint ad arcem Carventanam, an alter ad comitia habenda sublitterit, incertum diversi auctores faciunt: illa pro certo habenda, in quibus non dissentiunt, ab arce Carventana quum diu nequicquam oppugnata esset, recessum: Verruginem in Volscis eodem exercitu receptam, populationesque & prædas & in Æquis & in Volscis agro ingentes factas.

LVI. Romæ sicut plebis victoria fuit in eo, ut, quæ mallent, comitia haberent: ita eventu comitiorum Patres vicere. namque tribuni militum consulari potestate contra spem omnium tres patricii creati sunt, C. Julius Iulus, P. Cornelius Cossus, C. Servilius Ahala. Artem adhibitam ferunt à patriciis, (cujus eos Icilius tum quoque insimulabant) quòd turbam indignorum candidatorum intermiscendo dignis, tædio sordium in quibusdam insignium, populum à plebeiis avertissent. Volscos deinde & Æquos, seu Carventana arx retenta in spem, seu Verrugine amissum præsidium ad iram compulisset, fama affertur summâ vi ad bellum coortos: caput rerum Antiates esse: eorum legatos utriusque gentis populos circumisse, castigantes ignaviam, quòd, abditi intra muros, populabundos in agris vagari Romanos priore anno, & opprimi Verruginis præsidium, passi essent. jam non exercitus modò armatos, sed colonias etiam, in suos fines mitti: nec ipsos modò Romanos sua divisa habere, sed Ferentium etiam de se captum Hernicis donasse. Ad hæc quum inflammarentur animi, ut ad quosque ventum erat, numerus juniorum conscribebatur. Ita omnium populorum juvenus Antium contracta, ibi castris positus hostem opperiebantur. Quæ ubi tumultu majore etiam, quàm res erat, nunciantur Romam, senatus ex templo (quod in rebus trepidis ultimum consilium erat) dicta-

dictatorem dici iussit. quam rem ægrè passos Julium Corneliumque ferunt; magnoque certamine animorum rem actam: quum primores Patrum, nequicquam conquesti, non esse in auctoritate senatûs tribunos militum, postremò etiam tribunos plebei appellarent, & consulibus quoque ab ea potestate vim super tali re inhibitam referrent: tribuni plebei, læti discordiâ Patrum, nihil esse in his auxilii dicerent, qui non civum, non denique hominum numero essent; si quando promiscui honores, communicata respublica esset, tum se animadversuros, ne qua, superbiâ magistratuum, irrita senatusconsulta essent; interim patricii, soluti legum magistratuumque verecundiâ, per se quoque tribuniciam potestatem agerent.

LVII. Hæc contentio minimè idoneo tempore, quum tantum belli in manibus esset, occupaverat cogitationes hominum: donec, ubi diu alternis Julius Corneliusque, quum ad id bellum ipsi satis idonei duces essent, non esse æquum mandatum sibi à populo eripi honorem, dissuadere; tum Ahala Servilius tribunus militum, Tacuisse se tandem, ait, non quia incertus sententia fuerit; (quem enim bonum civem secernere sua à publicis consilia?) sed quia maluerit, collegas suâ sponte cedere auctoritati senatûs, quàm tribuniciam potestatem adversus se implorari paterentur. Tum quoque, si res fuisset, libenter se daturum tempus iis fuisse ad receptum nimis pertinacis sententia: sed, quum belli necessitates non expectent humana consilia, potiorẽ sibi collegarum gratiâ rempublicam fore: Et, si maneat in sententia senatus, dictatorem nocte proximâ dicturum: ac, si quis intercedat senatusconsulto, auctoritate se fore contentum. Quo facto quum haud immeritam laudem gratiamque apud omnes tulisset, dictatore P. Cornelio dicto, ipse ab eo magister equitum creatus exemplo fuit collegas eumque in-tuentibus, quàm gratia atque honos opportuniora interdum non cupientibus essent. Bellum haud memorabile fuit. uno atque eo facili prælio cæsi ad Antium

hostes. victor exercitus depopulatus Volscum agrum. castellum ad lacum Fucinum vi expugnatum : atque in eo tria millia hominum capta, ceteris Volscis intra mœnia compulsis, nec defendentibus agros. Dictator, bello ita gesto, ut tantum non defuisse fortunæ videretur, felicitate, quam gloriâ, major in urbem rediit, magistratuque se abdicavit. Tribuni militum, mentione nullâ comitiorum consularium habitâ, (credo ob iram dictatoris creati) tribunorum militum comitia edixerunt. Tum verò gravior cura Patribus incessit; quippe quum prodi causam ab suis cernerent. Itaque sicut priore anno per indignissimos ex plebeis candidatos omnium, etiam dignorum, tedium fecerant; sic tum, primoribus Patrum splendore gratiâque ad petendum præparatis, omnia loca obtinere; ne cui plebeio aditus esset. Quatuor creati sunt, omnes jam functi eo honore, L. Furius Medullinus, C. Valerius Potitus, N. Fabius Vibulanus, C. Servilius Ahala: hic refectus continuato honore, quum ob alias virtutes, tum ob recentem favorem unâ moderatione partum.

LVIII. Eo anno, quia tempus induciarum cum Vejenti populo exierat, per legatos facialesque res repeti ceptæ: quibus venientibus ad finem legatio Vejenti-um obviâ fuit. Petere, ne prius, quam ipsi senatum Romanum adissent, Vejos iretur: ab senatu impetratum, quia discordiâ intestinâ laborarent Vejentes, ne res ab ipsis repeterentur: tantum afuit, ut ex incommode alieno sua occasio peteretur. Et in Volscis accepta clades; amisso Verrugine præsidio. ubi tantum in tempore fuit momenti, ut, quum precantibus opem militibus, qui sibi à Volscis obsidebantur, succurri, si maturatum esset, potuisset, ad id venerit exercitus subsidio missus, ut ab recenti cæde palati ad prædandum hostes opprimerentur. Tarditatis causa in senatu magis fuit, quam in tribunis: qui, quia summâ vi restare nunciabantur, parum cogitaverunt, nullâ virtute superari

perari humanarum virium modum. Fortissimi milites non tamen, nec vivi, nec post mortem, inulti fuere. Insequenti anno, P. & Cn. Cornelii Cossii, N. Fabio Ambusto, L. Valerio Potito, tribunis militum consulari potestate, Veiens bellum motum ob superbum responsum Veientis fenatus; qui legatis repetentibus res, ni facerent prope urbe finibusque, daturos, quod Lars Tolumnius dedisset, responderi iussit. id Patres agere passi decrevere, ut tribuni militum de bello indicendo Veientibus primo quoque die ad populum ferrent. Quod ubi primo promulgatum est, fremere juvenis, *Nondum debellatum cum Volscis esse: modò duo præsidia occisione occisa, & cum periculo retineri. Nullum annum esse, quo non acie dimicaretur: &, tanquam penitet laboris, novum bellum cum finitimo populo & potentissimo parari, quia omnem Etruriam sit concitaturus.* Hæc sua sponte agitata. insuper tribuni plebis accendunt: *Maximum bellum patribus cum plebe esse dicunt: eam de industria vexandam militiâ, trucidandamque hostibus objici: eam procul urbe haberi atque ablegari, ne domi per otium memor libertatis coloniarumque, aut agri publici, aut suffragii libertate ferendi consilia agitet: prestantesque veteranos, stipendia cujusque & vulnera ac cicatrices numerabant: quid jam integri esse in corpore loci ad nova vulnera accipienda? quid super sanguinis, qui dari pro republica posset?* rogitantes. Hæc quum in sermonibus conclonibusque interdum agitantes avertissent plebem ab suscipiendo bello, profertur tempus ferundæ legis: quam, si subiecta invidia esset, antiquari apparebat.

LIX. Interim tribunos militum in Volscum agrum ducere exercitum placuit. Cn. Cornelius unus Romæ relictus. Tres tribuni, postquam nullo loco castra Volscorum esse, nec commissuros se prælio apparuit, tripartito ad devastandos fines discessere. Valerius Antium petit, Cornelius Ecetras: quacumque incessere, late populati sunt terra agrosque, ut distinerent Volscos:

Fabius, quod maxime petebatur, ad Anxur oppugnandum sine ulla populatione accessit. Anxur fuit, quae nunc Tarracinae sunt; urbs prona in paludes. ab ea parte Fabius oppugnationem ostendit. Circummissis quatuor cohortes cum C. Servilio Ahala quum imminentem urbi collem cepissent; ex loco altiore, quam nulum erat praesidium, ingenti clamore ac tumultu moenia invadere. ad quem tumultum obstupesciti, qui adversus Fabium urbem infamam tacebantur, locum dedere sceleris admovendi, plenaque hostium cuncta erant, & immitis diu caedes pariter fugientium ac resistentium armatorum atque incermium fuit. cogeantur itaque victi, quia cedentibus spei nihil erat, pugnam inire: quum pronunciatum repente, ne quis praeter armatos violaretur, reliquam omnem multitudinem voluntariam exiit armis: quorum ad duo millia & quingenti vivi capiuntur: a cetera praeda Fabius militem abstulit, donec collegae venirent: ab illis quoque exercitibus captum Anxur dictitans esse, qui ceteros Volscos a praesidio ejus loci avertissent. Qui ubi venerunt, oppidum vetere fortunam opulentum tres exercitus diripere. eaque primum benignitas imperatorum plebem Patribus conciliavit. Additum deinde omnium maxime tempestivo principum in multitudinem munere, ut ante mentionem ullam plebis: tribunorumve decerneret senatus, ut stipendium miles de publico acciperet, quum ante id tempus de suo quisque functus eo munere esset.

LX. Nihil acceptum unquam a plebe tanto gaudio traditur. Concursum itaque ad curiam esse, pressatasque exeuntium manus, & Patres verè appellatos; effectum esse fatentibus, ut nemo pro tam munifica patria, donec quicquam virium superesset, corpori aut sanguini suo pareeret. Quum commoditas juvaret, rem familiarem saltem acquiescere eo tempore, quo corpus addictum atque operatum reipublicae esset; tum, quod

quod ultro sibi oblatum esset, non à tribunis plebis unquam agitatum, non suis sermonibus efflagitatum, id efficiebat multiplex gaudium cumulationemque gratiam rei. Tribuni plebis, communis ordinum lætitiæ concordiaque soli expertes, negare, *Tam id latum Patribus universis nec prosperum fore, quàm ipsi crederent. consilium specie primâ melius fuisse, quàm usu appariturum. Unde enim eam pecuniam confici posse, nisi tributo populo indicto? ex alieno igitur aliis largitos. neque, id etiamsi ceteri ferant, passuros eos, quibus jam emerita stipendia essent, meliore conditione alios militare, quàm ipsi militassent; & eosdem in sua stipendia impensus fecisse, & in aliorum facere.* His vocibus moverunt partem plebis. postremò, indicto jam tributo, edixerunt etiam tribuni, auxilio se futuros, si quis in militare stipendium tributum non contulisset. Patres bene cœptam rem perseveranter tueri: conferre ipsi primi: &, quia nondum argentum signatum erat, æs grave plaustris quidam ad ærarium convehentes, speciosam etiam collationem faciebant. Quum senatus summâ fide ex consiliis contulisset, primores plebis, nobilium amici, ex composito conferre incipiunt. quos quum & à Patribus collaudari, & à militari ætate tanquam bonos cives conspici vulgus hominum vidit, repente, spreto tribunicio auxilio, certamen conferendi est ortum. &, lege perlata de indicendo Vejentibus bello, exercitum magna ex parte voluntarium novi tribuni militum consulari potestate Vejos duxera.

LXI. Fuere autem tribuni T. Quinctius Capitolinus, Q. Quinctius Cincinnatus, C. Julius Iulus iterum, A. Manlius, L. Furius Medullinus tertium, M. Æmilius Mamercinus. Ab his primùm circumfessi Veji sunt; sub cujus initium obsidionis quum Etruscorum concilium ad fanum Voltumnæ frequenter habitum esset, parum constitit, bellum publico gentis universæ tuendi Vejentes essent. Ea oppugnatio segnior insequenti anno



anno fuit, parte tribunorum exercitusque ad Volscum advocata bellum. Tribunos militum consulari potestate is annus habuit C. Valerium Potitum tertium, M. Sergium Fidenatem, P. Cornelium Maluginensem, Cn. Cornelium Cossium, K. Fabium Ambustum, Sp. Nautilium Rutilum iterum. Cum Volscis inter Ferentinum atque Ecetram signis collatis dimicatum. Romanis secunda fortuna pugnae fuit. Artena inde, Volscorum oppidum, ab. tribunis obsideri coepta. inde inter eruptionem tentatam, compulso in urbem hoste, occasio data est Romanis irrumpendi. praeterque arcem cetera capta. in arcem munitam naturam globus armatorum concessit. Infra arcem caesi captique multi mortales. arx deinde obsidebatur: nec aut vi capi poterat, quia pro spatio loci satis praesidii habebat; aut spem dabat deditionis, omni publico frumento, priusquam urbs caperetur, in arcem convector. taedioque recessum inde foret, nisi servus arcem Romanis prodidisset. ab eo milites per locum arduum accepti cepere. a quibus quum custodes trucidarentur, cetera multitudo, repentino pavore oppressa, in deditionem venit. Diruta & arce & urbe Artena, reductae legiones ex Volscis omnisque vis Romana Vejos conversa est. proditori, praeter libertatem, duarum familiarum bona in praemium data. Servius Romanus vocitatus. Sunt, qui Artenam Vejentium, non Volscorum, fuisse credant. Praebet errorem, quod ejusdem nominis urbs inter Caere atque Vejos fuit: sed eam reges Romani delevere, Caeretumque, non Vejentium, fuerat. Altera haec nomine eodem in Volscis agro fuit, cujus excidium est dictum.

## LIBER V.

## E P I T O M E.

II, &c. **I**N obsidione Vejorum hibernacula militibus facta sunt. ea res, quum esset nova, indignationem tribunorum plebis movit, querentium non dari plebi nec per biennium militia requiem. VII. Equites tum primum equis suis merere coeperunt. XV. Quum inundatio ex lacu Albano facta esset, vates, qui eam rem interpretaretur, de hostibus captus est. XIX, XX, XXI. Furius Camillus dictator decem annos obsessos Vejos cepit: XXII. Simulacrum Junonis Romam transtulit: XXIII. Decimam partem praeda Delphos Apollini misit. XXVII. Idem tribunus militum, quum Faliscos obsideret, proditos hostium filios parentibus remisit: statimque deditione facta, Faliscorum victoriam justitia consecutus est. XXXI. Quum alter ex censoribus. C. Julius decessisset, in locum ejus. M. Cornelius successus est. nec id postea factum est: quoniam eo lustro à Gallis Roma capta est. XXXII. Furius Camillus, quum ei dies à L. Appuleio tribuno plebis dicta esset, in exilium abiit. XXXIII, &c. Quum Senones Galli Clusium obsiderent, & legati, à senatu missi ad componendam inter eos & Clusinos pacem, pugnae contra Gallos in acie Clusinorum stetitissent; hoc facto eorum concitati Senones urbem infesto exercitu petierunt, XXXVIII, XXXIX, &c. fusisque ad Alham suonen Romanis, cepere urbem; prius Capitolium, in quod se juvenis contulerat: XLI. Majores natu, cum insignibus honorum, quos quisque gesserat, in vestibulis adium sedentes, occiderunt. XLVII. Et quum per aversam partem Capitolii jam in summum evasisissent, proditi clangore anserum, M. Manlii precipue operâ dejecti sunt. XLVIII. Coactis deinde propter famem Romanis descendere, ut mille pondo auri darent, & hoc pretio suam obsidionis emerant; XLIX. Furius Camillus,

bus, dictator absens creatus, inter pendendum auxilium cum exercitu venit, & Gallos post sextum mensem urbe expulit, ceciditque. L. *Ædes Ajo* Locutio facta: quo loco ante urbem captam vox audita erat, adventare Gallos. Dictum est, ad Vejos migrandum esse propter incensam & dirutam urbem. LI, &c. Quod consilium Camillo auctore discussum est. LV. Movit populum vocis quoque omen ex centurione audita, qui, quam in forum venisset, manipularius suis dixerat, Sta milites; hic optime manebimus.

I. **P**A C E alibi parta, Romani Veji que in armis erant tanta ira odioque, ut victis finem adesse appareret. Comitia utriusque populi longe diversa ratione facta sunt. Romani auxere tribunorum militum consulari potestate numerum. octo, quot nunquam antea, creati, M. Æmilius Mamercinus iterum, L. Valerius Potitus tertium, Ap. Claudius Crassus, M. Quintilius Varus, L. Julius Iulus, M. Postumius, M. Furius Camillus, M. Postumius Albinus. Vejentes contra tædio annuæ ambitionis, quæ interdum discordiarum causa erat, regem creavere. Offendit ea res populorum Etruriæ animos, non majore odio regni, quam ipsius regis. gravis jam is antea genti fuerat opibus superbiâque, quia solennia ludorum, quos intermitteri nefas est, violenter diremisset: quum ob iram repulsi, quod suffragio duodecim populorum alius sacerdos ei prælatus esset, artifices, quorum magna pars ipsius servi erant, ex medio ludicro repente abduxit. Gens itaque, ante omnes alias eo magis dedita religionibus, quod excelleret arte colendi eas, auxilium Vejentibus negandum, donec sub rege essent, decrevit. cujus decreti suppressa fama est Vejis propter metum regis; qui, à quo tale quid dictum referretur, pro seditionis cum principe, non vani sermonis auctorem, habebat. Romania cunctis quietæ res ex Etruria nunciabantur, tamen, quia omnibus conciliis eam rem agitari afferebatur,

tur, ita muniebant, ut ancipitia munimenta essent: alia in urbem & contra oppidanorum eruptiones versa: aliis frons in Etruriam spectans auxiliis, si qua fortè inde venirent, obstruebatur.

II. Quum spes major imperatoribus Romanis in obsidione, quàm in oppugnatione, esset; hibernacula etiam, res nova militi Romano, ædificari cœpta: conciliumque erat, hiemando continuare bellum. quod postquam tribunis plebis, jamdiu nullam novandi res causam invenientibus, Romam est allatum, in concionem profiliunt, sollicitant plebis animos, *Hoc illud esse distitantes, quòd era militibus sint constituta. nec se fessellisse, id donum inimicorum veneno illitum fore. Venisse libertatem plebis: remotam in perpetuum & ablegatam ab urbe & ab republica juventutem, jam ne hiemi quidem aut temporis anni cedere, ac domos & res invisere suas. Quam putarent continuata militia causam esse? nullam profectò aliam inventuros, quàm ne quid per frequentiam juvenum eorum, in quibus vires omnes plebis essent, agi de commodis eorum posset. Vexari praterea & subigi multa acriùs, quàm Veientes. quippe illos hiemem sub tellis suis agere, egregiis muris situque naturali urbem tutantes: militem Romanum in opere ac labore, nivibus pruiniisque obrutum, sub pellibus durare, ne hiemis quidem spatia, quæ omnium bellorum terræ marique sit quies, arma deponentem. Hoc neque reges, neque ante tribuniciam potestatem creatam superbos illos consules, neque triste dictatoris imperium, neque importunos decemviros injunxisse servitutis, ut perennem militiam facerent, quod tribuni militum in plebe Romana regnum exercerent. Quidnam illi consules dictatoresve facturi essent, qui proconsularem imaginem tam sevam ac trucem fecerint? Sed id accidere baud immeritò. non fuisse ne in octo quidem tribunis militum locum ulli plebeio. Antea trina loca cum contentione summa patricios explere solitos: nunc jam octojuges ad imperia obtinenda ire; & ne in turba quidem herere plebeium quemquam: qui, si nihil aliud, admoncat collegas; liberos, & cives eorum, non servos,*

*servos, militare, quos bieme saltem in domos ac tecta reduci oporteat : & aliquo tempore anni parentes liberosque ac conjuges invisere, & usurpare libertatem, & creare magistratus. Hæc, taliaque vociferantes adversarium haud impari nacti sunt Ap. Claudium, relictum à collegis ad tribunicias seditiones comprimendas ; virum imbutum jam ab juvenia certaminibus plebeiis : quem auctorem aliquot annis antè fuisse memoratum est, per collegarum intercessionem, tribunicia potestatis dissolvendæ.*

III. Is tum jam, non promptus ingenio tantum, sed usu etiam exercitatus, talem orationem habuit : *Sic unquam dubitatum est, Quirites, utrum tribuni plebis vestra, an sua, causa seditionum semper auctores fuerint, id ego hoc anno desisse dubitari certum habeo. & quum lator, tandem longi erroris vobis finem factum esse, tum, quod secundis potissimum vestris rebus hic error est sublatus, & vobis, & propter vos reipublica gratulor. An est quisquam, qui dubitet, nullis injuriis vestris, si quæ fortè aliquando fuerunt, unquam equè, quàm munere Patrum in plebem, quum æra militantibus constituta sunt, tribunos plebis offensos ac concitados esse ? quid illos aliud aut tum timuisse creditis, aut hodie turbare velle, nisi concordiam ordinum, quam dissolvenda maximè tribunicia potestatis ventur esse ? Sic, bercule, tanquam artifices improbi, opus querunt : qui & semper agri aliquid esse in republica volunt, ut sit, ad cujus curationem à vobis adhibeantur. Utrum enim defenditis, an impugnatis plebem ? utrum militantium adversarii estis, an causam agitis ? nisi fortè hoc dicitis, Quicquid Patres faciunt, displicet ; sive illud pro plebe, sive contra plebem est. Et, quemadmodum servis suis vetant domini quicquam rei cum alienis hominibus esse, pariterque in iis beneficio ac maleficio abstineri æquum censent : sic vos interdicitis Patribus commercio plebis ; ne nos comitate ac munificentia nostrâ provocemus plebem, nec plebs nobis dicto audiens atque obediens sit. Quanto tandem, si quicquam in vobis, non dico civilis, sed humani esset, favere vos magis, & quantum in vobis esset, indulgere potius comitati Patrum at-*  
que

que obsequio plebis oportuit? quæ si perpetua concordia sit; quis non spondere ausit, maximum hoc imperium inter finitimos brevi futurum esse?

IV. Atque ego, quàm hoc consilium collegarum meorum, quo abducere infectâ re à Vejis exercitum noluerunt, non utile solum, sed etiam necessarium fuerit, postea disseram: nunc de ipsa conditione dicere militantium libet. Quam orationem; non apud vos solum, sed etiam in castris, si habeatur, ipso exercitû discéptante, æquam arbitror videri posse. in qua si mihi ipsi nihil, quod dicerem, in mentem venire posset, adversariorum certè orationibus contentius essem. Negabant nuper, danda esse æra militibus, quia nunquam data essent. quonam modo igitur nunc indignari possunt, quibus aliquid novi adjectum commodi sit, eis laborem etiam novum pro portione injungi? nusquam nec opera sine emolumento, nec emolumentum ferme sine impensâ opera est. labor voluptasque, dissimillima naturâ, societate quadam inter se naturali sunt juncta. Molestè antea ferebat miles, se suo sumptu operam rei publicæ præbere: gaudebat idem, partem anni se agrum suum colere; querere, unde domi militiæque se ac suos tueri posset. Gaudet nunc, fructui sibi rempublicam esse, & lætus stipendium accipit. æquo igitur animo patiatur, se ab domo, ab re familiari, cui gravis impensâ non est, paulo diutiùs abesse. An, si ad calculos eum respublica vocet, non meritiò dicat? annua æra habes, annuam operam ede. An tu æquum censes, militiâ semestri solidum te stipendium accipere? Inventus in hac parte orationis, Quirites, moror: sic enim agere debent, quia mercenario milite utuntur. at nos tanquam cum civibus agere volumus: agique tanquam cum patria nobiscum æquum censemus. Aut non suscipi bellum oportuit; aut geri pro dignitate populi Romani, & perfici quàm primum oportet. Perficitur autem, si urgemus obsessos: si non antè abscedimus, quàm spei nostræ finem captis Vejis imposuerimus. Si, Hercules, nulla alia causa, ipsa indignitas perseverantiam imponere debuit. Decem quondam annos urbs oppugnata est ob unam mulierem ab universa Gracia: quàm procul ab domo?

quos

quot terras, quot maria distans? nos intra vicefimum lapidem, in conspectu propè urbis nostræ, annuam oppugnationem perferre piget: scilicet, quia levis causa belli est, nec satis quidquam iusti doloris est, quod nos ad perseverandum stimulet. Septies rebellârunt, in pace nunquam fida fuerunt: agros nostros millies depopulati sunt: Fidenates descere à nobis coëgerunt: colonos nostros ibi interfecerunt: auctores fuere contra jus gentium cadis impie legatorum nostrorum: Etruriam omnem adversus nos concitare voluerunt, bodieque id moliantur: res repentes legatos nostros, baud procul afuit, quin violarent.

V. Cum his molliter & per dilationes bellum geri oportet? si nos tam iustum odium nihil movet, ne illa quidem, oro vos, movent? Operibus ingentibus septa urbs est, quibus intra muros coërcetur hostis. agrum non coluit, & culta evastata sunt bello. Si reducimus exercitum, quis est, qui dubitet, illos, non à cupiditate solum ulciscendi, sed etiam necessitate impositâ ex alieno prædandi, quum sua amiserint, agrum nostrum invasuros? non differimus igitur bellum isto consilio, sed intra fines nostros accipimus. Quid? illud, quod propriè ad milites pertinet, quibus boni tribuni plebis quum stipendium extorquere voluerint, nunc consultum repenti volunt, quale est? Vallum fossamque, ingentis utramque rem operis, per tantum spatii duxerunt: castella primò pauca, postea, exercitu aucto, creberrima fecerunt: munitiones non in urbem modò, sed in Etruriam etiam spectantes, si qua inde auxilia veniant, opposuere. Quid turres, quid vineas testudinesque & alium oppugandarum urbium apparatus loquar? quum tantum laboris exhaustum sit, & ad finem jam operis tandem perventum; relinquendane hac censetis, ut ad æstatem rursus novus de integro his instituendis exsudet labor? quanto est minus opera tueri facta, & instare, & perseverare, desungique curâ? Brevis enim profectò res est, si uno tenore peragitur, nec ipsi per intermissioneſ has intervallaque lentioſam spem nostram facimus. loquor de opere, & de temporis iactura. Quid? periculi, quod differendo bello adimus, num obliviscì nos hac tam crebra Etruria concilia de mittendis Vejos auxiliis patiuntur?

Ut

Ut nunc res se habet, irati sunt, oderunt, negant missuros: quantum in illis est, capere Vejos licet. quis est, qui spondeat, eundem, si differtur bellum, animum postea fore? quum, si laxamentum dederis, major frequentiorque legatio itura sit: quum id, quod nunc offendit Etruscos, rex creatus Vejis, spatium interposito mutari possit, vel consensu civitatis, ut eo reconcilient Etruria animos, vel ipsius voluntate regis, qui ob stare regnum suum salutem civium nolit. Videte, quot res, quam inutiles, sequantur illam viam consilii: jactura operum tanto labore factorum, vastatio imminens finium nostrorum; Etruscam bellum pro Vejente concitatum. Hac sunt, tribuni; consilia vestra, non, hercule, dissimilia, ac si quis egro, qui, curari se fortiter passus, extemplo convalescere possit; cibi gratia praesentis aut potionis longinquum & forsitan insanabilem morbum efficiat.

VI. Si, me Dius Fidius, ad hoc bellum nihil pertineret, ad disciplinam certe militia plurimum intererat, insuescere militem nostrum, non solum paratam victoriam frui; sed, si res etiam lentior sit, pati tedium, & quamvis sera spei exitum expectare; &, si non sit aestate perfectum bellum, hiemem opperiri; nec, sicut aestivas aves, statim autumnus tellus ac recessum circumspicere. Obsecro vos, venandi studium ac voluptas homines per nives ac pruinas in montes silvasque rapit; belli necessitatibus eam patientiam non adhibebimus, quam vel lusus ac voluptas elicere solet? Adeone effeminata corpora militum nostrorum esse putamus, adeo molles animos, ut hiemem unam durare in castris, abesse ab domo non possint? ut, tanquam navale bellum, tempestatibus captandis & observando tempore anni, gerant, non aestus, non frigora pati possint? Erubescant profecto, si quis eis haec objiciat; contendantque, & animis & corporibus suis virilem patientiam inesse, & se juxta hieme atque aestate bella gerere posse: nec se patrociniis mollium inertiae mandasse tribunis, & meminisse, hanc ipsam potestatem non in umbra nec in tectis majores suos creasse. Hac virtute militum vestrorum, hac Romani nominis sunt digni: non Vejos tantum, nec hoc bellum intueri, quod instat; sed famam



*nam & ad alia bella & ad ceteros populos in posterum quere-  
re. An mediocre discrimen opinionis secuturum ex hac re pu-  
tatis? utrum tandem finitimi populum Romanum cum esse pu-  
tent, cujus si qua urbs primum illum brevissimi temporis susti-  
nuerit impetum, nihil deinde timeat? an hic sit terror nominis  
nostri, ut exercitum Romanum non tadium longinqua oppugna-  
tionis, non vis hiemis ab urbe circumseffa semel amovere pos-  
sit, nec finem ullum alium belli, quam victoriam, noverit;  
nec impetu potius bella, quam perseverantiâ, gerat? quæ in  
omni quidem genere militia, maximè tamen in obsidendis urbi-  
bus, necessaria est; quarum plerasque, munitionibus ac natu-  
rali situ inexpugnabiles, fame sitique tempus ipsum vincit atque  
expugnat: sicut Vejos expugnabit; nisi auxilio hostibus tribuni  
plebis fuerint, & Roma invenerint præsidia Vejentes, quæ ne-  
quicquam in Etruria querunt. An est quicquam, quod Vejen-  
tibus optatum æquè contingere possit, quàm ut seditionibus pri-  
mum urbs Romana, deinde velut ex contagione castra implean-  
tur? At, hercule, apud hostes tanta modestia est, ut non  
obsidionis tadio, non denique regni, quicquam apud eos mova-  
tum sit; non negata auxilia ab Etruscis irritaverint animos.  
moriatur enim extemplo, quicumque erit seditionis auctor. nec  
cuiquam dicere ea licebit, quæ apud vos impune dicuntur. Fu-  
stinarium meretur, qui signa relinquit, aut præsidio decedit. Au-  
ctores signa relinquendi, & deserendi castra, non mi aut alteri  
militi, sed universis exercitibus, palam in concione audiuntur.  
adèd quicquid tribunus plebi loquitur, etsi prodende patriæ dis-  
solvendæque rei publicæ est, assuetis auri audire; & dulcedine  
potestatis ejus capti, qualibet sub ea scelera latere finitis. Re-  
liquum est, ut, quæ hic vociferantur, eadem in castris & apud  
milites agant, & exercitus corrumpant, ducibusque parere non  
patiantur: quoniam ea demum Roma libertas est, non sena-  
tum, non magistratus, non leges, non mores majorum, non in-  
stituta patrum, non disciplinam veteri militia.*

VII. Par jam etiam in concionibus erat Appius tri-  
bunis plebis; quum subito, unde minimè quis crederet,  
accepta calamitas apud Vejos. & superiorem Appium  
in

in causa, & concordiam ordinum majorem ardorem-  
 que ad obsidendos pertinaciùs Vejos fecit. Nam quum  
 agger promotus ad urbem, vineæque tantum non jam  
 injunctæ mœnibus essent; dum opera interdiu fiunt in-  
 tentiùs, quàm nocte custodiuntur, patefactâ repentè  
 portâ, ingens multitudo, facibus maximè armata, i-  
 gnes conjecit: horæque momento simul aggerem ac  
 vineas, tam longi temporis opus, incendium hausit:  
 multique ibi mortales nequicquam opem ferentes, ferro  
 ignique absumpti sunt: Quod ubi Romam est nun-  
 ciatum, mœstitiam omnibus, senatui curam metum-  
 que iniecit, ne tum verò sustineri nec in urbe seditio,  
 nec in castris posset, & tribuni plebis velut ab se victæ  
 reipublicæ insultarent: quum repentè, quibus census  
 equester erat, equi publici non erant assignati, consilio  
 prius inter sese habito, senatum adeunt; factâque di-  
 cendi potestate, *equis se suis stipendia facturos* promittunt.  
 Quibus quum amplissimis verbis gratiæ ab senatu actæ  
 essent, famaue ea forum atque urbem pervasisset, sub-  
 itò ad curiam concursus fit plebis. *Pedestris ordinis se,*  
*aiunt, nunc esse, operamque reipublica extra ordinem pollice-*  
*ri, seu Vejas, seu quò aliò ducere velint. si Vejos ducti sint,*  
*negant, se inde prius, quàm captâ urbe hostium, redituros*  
*esse.* Tum verò jam superfundenti se lætitiæ vix tem-  
 peratum est. non enim, sicut equites, datò magistrati-  
 bus negotio, laudari jussi; neque aut in curiam voca-  
 ti, quibus responsum daretur, aut limine curiæ conti-  
 nebatur senatus: sed pro se quisque ex superiore loco  
 ad multitudinem, in comitio stantem, voce manibus-  
 que significare publicam lætitiâ. Beatam urbem Ro-  
 manam, & invictam, & æternam illâ concordia dice-  
 re: laudare equites, laudare plebem, diem ipsum lau-  
 dibus ferre: victam esse fateri comitatem benignita-  
 temque senatûs. Certatim Patribus plebique manare  
 gaudio lacrimæ; donec, revocatis in curiam Patribus,  
 senatusconsultum factum est, *Ut tribuni militares, concii-*  
*one*

*one advocatâ, peditibus equitibusque gratias agerent : memorem pietatis eorum erga patriam dicerent senatum fore. placere autem, omnibus his voluntariam extra ordinem professis militiam ara procedere. & equiti certus numerus æris est assignatus. Tum primum equis merere equites cœperunt. Voluntarius ductus exercitus Vejos non amissa modò restituit opera, sed nova etiam instituit. ab urbe com meatu intentiore, quàm antea, subvehi curâ ; ne quid tam bene merito exercitui ad usum deesset.*

VIII. Insequens annus tribunos militum consulari potestate habuit C. Servilium Ahalam tertium, Q. Servilium, L. Virginium, Q. Sulpicium, A. Manlium iterum, M. Sergium iterum. his tribunis, dum cura omnium in Vejens bellum intenta est, neglectum Anxuri præsidium vacationibus militum, & Volscos mercatores vulgò receptando, proditis repentè portarum custodibus, oppressum est. minus militum periit, quia præter ægros lixarum in modum omnes per agros vicinasque urbes negotiabantur. Nec Vejis meliùs gestares, quod tum caput omnium curarum publicarum erat. nam & duces Romani plus inter se irarum, quàm adversus hostes animi, habuerunt : & auctum est bellum adventu repentino Capenatium atque Faliscorum. Hi duo Etruriæ populi, quia proximi regione erant, devictis Vejis, bello quoque Romano se proximos fore credentes ; Falisci propriâ etiam causâ infesti, quòd Fidenati bello se jam antea immiscuerant, per legatos ultro citroque missos jurejurando inter se obligati, cum exercitibus necopinatò ad Vejos accessere.. Fortè eâ regione, quâ M. Sergius tribunus militum præerat, castra adorti sunt, ingentemque terrorem intulere ; quia Etruriam omnem excitam sedibus magnâ mole adesse Romani crediderant. eadem opinio Vejentes in urbe concitavit. Ita ancipiti prælio castra Romana oppugnabantur ; concursantesque, quum huc atque illuc signa transferrent, nec Vejentem satis cohibere intra

tra munitiones, nec suis munimentis arcere vim, ac tueri se ab exteriori poterant hoste. una spes erat, si ex majoribus castris subveniretur, ut diversæ legiones, aliæ adversus Capenatem ac Faliscum, aliæ contra eruptionem oppidanorum pugnarent. Sed castris præerat Virginius, privatim Sergio invisus infestusque. is, quum pleraque castella oppugnata, superatas munitiones, utrinque invehi hostem nunciaretur, in armis milites tenuit: si opus foret auxilio, collegam distitans ad se missurum. Hujus arrogantiam pertinacia alterius æquabat; qui, ne quam opem ab inimico videretur petisse, vinci ab hoste, quàm vincere per civem, maluit. Diu in medio cæsi milites; postremò, desertis muniti-  
onibus, perpauci in majora castra, pars maxima atque ipse Sergius Romam pertenderunt. ubi quum omnem culpam in collegam inclinaret, acciri Virginium ex castris, interea præesse legatos placuit. Acta deinde in senatu res est, certatumque inter collegas maledictis. pauci reipublicæ, huic atque illi, ut quosque studium privatim aut gratia occupaverunt, adsunt.

IX. Primores Patrum, sive culpâ sive infelicitate imperatorum tam ignominiosa clades accepta esset, censuere, *Non expectandum justum tempus comitorum, sed extemplo novos tribunos militum creandos esse, qui Kalendis Octobribus magistratum occiperent.* In quam sententiam quum pedibus iretur, ceteri tribuni militum nihil contradicere. at enimvero Sergius Virginiusque, propter quos poenitere magistratum ejus anni senatum apparebat, primò deprecari ignominiam, deinde intercedere senatusconsulto: negare, se ante Idus Decembres, solennem incundis magistratibus diem, honore abituros esse. Inter hæc tribuni plebis, quum in concordia hominum secundisque rebus civitatis inviti silentium tenuissent, feroces repentè minari tribunis militum, nisi in auctoritate senatûs essent, se in vincula eos duci jussuros esse. Tum C. Servilius Ahala tribunus militum: *2<sup>nd</sup>*

*ad vos attinet, tribuni plebis, minasque vestras, ne ego libenter experirer, quam non plus in his juris, quam in vobis animi, esset. Sed nefas est tendere adversus auctoritatem senatus. proinde & vos definite inter nostra certamina locum injuria querere: & collega aut facient, quod censet senatus, aut, si pertinacius tendent, dictatorem extemplo dicam, qui eos abire magistratu cogat. Quum omnium assensu comprobata oratio esset, gauderentque Patres, sine tribunicie potestatis terriculis inventam esse aliam vim majorem ad coercendos magistratus; victi consensu omnium comitia tribunorum militum habuere, qui Kalendis Octobribus magistratum occiperent: seque ante eam diem magistratu abdicavere.*

X. L. Valerio Potito quartum, M. Furio Camillo iterum, M. Æmilio Mamercino tertium, Cn. Cornelio Cossio iterum, K. Fabio Ambusto, L. Julio Iulo, tribunis militum consulari potestate, multa domi militumque gesta. nam & bellum multiplex fuit eodem tempore, ad Vejos, & ad Capenam, & ad Falcerios, & in Volscis, ut Anxur ab hostibus recuperaretur: & Romæ simul delectu, simul tributo conferendo, laboratum est: & de tribunis plebei cooptandis contentio fuit: & haud parvum motum duo judicia eorum, qui paulo antè consulari potestate fuerant, excivere. Omnium primum tribunis militum fuit, delectum haberi; nec juniores modò conscripti, sed seniores etiam coacti nomina dare, ut urbis custodiam agerent. Quantum autem augebatur militum numerus, tanto majore pecuniâ in stipendium opus erat: eaque tributo conferebatur, invitis conferentibus, qui domi remanebant, quia tuentibus urbem operâ quoque militari laborandum, serviendumque reipublicæ erat. Hæc per se gravia, indigniora ut viderentur, tribuni plebis seditiosis concionibus faciebant; ideo ara militibus constituta esse arguendo, ut plebis partem militiâ, partem tributo conficerent. Unum bellum autum jam tertium trahi, & consultò male geri,

et diutius gerant. in quatuor deinde bella uno delectu exercitus scriptos, & pueros quoque ac senes extractos. Jam non aestatis nec hiemis discrimen esse, ne ulla quies unquam misera plebi sit: quæ nunc etiam vectigalis ad ultimum facta sit; ut, quum confecta labore, vulneribus, postremo ætate corpora retulerint, incultaque omnia diutino dominorum desiderio domi invenerint, tributum ex affecta re familiari pendant; araque militaria, velut fœnore accepta, multiplicia reipublica reddant. Inter delectum tributumque, & occupatos animos majorum rerum curis, comitiis tribunorum plebis numerus expleri nequii. Pugnatum inde, in loca vacua ut patricii cooptarentur. postquam obtineri non poterat, tamen labefactandæ legis Treboniæ causâ effectum est, ut cooptarentur tribuni plebis C. Lacerius & M. Acutius, haud dubiè patriciorum opibus.

XI. Fors ita tulit, ut eo anno tribunus plebis Cn. Trebonius esset, qui nomini ac familiæ debitum præstare videretur Treboniæ legis patrociniū. is, quod petissent Patres quidam, primo incepto repulsi, tamen tribunos militum expugnasse, vociferans, legem Treboniam sublata, & cooptatos tribunos plebis non suffragiis populi, sed imperio patriciorum; & eò revolvi rem, ut aut patricii, aut patriciorum affectu habendi tribuni plebis sint: eripi sacratas leges, extorqueri tribuniciam potestatem: id fraude patriciorum, scelere ac proditione collegarum factum arguere. Quum arderent invidiâ, non Patres modò, sed etiam tribuni plebis, cooptati pariter, & qui cooptaverant; tum ex collegio tres, P. Curatius, M. Metilius, & M. Minucius, trepidi rerum suarum, in Sergium Virginiumque, prioris anni tribunos militares, incurrunt: in eos ab se iram plebis invidiamque, die dictâ, avertunt. Quibus delectus, quibus tributum, quibus diutina militia longinquitasque belli sit gravis, qui clade acceptâ ad Vejos doleant, qui amissis liberis, fratribus, præpinqvis, affinis, lugubres domos habeant; iis publici privatique doloris exsequendi jus potestatemque ex duobus voxis capitibus datam ab se, memorant.

rant. Omnium namque malorum in Sergio Virginioque causas esse: nec id accusatorem magis arguere, quam fateri reos: qui, noxii ambo, alter in alterum causam conferant, fugam Sergii Virginii, Sergius prodicionem increpans Virginii. Quorum adeo incredibilem amentiam fuisse, ut multo verisimilius sit, compacto eam rem & communi fraude patriciorum actam. Ab his & prius datum locum Vejentibus ad incendenda opera, belli trabendi causâ; & nunc proditum exercitum, tradita Faliscis Romana castra. Omnia fieri, ut consensescat ad Vejos juvenus: nec de agris, nec de aliis commodis plebis ferre ad populum tribui, frequentiaque urbana celebrare actiones, & resistere conspirationi patriciorum possint. Praejudicium jam de reis & ab senatu, & ab populo Romano, & ab ipsorum collegis factum esse. nam & senatusconsulto eos ab republica remotos esse, & recusantes abdicare se magistratu, dictatoris metu ab collegis coercitos esse: & populum Romanum tribunos credisse, qui non Idibus Decembribus die solenni, sed extemplo Kalendis Octobribus magistratum occiperent, quia stare diutius respublica, his manentibus in magistratu, non posset. Et tamen eos, tot judiciis confossos praedamnatosque, venire ad populi iudicium; & existimare, defunctos se esse, satisque poenarum dedisse, quod duobus mensibus citius privati facti sint: neque intelligere, nocendi sibi diutius tum potestatem ereptam esse, non poenam irrogatam; quippe & collegis abrogatum imperium, qui certe nihil deliquissent. Illos repeterent animos Quirites, quos recenti clade acceptâ habuissent, quum fugâ trepidum, plenum vulnery ac pavore incidentem portis exercitum viderint, non fortunam aut quemquam Deorum, sed hos duces accusantem. Pro certo se habere, neminem in concione stare, qui illo die non caput, domum, fortunasque L. Virginii ac M. Sergii sit exsecratus detestatusque. Minimè convenire, quibus iratos quisque Deos precatus sit, in iis sua potestate, quum liceat & oporteat, non uti. Nunquam Deos ipsos admoveere nocentibus manus. satis esse, si occasione ulciscendi lafos arment.

XII. His orationibus incitata plebs denis millibus  
 aris

æris gravis reos condemnat, nequicquam Sergio Martem communem belli fortunamque accusante, Virgino deprecante, ne infelicior domi, quam militiæ, esset. In hos versa ira populi cooptationis tribunorum fraudisque, contra legem Treboniam factæ, memoriæ obscuram fecit. Victores tribuni, ut præsentem mercedem iudicii plebes haberet, legem agrariam promulgant, tributumque conferri prohibent: quum tot exercitibus stipendiò opus esset, resque militiæ ita prospere gererentur, ut nullo bello veniretur ad exitum spei. namque Vejis castra, quæ amissa erant, recuperata castellis præditiisque firmantur. Præerant tribuni militum M. Æmilius & K. Fabius. M. Furio in Faliscis, & Cn. Cornelio in Capenate agro hostes nulli extra moenia inventi: prædæ actæ, incendiisque villarum ac frugum vastati fines: oppida oppugnata, nec obsessa sunt. At in Volscis, depopulato agro, Anxur nequicquam oppugnatum, loco alto situm; &, postquam vis irrita erat, vallo fossaque obsideri cæptum. Valerio Potito Volsci provincia evenerat. Hoc statu militarium rerum, seditio intestina majore mole coorta, quam bella tractabantur. &, quum tributum conferri per tribunos non posset, nec stipendium imperatõribus mitteretur, æraque militaria flagitaret miles, haud procul erat, quin castra quoque urbanæ seditionis contagione turbarentur. Inter has iras plebis in Patres, quum tribuni plebis nunc illud tempus esse dicerent stabiliendæ libertatis, & ab Sergiis Virginiisque ad plebeios viros fortes ac strenuos transferendi summi honoris; non tamen ultra processum est, quam ut unus ex plebe, usurpandi juris causâ, P. Licinius Calvus tribunus militum consulari potestate crearetur: ceteri patricii creati P. Mænius, L. Titinius, P. Mælius, L. Furius Medullinus, L. Publilius Volscus. Ipsa plebes mirabatur, se tantam rem obtinuisse; non is modò, qui creatus erat, vir nullis antè honoribus usus, vetus tantum sena-



tor, & ætate jam gravis. Nec satis constat, cur primus ac potissimus ad novum delibandum honorem sit habitus. Alii Cn. Cornelii fratris, qui tribunus militum priore anno fuerat, triplexque stipendium equitibus dederat, gratiâ extractum ad tantum honorem credunt. alii orationem ipsum tempestivam de concordia ordinum, Patribus plebique gratam, habuisse. Hac victoriâ comitiorum exsultantes tribuni plebis, quod maximè rempublicam impediēbat, de tributo remiserunt. collatum obedienter, missumque ad exercitum est.

XIII. Anxur in Volscis brevi receptum est, neglectis die festo custodiis urbis. Insignis annus hieme gelidâ ac nivosa fuit, adeo ut viæ clausæ, Tiberis innavigabilis fuerit. annona ex antè convectoria copia nihil mutavit. Et quia P. Licinius, ut ceperat haud tumultuose magistratum, majore gaudio plebis, quàm indignatione Patrum, ita etiam gessit; dactylo invasit proximis comitiis tribunorum militum plebeios creandi. Unus M. Veturius ex patriciis candidatis locum tenuit: plebeios alios tribunos militum consulari potestate omnes ferè centuriæ dixerunt, M. Pomponium, C. Duiliū, Voleronem Publiliū, Cn. Genucium, L. Attiliū. Tristem hiemem, sive ex intemperie cœli, raptū mutatione in contrarium factâ, sive alia, quæ de causa, gravis pestilensque omnibus animalibus æstas excepit. cujus insanabili pernīcie quando nec causa nec finis inveniebatur, libri Sibyllini ex senatusconsulto aditi sunt. Duumviri sacris faciundis, lectisternio tunc primum in urbe Romana factō, per dies octo Apollinem, Latonamque & Dianam, Herculem, Mercurium atque Neptunum tribus, quàm amplissimè tum apparari poterat, stratis lectis placavere. Privatum quoque id sacrum celebratum est. totâ urbe patentibus januis, promiscuoque usu rerum omnium in propatulo posito, notos ignotosque passim advenas in hospitium ductos ferunt;

ferunt; & cum inimicis quoque benignè ac comiter sermones habitos, jurgiis ac litibus temperatum; vinculis quoque dempta in eos dies vincula; religioni deinde fuisse, quibus eam opem Dii tulissent, vinciri. Interim ad Vejos terror multiplex fuit; tribus in unum bellis collatis. namque eodem, quo antea, modo circa munimenta, quum repentè Capenates Faliscique subsidio venissent, adversus tres exercitus ancipiti præliò pugnatum est. Ante omnia adjuvit memoria damnationis Sergii ac Virginii. itaque majoribus castris, unde antea cessatum fuerat, brevi spatio circumductæ copiae Capenates, in vallum Romanum versos, ab tergo aggrediuntur. Inde pugna cœpta & Faliscis intulit terrorem, trepidantesque eruptio ex castris opportunè facta avertit. repulsos deinde insecuti victores ingentem ediderunt cædem. Nec ita multo post jam palantes, veluti fortè oblati, populatores Capenatis agri reliquias pugnae absumpsere: & Vejentium refugientes in urbem multi ante portas cæsi, dum præ metu, ne simul Romanus irrumperet, objectis foribus extremos suorum excludere.

XIV. Hæc eo anno acta. Et jam comitia tribunorum militum aderant, quorum propè major Patribus, quam belli, cura erat; quippe non communicatum modò cum plebe, sed propè amissum, cernentibus summum imperium. Itaque clarissimis viris ex composito præparatis ad petendum, quos prætercundi verecundiam crederent fore, nihilominus ipsi, perinde ac si omnes candidati essent, cuncta experientes, non homines modò, sed Deos etiam, excipiebant; in religionem vertentes comitia biennio habita: priore anno intolerandam hiemem prodigiisque divinis similem cohortam: proximo non prodigia, sed jam eventus, pestilentiam agris urbiue illatam haud dubià irâ Deum: quos pestis ejus arcendæ causâ placandos esse, in libris fatalibus inventum sit. Comitiiis, auspiciatò quæ fierent,

rent, indignum Diis visum honores vulgari, discriminaque gentium confundi. Præterquam majestate potentium, religione etiam attoniti homines patricos omnes, partem magnam honoratissimum quemque, tribunos militum consulari potestate creavere, L. Valerium Potitum quintum, M. Valerium Maximum, M. Furium Camillum tertium, L. Furium Medullinum tertium, Q. Servilium Fidenatem iterum, Q. Sulpicium Camerinum iterum. His tribunis ad Vejos nihil admodum memorabile actum est. tota vis in populatioribus fuit. Duo summi imperatores, Potitus à Faleriis, Camillus à Capena, prædas ingentes egere, nulla incolumi relicta re, cui ferro aut igni noceri posset.

XV. Prodigia interim multa nunciari; quorum pleraque, & quia singuli auctores erant, parum credita spretaque, & quia, hostibus Etruscis, per quos ea procurarent, aruspices non erant. in unum omnium curæ versæ sunt, quoddam lacus in Albano nemore sine ullis cœlestibus aquis, causæque qua alia, quæ rem miraculo eximeret, in altitudinem insolitam crevit. Quidnam eo Dii portenderent prodigio, missi sciscitatum oratores ad Delphicum oraculum: sed propior interpretis fati oblatus senior quidam Vejens, qui, inter cavillantes in stationibus ac custodiis milites Romanos Etruscosque, vaticinantis in modum cecinit, *Prisquam ex lacu Albano aqua emissæ foret, nunquam potiturum Veiis Romanum.* Quod primum, velut temere jactum, sperni, agitari deinde sermonibus cœptum est; donec unus ex statione Romana percunctatus proximum oppidanorum, (jam per longinquitatem bellî commercio sermonum facto) quisnam is esset, qui per ambages de lacu Albano jaceret? postquam audivit aruspicem esse, vir haud intacti religione animi, causatus de privati portenti procuratione, si operæ illi esset, consulere velle, ad colloquium vatem elicit. Quumque progressi ambo à suis longius essent inermes, sine ullo metu; prævalens juvenis

juvenis Romanus senem infirmum, in conspectu omnium raptum, nequicquam tumultuantibus Etruscis, ad suos transtulit. qui quum perductus ad imperatorem, inde Romam ad senatum missus esset, sciscitantibus, quidnam id esset, quod de lacu Albano docuisset, respondit: *Profectò iratos Deos Vejenti populo illo fuisse die, quo sibi eam mentem objecissent, ut excidium patria fatale proderet. itaque, quæ tum cecinerit divino spiritu instinctus, ea se nec, ut indicta sint, revocare posse; & tacendo forsitan, quæ Dii immortales vulgari velint, haud minus, quàm celanda effando, nefas contrahi. Sic igitur libris fatalibus, sic disciplinâ Etruscâ traditum esse, ut quando aqua Albana abundasset, tum, si eam Romanus ritè emisisset, victoriam de Vejentibus dari. antequam id fiat, Deos mœnia Vejentium deserturos non esse.* Exsequebatur inde, quæ solennis derivatio esset. Sed auctorem levem, nec satis fidum super tanta re Patres rati, decrevere, legatos sortisque oraculi Pythici expectandas.

XVI. Priusquam à Delphis oratores redirent, Albanive prodigii piacula invenirentur, novi tribuni militum consulari potestate; L. Julius Julus, L. Furius Medullinus quartum; L. Sergius Fidenas, A. Postumius Regillensis, P. Cornelius Maluginensis, A. Manlius, magistratum interunt. Eo anno Tarquinienses novi hostes exorti. quia simul multis bellis, Volscorum ad Anxur, ubi præsidium obsidebatur, Æquorum ad Lavicos, qui Romanam ibi coloniam oppugnabant; ad hoc Vejenti quoque & Falisco & Capenati bello occupatos videbant Romanos, nec intra muros quietiora negotia esse certaminibus Patrum ac plebis; inter hæc locum injuriæ rati esse, prædatum in agrum Romanum cohortes expeditas mittunt: aut enim passuros inultam eam injuriâ Romanos, ne novo bello se onerarent: aut exiguo, eoque parum valido, exercitu persecuturos. Romanis indignitas major quàm cura, populationis Tarquiniensium fuit. eo nec magno conatu sus-

cepta, nec in longum dilata res est. A. Postumius & L. Julius non justo delectu, (etenim ab tribunis plebis impediabantur) sed propè voluntariorum, quos adhortando incitaverant, coactâ manu, per agrum Cæretem obliquis tramitibus egressi, redeuntes à populationibus gravesque prædâ Tarquinienfes opprèssere. multos mortales obtruncant, omnes exuunt impedimentis; & receptis agrorum suorum spoliis, Romam revertuntur. Biduum ad recognoscendas res datum dominis: tertio incognita (erant autem ea pleraque hostium ipsorum) sub hasta veniè: quodque inde redactum, militibus est divisum. Cetera bella, maximèque Vejens, incerti exitus erant. Jamque Romani, desperatâ ope humanâ, fata & Deos spectabant, quum legati ab Delphis venerunt, sortem oraculi afferentes, congruentem responso captivi vatis. *Romane, aquam Albanam cave lacu contineri, cave in mare manare suo flumine finas. emissam per agros rigabis, dissipatamque rivis exstingues. Tum tu insiste audax hostium muris; memor, quam per tot annos obsides urbem, ex ea tibi his, quæ nunc panduntur, satis victoriam datam. Bello perfectò, donum amplum victor ad mea templa portato: sacraque patria, quorum ommissa cura est, instaurata, ut assòlet, facito.*

XVII. Ingens inde haberi captivus vates cœptus, eumque adhibere tribuni militum Cornelius Postumiusque ad prodigii Albani procurationem ac Deos ritè placandos cœpere. Inventumque tandem est, ubi neglectas ceremonias intermissumve solenne Dii arguerent; nihil profectò aliud esse, quàm magistratus, vitio creatos, Latinas sacrumque in Albano monte non ritè concepisse. Unam expiationem eorum esse, ut tribuni militum abdicarent se magistratu, auspicia de integro repeterentur, & interregnum iniretur. Ea ita facta sunt ex senatusconsulto. Interreges tres deinceps fuerunt, L. Valerius, Q. Servilius Fidenas, M. Furius Camillus. Nunquam desitum interim turbari, comitia interpel-

terpellantibus tribunis plebis, donec convenisset prius, ut major pars tribunorum militum ex plebe crearetur. Quam dum aguntur, concilia Etruriæ ad fanum Voltumnæ habita, postulantibusque Capenatibus ac Faliscis, ut Vejos communi animo consilioque omnes Etruriæ populi ex obsidione eriperent, responsum est: antea se id Vejentibus negasse, quia, unde consilium non petissent super tanta re, auxilium petere non deberent. nunc jam pro se fortunam suam illis negare; maxime in ea parte Etruriæ. Gentem invigilatam, novos accelas Gallos esse, cum quibus nec pax satis fida, nec bellum pro certo sit: sanguini tamen nominisque et presentibus periculis consanguineorum id dari, ut, si qui juventutis sue voluntate ad id bellum eant, non impediant. Eam magnum advenisse hostium numerum, fama Romæ erat. eoque mitescere discordiæ intestinæ metu communi, ut sit, cœptæ.

XVIII. Haud inavitis Patribus P. Licinium Calvum prærogativa tribunum militum non petentem creant, moderationis expertæ in priore magistratu virum, ceterum jam tum exactæ ætatis: omnesque deinceps ex collegio ejusdem anni refici apparebat, L. Titinium, P. Mænium, P. Mælium, Cn. Genucium, L. Atilium: qui priusquam renunciarentur, jure vocatis tribubus permissu interregis P. Licinius Calvus ita verba fecit: Omen concordia, Quirites, rei maxime in hoc tempus utilis, memoriâ nostri magistratus vos his comitiis petere in insequentem annum video. Si collegas eosdem reficitis, etiam usum meliores factos, me jam non eundem, sed umbram nomenque P. Licinii relictum videtis. vires corporis affectæ, sensus colorum atque aurium hebetes, memoria labat, vigor animi obtusus. Ex vobis, inquit, juvenem, filium tenens, effigiem atque imaginem ejus, quem vos antea tribunum militum ex plebe primum fecistis. Hunc ego, institutum disciplinæ meæ, vicarium pro me reipublica do dicoque. Vosque quaeso, Quirites, delatum mihi ultro honorem huic petenti, meisque pro eo adjectis precibus, mandetis. Datum id petenti patri;

filiusque ejus P. Licinius tribunus militum consulari potestate cum iis, quos suprà scripsimus, declaratus. Titinius Genuciusque tribuni militum, profecti adversus Faliscos Capenatesque, dum bellum majore animo gerunt, quàm consilio, præcipitavere in insidias. Genucius, morte honestâ temeritatem luens, ante signa inter primores cecidit. Titinius, in editum tumultum ex multa trepidatione militibus collectis, aciem restituit; nec se tamen æquo loco hosti commisit. Plus ignominie erat, quàm cladis, acceptum; quæ propè in eadem ingentem vertit; tantum inde terroris non Romæ modò, quò multiplex fama pervenerat, sed in castris quoque fuit ad Vejos. Ægrè ibi miles retentus à fuga est, quum pervasisset castra rumor, ducibus exercituque cæso, victorem Capenatem ac Faliscum Etrurizque omnem juventutem haud procul inde abesse. His tumultuosiora Romæ, jam castra ad Vejos oppugnari, jam partem hostium tendere ad urbem agmine infesto, crediderant: concursumque in muros est, & matronarum, quas ex domo conciverat publicus pavor, obsecrationes in templis factæ: precibusque ab Diis petitum, ut exitium ab urbis testis templisque ac mœnibus Romanis arcerent, Vejosque cum averterent terrorem, si sacra renovata ritè, si procurata prodigia essent.

XIX. Jam huius Latineque instauratæ erant: jam ex lacu Albano aqua emissâ in agros, Vejosque fata appetebant. Igitur, fatalis dux ad excidium illius urbis servandæque patriæ, M. Furius Camillus dictator dictus magistrum equitum P. Cornelium Scipionem dixit. Omnia repente mutaverat imperator mutatus. alia spes, alius animus hominum, fortuna quoque alia urbis videri. Omnium primum in eos, qui à Vejis in illo pavore fugerant, more militari animadvertit, effecitque, ne hostis maximè timendus militi esset. deinde, indicto delectu in diem certam, ipse interim Vejos ad

ad confirmandos militum animos intercurrit : inde Romam ad scribendum novum exercitum redit, nullo detrectante militiam. Peregrina etiam juvenus, Latini Hernique, operam suam pollicentes ad id bellum, venire : quibus quum gratias in senatu egisset dictator, satis jam omnibus ad id bellum paratis, ludos magnos ex senatusconsulto vovit Vejis captis se facturum ; ædemque Matutz matris resectam dedicaturum, jam antè ab rege Ser. Tullio dedicatam. Profectus cum exercitu ab urbe expectatione hominum majore, quam spe, in agro primum Nepefino cum Faliscis & Capenatibus signa confort. Omnia ibi summâ ratione censilioque acta fortuna etiam, ut sit, secuta est. non prælio tantum fudit hostes, sed castris quoque exiit, ingentique prædâ est potitus ; cujus pars maxima ad quæstorem redacta est : haud ita multum militi datum. Inde ad Vejos exercitus ductus, densioraque castella facta ; & à procursionibus, quæ multæ temerè inter murum ac vallum fiebant, edicto, ne quis injussu pugnaret, ad opus milites traducti. Operum fuit omnium longè maximum ac laboriosissimum, cuniculus in arcem hostium agi coëptus. quod ne intermitteretur opus, neu sub terra continuus labor eisdem conficeret, in partes sex munitorum numerum divisit : senæ horæ in orbem operi attributæ sunt : nocte ac die nunquam antè omissum, quàm in arcem viam facerent.

XX. Dictator, quum jam in manibus videret victoriam esse, urbem opulentissimam capi, tantumque prædæ fore, quantum non omnibus in unum collatis antè bellis fuisset ; nequam inde aut militum iram ex malignitate prædæ partitæ, aut invidiam apud Patres ex prodiga largitione caperet, literas ad senatum misit : *Deum immortalium benignitate, suis consiliis, patientis militum, Vejos jam fore in potestate populi Romani. quid de prædâ faciendum censerent ?* Duæ senatum distinebant sententiæ : senis P. Licinii, quem primum dixisse à filio inter-



interrogatum ferant, edici palam placere populo, ut, qui particeps esse prædæ vellet, in castra Vejos iret: altera Ap. Claudii, qui, largitionem novam, prodigam, inæqualem, inconsultam arguens, si semel nefas docerent, captam ex hostibus in ærario exhausto bellis pecuniam esse, auctor erat stipendii ex ea pecunia militi numerandi, ut eo minus tributis plebes conferret. *Ejus enim domi societatem sensuras aqualiter omnia domos: non avidas in direptiones manus otiosorum urbanorum præteritis fortium bellatorum præmia esse: quum ita ferme evocant, ut segulus sit prædator, ut quisque laboris periculisque præcipuum petere partem soleat.* Licinius contra suspectam et invisam semper tam pecuniam fore, aiebat; causasque criminum ad plebem, seditionum inde ac legum novarum, præbituram. *Satius igitur esse, reconciliari eo dono plebis animos: exhaustis atque exinanitis tributis tot annorum succurri: et sentire prædæ fructum ex eo bello, in quo prope consenserint: gratius id fare latinsque, quod quisque suam manum ex hoste captum domum retulerit, quam si multiplex alterius arbitrio accipiat.* Ipsum dictatorem fugere invidiam ex eo criminaque. eo delegasse ad senatum. *Senatum quoque debere rejectam rem ad se permittere plebi, ac pati habere, quod cuique fors belli dederit.* Hæc tutior visa sententia est, quæ popularem senatum faceret. Edictum itaque est, ad prædam Vejentem, quibus videretur, in castra ad dictatorem proficiscerentur.

XXI. Ingens profecta multitudo replevit castra. Tum dictator, auspiciis egressus, quum edixisset, ut arma milites caperent, *Tuo ducta, inquit, Pythice Apollo, tuoque numine instictus pergo ad delendam urbem Vejos: sibi que hinc decimam partem prædæ voveo. Te simul, Juno Regina, qua nunc Vejos colis, precor, ut nos victores in nostram, tuamque mox futuram, urbem sequare: ubi te dignam amplitudine tuâ templum accipiat.* Hæc precatus, suporante multitudine, ab omnibus locis urbem aggreditur, quo minor ab cuniculo ingruentis periculi sensus esset.

Vejen.

Veientes, ignari se jam ab suis vatibus, jam ab externis oraculis proditos, jam in partem prædæ suæ vocatos Deos, alios, votis ex urbe sua evocatos, hostium templa novasque sedes spectare, seque ultimum illum diem agere; nihil minus timentes, quam subrutis cuniculo mœnibus arcem jam plenam hostium esse, in muros pro se quisque armati discurrunt; mirantes quidnam id esset, quod, quum tot per dies nemo se ab stationibus Romanis movisset, tum, velut repentino isti furore, improvidi currerent ad muros. Inferitur huic loco fabula: immolante rege Vejentium, vocem aruspiciis dicentis, *quæ ejus hostia exta profecisset, ei victoriam dari*, exauditam in cuniculo, movisse Romanos milites, ut, adaperto cuniculo, exta raperent, & ad dictatorem ferrent. Sed in rebus tam antiquis, si, quæ similia veri sint, pro veris accipiantur, satis habeam. Hæc, ad ostentationem scenæ, gaudentis miraculis, aptiora, quam ad fidem, neque affirmare, neque refellere est operæ pretium. Cuniculus, delectis militibus eo tempore plenus, in æde Junonis, quæ in Vejentana arce erat, armatos repente edidit. & pars aversos in muris invadunt hostes: pars claustra portarum revellunt: pars, quum ex testis saxa tegulæque à mulieribus ac servitiis jacerentur, inferunt ignes. Clamor omnia variis terrentium ac paventium vocibus, mixto mulierum ac puerorum ploratu, complet. Momento temporis dejectis ex muro undique armatis, patefactisque portis, quum alii agmine irruerent, alii desertos scandèrent muros, urbs hostibus impletur, omnibus locis pugnatur. Deinde, multâ jam editâ cæde, senescit pugna: & dictator præcones edicere jubet, ut ab inermi abstinetur. is finis sanguinis fuit. Dedi inde inermes capti: & ad prædam milites permissu dictatoris discurrunt. quæ quum ante oculos ejus aliquantum spe atque opinionione major, majorisque pretii rerum ferretur, dicitur manus ad cælum tollens precatus esse, *ut, si cui deorum boni-*

*bevinumque nimis sua fortuna populiue Romani videretur, ut eam invidiam leuare, quam minimo suo privato incommoda publicoque, populo Romano liceret.* Convertentem se inter hanc venerationem, traditur memoriz, prolapsus cecidisse: idque omen pertinuisse postea eventu rem coniectantibus visum ad damnationem ipsius Camilli, capte deinde urbis Romanæ, quod post paucos accidit annos, cladem. Atque ille dies cæde hostium ac direptione urbis opulentissimæ est consumptus.

XXII. Postero die libera corpora dictator sub corona vendidit. ea sola pecunia in publicum redigitur, haud sine ira plebis. & quod retulere secum prædæ, nec duci, qui ad senatum, malignitatis auctores quærendo, rem arbitrij sui rejecisset; nec senatui, sed Liciniæ familiæ, ex qua filius ad senatum retulisset, pater tam popularis sententiæ auctor fuisset, acceptum referebant. Quum jam humanæ opes egestæ à Vejiis essent, amoliri tum Deum dona ipsosque Deos, sed colentium magis, quam rapientium, modo, cœpere; namque delicti ex omni exercitū iuvenes, purè lautis corporibus, candidâ veste, quibus deportanda Romam regina Juno assignata erat, venerabundi templum intrare, primò religiosè admoventes manus: quòd id signum more Etrusco, nisi certæ gentis sacerdos, attrectare non esset solitus. dein quum quidam, seu spiritu divino tactus, seu iuvenali joco, *Visne Romam ire Juno?* dixisset, annuisse ceteri Deam conclamaverunt: inde fabulæ adjectum est, vocem quoque dicentis, *Velle*, auditam. mortam certè sede suâ parvi molimenti adminiculis, sequentis modo accepimus levem ac facilem translatus fuisse: integramque in Aventinum, æternam sedem suam, quò vota Romanī dictatoris vocaverant, perlatam, ubi templum ei. postea idem, qui voverat, Camillus dedicavit. Hic Vejorum occasus fuit, urbis opulentissimæ Etrusci nominis, magnitudinem suam vel ultimâ clade indicantis: quòd decem æstates hiemesque

que continuas circumfessa, quum plus aliquanto cladium intulisset, quàm accepisset, postremo, jam fatum denique urgente, operibus tamen, non vi, expugnata est.

XXIII. Romam ut nunciatum est, Vejos captos, quanquam & prodigia procurata fuerant, & vatum responsa, & Pythicæ sortes notæ; &, quantum humanis adjuvari consiliis potuerat res, ducem M. Furium, maximum imperatorum omnium, legerant; tamen, quia tot annis variè ibi bellatum erat, multæque clades acceptæ, velut ex insperato immensum gaudium fuit: &, priusquam senatus decerneret, plena omnia templa Romanarum matrum, grates Diis agentium, erant. Senatus in quatrídium, quot dierum nullo antè bello, supplicationes decernit. Adventus quoque dictatoris, omnibus ordinibus obviàm effusis, celebratior, quàm ullius unquam antea fuit: triumphusque omnem consuetum honorandi dici illius modum aliquantum excessit. Maximè conspectus ipse est, curru equis albis juncto urbem inVectus: parumque id non civile modò, sed humanum etiam, visum. Jovis Solisque equis æquiparari dictatorem, in religionem etiam trahebant: triumphusque ob eam unam maximè rem clarior, quàm grator, fuit. Tum Junoni reginæ templum in Aventino locavit, dedicavitque Matutæ matri. atque, his divinis humanisque rebus gestis, dictaturà se abdicavit. Agi deinde de Apollinis dono cœptum. cui se decumam vovisse prædæ partem quum diceret Camillus, pontifices solvendum religione populum censuerant; haud facile inibat ratio jubendi referre prædam populum, ut ex ea pars debita in sacrum fecerneretur. tandem eò, quod levissimum videbatur, decursum est, ut, qui se domumque religione exsolvere vellet, quum sibimet ipse prædam æstimasset suam, decumæ pretium partis in publicum deferret: ut ex eo donum aureum, dignum amplitudine templi ac numine Dei, ex dignitate

gnitate populi Romani fieret. Ea quoque collatio plebis animos à Camillo alienavit. Inter hæc pacificatum legati à Volscis & Æquīs venerunt : impetrataque pax, magis ut fessa tam diutino bello acquiesceret civitas, quàm quòd digni peterent.

XXIV. Vejis captis, sex tribunos militum consulari potestate insequentis annis habuit, duos P. Cornelios, Cossium & Scipionem, M. Valerium Maximum iterum, K. Fabium Ambustum tertium, L. Furium Medullinum quintum, Q. Servilium tertium. Corneliis Faliscum bellum, Valerio ac Servilio Capenas sorte evenit. ab iis non urbes vi aut operibus tentatz, sed ager est depopulatus, prædæque rerum agrestium actæ, nulla felix arbor, nihil frugiferum in agro relictum. Ea ciuitas Capenatem populum subegit. pax petentibus data. In Faliscis bellum restabat. Romæ interim multiplex seditio erat : cujus leniendæ causâ coloniam in Volscos, quò tria millia civium Romanorum scriberentur, deducendam censuerant : triumvirique ad id creati terna iugerâ & septunces viritum diviserant. Ea largitio sperni cœpta ; quia spei majoris avertendæ solatium objectum censebant. Cur enim relegari plebem in Volscos, quum pulcherrima urbs Veji agerque Vejentatus in conspectu sit, uberior ampliorque Romano agro ? Urbem quoque urbi Romæ, vel situ, vel magnificentiâ publicorum privatorumque tectorum ac locorum, præponebant. quin illa quoque actio movebatur, quæ post captam utique Romam à Gallis celebratior fuit, transmigrandi Vejos. Ceterum, partim plebi, partim senatui destinabant habitandos Vejos ; duasque urbes communis reipublicæ incolæ à populo Romano posse. Adversus quæ quum optimates ita tenderent, ut mortuos se citius dicerent in conspectu populi Romani, quàm quicquam earum rerum rogaretur. quippe nunc in una urbe tantum dissensionum esse, quid in duabus fore ? *Vitamne ut quisquam viciæ patriæ præferret ? sineretque majorem*

*maiores fortunam captis esse Vejis, quam incolumibus fuerit? Postremo, se relinqui à civibus in patria posse: ut relinquunt patriam atque cives, nullam vim unquam subacturam; & T. Sicinius (is enim ex tribunis plebis rogationis ejus lator erat) conditorem Vejos sequantur, relicta Dea Romulo, Dei filio, parente & auctore urbis Romæ.*

XXV. Hæc quum foedis certaminibus agerentur, (nam partem tribunorum plebis Patres in suam sententiam traxerant) nulla res alia manibus temperare plebem cogebat, quam quòd, ubi mixta committendæ causæ clamor ortus esset, principes senatus, primi turbæ offerentes se, peti, feriri, atque occidi juebant. ab horum ætibus dignitatibusque & honoribus violandis dum abstinebatur, & ad reliquos similes conatus verecundia hæc obstabat; Camillus identidem omnibus locis concionabatur: *Hæc mirum ad quidem esse, furere civitatem, quæ, damnata voti, omnium rerum potiorem curam, quam religionis se exsoluendi, habent. Nihil de collatione dicere, stipis veris, quæ decumæ; quando et si quisque prævotionem obligaverit, liberatus sit populus. Eximium vero, illud facere, suam conscientiam non pati: quòd ex ea tantam prædæ, quæ rerum moventium sit, decumæ designatur: urbis atque agri capti, quæ & ipsa voto continentur, mentionem nullam fieri. Quum ea disceptatio, antequam senatui visa, delegata ad pontifices esset; adhibito Camillo, visum collegio, quòd ejus ante conceptum votum Vejentium fuisset, & post votum in potestatem populi Romani venisset, ejus partem decumam Apollini sacram esse. Ita in æstimationem urbs agerque venit: pecunia ex ærario prompta, & tribunis militum consularibus, ut aurum ex ea cõmerent, negotium datum. cujus quum copia non esset, matronæ, cætibus ad eam rem consultandam habitis, & communi decreto pollicitæ tribunis militum aurum & omnia ornamenta sua, in ærarium detulerunt. Grata ea res, ut quæ maximè senatui unquam, fuit: honoremque ob eam munificentiam ferunt*  
matro-

matronis habitum, ut pilento ad sacra ludosque, carpentis festo profestoque uterentur. Pondere ab singulis auri accepto aestimatoque, ut pecuniae solverentur, crateram auream fieri placuit, quae donum Apollini Delphos portaretur. Simul ab religione animos remiserunt, integrant seditionem tribuni plebis: incitatur multitudo in omnes principes, ante alios in Camillum. Eum praedam Vejentanam publicando sacrandoque ad nihilum redegisse. absentes ferociter increpant: praesentium, quum se ultro iratis offerrent, verecundiam habent. Simul extrahi rem ex eo anno viderunt, tribunos plebis latores legis in annum eosdem reficiunt. & Patres hoc idem de intercessoribus legis annisi. ita tribuni plebis magna ex parte iidem refecti.

XXVI. Comitibus tribunorum militum Patres summa ope evicerunt, ut M. Furius Camillus crearetur. propter bella simulabant parari ducem, sed largitioni tribuniciae adversarius querebatur. Cum Camillo creati tribuni militum consulari potestate, L. Furius Medullinus sextum, C. Aemilius, L. Valerius Publicola, Sp. Postumius, P. Cornelius iterum. Principio anni tribuni plebis nihil moverunt, donec M. Furius Camillus in Faliscos, cui id bellum mandatum erat, proficisceretur. differendo deinde elanguit res: & Camillo, quem adversarium maxime metuebant, gloria in Faliscis crevit. Nam, quum primo moenibus se hostes tenerent, tutissimum id rati, populatione agrorum atque incendiis villarum coegit eos egredi urbe; sed timor longius progredi prohibuit. Mille fere passuum ab oppido castra locant; nulla re alia fidentes ea satis puta esse, quam difficultate aditus, asperis confragosisque circa, & partim arctis, partim arduis viis. Ceterum Camillus, captivum indicem ex agris secutus ducem, castris multa nocte motis, prima luce aliquanto superioribus locis se ostendit. Trifariam Romani muebant. alius exercitus proelio intentus stabat. Ibi impedire

pedire opus conatos hostes fundit fugatque; tantumque inde pavoris Faliscis injectum est, ut, effusa fuga castra sua, quæ propiora erant, prælati, urbem peterent. Multi cæsi vulneratique, priusquam paventes portis inciderent. castra capta; præda ad quæstiores redacta cum magna militum ira : sed, severitate imperii victi, eandem virtutem & oderant, & mirabantur. Obsidio inde urbis, & munitiones, & interdum per occasionem impetus oppidanorum in Romanas stationes, præliaque parva fieri; & terti tempus, neutro inclinata spe; quum frumentum copiarque aliæ ex antè convento largiùs obsessis, quàm obsidentibus, suppeterent. Videbaturquæ æquè diuturnus futurus labor, ac Vejis fuisset; ni fortuna imperatori Romano simul & cognita rebus bellicis virtutis specimen & maturam victoriam dedisset.

XXVII. Mos erat Faliscis, eodem magistro liberorum & comite uti : simulque plures pueri, quod hodie quoque in Græcia manet, unius curæ demandabantur. principum liberos, sicut fere fit, qui scientiâ videbatur præcellere, erudiebat. Is quum in pace instituisset pueros ante urbem lusûs exercendique causâ producere; nihil eo more per bellî tempus intermisso, tum, modò brevioribus, modò longioribus spatiis, trahendo eos à porta, lusu sermonibusque variatis, longiùs solito, ubi res dedit, progressus, inter stationes eos hostium castraque inde Romana in prætorium ad Camillum perduxit. ibi scelesto facinori scelestiorem sermonem addidit : *Falerios se in manus Romanis tradidisse; quando eos pueros, quorum parentes capita ibi rerum sint, in potestatem dediderit.* Quæ ubi Camillus audivit, *Non ad similem, inquit, tui nec populum, nec imperatorem, scelestus ipse cum scelesto munere venisti. Nobis cum Faliscis, quæ pacto sit humanæ, societas non est. quam ingeneravit natura, utrique est, eritque. Sunt & bellî, sicut pacis, jura : justæque ea, non minus quàm fortiter, didicimus gerere. Arma habemus, non aduer-*



*adversus eam aetatem, cui etiam captis urbibus parçitur; sed adversus armatos, & ipsas, qui, nec lasi, nec laceßiti à nobis, castra Romana ad Vejos oppugnârunt. Eos tu, quantum in te fuit, novo scelere vicisti: ego Romanis artibus, virtute, opere, armis, sicut Vejos, vincam. Denudatum deinde eum, manibus post tergum illigatis, reducendum Falerios pueris tradidit: virgasque eis, quibus proditorem agerent in urbem verberantes, dedit. Ad quod spectaculum concursu populi præmum factò, deinde à magistratibus de re nova vocato senatu, tanta mutatio animis est injecta, ut, qui modò, efferrati odio iraque, Vessentium exitum penè, quàm Capenatium pacem, malent, apud eos pacem universa posceret civitas. Fides Romana, justitia imperatoris, in foro & curia celebrantur: consensuque omnium legati ad Camillum in castra, atque inde permissu Camilli Romam ad senatum, qui dederent Falerios, proficiscuntur. Introducti ad senatum ita locuti traduntur: *Patres conscripti, victorid, cui nec Deus, nec homo quisquam invideat, victi à vobis & imperatore vestro, dedimus nos vobis; rati, quo nihil victori pulchrius est, melius nos sub imperio vestro, quàm legibus nostris, victuros. Eventu hujus belli duo salutaria exempla prodita humano generi sunt. Vos fidem in bello, quàm presentem victoriam, maluistis: nos, fide provocati, victoriam ultro detulimus. Sub ditione vestra sumus. Mittite, qui arma, qui obsides, qui urbem patentibus portis accipiant. Nec vos fidei nostræ, nec nos imperii vestri paritèbit. Camillo & ab hostibus & à civibus gratiæ actæ. Faliscis in stipendium militum ejus anni, ut populus Romanus tributo vacaret, pecunia imperata. Pace datâ, exercitus Romam reductus.**

XXVIII. Camillus meliore multo laude, quàm quum triumphantem albi per urbem vexerant equi, insignis justitiâ fideque, hostibus victis, quum in urbem redisset, tacitè ejus verecundiam non tulit senatus, quin sine mora voti liberaretur: crateramque auream donum Apol-

Apollini Delphos legati qui ferrent, L. Valerius, L. Sergius, A. Manlius, missi longâ unâ nave, haud procul freto Siculo à piratis Liparensium excepti, devenerunt Liparas. Mos erat civitatis, velut publico latrocinio partam prædam dividere. fortè eo anno in summo magistratu erat Timasitheus quidam, Romanis vir similior, quàm suis. qui, legatorum nomen, donumque, & Deum, cui mitteretur, & doni causam veritus ipse, multitudinem quoque, quæ semper feræ regi est similis, religionis justæ implevit: adductosque in publicum hospitium legatos, cum præsidio etiam navium Delphos profecutus, Romam inde sospites restituit. Hospitium cum eo senatusconsulto est factum, donaque publicè data. Eodem anno in Æquis variè bellatum: adeo ut in incerto fuerit & apud ipsos exercitus & Romæ, vicissent, victine essent. Imperatores Romani fuere ex tribunis militum C. Æmilius, Sp. Postumius. Primum rem communiter gesserunt: falsis inde acie hostibus, Æmilium præsidio Verruginem obtinere placuit, Postumium fines vastare. Ibi cum, incomposito agmine negligentius ab re bene gesta euntem, adorti Æqui, terrore injecto, in proximos compulere tumulos: pavorque inde Verruginem etiam ad præsidium alterum est perlatus. Postumius, suis in tutum receptis, quum concione advocatâ terrorem increparet ac fugam; fusos esse ab ignavissimo & fugacissimo hoste; conclamat universus exercitus, meritò se ea audire, & fateri admissum flagitium: sed eosdem correcturos esse, neque diuturnum id gaudium hostibus fore. Poscentes, ut confestim inde ad castra hostium duceret, (in conspectu erant posita in plano) nihil penæ recusabant, ni ea ante noctem expugnassent. Colaudatos corpora curare, paratosque esse quartâ vigiliâ jubet. & hostes, nocturnam fugam ex tumulo Romanorum ut ab ea via, quæ ferebat Verruginem, excluderent, suere obvii: præliumque ante lucem (sed luna pernox

pernox erat) commissum est: & haud incertius diurno prœlio fuit. Sed clamor Verruginem perlatus, quum castra Romana crederent oppugnari, tantum iniecit pavoris, ut, nequicquam retinente atque obsecrante Æmilio, Tusculum palati fugerent. Inde fama Romam perlata est, Postumium exercitumque occisum. Qui, ubi prima lux metum insidiarum effusè sequentibus sustulit, quum perequitàset aciem, promissa repetens, tantum iniecit ardoris, ut non ultrà sustinuerint impetum Æqui. cædes inde fugientium, qualis ubi irā magis, quā virtute, res geritur, ad perniciem hostium facta est; tristemque ab Tusculo nuncium, nequicquam exterritā civitate, literæ à Postumio laureatæ sequuntur: victoriam populi Romani esse; Æquorum exercitum deletum.

XXIX. Tribunorum plebis actiones quia nondum invenerant finem, & plebs continuare latoribus legis tribunatum, & Patres reficere intercessores legis annisi sunt. sed plus suis comitiis plebs valuit. quem doloremulti Patres sunt, senatusconsulto facto, ut consules, invisus plebi magistratus, crearentur. Annum post quintum decimum creati consules L. Lucretius Flavius, Ser. Sulpicius Camerinus. Principio hujus anni, ferociter, quia nemo ex collegio intercessurus erat, cohortis ad perferendam legem tribunis plebis, nec segnitius ob id ipsum consulibus resistentibus, omnique civitate in unam eam curam conversā, Vitelliam coloniam Romanam in suo agro Æqui expugnant. colonorum pars maxima incolumis, quia nocte proditione oppidum captum liberam per averſa urbis fugam dederat, Romam perſugere. L. Lucretio consuli ea provincia evenit. is, cum exercitu profectus, acie hostes vicit; victorque Romam ad majus aliquanto certamen rediit. Dies dicta erat tribunis plebis biennii superioris A. Virginio & Q. Pomponio: quos defendi Patrum consensu ad fidem senatus pertinebat. neque enim eos aut vitz  
ullo

nullo crimine alio aut gesti magistratûs quisquam arguebat, præterquam quòd, gratificantes Patribus, rogationi tribunicie intercessissent. Vicit tamen gratiam senatûs plebis ira; & pessimo exemplo innoxii denis milibus gravis æris condemnati sunt. id ægrè passi Patres. Camillus palam sceleris plebem arguere: *quæ jam in suos versa, non intelligeret, se pravo judicio de tribunis intercessionem sustulisse; intercessione sublata, tribuniciam potestatem evertisse. Nam, quòd illi sperarent, effrenatam licentiam ejus magistratûs Patres laturos, falli eos. Si tribunicia vis tribunico auxilio repelli nequeat, aliud telum Patres inventuros esse. Consulesque increpabat, quòd fide publicâ decipi tribunos eos taciti tulissent, qui senatûs auctoritatem secuti essent. Hæc propalam concionabundus in dies magis augebat iras hominum.*

XXX. Senatum verò incitare adversus legem haud desistebat: *ne aliter descenderent in forum, quam dies ferenda legis venisset, quàm ut qui meminissent, sibi pro aris focisque & Deûm templis ac solo, in quo nati essent, dimicandum fore. Nam quod ad se privatim attineat, si sua gloriæ sibi inter dimicationem patria meminisse sit fas, sibi amplum quoque esse, urbem ab se captam frequentari, quotidie se frui monumento gloriæ suæ, & ante oculos habere urbem latam in triumpho suo, insistere omnes vestigiis laudum suarum. sed nefas ducere, desertam ac relictam ab Diis immortalibus incolî urbem; & in captivo solo habitare populum Romanum, & victricem patriâ victam mutari.* His adhortationibus principis concitati Patres, senes juvenesque, quum ferretur lex, agmine facto in forum venerunt: dissipatique per tribus, suos quisque tribules prensantes, orare cum lacrimis cœpere, *Ne eam patriam, pro qua fortissimè felicissimèque ipsi ac patres eorum dimicassent, desererent, Capitolium, ædem Vestæ, cetera circa templa Deorum ostentantes. Ne exsulem, extorrem populum Romanum ab solo patrio ac diis penatibus in hostium urbem agerent; eoque rem adducerent, ut melius fuerit, non capi Vejos, ne Roma deserè-*

*deferretur.* Quia non vi agebant, sed precibus, & inter preces multa Deorum mentio erat, religiosum parti maximæ fuit. & legem unâ plures tribus antiquarunt, quàm jufferunt. Adeoque ea victoria læta Patribus fuit, ut postero die, referentibus consulibus, senatusconsultum fieret, ut agri Vejentani septena jugera plebi dividerentur; nec patribus familiæ tantum, sed ut omnium in domo liberorum capitum ratio haberetur; vellentque in eam spem liberos tollere.

XXXI. Eo munere delentâ plebe, nihil certatum est, quo minùs consularia comitia haberentur. creati consules L. Valerius Potitus, M. Manlius, cui Capitolino postea etiam fuit cognomen. Hi consules magnos ludos fecere, quos M. Furius dictator voverat Vejenti bello. Eodem anno ædes Junonis Reginae, ab eodem dictatore eodemque bello vota, dedicatur: celebratamque dedicationem ingenti matronarum studio tradunt. Bellum haud memorabile in Algido cum Æquis gestum est, fuis hostibus priùs penè, quàm manus conficerent. Valerio, quòd perseverantior cadendis in fuga fuit; triumphus; Manlio, ut ovans ingrederetur urbem, decretum est. Eodem anno novum bellum cum Volsinienfibus exortum: quò propter famem pestilentiamque in agro Romano, ex siccitate caloribusque nimiiis ortam, exercitus duci nequivit. ob quæ Volsinienfes, Salpinatibus adjunctis superbiam elati, ultro agros Romanos incurfavere. Bellum inde duobus populis indictum. C. Julius censor decessit: in ejus locum M. Cornelius suffectus. quæ res postea religioni fuit; quia eo lustro Roma est capta. Nec deinde unquam in demortui locum censor sufficitur. consulibusque morbo implicitis placuit, per interregnum renovari auspicia. Itaque, quum ex senatusconsulto consules magistratu se abdicassent, interrex creatur M. Furius Camillus; qui P. Cornelium Scipionem, is deinde L. Valerium Potitum interregem prodidit. ab eo creati sex tribu-  
ni

ni militum consulari potestate; ut, etiam si cui eorum incommoda valetudo fuisset, copia magistratum reipublicæ esset.

XXXII. Kalendis Quintilibus magistratum occipere L. Lucretius, Ser. Sulpicius, M. Æmilius, L. Furius Medullinus septimūm, Agrippa Furius, C. Æmilius iterum. Ex his L. Lucretio & C. Æmilio Volsinienſis provincia evenit: Salpinates Agrippæ Furio & Ser. Sulpicio. Prius cum Volsinienſibus pugnatum est: bellum numero hostium ingens, certamine haud sanè asperum fuit. Fusa concursu primo acies in fugam: millia octo armatorum ab equitibus interclusa, positis armis, in deditionem venerunt. Ejus belli fama effecit, ne se pugnae committerent Salpinates. moenibus armati se tutabantur. Romani prædas passim & ex Salpinati agro, & ex Volsinienſi, nullo eam vim arcente, egerunt: donec Volsinienſibus fessis bello eâ conditione, ut res populo Romano redderent, stipendiumque ejus anni exercitui præstarent, in viginti annos induciæ datæ. Eodem anno M. Cædicius de plebe nunciavit tribunis, se in Nova via, ubi nunc sacellum est, supra ædem Vestæ, vocem noctis silentio audisse clariorem humanâ, quæ magistratibus dici juberet, *Gallos adventare*. Id, ut sit, propter auctoris humilitatem spretum, & quod longinqua, eoque ignotior, gens erat. Neque Deorum modò monita, ingruente fato, spreta; sed humanam quoque opem, quæ una erat, M. Furium ab urbe amovere. qui, die dictâ ab L. Apuleio tribuno plebis propter prædam Vejentanam, filio quoque adolescente per idem tempus orbatus, quum, accitis domum tribulibus clientibusque, (magna pars plebis erat) percunctatus animos eorum, responsum tulisset, *se collaturos, quanti damnatus esset, absolvere eum non posse*, in exsilium abiit: precatus ab Diis immortalibus, *si innoxio sibi ea injuria fieret, primo quoque*

*tempore desiderium sui civitati ingrata facerent. absens quindecim millibus gravis æris damnatur.*

XXXIII. Expulso cive, quo manente, si quicquam humanorum certi est, capi Roma non potuerat; adventante fatali urbi clade, legati ab Clusinis veniunt, auxilium adversus Gallos petentes. Eam gentem traditur famâ, dulcedine frugum maximèque vini, novâ tum voluptate, captam, Alpes transisse, agrosque ab Etruscis antè cultos possedisse : & invexisse in Galliam vinum illiciendæ gentis causâ Aruntem Clusinum, irâ corruptæ uxoris ab Lucumone, cui tutor is fuerat ipse, præpotente juvene, & à quo expeti pœnæ, nisi externa vis quæsitâ esset, nequirent. hunc transeuntibus Alpes ducem, auctoremque Clusium oppugnandi fuisse. Equidem haud abnuerim, Clusium Gallos ab Arunte, seu quo alio Clusino, adductos : sed eos, qui oppugnaverint Clusium, non fuisse, qui primi Alpes transierint, satis constat. ducentis quippe annis antè, quàm Clusium oppugnarent, urbemque Romam caperent, in Italiam Galli transcenderunt : nec cum his primùm Etruscorum, sed multo antè cum iis, qui inter Apenninum Alpesque incolebant, sæpe exercitus Gallici pugnare. Tuscorum ante Romanum imperium latè terrâ marique opes patuere. mari supero inferoque, quibus Italia insulæ modo cingitur, quantum potuerint, nomina sunt argumento, quòd alterum Tuscum communi vocabulo gentis, alterum Hadriaticum mare, ab Hadria Tuscorum colonia, vocavere Italicæ gentes. Græci eadem Tyrrenum atque Hadriaticum vocant. Ii in utrumque mare vergentes incoluere urbibus duodecim terras, priùs cis Apenninum ad inferum mare, postea trans Apenninum, totidem, quot capita originis erant, coloniis missis : quæ trans Padum omnia loca, excepto Venetorum angulo, qui sinum circumcolunt maris, usque ad Alpes tenuere. Alpinis quoque ea gentibus haud dubiè origo est, maximè Rætis : quos loca ipsa

clic-

effecerunt, ne quid ex antiquo, præter sonum linguæ, nec cum incorruptum, retinerent.

XXXIV. De transitu in Italiam Gallorum hæc accepimus. Prisco Tarquinio Romæ regnante, Celtarum, quæ pars Galliæ tertia est, penes Bituriges summa imperii fuit. ii regem Celtico dabant. Ambigatus is fuit, virtute fortunæque quum suâ, tum publicâ, præpollens, quod imperio ejus Gallia adeo frugum hominumque fertilis fuit, ut abundans multitudo vix regi videretur posse. Hic magno natu ipse jam, exonerare prægravante turbâ regnum cupiens, Bellovesum ac Sigove-sum, sororis filios, impigros juvenes, missurum se esse, in quas Dii dedissent auguriis sedes, ostendit. Quantum ipsi vellent numerum hominum, excirent, ne qua gens arcere advenientes posset. Tum Sigoveso fortibus dati Hercinii saltus: Belloveso haud paulo lætiores in Italiam viam Dii dabant. Is, quod ejus ex populis abundabat, Bituriges, Arvernos, Senones, Æduos, Ambarros, Carnutes, Aulercos, excivit. Profectus ingentibus peditum equitumque copiis, in Tricastinos venit. Alpes inde oppositæ erant; quas inexcuperabiles visas haud equidem miror, nullâ dum viâ (quod quidem continens memoria fit, nisi de Hercule fabulis credere libet) superatas. Ibi quum velut septos montium altitudo teneret Gallos, circumspectarentque, quânam per juncta cœlo juga in alium orbem terrarum transirent, religio etiam tenuit, quod allatum est, advenas quærentes agrum ab Salyum gente oppugnari. Massilienses erant hi, navibus à Phocæa profecti. Id Galli fortunæ suæ omen rati adjuvere, ut, quem primum in terram egressi occupaverant, locum patentibus silvis communirent. ipsi per Taurinos saltusque invios Alpes transcenderunt: fusisque acie Tuscis haud procul Ticino flumine, quum, in quo confederant, agrum Insubrium appellari audissent, cognomine Insubribus pago



*Æduorum*: ibi, omen sequentes loci, condidere urbem: *Mediolanum* appellarunt.

XXXV. Alia subinde manus *Cenomanorum*, *Elitio* duce vestigia priorum secuta, eodem saltu, favente *Belloveso*, quum transceadisset *Alpes*, ubi nunc *Brixia* ac *Verona* urbes sunt, (locos tenere *Libui*) confidunt. post hos *Salluvii*, prope antiquam gentem *Lævos Ligures*, incolentes circa *Ticinum* amnem. *Penino* deinde *Boii* *Lingonesque* transgressi, quam jam inter *Padum* atque *Alpes* omnia tenerentur, *Pado* ratibus trajecto, non *Etruscos* modò, sed etiam *Umbros*, agro pellunt: intra *Apenninum* tamen sese tenere. Tum *Senones*, recentissimi advenarum, ab *Utente* flumine usque ad *Æsim* fines habuere. Hanc gentem *Clusium*, *Romamque* inde, venisse compèrio. id parum certum est, solamne, an ab omnibus *Cisalpinorum Gallorum* populis adjutam. *Clusini*, novo bello exterriti, quum multitudinem, quum formas hominum invisitatas cernerent & genus armorum, audirentque, sæpe ab iis, cis *Padum* ultraque, legiones *Etruscorum* fusas, quinquam adversus *Romanos* nullum eis jus societatis amicitiaeve erat, nisi quòd *Veientes* consanguineos adversus populum *Romanum* non defendissent, legatos *Romanum*, qui auxilium ab senatu peterent, misere. De auxilio nihil impetratum. legati tres *M. Fabii Ambusti* filii missi, qui senatus populiue *Romani* nomine agerent cum *Gallis*, ne, à quibus nullam injuriam accepissent, socios populi *Romani* atque amicos oppugnant. *Romanis* eos bello quoque, si res cogat, tutandos esse. sed melius visum, bellum ipsum amoveri, si posset; & *Gallos*, novam gentem, pace potius cognosci, quam armis.

XXXVI. Mitis legatio, ni præferoces legatos, *Gallique* magis quam *Romanis* similes, habuisset. quibus, postquam mandata ediderunt in concilio *Gallorum*, datur responsum: *Et si novum nomen audiant Romanorum,*  
tamen

*iamque credere viros fortes esse, quorum auxilium à Clusinis in re trepida sit imploratum. Et, quoniam legatione adversus se maluerint, quàm armis, tueri socios, ne se quidem pacem, quam illi offerant, aspernari, si Gallis, egentibus agro, quem latius possideant, quàm colant, Clusini, partem finium concedant: aliter pacem impetrari non posse. Est responsum coram Romanis accipere velle: Et, si negetur ager, ceram iisdem Romanis dimicatuuros, ut nunciare domum possint, quantum Galli virtute ceteros mortales prastarent. Quodnam id jus esset, agrum à possessoribus petere, aut minori urna? Romanis quarentibus, & quid in Etruria rei Gallis esset? quum illi, se in armis jus ferre, & omnia fortium virorum esse, ferociter dicerent, accensis utrinque animis ad arma discarritur, & praelium conseritur. Ibi, jam urgentibus Romanam urbem satis, legati contra jus gentium arma capiunt: nec id clam esse potuit, quum ante signa Etruscorum tres nobilissimi fortissimique Romanæ juventutis pugnarent. tantum eminebat peregrina virtus. Quin etiam Q. Fabius, euestus extra aciem equo, ducem Gallorum, ferociter in ipsa signa Etruscorum incurstantem, per latus transfixum hastâ, occidit: spoliisque ejus legentem Galli agnovere, perque totam aciem, Romanum legatum esse, signum datum est. Omisâ inde in Clusinos irâ, receptui canunt, minantes Romanis. Erant, qui extemplo Romam eundem censerent. vicere seniores, ut legati prius mitterentur questum injurias postulatumque, ut pro jure gentium violato Fabii dedèrentur. Legati Gallorum quum ea, sicut erant mandata, exposuissent, senatui nec factum placebat Fabiorum, & jus postulare barbari videbatur. sed, ne id, quod placebat, decernerent in tantæ nobilitatis viris, ambitio obstabat. Itaque, ne penes ipsos culpâ esset cladis fortè Gallico bello acceptæ, cognitionem de postulatis Gallorum ad populum rejiciunt. ubi tanto plus gratia atque opes valuere, ut, quorum de pœna agebatur, tribuni militum consulari potestate*

testate in insequentem annum crearentur. Quo facto, haud secus quàm dignum erat, insens Gallii, bellum propalam minantes, ad suos redeunt. Tribuni militum cum tribus Fabiis creati Q. Sulpicius Longus, Q. Servilius quartum, Ser. Cornelius Maluginensis.

XXXVII. Quum tanta moles mali instaret, (adeo occæcat animos fortuna, ubi vim suam ingruentem refringi non vult) civitas, quæ adversus Fidenatem ac Vejentem hostem aliosque finitimos populos, ultima experiens auxilia, dictatorem multis tempestatibus dixisset; ea tunc, invisitato atque inaudito hoste ab oceano terrarumque ultimis oris bellum ciente, nihil extraordinarii imperii aut auxilii quæsit. Tribuni, quorum temeritate bellum contractum erat, summæ rerum præerant: delectumque nihilo accuratiorem, quàm ad media bella haberi solitus erat, (extenuantes etiam famam belli) habebant. Interim Galli, postquam accepere, ultro honorem habitum violatoribus juris humani, elusamque legationem suam esse, flagrantem irâ, cujus impotens est gens, confectis signis convulsis, citato agmine iter ingrediuntur. Ad quorum prætereuntium raptim tumultum quum exterritæ urbes ad arma concurrerent, fugæque agrestium fieret, Romam se ire, magno clamore significabant; quacunque ibant, equis virisque longè ac latè fuso agmine immensum obtinentes loci. Sed, antecedente famâ nunciisque Clusinarum, deinceps inde aliorum populorum, plurimum terroris Romam celeritas hostium tulit. quippe quibus, velut tumultuario exercitu raptim ducto, ægrè ad undecimum lapidem occursum est, quâ flumen Allia, Crustumini montibus præalto defluens alveo, haud multum infra viam Tiberino amni miscetur. Jam omnia contrâ circæque hostium plena erant, & nata in vanos tumultus gens, truci cantu clamoribusque variis, horrendo cuncta compleverant sono.

XXXVIII. Ibi tribuni militum, non loco castris  
antè

ante capto, non prævunito vallo, quò receptus esset, non Deorum saltem, si non hominum, memores, nec auspicato, nec litato, instruunt aciem deductam in cornua, ne circumveniri multitudine hostium possent. nec tamen æquari frontes poterant, quum extenuando infirmam & vix coherentem mediam aciem haberent. Paulum erat ab dextra editi loci, quem subsidiariis repleri placuit; eaque res, ut initium pavoris ac fugæ, sic una salus fugientibus fuit. Nam Brennus, regulus Gallorum, in paucitate hostium artem maximè timens, ratus ad id captum superiorem locum, ut, ubi Galli cum acie legionum rectà fronte concucurrissent, subsidia in aversos transversosque impetum darent, ad subsidiarios signa convertit: si eos loco depulisset, haud dubius, facilem in æquo campi tantum superanti multitudini victoriam fore. àdeo non fortuna modò, sed ratio etiam, cum barbaris stabat. In altera acie nihil simile Romanis, non apud duces, non apud milites, erat. pavor fugaque occupaverat animos, & tanta hominum oblivio, ut multo major pars Vejos, in hostium urbem, quum Tiberis arceret, quàm recto itinere Romam ad conjuges ac liberos fugerent. Parumper subsidiarios tutatus est locus. in reliqua acie simul est clamor; proximis ab latere, ultimis ab tergo, auditus, ignotum hostem prius penè quàm viderent, non modò non tentato certamine, sed ne clamore quidem reddito, integri intactique fugerunt. Nec ulla cædes pugnantium fuit. Terga cæsa suomet ipsorum certamine in turba impediens fugam. Circa ripam Tiberis, quò armis abjectis totum sinistrum cornu defugit, magna strages facta est: multosque, imperitos nandi aut invalidos, graves lorice aliisque tegminibus hausere gurgites. maxima tamen pars incolumis Vejos perfugit; unde non modò præsidii quicquam, sed ne nunciatus quidem cladis, Romam est missus. Ab dextro cornu, quod procul à flumine & magis sub monte steterat,

Romam omnes petiere, &, ne clausis quidem portis urbis, in arcem confugerunt.

XXXIX. Gallos quoque velut obstupefactos miraculum victoriæ tam repentinæ tenuit. & ipsi pavore defixi primum steterunt, velut ignari, quid accidisset. deinde insidias vereri; postremò castrorum spolia legere, armorumque cumulos, ut mos eis est, coacervare. Tum demum, postquam nihil usquam hostile cernebatur, viam ingressi, haud multo ante solis occasum ad urbem Romam perveniunt. ubi quum prægressi equites, non portas clausas, non stationem pro portis excubare, non armatos esse in muris, retulissent; aliud priori simile miraculum eos sustinuit; noctemque veriti & ignotæ situm urbis, inter Romam atque Anienem confedere, exploratoribus missis circa mœniâ aliasque portas, quænam hostibus in perdita re consilia essent. Romani, quum pars major ex acie Vejos petisset, nemo superesse quemquam præter eos, qui Romam refugerant, crederet, complorati omnes, pariter vivi mortuique, totam propè urbem lamentis impleverunt. Privatos deinde luctus stupefecit publicus pavor, postquam hostes adesse nunciatum est. mox ululatus cantusque dissonos, vagantibus circa mœnia turmatim barbaris, audiebant. Omne inde tempus suspensos ita tenuit animos usque ad lucem alteram, ut identidem jam in urbem futurus videretur impetus primo adventu, quo accesserant ad urbem. mansuros enim ad Alliam fuisse, nisi hoc consilii foret. Deinde sub occasum solis, quia haud multum diei supererat, ante noctem rati se invasuros; tum in noctem dilatum consilium esse, quo plus pavoris inferrent. Postremò lux appropinquans exanimare: timorique perpetuo ipsum malum continens fuit, quum signa infesta portis sunt illata. Nequaquam tamen eâ nocte, neque insequenti die similis illi, quæ ad Alliam tam pavidè fugerat, civitas fuit. Nam quum defendi urbem posse, tam parvâ reliqua

hæc manu, spes nulla esset, placuit, cum conjugibus ac liberis juventutem militarem senatûsque robur in arcem Capitoliumque concedere: armisque & frumento collatis, ex loco inde munito Deos hominesque & Romanum nomen defendere. Flaminem sacerdotisque Vestales sacra publica à cæde, ab incendiis procul auferre: nec antè deferri cultum eorum, quam non superessent, qui colerent. Si arx Capitoliumque, sedes Deorum, si senatus, caput publici consilii, si militaris juvenus superfuerit imminenti ruinæ urbis, facilem jacturam esse seniorum, relictæ in urbe utique perituræ turbæ. &, quo id æquiore animo de plebe multitudine ferret, senes triumphales consularesque simul se cum illis palam dicere obituros; nec his corporibus, quibus non arma ferre, non tueri patriam possent, oneratos inopiam armatorum.

XL. Hæc inter seniores morti destinatos jactata solatia. Versæ inde adhortationes ad agmen juvenum, quos in Capitolium atque in arcem prosequébantur, commendantes virtuti eorum juventæque urbis per trecentos sexaginta annos omnibus bellis victricia, quæcunque reliqua esset, fortunam. Digredientibus, qui spem omnem atque opem secum ferebant, ab iis, qui captæ urbis non superesse statuerant exitio; quum ipsa res speciesque miserabilis erat, tum muliebris fletus & concursatio incerta, nunc hos nunc illos sequentium, rogitantiumque viros natosque, cui se fato darent, nihil, quod humanis superesset malis, relinquebant. magna pars tamen eorum in arcem suos prosecutæ sunt, nec prohibente ullo, nec vocante: quia, quod utile obsessis ad minuendam imbellem multitudinem, id parum humanum erat. Alia maximè plebis turba, quam nec capere tam exiguis collis, nec alere in tanta inopia frumenti poterat, ex urbe effusa velut agmine jam uno petiit Janiculum. inde pars per agros dilapsæ, pars urbes petunt finitimas, sine ullo ducæ aut consensu, suam quisque

spem, sua consilia, communibus deploratis, exsequentes. Flamen interim Quirinalis virginesque Vestales, omisâ rerum suarum curâ, quæ sacrorum secum ferenda, quæ (quia vires ad omnia ferenda decrant) relinquenda essent, consultantes, quisve ea locus fidei asservaturus custodiâ esset; optimum ducunt, condita in doliolis facello proximo ædibus flaminis Quirinalis, ubi nunc desui religio est, defodere: cetera, inter se onere partito, ferunt viâ quæ sublicio ponte ducit ad Janiculum. In eo clivo eas quum L. Albinus, de plebe Romana homo, conspexisset, plaustro conjugem ac liberos vehens inter ceteram turbam, quæ inutilis bello urbe excedebat; salvo etiam tum discrimine divinarum humanarumque rerum, irreligiosum ratus, sacerdotes publicos sacraque populi Romani pedibus ire, ferrique; se ac suos in vehiculo conspici; descendere uxorem ac pueros jussit, virgines sacraque in plastrum imposuit: & Cære, quò iter sacerdotibus erat, pervexit.

XLI. Romæ interim, satis jam omnibus, ut in tali re, ad tuendam arcem compòsitis, turba seniorum, domos regressâ, adventum hostium obstinato ad mortem animo expectabat. qui eorum curules gesserant magistratus, ut in fortunæ pristinæ honorumque aut virtutis insignibus morerentur, quæ augustissima vestis est tensas ducentibus triumphantibusve, eâ vestiti medio ædium eburneis sellis sedere. Sunt qui, M. Fabio pontifice maximo præfante carmen, devovisse eos se pro patria Quiritibusque Romanis, tradant. Galli, & quia interpositâ nocte à contentione pugnæ remisierant animos, & quòd nec in acie ancipiti usquam certaverant prælio, nec tum impetu aut vi capiebant urbem, sine ira, sine ardore animorum ingressi postero die urbem patente Collinâ portâ, in forum perveniunt, circumferentes oculos ad templa Deum arcemque, solam belli speciem tenentem. Inde, medico relicto præsidio, (ne  
quis

quis in dissipatos ex arce aut Capitolio impetus fieret) dilapsi ad prædam vacuis occurſu hominum viis, pars in proxima quæque tectorum agmine ruunt; pars ultima, velut ea demum intacta & referta prædâ, petunt. inde rursus ipsâ solitudine abſterriti, ne qua fraus hostilis vagos exciperet, in forum ac propinqua foro loca conglobati redibant: ubi eos, plebis ædificiis obſeratis, patentibus atriis principum, major propè cunctatio tenebat aperta, quàm clauſa, invadendi. adeo haud ſecus quàm venerabundi intuebantur in ædium vestibulis ſedentes viros, præter ornatum habitumque humano auguſtiores, majeſtate etiam, quam vultus gravitaſque oris præ ſe ferebat, ſimillimos Diis. Ad eos velut ſimulacra verſi quum ſtarent; M. Papirius unus ex his dicitur Gallo, barbam ſuam, ut tum omnibus promiſſa erat, permulcenti, ſcipione eburneo in caput incuſſo iram moviſſe; atque ab eo initium cædis ortum, ceteros in ſedibus ſuis trucidatos. Poſt principum cædem nulli deinde mortalium parci, diripi teſta, exhaustis injici ignes.

XLII. Ceterum, ſeu non omnibus defendæ urbis libido erat, ſeu ita placuerat principibus Gallorum, & oſtentari quædam incendia terroris cauſâ, ſi compelli ad deditionem caritate ſedium ſuarum obſeſſi poſſent; & non omnia concremari teſta, ut, quodcunque ſuper-eſſet urbis, id pignus ad ſteſtendos hoſtium animos haberent; nequaquam perinde atque in capta urbe primâ die aut paſſim aut latè vagatus eſt ignis. Romani, ex arce plenam hoſtium urbem cernentes, vagosque per vias omnes curſus, quum aliâ atque aliâ parte nova aliqua clades oriretur, non mentibus ſolùm conſi-pere, ſed ne auribus quidem atque oculis ſatis conſtare poterant. Quocunque clamor hoſtium, mulierum puerorumque ploratus, ſonitus flammæ, & fragor ru-entium tectorum avertiſſet, paventes ad omnia, animos oraque & oculos ſteſtebant, velut ad ſpectaculum  
à for-



à fortuna positi occidentis patriæ, nec ullius rerum suarum relictæ, præterquam corporum, vindices. tanto ante alios miserandi magis, qui unquam obsessi sunt, quod interclusi à patria obsidebantur, omnia sua cernentes in hostium potestate. Nec tranquillior nox diem tam fœdè actum exceperit: lux deinde noctem inquietam insecuta est. nec ullum erat tempus, quod à novæ semper cladis alicujus spectaculo cessaret. Nihil tamen, tot onerati atque obruti malis, flexerunt animos, quin, etsi omnia flammis ac ruinis æquata vidissent, quamvis inopem parvumque, quem tenebant, collem, libertati relictum, virtute defenderent; & jam, quum eadem quotidie acciderent, velut assueti malis, abalienaverant ab sensu rerum suarum animos; arma tantum ferrumque in dextris, velut solas reliquias spei suæ, intuentes.

XLIII. Galli quoque, per aliquot dies in tecta modo urbis æquiequam bello gesto, quum inter incendia ac ruinas captæ urbis nihil superesse, præter armatos hostes, viderent, nec quicquam tot cladibus territos, nec sic ut ad deditionem animos, nisi vis adhiberetur; experiri ultimum, & impotum facere in arcem statuerunt. Primâ luce, signo dato multitudo omnis in foro instruitur. inde, clamore sublato ac testudine factâ, subeunt. adversus quos Romani nihil temerè nec tropidè, ad omnes aditus stationibus firmatis, quæ signa ferri videbant, eâ robora virorum opposito scandere hostem sinunt: quo successerit magis in arduum, eo polli posse per proclive facilius rati. Medio fere clivo resistere: atque inde ex loco superiore, qui propè suâ sponte in hostem inferbat, impetu facto, strage ac ruinâ studere Gallos: ut nunquam postea nec pars, nec universâ tentaverint tale pugnae genus. Omisâ itaque spe per vim atque arma subeundi, obsidionem parant: ejus ad id tempus immemores, & quod in urbe fuerat, frumentum incendiis urbis adsumpserant, & ex æn-

gris

gris per ipsos dies raptum omne Vejos erat. Igitur, exercitu diviso, partim per finitimos populos prædare placuit, partim obsideri arcem; ut obsidentibus frumentum populatores agrorum præberent. Proficiscentes Gallos ab urbe ad Romanam experiendam virtutem fortuna ipsa Ardeam, ubi Camillus exsulabat, duxit: qui maestior ibi fortunâ publicâ, quàm suâ, quum Diis hominibusque accusandis senesceret, indignandæ mirandæque ubi illi viri essent, qui secum Vejos Falderiosque cepissent, qui alia bella fortius semper, quàm felicius, gessissent; repente audit, Gallorum exercitum adventare, atque de eo pavidos Ardeates consultare. nec secus quàm divino spiritu tactus, quum se in mediâ concionem intulisset, abstinere suctus antè talibus conciliis;

XLIV. *Ardeates, inquit, veteres amici, novi etiam cives mei, quando & vestrum beneficium ita tulit, & fortuna hoc egit mea, nemo vestrâ conditionis mea oblitum me hoc processisse putet: sed res ac periculum commune cogit, quod quisque possit in re trepida præsidii, in medium conferre. Est quando ego vobis pro tantis vestris in me meritis gratiam referam, si nunc cessavero? aut ubi usus eris mei vobis, si in bello non fuerit? Hoc arte in patria steti; & invictus babulo, in pace ab ingratis civibus pulsus sum. Vobis autem, Ardeates, fortuna oblata est, & pro tantis pristinis populi Romani beneficiis, quanta ipsi meministis, (nec enim exprobanda apud memores sunt) gratiâ referenda, & huic urbi decus, ingens bellum ex hoste communi parienti. Quo effuso agmine adventat, gens est, cui natura corpora animosque magna magis, quàm firma, dedit. eo in certamen omne plus terroris, quàm virium, ferunt. Argumento sit clades Romana. partem capere urbem; ex arce Capitolioque hic exigua resistitur manus. Jam obsidione lævia victi abscedunt, vagique per agros paliantur, cibo vinoque raptim hantio repleti. Ubi non appetit, prope rivos aquarum, sine nutrimento, sine rationibus ac custodiis, possim sanctorum ritu servantur, non ab stercoribus*

candis rebus magis etiam solito incauti. Si vobis in animo est tueri mania vestra, nec pati hac omnia Galliam fieri, primâ vigiliâ capite arma frequentes: ne sequimini ad cadem, non ad pugnam. nisi victos somno, velut pecudes, trucidandos tradidero, non recuso eandem Ardea rerum mearum exitum, quem Roma habui.

XLV. *Æquis iniquisque persuasum erat, tantum bello virum neminem usquam eâ tempestate esse. Conciione dimissâ, corpora curant, intenti, quàm mox signum daretur. quo dato, primæ silentio noctis ad portas Camillo præsto fuere. Egressi, haud præcul urbe, sicut prædictum erat, castra Gallorum, intuta neglectaque ab omni parte nacti, clamore invadunt. Nusquam prælium, omnibus locis cædes est: nuda corpora & soluta somno trucidantur. extremos tamen pavor cubilibus suis excitos, quæ aut unde vis esset, ignaros, in fugam, & quosdam in hostem ipsum improvidos tulit. magna pars in agrum Antiatem delati, incursione ab oppidanis in palatos factâ, circumveniuntur. Similis in agro Vejenti Tuscorum facta strages est: qui urbis, jam prope quadringentesimum annum vicinæ, oppressæ ab hoste invisitato inauditoque, adeo nihil miseriti sunt, ut in agrum Romanum eo tempore incursiones facerent, plenique prædæ Vejos etiam, præsidiumque & spem ultimam Romani nominis, in animo habuerint oppugnare. Viderant eos milites Romani, vagantes per agros & congregatos agmine, prædam præ se agentes, & castra cernebant haud præcul Vejis posita. inde primum miseratio sui, deinde indignitas, atque ex ea ira animos cepit, Etruscisne etiam, à quibus bellum Gallorum in se avertissent, ludibrio esse clades suas? Vix temperavere animis, quin extemplo impetum facerent: compressique à Cædicio centurione, quem sibimet ipsæ præfecerant, rem in noctem sustinuerunt. Tantum par Camillo defuit auctor, cetera eodem ordine eodemque fortunæ eventu gesta. quin etiam, ducibus captivis,*  
quâ

qui cædi nocturnæ superfuerant, ad aliam manum Tuscorum ad Salinas profecti, nocte insequenti ex improviso maiorem eadem edidere, duplicique victoriâ ovantes Vejos redeunt.

XLVI. Romæ interim plerumque obsidio segnis & utrinque silentium esse, ad id tantum intentis Gallis, ne quis hostium evadere inter stationes posset: quum repente juvenis Romanus admiratione in se cives hostesque convertit. Sacrificium erat statum in Quirinali colle genti Fabiæ. ad id faciendum C. Fabius Dorso, Gabino cinctu, sacra manibus gerens, quum de Capitolio descendisset, per medias hostium stationes egressus, nihil ad vocem cujusquam terroremve motus, in Quirinalem collem pervenit. ibique omnibus solenniter peractis, eadem revertens similiter constanti vultu graduque, satis sperans propitios esse Deos, quorum cultum ne mortis quidem metu prohibitus deseruisset, in Capitolium ad suos rediit, seu attonitis Gallis miraculo audaciæ, seu religione etiam motis, cujus haudquaquam negligens est gens. Vejis interim non animi tantum in dies, sed etiam vires, crescebant: nec Romanis solum eò convenientibus ex agris, qui à prælio adverso aut clade captæ urbis palati fuerant, sed etiam ex Latio voluntariis confluentibus, ut in parte prædæ essent. Maturum jam videbatur, repeti patriam eripique ex hostium manibus: sed corpori valido caput deerat. Locus ipse admonebat Camilli, & magna pars militum erat, qui ductu auspicioque ejus res prospere gesserant: & Cædicius negare, se commissurum, cur sibi aut Deorum aut hominum quisquam imperium finiret potius, quam ipse memor ordinis sui posceret imperatorem. Consensu omnium placuit, ab Ardea Camillum acciri; sed antea consulto senatu, qui Romæ esset. adeo regebat omnia pudor, discriminaque rerum propè perditis rebus servabant. Ingenti periculo transcendum per hostium custodias erat. ad e-

am

am rem Pontius Cominius, impiger juvenis, operam pollicitus, incubans cortici, secundo Tiberi ad urbem desertur. inde, quâ proximum fuit à ripa, per præruptum, eoque neglectum hostium custodiæ, saxum in Capitolium evadit: & ad magistratus ductus, mandata exercitus edit. accepto inde senatus decreto, ut & comitiis curiatis revocatus de exilio, jussu populi Camillus dictator extemplo diceretur, militesque haberent imperatorem, quem vellent, eadem degressus nuncius Vejos contendit: missique Ardeam legati ad Camillum, Vejos eum perduxere: seu, (quod magis credere libet, non prius profectum ab Ardea, quam comperit legem latam; quod nec injussu populi mutari finibus posset, nec, nisi dictator dictus, auspicia in exercitu habere) lex curiata lata est, dictatorque absens dictus.

XLVII. Dum hæc Vejis agebantur, interim arx Romæ Capitoliumque in ingenti periculo fuit. namque Galli, seu vestigio notato humano, quâ nuncius à Vejis pervenerat, seu sua sponte animadverso ad Camentis saxorum ascensu æquo, nocte sublustri, quum primò iernem, qui tentaret viam, præmississent, tradentes inde arma, ubi quid iniqui esset, alterni innisi, sublevantesque in vicem & trahentes alii alios, prout postularet locus; tanto silentio in summum evasere, ut non custodes solum fallerent, sed ne canes quidem, sollicitum animal ad nocturnos strepitus, excitarent. Anseres non sefellere, quibus sacris Junoni in summa inopia cibi tamen abstinebatur. quæ res saluti fuit. Namque clangore eorum alarumque crepitu excitus M. Manlius, qui triennio antè consul fuerat, vir bello egregius, armis arreptis, simul ad arma ceteros eicens, vadit; & dum ceteri trepidant, Gallum, qui jam in summo constiterat, umbone ictum deturbat: Cujus casus prolapsi quum proximos sterneret, trepidantes alios, armisque emissis saxa, quibus adhærebant, manibus

bus amplexos, trucidat. jamque & alii congregati telis missilibusque saxis proturbare hostes, ruinâque tota prolapsa acies in præceps deferri. Sedato deinde tumultu, reliquum noctis (quantum in turbatis mentibus poterat, quum præteritum quoque periculum sollicitaret) quieti datum est. Luce ortâ, vocatis classico ad concilium militibus ad tribunos, quum & rectè & perperam facto pretium deberetur; Manlius primùm ob virtutem laudatus donatusque, non ab tribunis solum militum, sed consensu etiam militari: cui universi se libras farris & quartarios vini ad ædes ejus, quæ in arce erant, contulerunt. rem dictu parvam, ceterùm inopia fecerat eam argumentum ingens caritatis, quum, se quisque victu suo fraudans, detractum corpori atque usibus necessariis ad honorem unius viri conferret. Tum vigiles ejus loci, quâ sefellerat ascendens hostis, citati: & quum in omnes more militari se animadversurum Q. Sulpicius tribunus militum pronuntiasset; consentiente clamore militum, in unum vigilem conicientium culpam, deterritus, à ceteris abstinuit: rem haud dubium ejus noxæ, approbantibus cunctis, de saxo dejecit. Inde intentiores utrinque custodias esse; & apud Gallos, quia vulgatum erat, inter Vejos Romanque nuncios commeari; & apud Romanos, ab nocturni periculi memoria.

XLVIII. Sed ante omnia obsidionis bellicque mala fames utrinque exercitum urgebat: Gallos pestilentia etiam, quum loco jacente inter tumulos castra habentes, tum ab incendiis torrido & vaporis pleno, cineremque, non pulverem modò, ferente, quum quid ventum motum esset. quorum intolerantissima gens, humerique ac frigori assueta, quum æstu & angore vexata, vulgatis velut in pecua morbis, moreretur; jam pigritiâ singulos sepeliendi promiscuè acervatos cumulos hominum urebant: bustorumque inde Gallicorum nomines insignem locum ferere. Inducie deinde cum Romanis

manis factæ, & colloquia permissu imperatorum habitæ : in quibus quum identidem Galli famem objicerent, eaque necessitate ad deditionem vocarent, dicitur avertendæ ejus opinionis causâ multis locis panis de Capitolio jactatus esse in hostium stationes. Sed jam neque dissimulari, neque ferri ultrâ fames poterat. Itaque, dum dictator delectum per se Ardez habet, magistrum equitum L. Valerium à Vejis abducere exercitum jubet, parat, instruitque, quibus haud impar adoriatur hostes : interim Capitolinus exercitus, stationibus vigiliisque fessus, superatis tamen humanis omnibus malis, quum famem unam natura vinci non fineret, diem de die prospectans, ecquod auxilium ab dictatore appareret ; postremò spe quoque jam, non solum cibo, deficiente, & quum stationes procederent, propè obruentibus infirmum corpus armis, vel dedi, vel redimi se, quacunque pactione possent, jussit ; jactantibus non obscure Gallis, haud magnâ mercede se adduci posse, ut obsidionem relinquant. Tum senatus habitus, tribunisque militum negotium datum, ut paciscerentur. Inde inter Q. Sulpicium tribunum militum & Brennum regulum Gallorum colloquio transacta res est, & mille pondo auri pretium populi gentibus mox imperaturi factum. Rei, foedissimæ per se, adjecta indignitas est. pondera ab Gallis allata iniqua, & tribuno recusante, additus ab insolente Gallo ponderi gladius : auditaque intoleranda Romanis vox, *Va victis esse.*

XLIX. Sed Diique & homines prohibuere redemptos vivere Romanos. nam forte quâdam, prius quàm infanda merces perficeretur, per altercationem nondum omni auro appenso, dictator intervenit ; auferrique aurum de medio, & Gallos submoveri jubet. Quum illi renitentes pactos dicerent sese, negat eam pactionem ratam esse, quæ, postquam ipse dictator creatus esset, injussu suo ab inferioris juris magistratu facta esset : denunciat-

nunciatque Gallis, ut se ad prælium expediant. Suos in acervum conjicere sarcinas, & arma aptare, ferroque, non auro, recuperare patriam jubet, in conspectu habentes sana Deum, & conjugēs, & liberos, & solum patriæ deforme belli malis, & omnia, quæ defendi repetique & ulcisci fas sit. Instruit deinde aciem, ut loci natura patiebatur, in semirutæ solo urbis, & naturâ inæquali; & omnia, quæ arte belli secunda suis eligi præpararive poterant, providit. Galli, novâ re trepidi, arma capiunt, irâque magis, quàm consilio, in Romanos incurrunt. Jam verterat fortuna, jam Deorum opes humanaque consilia rem Romanam adjuvabant. igitur primo concurfu haud majore momento fusi Galli sunt, quàm ad Alliam vicerant. Justiore altero deinde prælio ad octavum lapidem Gabinâ viâ, quò se ex fuga contulerant, ejusdem ductu auspicioque Camilli vincuntur. Ibi cædes omnia obtinuit. castra capiuntur, & ne nuncius quidem cladis relictus. Dictator, recuperatâ ex hostibus patriâ, triumphans in urbem redit: interque jocos militares, quos inconditos jaciunt, Romulus ac parens patriæ conditorque alter urbis haud vanis laudibus appellatur. Servatam deinde bello patriam iterum in pace haud dubiè servavit, quum prohibuit migrari Vejos, & tribunis rem intentiùs agentibus post incensam urbem, & per se inclinatâ magis plebe ad id consilium. eaque causa fuit non abdicandæ post triumphum dictaturæ, senatu obsecrante; ne rempublicam in incerto relinqueret statu.

L. Omnium primùm, ut erat diligentissimus religionum cultor, quæ ad Deos immortales pertinebant, retulit; & senatusconsultum facit, *Fana omnia, quòd ea hostis possedisset, restituerentur, terminarentur, expiarenturque, expiatioque eorum in libris per duumviros quaereretur. Cum Caretibus hospitium publicè fieret, quòd sacra populi Romani ac sacerdotes recepissent, beneficioque ejus populi non intermissus bonos Deum immortalium esset: ludi Capitolini fierent,*



rent, quòd *Jupiter optimus maximus suam sedem atque arcem populi Romani in re trepida tutatus esset* : collegiumque ad eam rem *M. Furius dictator constitueret ex iis, qui in Capitolio atque arce habitarent*. Expiandæ etiam vocis nocturnæ, quæ nuncia cladis ante bellum Gallicum audita neglectaque esset, mentio illata, jussumque templum in Nova via Ajo Locutio fieri. Aurum, quod Gallis ereptum erat, quodque ex aliis templis inter trepidationem in Jovis cellam collatum, quum, in quæ referri oporteret, confusa memoria esset, sacrum omne judicatum, & sub Jovis sella poni jussum. Jam antè in eo religio civitatis apparuerat, quòd, quum in publico deesset aurum, ex quo summa partæ mercedis Gallis confieret, à matronis collatum acceperant, ut sacro auro abstineretur. Matronis gratiæ actæ, honosque additus, ut earum, sicut virorum, post mortem solennis laudatio esset. Iis peractis, quæ ad Deos pertinebant, quæque per senatum agi poterant ; tum domum, agitantibus tribunis plebem assiduis concionibus, ut, relictis ruinis, in urbem paratam Vejos transmigrarent, in concionem, universo senatu prosequente, descendit, atque ita verba fecit :

LI. *Adeo mihi acerba sunt, Quirites, contentiones cum tribunis plebis, ut nec tristissimi exsilii solatium aliud habuerim, quoad Ardea vixi, quàm quòd procul ab his certaminibus eram : & ob eandem hac, non, si millies senatusconsulto populi jussu revocaretis, rediturus unquam fuerim. Nec nunc me, ut redirem, mea voluntas mutata, sed vestra fortuna perpulit. quippe, ut in sua sede maneret patria, id agebatur ; non ut ego utique in patria essem. & nunc quiescerem ac tacerem libenter, nisi hæc quoque pro patria dimicatio esset ; cui deesse, quoad vita suppetat, aliis turpe, Camillo etiam nefas est. Quid enim repetimus ? quid obsessam ex hostium manibus eripimus, si recuperatam ipsi deserimus ? & quum, victoribus Gallis, captâ totâ urbe, Capitolium tamen atque arcem Diique & homines Romani temuerint, habitaverint ;*

vint; victoribus Romanis, recuperatâ urbe, arx quoque & Capitolium deferetur? & plus vastitatis huic urbi secunda nostra fortuna faciet, quàm adversa fecit? Equidem, si nobis cum urbe simul posita traditaque per manus religiones nulla essent, tamen tam evidens numen hac tempestate rebus adfuit Romanis, ut omnem negligentiam divini cultus exemptam hominibus putem. Intuemini enim horum deinceps annorum vel secundas res, vel adversas: invenietis omnia prosperè edidisse sequentibus Deos, adversa spernentibus. Jam omnium primum Veiens bellum (per quot annos, quanto labore gestum!) non antè cepit finem, quàm monitu Deorum aqua ex lacu Albano emissa est. Quid hac tandem urbis nostra clades nova? num antè exorta est, quàm spreta vox cælo emissa de adventu Gallorum? quàm gentium jus ab legatis nostris violatum? quàm à nobis, quum vindicari deberet, eodem negligentia Deorum prætermisum? Igitur victi captique ac redempti tantum pænarum Diis hominibusque dedimus, ut terrarum orbi documento essemus. Adversa deinde res admonuerunt religionum. Confugimus in Capitolium ad Deos, ad sedem Jovis optimi maximi: sacra in ruina rerum nostrarum alia terra celavimus, alia, averta in finitimas urbes, amovimus ab hostium oculis. Deorum cultum, deserti ab Diis hominibusque, tamen non intermisimus. Reddidere igitur patriam, & victoriam, & antiquum belli decus amissum: & in hostes, qui caci avaritia in pondere auri fœdus ac fidem fefellerunt, verterunt terrorem fugamque & cadem.

LII. Hæc culti neglectique numinis tanta monumenta in rebus humanis cernentes, ecquid sentitis, Quirites, quantum vixdum è naufragiis prioris culpæ cladisque emergentes paremus nefas? Urbem auspiciatò inauguratòque conditam habemus: nullus locus in ea non religionum Deorumque est plenus: sacrificiis solennibus non dies magis statì, quàm loca sunt, in quibus fiant. Hos omnes Deos, publicos privatosque, Quirites, deserturi estis? Quàm par vestrum factum est, quod in obsidione nuper in egregio adolescente C. Fabio, non minore hostium admiratione, quàm vestrà, conspectum est; quum in-

ter Gallica tela degressus ex arce solenne Fabia gentis in colle Quirinali obiit? An gentilitia sacra ne in bello quidem intermitteri, publica sacra & Romanos Deos etiam in pace deferri placet? & pontifices flaminesque negligentiores publicarum religionum esse, quàm privatus in solenni gentis fuerit? Forsitan aliquis dicat, aut Vejis ea nos facturos, aut huc inde miseros sacerdotes nostros, qui faciant: quorum neutrum fieri salvis ceremoniis potest. & ne omnia generatim sacra omnesque percenseam Deos; in Jovis epulo num alibi, quàm in Capitolio, pulvinar suscipi potest? Quid de æternis Vesta ignibus signoque, quod imperii pignus custodiâ ejus templi teneatur, loquar? quid de ancilibus vestris, Mars Gradivæ, tuque Quirine pater? hæc omnia in profano deferri placet sacra, æqualia urbi, quadam vetustiora origine urbis? Et videte, quid inter nos ac majores inter sit. illi sacra quadam in monte Albano Lavinioque nobis facienda tradiderunt. An ex hostium urbibus Romam ad nos transferri sacra religiosum fuit: hinc sine piaculo in hostium urbem Vejos transferemus? Recordamini, agitedum, quoties sacra instaurantur, quia aliquid ex patrio ritu negligentia casusve prætermisum est. Modò quæ res, post prodigium Albani lacus, nisi instauratio sacrorum auspiciorumque renovatio, affecta Vejenti bello reipublica remedio fuit? At etiam, tanquam veterum religionum memores, & peregrinos Deos transtulimus Romam, & institui-mus novos. Juno Regina, transvecta à Vejis, nuper in Aventino quàm insigni ob excellens matronarum studium celebri-que dedicata est die? Ajo Locutio templum, propter cælestem vocem exauditam in Nova via, jussimus fieri: Capitolinos ludos solemnibus aliis addidimus; collegiumque ad id novum, auctore senatu, condidimus. Quid horum opus fuit suscipi, si unâ cum Gallis urbem Romanam relicturi fuimus? si non voluntate mansimus in Capitolio per tot menses obsidionis? si ab hostibus metu retenti sumus? De sacris loquimur & de templis: quid tandem de sacerdotibus? Nonne in mentem venit, quantum piaculi committatur? Vestalibus nempe una illa sedes est, ex qua eas nihil unquam, præterquam urbs capta, movit.

movit. Flamini Diali noctem unam manere extra urbem nefas est. Hos Vejentes pro Romanis facturi estis sacerdotes, & Vestales tuæ te deferent, Vesta? & flamen peregrè habitando in singulas noctes tantum sibi rei quæ publicæ piaculi contrahet? Quid alia, quæ auspiciatò agimus omnia ferè intra pomeriùm, cui oblivioni, aut cui negligentia damus? Comititia curiata, quæ rem militarem continent; comitia centuriata, quibus consules tribunosque militares creatis, ubi auspiciatò, nisi ubi adsolent, fieri possunt? Vejoesne hæc transferemus? an comitiarum causâ populus tanto incommodo in desertam hanc ab Diis hominibusque urbem conveniet?

LIII. Sed res ipsa cogit vastam incendiis ruinisque relinquere urbem, & ad integra omnia Vejos migrare, nec hîc edificando inopem plebem vexare. Hanc autem jactari magis causam, quàm veram esse, ut ego non dicam, apparere vobis, Quirites, puto; qui meministis, ante Gallorum adventum, salvis testis publicis privatisque, stante incolumi urbe, hanc eandem rem actam esse, ut Vejos transmigraremus. Et videte, quantum inter meam sententiam vestramque intersit, tribuni. Vos, etiamsi tunc faciendum non fuerit, nunc utique faciendum putatis: ego contrâ, (nec id miratî sitis prius, quàm, quale sit, audieritis) etiamsi tunc migrandum fuisset, incolumi totâ urbe, nunc hæc ruinas relinquendas non censerem. Quippe tum causa nobis in urbem captam migrandi victoria esset, gloriosa nobis ac posteris nostris; nunc hæc migratio nobis misera ac turpis, Gallis gloriosa est. non enim reliquisse virores, sed amisisse victi, patriam videbimur. hoc ad Alliam fuga, hoc capta urbs, hoc circumsessum Capitolium necessitatis imposuisse, ut defereremus penates nostros, exiliumque ac fugam nobis ex eo loco conscisceremus, quem taceri non possemus. & Galli evertere potuerunt Romam, quam Romani restituere non videbuntur potuisse? Quid restat, nisi ut, si jam novis copiis veniant, (constat enim vix credibilem multitudinem esse) & habitare in capta ab se, deserta à vobis, hæc urbe velint, sinatis? Quid? si non Galli hoc, sed veteres hostes vestri, Æqui Volscive, faciant, ut commigrent Romam, velitine il-

los Romanos, vos Veientes esse? an malitis hanc solitudinem vestram, quàm urbem hostium, esse? non equidem video, quid magis nefas sit. Hec scelera, quia piget edificare, hæc dedecora pati parati estis? Si totâ urbe nullum melius ampliusve lectum fieri possit, quàm casa illa conditoris est nostri, non in casis, ritu pastorum agrestiumque, habitare est satius inter sacra penatesque vestros, quàm exsulatum publicè ire? Majores nostri, convena pastoresque, quum in his locis nihil, præter silvas paludesque, esset, novam urbem tam brevi edificarunt: nos, Capitolio, arce incolami, stantibus templis Deorum, edificare incensa piget? & quod singuli facturi fuimus, si ades nostra deflagrassent, hoc in publico incendio universi recusamus facere?

LIV. Quid tandem? si fraude, si casu Vejis incendium ortum sit, ventoque (ut fieri potest) diffusa flamma magnam partem urbis absumat; Fidenas inde, aut Gabios, aliamve quam urbem quesituri sumus, quò transmigremus? Adeo nihil tenet solum patriæ, nec hæc terra, quam matrem appellamus, sed in superficie tignisque caritas nobis patriæ pendet? Equidem, fatebor vobis, etsi minùs injuria vestra, quàm mea calamitatis, meminisse juvat, quum abessem, quotiescunque patriâ in mentem veniret, hæc omnia occurrebant, colles, campique, & Tiberis, & assueta oculis regio, & hoc cælum, sub quo natus educatusque essem. quæ vos, Quirites, nunc movent potius caritate suâ, ut maneatis in sede vestra, quàm postea, quum reliqueritis ea, macerent desiderio. Non sine causa Dii hominesque hunc urbi condendæ locum elegerunt, saluberrimos colles, flumen opportunum, quo ex mediterraneis locis fruges debebantur, quo maritimi commeatus accipiantur; mare vicinum ad commoditates, nec expositum nimis propinquitate ad pericula classium externarum: regionum Italiæ medium, ad incrementum urbis natum unice locum. Argumento est ipsa magnitudo tam novæ urbis. trecentessimus sexagesimus quintus annus urbis, Quirites, agitur: inter tot veterrimos populos tamdiu bella geritis; quum interea, ne singulas loquar urbes, non conjuncti cum Æquis Volsci, tot tam valida oppi-

da,

*da, non universa Etruria, tantum terrâ marique pollens, atque inter duo maria latitudinem obtinens Italia, bello vobis par est. Quod quum ita sit, quæ (malum) ratio est, expertis alia experiri, quum jam, ut virtus vestra transire aliò possit, fortuna certè loci hujus transferri non possit? Hic Capitolium est, ubi quondam capite humano invento responsum est, eo loco caput rerum summamque imperii fore. hic, quum auguratò liberaretur Capitolium, Juventas Terminusque maximo gaudio patrum nostrorum moveri se non passi. hic Vesta ignes, hic ancilia cælo demissa, hic omnes propitii manentibus vobis Dii.*

LV. Movisse eos Camillus quum alià oratione, tum eà, quæ ad religiones pertinebat, maximè dicitur. sed rem dubiam decrevit vox opportuna emissa; quòd, quum senatus post paulo de his rebus in curia Hostilia haberetur, cohortesque, ex præsidiis revertentes, fortè agmine forum transirent, centurio in comitio exclamavit: *Signifer, statue signum: hic manebimus optimè.* quâ voce auditâ, & senatus, *accipere se omen*, ex curia egressus, conclamavit, & plebs circumfusa approbavit. Antiquatâ deinde lege, promiscuè urbs ædificari cœpta. Tegula publicè præbita est: saxi materiæque cædendæ, unde quisque vellet, jus factum; prædibus acceptis, eo anno ædificia perfecturos. Festinatio curam exemit vicos dirigendi, dum, omisso sui alienique discrimine, in vacuo ædificant. Ea est causa, ut veteres cloacæ, primò per publicum ductæ, nunc privata passim subeant testâ; formaque urbis sit occupatæ magis, quàm divisæ, similis.

## LIBER VI.

## EPITOME.

I, &c. **R**ES adversus Volscos & Æquos & Prænestinos prosperè gestas continet. V. Quatuor tribus addita sunt, Stellatina, Sabatina, Tromentina, Arniensis. XIV, &c. XX. M. Manlius, qui Capitolium à Gallis defenderat, quum obstrictos ære alieno liberaret, nexos exsolveret, crimine affectati regni damnatus, de saxo Tarpeio dejectus est: in cujus notam senatusconsultum factum est, ne cui de Manlia gente Marco cognomen esset. XXXIV, XXXV, &c. C. Licinius & L. Sextius tribuni plebis legem promulgarunt, ut consules etiam ex plebe fierent, qui ex Patribus creabantur. eamque legem cum magna contentione, repugnantibus Patribus, quum iidem tribuni plebis per quinquennium soli magistratus fuissent, pertulerunt; & primus ex plebe consul L. Sextius creatus est. Lata est & altera lex, ne cui plus quingentis jugeribus agri liceret possidere.

I. **Q**UÆ ab condita urbe Roma ad captam eandem urbem Romani sub regibus primum, consulibus deinde ac dictatoribus, decemvirisque ac tribunis consularibus gessere, foris bella, domi seditiones, quinque libris exposui; res quum vetustate nimia obscuras, velut quæ magno ex intervallo loci vix cernuntur; tum quòd parvæ & raræ per eadem tempora literæ fuere, una custodia fidelis memoriarum rerum gestarum: & quòd, etiamsi quæ in commentariis pontificum aliisque publicis privatisque erant monumentis, incensâ urbe pleræque interiere. Clariora deinceps certioraque ab secunda origine, velut ab stirpibus lætius feraciusque renatæ urbis, gesta domi militiarque exponentur. Ceterum quo primo  
admi-

adminiculo erecta erat, eodem innisa M. Furio principe stetit. neque cum abdicare se dictaturâ, nisi anno circumacto, passi sunt. Cômities in insequentem annum tribunos habere, quorum in magistratu capta urbs esset, non placuit: res ad interregnum rediit. Quum civitas in opere ac labore assiduo reficiendæ urbis teneretur, interim Q. Fabio, simul primùm magistratu abiit, ab C. Marcio tribuno plebis dicta dies est, quòd legatus in Gallos, ad quos missus erat orator, contra jus gentium pugnâisset. cui iudicio cum mors, adeo opportuna, ut voluntariam magna pars crederet, subtraxit. Interregnum initum. P. Cornelius Scipio interrex, & post eum M. Furius Camillus iterum. Is tribunos militum consulari potestate creat, L. Valerium Publicolam iterum, L. Virginium, P. Corneliū, A. Manlium, L. Æmilium, L. Postumium. Hi ex interregno quum extemplo magistratum inissent, nulla de re prius, quàm de religionibus, senatum consuluerunt. In primis fœdera ac leges (erant autem eæ duodecim tabulæ & quædam regiz leges) conqueri, quæ comparerent; jusserunt: alia ex eis edita etiam in vulgus: quæ autem ad sacra pertinebant, à pontificibus maximè, ut religione obstrictos haberent multitudinis animos, suppressa. Tum de diebus religiosis agitari cœptum, diemque ante diem xv. Kalendas Sextiles, duplici clade insignem, (quo die ad Cremeram Fabii cæsi, quo deinde ad Alliam cum exitio urbis fœdè pugnatum) à posteriore clade Alliensē appellârunt, insignemque rei nulli publicè privatimque agendæ fecerunt. Quidam, quòd postridie Idus Quinctiles non litâisset Sulpicius tribunus militum, neque inventâ pace Deum post diem tertium objectus hosti exercitus Romanus esset, etiam postridie Idus rebus divinis supersederi iussum: inde, ut postridie Kalendas quoque ac Nonas eadem religio esset, traditum, putant.

II. Nec diu licuit quietis consilia erigendæ ex tam



gravi casu reipublicæ secum agitare. Hinc Volsci, veteres hostes, ad extinguendum nomen Romanum arma ceperant, hinc Etruriæ principum ex omnibus populis conjurationem de bello, ad sanum Voltumnæ factam, mercatores afferebant. novus quoque terror accesserat defectione Latinorum Hernicorumque, qui, post pugnam ad lacum Regillum factam, per annos propè centum nunquam ambigua fide in amicitiam populi Romani fuerant. Itaque quum tanti undique terrores circumstarent, appareretque omnibus, non odio solum apud hostes, sed contemptu etiam inter socios nomen Romanum laborare; placuit eisdem auspiciis defendi rempublicam, quibus recuperata esset, dictatoremque dici M. Furium Camillum. Is dictator C. Servilium Aham magistrum equitum dixit: iustitioque indicto, delectum juniorum habuit, ita ut seniores quoque, quibus aliquid roboris superesset, in verba sua juratos centuriaret. Exercitum conscriptum armatumque trifariam divisit. partem unam in agro Veiente Etruriæ opposuit: alteram ante urbem castra locare iussit. tribunus militum his A. Manlius, illis, qui adversus Etruscos mittebantur, L. Æmilius præpositus: tertiam partem ipse ad Volscos duxit. nec procul ab Lanuvio (*ad Mæciam* is locus dicitur) castra oppugnare est adortus. Quibus, ab contemptu (quod propè omnem deletam à Gallis Romanam juventutem crederent) ad bellum profectis, tantum Camillus auditus imperator terroris intulerat; ut vallo se ipsi, vallum congestis arboribus sepirent, ne quâ intrare ad munimenta hostis posset. Quod ubi animadvertit Camillus, ignem in objectam sepem conjici iussit. & forte erat vis magna venti versa in hostem. itaque non aperuit solum incendio viam, sed, flammis in castra tendentibus, vapore etiam ac fumo crepituque viridis materiæ flagrantis, ita consternavit hostes; ut minor moles superantibus vallum in castra Volscorum Romanis

nis fuerit, quàm transcendentibus sepem incendio assumptam fuerat. Fusis hostibus cæsisque, quum castra impetu cepisset dictator, prædam militi dedit, quominus speratam, minimè largitore duce, eo militi gratiorem. persecutus deinde fugientes, quum omnem Volscum agrum depopulatus esset, ad deditionem Volscos septuagesimo demum anno subegit. Victor ex Volscis in Æquos transit, & ipsos bellum molientes: exercitum eorum ad Bolas oppressit; nec castra modo, sed urbem etiam aggressus, impetu primo cepit.

III. Quum in ea parte, in qua caput rei Romanæ Camillus erat, ea fortuna esset, aliam in partem terror ingens ingruerat. Etruria propè omnis armata Sutrinam, socios populi Romani, obsidebat: quorum legati, opem rebus affectis orantes, quum senatum adissent, decretum tulere, ut dictator primo quoque tempore auxilium Sutrinis ferret. Cujus spei moram quum patì fortuna obsectorum non potuisset, confectaque paucitas oppidanorum, opere, vigiliis, vulneribus, quæ semper eisdem urgebant, per passionem urbe hostibus traditâ, inermes cum singulis emissi vestimentis, miserabili agmine penates relinquerent; eo fortè tempore Camillus cum exercitu Romano intervenit. cui quum se mœsta turba ad pedes prœvolvisset, principumque orationem, necessitate ultimâ expressam, fletus mulierum ac puerorum, qui exiliî comites trahebantur, excepisset; parcere lamentis Sutrinis iussit: Etruscis se luctum lacrimasque ferte. Sarcinas inde deponi, Sutrinosque ibi confidere, modico præsidio relicto, arma secum militem ferre jubet. Ita expedito exercitu profectus ad Sutrium, id quod tebatur, soluta omnia rebus (ut fit) secundis invenit: nullam stationem ante moenia, patentes portas, victorem vagum prædam ex hostium testis egerentem. Iterum igitur eodem die Sutrium capitur: victores Etrusci passim trucidantur ab novo hoste, neque se conglobandi, coeundiue in-

unum, aut arma capiendi datur spatium. quum pro fe quisque tenderent ad portas, si quâ fortè se in agros ejicere possent, clausas (id enim primum dictator imperaverat) portas inveniunt. Inde alii arma capere, alii, quos fortè armatos tumultus occupaverat, convocare suos, ut prælium inirent. quod accensum ab desperatione hostium fuisset; ni præcones, per urbem dimissi, poni arma, & parci inermi jussissent, nec præter armatos quenquam violari. Tum etiam, quibus animi in spe ultima obstinati ad decertandum fuerant, postquam data spes vitæ est, jactare passim arma, inermesque, quod tutius fortuna fecerat, se hosti offerre. Magna multitudo in custodias divisa: oppidum ante noctem redditum Sutrinis inviolatum integrumque ab omni clade belli, quia non vi captum, sed traditum per conditiones fuerat.

IV. Camillus in urbem triumphans rediit, trium simul bellorum victor. Longè plurimos captivos ex Etruscis ante currum duxit. quibus sub hasta venundatis, tantum æris redactum est, ut, pretio pro auro matronis persoluto, ex eo, quod supererat, tres patere aureæ factæ sint: quas, cum titulo nominis Camilli, ante Capitolium incensum in Jovis cella constat ante pedes Junonis positas fuisse. Eo anno in civitatem accepti, qui Vejentium Capenatumque ac Faliscorum per ea bella transfugerant ad Romanos, agerque iis novis civibus assignatus. revocati quoque in urbem senatusconsulto à Vejis, qui ædificandi Romæ pigritiâ, occupatis ibi vacuis tectis, Vejos se contulerant. & primò fremitus fuit aspernantium imperium: dies deinde præstituta capitalisque poena, qui non remigrasset Romam, ex ferocibus universis singulos, metu suo quemque, obedientes fecit. Et Roma quum frequentiâ crescere, tum tota simul exsurgere ædificiis, & republicâ impensas adjuvante, & ædilibus velut publicum exigentibus opus, & ipsiis privatis (admonebat enim  
desi-

desiderium usûs) festinantibus ad effectum operis. intraque annum nova urbs stetit. Exitu anni comitia tribunorum militum consulari potestate habita. creati T. Quinctius Cincinnatus, Q. Servilius Fidenas quintum, L. Julius Iulus, L. Aquillius Corvus, L. Lucretius Tricipitinus, Ser. Sulpicius Rufus. Exercitum alterum in Æquos, non ad bellum, (victos namque se fatebantur) sed ab odio ad pervastandos fines, ne quid ad nova consilia relinquerent virium, duxere: alterum in agrum Tarquiniensem. Ibi oppida Etruscorum Cortuosa & Contenebra vi capta dirutaque. Ad Cortuosam nihil certaminis fuit. improvisò adorti, primo clamore atque impetu cepere: direptum oppidum atque incensum est. Contenebra paucos dies oppugnationem sustinuit; laborque continuus, non die non nocte remissus, subegit eos. quum in sex partes divisus exercitus Romanus senis horis in orbem succederet prælio, oppidanos eosdem integro semper certamini paucitas fessos objiceret; cessere tandem, locusque invadendi urbem Romanis datus est. Publicari prædam tribunis placebat: sed imperium, quàm consilium, segnius fuit. dum cunctantur, jam militum præda erat; nec, nisi per invidiam, adimi poterat. Eodem anno, ne privatis tantum operibus cresceret urbs, Capitolium quoque saxo quadrato substructum est: opus vel in hac magnificentia urbis conspiciendum.

V. Jam & tribuni plebis, civitate ædificando occupatâ, conciones suas frequentare legibus agrariis conabantur. ostentabatur in spem Pomptinus ager, tum primum, post accisas à Camillo Volscorum res, possessionis haud ambiguae. Criminabantur, *multo eum infestiores agrum ab nobilitate esse, quàm à Volscis fuerit; ab illis enim tantum, quoad vires & arma habuerunt, incursiones eò factas. nobiles homines in possessionem agri publici grassari: nec, nisi, antequam omnia præcipiant, divisus sit, locum ibi plebi fore.* Haud magno opere plebem moverant,

& infrequentem in foro propter aedificandi curam, & eodem exhaustam impensis, eoque agri immemorem, ad quem instruendum vires non essent. In civitate plena religionum, tum etiam ab recenti clade superstitionis principibus, ut renovarentur auspicia, res ad interregnum rediit. interreges deinceps M. Manlius Capitolinus, Ser. Sulpicius Camerinus, L. Valerius Potitus. Hic demum tribunorum militum consulari potestate comitia habuit. L. Papirium, C. Corneliū, C. Sergium, L. Æmilium iterum, L. Menenium, L. Valerium Publicolam tertium creat. hi ex interregno magistratum cecepere. Eo anno ades Martis, Gallico bello vota, dedicata est à T. Quinctio duumviro sacris faciundis. Tribus quatuor ex novis civibus additæ, Stellatina, Tromentina, Sabatina, Arnienfis: eæque viginti quinque tribuum numerum explevere.

VI. De agro Pomptino ab L. Sicinio tribuno plebis actum ad frequentiore jam populum, mobilioremque ad cupiditatem agri, quam fuerat. Et de Latino Herinicoque bello mentio facta in senatu, majoris belli cura, quod Etruria in armis erat, dilata est. Res ad Camillum tribunum militum consulari potestate rediit, collegæ additi quinque, Ser. Cornelius Maluginensis, Q. Servilius Fidenas sextum, L. Quinctius Cincinnatus, L. Horatius Pulvillus, P. Valerius. Principio anni averse curæ hominum sunt à bello Etrusco, quod fugientium ex agro Pomptino, agmen repente illatum in urbem attulit, Antiates in armis esse, Latinorumque populos juventutem submisisse ad id bellum; eo abnuentes publicum fuisse consilium, quod non prohibitos tantummodo voluntarios dicerent militare, ubi vellent. Desierant jam ulla contemni bella. Itaque senatus Diis agere gratias, quod Camillus in magistratu esset: dictatorem quippe dicendum cum fuisse, si privatus esset. & collegæ fateri, *regimen omnium rerum, ubi quid bellici terroris ingruat, in viro uno esse: sibi que destina-*

firmatum in animo esse, Camillo submittere imperium. nec quicquam de maiestate sua detractum credere, quod maiestati eius viri concessissent. Collaudatis ab senatu tribunis, & ipse Camillus, confusus animo, gratias egit. Ingens, inde ait, onus à populo Romano sibi, qui se dictatorem jam quartum crederet, magnum à senatu talibus de se. iudiciis ejus ordinis, maximum tam honoratorum collegatum obsequio iungi. Itaque si quid laboris vigiliarumque adjici possit, certantem secum ipsum annisurum, ut tanto de se consensu civitatis opinionem, qua maxima sit, etiam constantem efficiat. Quod ad bellum atque Antiates attineat, plus ibi minarum, quam periculi, esse. se tamen, ut nihil timendi, sic nihil contemnendi auctorem esse. Circumfederali urbem Romanam ab invidia & odio finitimorum: itaque & ducibus pluribus & exercitibus administrandam rempublicam esse. Te, inquit, P. Valeri, facium imperii consiliique, legiones mecum adversus Antiatem hostem ducere placet: te, Q. Servili, altero exercitu instructo paratoque, in urbe castra habere; intentum, siue Etruria se interim, ut nuper, siue nova hac cura, Latini atque Hernici, moverint. Pro certo habeo, ita rem gesturum, ac patre, avo, teque ipso ac sex tribunatibus dignum est. Tertius exercitus ex causariis senioribusque à L. Quintio scribitur, qui urbi manibusque presidio sit. L. Horatius arma, tela, frumentum, quaque belli alia tempora poscent, provideat. Te, Ser. Corneli, presidem hujus pallici consilii, custodem religionum, comitiorum, legum, rerum omnium urbanarum, collega facimus. Cunctis in partes muneris sui benignè pollicentibus operam, Valerius, Iocius imperii lectus, adjecit; M. Furium sibi pro dictatore, seque ei pro magistro equitum futurum: proinde, quam opinionem de unico imperatore, eam spem de bello haberent. Se verò bene sperare, Patres, & de bello, & de pace universaque republica, erecti gaudio, fremunt: nec dictatore unquam opus fore. reipublica, si tales viros in magistratu habeat; tam concordibus junctos animis, parere atque imperare juxta paratos, lau-

*demque conferentes potius in medium, quam ex communi ad se trabentes.*

VII. Justitio indicto, delectuque habito, Furius ac Valerius ad Satricum profecti: quod non Volscorum modò juventutem Antiates ex nova sobole lectam, sed ingentem Latinorum Hernicorumque conciverant ex integerrimis diutinà pace populis. itaque novus hostis veteri adjunctus commovit animos militis Romani. Quod ubi aciem jam instruenti Camillo centuriones renunciaverunt, *turbatas militum mentes esse, segniter arma capta, cunctabundosque & resistentes egressos castris esse; quin voces quoque auditas, cum centenis hostibus singulos pugnatu-ros; & agrè inermem tantam multitudinem, nedum armatam, sustineri posse; in equum insilit, &, ante signa obversus in aciem, ordines interequitans, Qua tristitia, milites, hac, qua insolita cunctatio est? Hostem, an me, an vos ignoratis? Hostis est quid aliud, quam perpetua materia virtutis gloriæque vestra? Vos contra, me duce, (ut Falterios Vêjosque captos, & in capta patria Gallorum legiones casus taceam) modò trigemina victoria triplicem triumphum ex his ipsis Volscis, & Aëquis, & ex Etruria egistis. An me, quod non dictator vobis, sed tribunus, signum dedi, non agnoscitis ducem? neque ego maxima imperia in vos desidero: & vos in me nihil, præter me ipsum, intueri decet. neque enim dictatura mihi unquam animos fecit, ut ne exsilium quidem ademit. Idem igitur omnes sumus: &, quum eadem omnia in hoc bellum asseramus, qua in priora attulimus, eundem eventum belli expectemus. Simul consurreritis, quod quisque didicit ac consuevit, faciet. Vos vincetis, illi fugient.*

VIII. Dato deinde signo, ex equo desilit, & proximum signiferum, manu arreptum, secum in hostem rapit; *infer, miles, clamitans, signum.* Quod ubi videre, ipsum Camillum, jam ad munera corporis senectà invalidum, vadentem in hostes, procurrunt pariter omnes; clamore sublato, *Sequere imperatorem, pro se*  
qu

quisque clamantes. Emissum etiam signum Camilli jussu in hostium aciem ferunt; idque ut repeteretur, concitatos antesignanos. Ibi primum pulsum Antiatem, terroremque non in primam tantum aciem, sed etiam ad subsidiarios perlatum. nec vis tantum militum movebat, excitata presentia ducis, sed quod Volscorum animis nihil terribilius erat, quam ipsius Camilli fortè oblata species. Ita, quocunque se intulisset, victoriam secum haud dubiam trahebat. maxime id evidens fuit, quum, in lævum cornu, pròpè jam pulsum, arrepto repente equo cum scuto pedestri, ad-vestus, conspectu suo praelium restituit, ostentans vincentem ceteram aciem. Jam inclinata res erat, sed turbà hostium & fuga impedièbatur, & longà cæde conficienda multitudo tanta fesso militi erat: quum repente ingentibus procellis fusus imber certam magis victoriam, quàm praelium, diremit. Signo deinde receptui dato, nox insecuta, quietis Romanis, perfecit bellum. Latini namque & Hernici, relictis Volscis, domos profecti sunt, malis consiliis pares adepti eventus. Volsci, ubi se desertos ab eis videre, quorum fiducia rebellaverant, relictis castris, mœnibus Satrici se includunt. quos primò Camillus vallo circumdare, & aggere atque operibus oppugnare est adortus. Quæ postquam nullà eruptione impediri videt; minus esse animi ratus in hoste, quàm ut in eo tam lentæ spei victoriam exspectaret, cohortatus milites; ne, tanquam Vejos oppugnantes, in opere longinquo sese tererent; victoriam in manibus esse; ingenti militum alacritate mœnia undique aggressus, scalis oppidum cepit. Volsci abjectis armis sese dediderunt.

IX. Ceterum animus ducis rei majori, Antio, imminèbat. id caput Volscorum, eam fuisse originem proximi belli. Sed quia nisi magno apparatu, tormentis machinisque, tam valida urbs capi non poterat; relicto ad exercitum collegà, Romam est profectus,



stus, ut senatum ad excidendum Antium hortaretur. Inter sermonem ejus: (credo, rem Antiatem diuturniorē manere, Diis cordi fuisse) legati ab Nopete ac Sutrio, auxilium adversus Etruscos petentes, veniunt, brevem occasionem esse ferendi auxilii memorantes. ad vim Camilli ab Antio fortuna avertit. Namque quum ea loca opposita Etruriæ, & velut claustra inde portæque essent; & illis occupandi ea, quum quid novi molirentur, & Romanis recuperandi tuendique cura erat. Igitur senatui cum Camillo agi placuit; ut, o-misso Antio, bellum Etruscum susciperet. Legiones urbanæ, quibus Quintius præfuerat, ei decernuntur, quanquam expertum exercitum assuetumque imperio, qui in Volscis erat, mallet, nihil recusavit: Valerium tantummodo imperii socium depoposcit. Quintius Horatiusque successores Valerio in Volscis missi. Profecti ab urbe Sutrium Furius & Valerius partem oppidi jam captam ab Etruscis invenere; ex parte altera, interseptis itineribus, agrè oppidanos vim hostium ab se arcentes. Quum Romani auxilii adventus, tum Camilli nomen celeberrimum apud hostes sociosque, & in præsentia rem inclinatam sustinuit, & spatium ad opem ferendam dedit. Itaque diviso exercitu, Camillus collegam, eam in partem circumductis copiis, quam hostes tenebant, mœnia aggredi jubet; non tantâ spe scâlis capi urbem posse, quâ ut, aversis eò hostibus, & oppidanis jam pugnando fessis laxaretur labor, & ipse spatium intrandi sine certamine mœnia haberet. Quod quum simul utriusque factum esset, ancepsque terror Etruscos circumstaret; & mœnia summâ vi oppugnari, & intra mœnia esse hostem viderent; portâ se, quæ una fortè non obsidebatur, trepidi uno agmine ejicere. Magna cædes fugientium & in urbe & per agros est facta. plures à Furianis intra mœnia cæsi: Valeriani expeditiores ad persequendos fuere; nec ante noctem, quæ conspectum ademit, finem cædendi fecere.

cere. Sutrio recepto restitutoque sociis, Nepete exercitus ductus, quod per deditionem acceptum jam totum Etrusci habebant.

X. Videbatur plus in ea urbe recipienda laboris fore; non in eo solum, quod tota hostium erat, sed etiam quod, parte Nepefinorum prodente civitatem, facta erat deditio. Mitti tamen ad principes eorum placuit, ut secernerent se ab Etruscis, fidemque, quam implorassent ab Romanis, ipsi præstarent. Unde quum responsum allatum esset, *nihil sua potestatis esse, Etruscos moenia custodiasque portarum tenere*; primò populationibus agri terror est oppidanis admotus: deinde, postquam deditionis, quam societatis, fides sanctior erat, fascibus sarmentorum ex agro collatis, ductus ad moenia exercitus, completisque fossis scalæ admotæ, & clamore primo impetuque oppidum capitur. Nepefinis inde edictum, ut arma ponant; parciue iussum inermi. Etrusci pariter armati atque inermes cæsi. Nepefinorum quoque auctores deditionis securi percussi: innoxie multitudini redditæ res, oppidumque cum præsidio relictum. Ita, duabus sociis urbibus ex hoste receptis, victorem exercitum tribuni cum magna gloria Romam reduxerunt. Eodem anno ab Latinis Hernicisque res repetitæ, quaesitumque, cur per eos annos militem ex instituto non dedissent? Responsum frequenti utriusque gentis concilio est, *nec culpam in eo publicam, nec consilium fuisse, quod sua juventutis aliqui apud Volcos militaverint: eos tamen ipsos pravi consilii penam habere, nec quenquam ex his reducem esse. Militis autem non dati causam, terrorem assiduum à Volcis fuisse, quam pestem adhaerentem lateri suo tot super alia aliis bellis exhaustiri nequisset. Quæ relata Patribus, magis tempus, quam causam, non visa belli habere.*

XI. Insequenti anno, A. Manlio, P. Cornelio, T. & L. Quintiis Capitolinis, L. Papirio Curfore iterum, C. Sergio iterum tribunis consulari potestate,

te, grave bellum foris, graviôr domi feditio exorta : bellum à Volscis, adjunctâ Latinorum atque Hernicorum defectione ; feditio, unde minimè timeri potuit, à patriciæ gentis viro & inclitæ famæ, M. Manlio Capitolino : qui nimius animi, quum alios principes sperneret, uni invideret, eximio simul honoribus atque virtutibus, M. Furio ; ægrè ferebat, *solum eum in magistratibus, solum apud exercitus esse ; tantum jam eminere, ut iisdem auspiciis creatos, non pro collegis, sed pro ministris habeat : quum interim, si quis verè aestimare velit, à M. Furio recuperari patria ex obsidione hostium non potuerit, nisi à se prius Capitolium atque arx servata esset : & ille, inter aurum accipiendum & spem pacis solutis animis, Gallos aggressus sit ; ipse armatos capientesque arcem depulerit : illius gloria pars virilis apud omnes milites sit, qui simul vicerint ; sue victoria neminem omnium mortaliū sociū esse. His opinionibus inflato animo, ad hoc vitio quoque ingenii vehemens & impotens, postquam inter Patres non, quantum æquum censebat, excellere suas opes animadvertit ; primū omnium ex Patribus popularis factus, cum plebeiis magistratibus consilia communicare ; criminando Patres, alliciendo ad se plebem, jam aurâ, non consilio, ferri, famæque magnæ malle, quàm bonæ, esse : &, non contentus agrariis legibus, quæ materia semper tribunis plebi seditionum fuisset, fidem moliri cœpit. acriores quippe aris alieni stimulos esse, qui non egestatem modò atque ignominiam minentur, sed nervo ac vinculis corpus liberum terrent. & erat æris alieni magna vis, re damnosissimâ etiam divitibus, ædificando contracta. Bellum itaque Volscum, grave per se, oneratum Latinorum atque Hernicorum defectione, in speciem causæ jactatum, ut major potestas quæreretur. Sed nova consilia Manlii magis compulere senatum ad dictatorem creandum. Creatus A. Cornelius Cossus magistrum equitum dedit T. Quinctium Capitolinum.*

XII. Dictator, etsi majorem dimicationem propositam domi, quam foris, cernebat; tamen, seu quia celeritate ad bellum opus erat, seu victoriâ triumphoque dictaturæ ipsi vires se additurum ratus, delectu habito in agrum Pomptinum, quod à Volscis exercitum indictum audierat, pergit. Non dubito, præter satiætem, tot jam libris assidua bella cum Volscis gesta legentibus illud quoque succursurum, (quod mihi perconsenti propiores temporibus harum rerum auctores miraculo fuit) unde toties victis Volscis & Æquis suffecerint milites. quod quum ab antiquis tacitum prætermissumque sit; cujus tandem ego rei præter opinionem, quæ sua cuique conjectanti esse potest, auctor sim? Simile veri est, aut intervallis bellicorum, sicut nunc in delectibus sit Romanis, aliâ atque aliâ sobole juniorum ad bella instauranda toties usos esse: aut non ex iisdem semper populis exercitus scriptos, quamquam eadem semper gens bellum intulerit: aut innumeraibilem multitudinem liberorum capitum in eis fuisse locis, quæ nunc, vix seminario exiguo militum relicto, servitia Romana ab solitudine vindicant. Ingens certè, (quod inter omnes auctores convenit) quamquam nuper Camilli ductu atque auspicio accisæ res erant, Volscorum exercitus fuit. ad hoc Latini Hernique accesserant, & Circejensium quidam, & coloni etiam à Velitris Romani. Dictator, castris eo die positus, postero quum auspiciatò prodisset, hostiâque causâ pacem Deum adorasset, lætus ad milites, jam arma ad propositum pugnæ signum, sicut edictum erat, luce primâ capientes, processit: *Nostri victoria est, milites, inquit, si quid Dii vatesque eorum in futurum vident. itaque, ut decet certa spei plenos, & cum imparibus manus confuturos, pilis ante pedes positis, gladiis tantum dexteras armemus: ne procurri quidem ab acie velim, sed obnisos vos stabili gradu impetum hostium excipere. Ubi illi vana iniecerint missilia, & effusi stantibus vobis se intulerint, tum mi-*  
cent

cent gladii, & veniat in mentem unicuique, Deos esse, qui Romanum adjuvent; Deos, qui secundis avibus in prolium miserint. Tu, T. Quinti, equitem intentus ad primum initium moti certaminis teneas: ubi herere jam aciem collato pede videris, tum terrarem equestrem occupabis alio pavore infer: inuectusque ordines pugnantium dissipas. Sic eques, sic pedes, ut præceperat, pugnant: nec dux legiones, nec fortuna sefellit ducem.

XIII. Multitudo hostium, nulli rei, præterquam numero, freta, & oculis utramque metiens aciem, temere prælium iniiit, temere omisit: clamore tantum missilibusque telis & primo pugnae impetu ferox, gladios & collatum pedem & vultum hostis, ardore animi micantem, ferre non potuit. Impulsa frons prima, & trepidatio subsidii illata, & suum terrorem intulit eques: rupti inde multis locis ordines, motaque omnia, & fluctuanti similis acies erat. deinde, postquam, cadentibus primis, jam ad se quisque perventuram eadem cernebat, terga vertunt. Instare Romanus; & donec armati confertique abibant, peditum labor in persequendo fuit, postquam iactari arma passim, fugaque per agros spargi aciem hostium animadversum est; tum equitum turmae emissæ, dato signo, ne, in singulorum morando cæde, spatium ad evadendum interim multitudini darent, satis esse, missilibus ac terrore impediri cursum, obequitandoque agmen teneri, dum assequi pedes & iustâ cæde conficere hostem posset. Fugæ sequendique non ante noctem finis fuit: capta quoque ac direpta eodem die castra Volscorum, prædaque omnis, præter libera corpora, militi concessa est. Pars maxima captivorum ex Latinis atque Hernicis fuit, nec hominum de plebe, ut credi posset mercede militasse, sed principes quidam juventutis inventi, manifesta fides, publicâ ope Volscos hostes adjutos. Circeensium quoque quidam cogniti, & coloni à Velitris: Romanque omnes missi percunctantibus primoribus Patrum

Patrum eadem, quæ dictatori, defectionem sui quisque populi, haud perplexè indicavere.

XIV. Dictator exercitum in stativis tenebat, minimè dubius, bellum cum his populis Patres iussuros; quum major domi exorta moles coëgit acciri Romam cum, gliscente in dies seditione, quam solito magis metuendam auctor faciebat. non enim jam orationes modo M. Manlii, sed facta, popularia in speciem, tumultuosa eadem, quâ mente fierent, intuenda erant. Centurionem, nobilem militaribus factis, iudicatum pecuniæ quum duci vidisset, medio foro cum caterva sua accurrit, & manum iniecit: vociferatusque de superbia Patrum, ac crudelitatem fœneratorum, & miseris plebis, virtutibus ejus viri fortunaque; Tum verò ego, inquit, nequicquam hæc dextrâ Capitoliûm arcemque servaverim, si civem commilitonemque meum, tanquam Gallis victoribus captum, in servitutem ac vincula duci videam. Inde rem creditori palam populo solvit, librâque & ære liberatum emittit, Deos atque homines obtestantem, ut M. Manlio, liberatori suo, parenti plebis Romane, gratiam referant. Acceptus extemplo in tumultuosam turbam & ipse tumultum augebat, cicatrices acceptas Veienti, Gallico, aliisque deinceps bellis ostentans. *Se militantem, se restituentem everfos penates, multiplici jam sorte exsolutâ, mergentibus semper sortem usuris, obrutum fœnore esse: videre lucem, forum, civium ora, M. Manlii operâ: omnia parentum beneficia ab illo se habere: illi devovere corporis vitæque ac sanguinis quod superfit. quæcunque sibi cum patria, penatibus publicis ac privatis jurâ fuerit, id cum ævo homine esse.* His vocibus instincta plebes quum jam unius hominis esset, addita alia commotioris ad omnia turbanda consilii res. Fundum in Veienti, caput patrimonii, subjecit præconi: *Ne quem vestrûm, inquit, Quirites, donec quicquam in re mea supererit, iudicatum addictumve duci patiar.* Id verò ita accendit animos, ut per omne fas ac nefas secuturi vindicem libertatis videren-

derentur. Ad hoc domi, concionantis in modum, sermones pleni criminum in Patres: inter quos, quum omissio discrimine, vera an vana jaceret, *thesauros Gallici auri occultari à Patribus* jecit: *nec jam possidendis publicis agris contentos esse, nisi pecuniam quoque publicam avertant: ea res si palam fiat, exsolvi plebem are alieno posse.* Quæ ubi objecta spes est, enimvero indignum facinus videri, quum conferendum ad redimendam civitatem à Gallis aurum fuerit, tributo collationem factam: idem aurum, ex hostibus captum, in paucorum prædam cessisse. Itaque exsequebantur quærendo, ubi tantæ rei furtum occultaretur; differenteque, & tempore suo se indicaturum dicente, ceteris omisiss, eò versæ erant omnium curæ: apparebatque, nec veri indicis gratiam mediam, nec falsi offensionem fore.

XV. Ita suspensis rebus dictator, accitus ab exercitu, in urbem venit. postero die senatu habito, quum, satis periclitatus voluntates hominum, discedere senatum ab se vetuisset, stipatus eâ multitudine, sellâ in comitio posita, viatorem ad M. Manlium misit: qui, dictatoris jussu vocatus, quum signum suis dedisset, adesse certamen, agmine ingenti ad tribunal venit. Hinc senatus, hinc plebs, suum quisque intuentes ducem, velut in acie constiterant. Tum dictator, silentio facto, *Utinam, inquit, mihi Patribusque Romanis ita de ceteris rebus cum plebe conveniat, quemadmodum, quod ad te attinet eamque rem, quam de te sum quasiturus, conventurum satis confido. Spem factam à te civitati video, fide incolami, ex thesauris Gallicis, quos primores Patrum occultent, creditum solvi posse.* Cui ego rei tantum abest, ut impedimento sim, ut contra te, M. Manli, adhorter, liberes favore plebem Romanam: & istos, incubantes publicis thesauris, ex præda clandestina evolvas. *Quod nisi facis, sive quid & ipse in parte prædæ sis, sive quia vanum indicium est, in vincula te duci jubebo, nec diutius patiar, à te multitudinem fallaci spe concitari.* Ad ea Manlius, nec se fecellisse, ait, non adversus

adversus Volscos toties hostes, quoties Patribus expediat, nec adversus Latinos Hernicosque, quos falsis criminibus in arma agant, sed adversus se ac plebem Romanam, dictatorem creatum esse. Jam, omisso bello, quod simulatum sit, in se impetum fieri: jam dictatorem profiteri patrocinium faceratorum adversus plebem: jam sibi ex favore multitudinis crimen & perniciem queri. Offendit, inquit, te, A. Corneli, vosque, Patres conscripti, circumfusa turba lateri meo? Quin eam diducitis à me singuli vestris beneficiis, intercedendo, eximendo de nervo cives vestros, prohibendo judicatos addictosque duci, ex eo, quod affluit opibus vestris, sustinendo necessitates aliorum? Sed quid ego vos, de vestro impendatis, hortor? Sortem aliam ferte. de capite deducite, quod usuris pernumeratum est: jam nihilo mea turba, quam ullius, conspectior erit. At enim, quid ita solus ego civium curam ago? nihil magis, quod respondeam, habeo, quam si queras, quid ita solus Capitolium arcemque servaverim. Et tumi universis, quam potui, opem tuli, & nunc singulis feram. Nam quod ad thesauros Gallicos attinet, rem, suapte naturâ facilem, disfacilem interrogatio facit. cur enim queritis, quod scitis? cur, quod in sinu vestro est, excuti jubetis potius, quam ponatis, nisi aliqua fraus subest? quo magis argui prestigias jubetis vestras, eo plus vereor, ne abstuleritis observantibus etiam oculos. Itaque non ego, vobis ut indicem prædas vestras, sed vos id cogendi estis, ut in medium proferatis.

XVI. Quum mittere ambages dictator juberet, & aut peragere verum indicium cogeret, aut fateri facinus insimulati falso crimine senarûs, oblataeque vani furti invidiæ; negantem, arbitrio inimicorum se locuturum, in vincula duci jussit. Arreptus à viatore, Jupiter, inquit, optime maxime, Junoque Regina, ac Minerva, ceterique Dii Deaque, qui Capitolium arcemque incolitis, siccine vestrum militem ac præsidem finitis vexari ab inimicis? Hac dextra, quâ Gallos fudi à delabris vestris, jam in vinculis & catenis erit? Nullius nec oculi nec aures indignitatem ferebant: sed invicta sibi quædam patientissima



tissima iusti imperii civitas fecerat. nec adversus dictatoriam vim aut tribuni plebis, aut ipsa plebs, attollere oculos aut hincere audebant. Conjecto in carcerem Manlio, satis constat, magnam partem plebis vestem mutasse, multos mortales capillum ac barbam promississe, obversatamque vestibulo carceris moestam turbam. Dictator de Volscis triumphavit: invidiæque magis triumphus, quam gloriæ, fuit. quippe domi, non militiæ, partum cum; actumque de cive, non de hoste, fremebant: unum defuisse tantum superbiæ, quod non M. Manlius ante currum sit ductus. Jamque haud procul seditione res erat: cujus leniendæ causâ, postulante nullo, largitor voluntarius repente senatus factus, Satricum coloniam duo millia civium Romanorum deduci iussit. bina jugera & semisses agri assignati. Quod quum & parvum & paucis datum, & mercedem esse prodendi M. Manlii interpretarentur; remedio irritatur seditio. & jam magis insignis & sordibus & facie reorum turba Manliana erat, amotusque post triumphum abdicatione dictaturæ terror & linguam & animos liberaverat hominum.

XVII. Audiebantur itaque propalam voces exprobrantium multitudini, quod defensores suos semper in præcipitem locum favore tollat, deinde in ipso discrimine periculi destituat. Sic Sp. Cassium, in agros plebem vocantem, sic Sp. Maelium, ab ore civium famem suis impensis propulsantem, oppressos; sic M. Manlium, mercem & obrutam faciliore partem civitatis in libertatem ac lucem extrahentem, proditum inimicis. Saginare plebem populares suos, ut jugularent. Hocine patiendum fuisse, si ad nutum dictatoris non responderet vir consularis? Fingerent mentitum antè, atque ideo non habuisse, quod tum responderet: cui servo unquam mendacii pœnam vincula fuisse? Non obversatam esse memoriam noctis illius, qua pendet ultima atque æterna nomini Romano fuerit? non speciem agminis Gallorum, per Tarpeiam rupem scandentis? non ipsius M. Manlii, qualem cum armatum,

matum, plenum sudoris ac sanguinis, ipso penè Jove erepto ex hostium manibus, vidissent? Sellbrisne farris gratiam servatori patriæ relâtam? & quem propè caelestem, cognomine certè Capitolino Jovi parem, fecerint, cum pati victum in carcere, in tenebris, obnoxiam carnificis arbitrio ducere animam? Adeo in uno omnibus satis auxilii fuisse, nullam opem in tam multis uni esse? Jam ne nocte quidem turba ex eo loco dilabebatur, refracturosque carcerem minabantur: quum remisso, id quod erepturi erant, ex senatusconsulto Manlius vinculis liberatur. quo facto non seditio finita, sed dux seditioni datus est. Per eodẽdies Latinis & Hernicis, simul colonis Circe-jensibus & à Velitris, purgantibus se Volsci crimine belli, captivosque repetentibus, ut suis legibus in eos animadverterent, tristia responsa reddita; tristiora colonis, quòd cives Romani patriæ oppugnandæ nefanda consilia intissent. Non negatum itaque tantum de captivis; sed, in quo ab sociis tamen temperaverant, denunciatum senatûs verbis, facerent propè ex urbe, ab ore atque oculis populi Romani, ne nihil eos legationis jus, externo non civi comparatum, tegeret.

XVIII. Recrudescente Manlianâ seditione, sub exitu anni comitia habita, creatique tribuni militum consulari potestate ex Patribus Ser. Cornelius Maluginensis tertium, P. Valerius Potitus iterum, M. Furius Camillus, Ser. Sulpicius Rufus iterum, C. Papirius Crassus, T. Quinctius Cincianatus secundum. Cujus principio anni & Patribus & plebi peropportune externa pax data: plebi, quòd non advocata delectu spem cepit, dum tam potentem haberet ducem, sænoris expugnandi; Patribus, ne quo externo terrore avocarentur animi ab sanandis domesticis malis. Igitur, quum pars utraque acrior aliquanto coorta esset, in propinquum certamen aderat & Manlius. advocatâ domum plebe, cum principibus novandarum rerum interdiu noctuque consilia agitat, plenior aliquanto animorum irarum-

irarumque, quàm antea fuerat. Iram accenderat ignominia recens in animo ad contumeliam inexperto: spiritus dabat, quòd nec ausus esset idem in se dictator, quod in Sp. Mælio Cincinnatus Quinctius fecisset; & vinculorum suorum invidiam non dictator modò abdicando dictaturam fugisset, sed ne senatus quidem sustinere potuisset. His simul inflatus exacerbatusque jam per se accensos incitabat plebis animos: *Quousque tandem ignorabitis vires vestras, quas natura ne belluas quidem ignorare voluit? numerate saltem, quot ipsi sitis, quot adversarios habeatis. Si singuli singulos aggressuri essetis, tamen acrius crederem vos pro libertate, quàm illos pro dominatione, certaturos. Quot enim clientes circa singulos fuistis patronos, tot nunc adversus unum hostem eritis. Ostendite modò bellum; pacem habebitis. Videant vos paratos ad vim; jus ipsi remittent. Audendum est aliquid universis, aut omnia singulis patienda. Quousque me circumspectabitis? Ego quidem nulli vestrum decero. ne fortuna mea desit, videte. Ipse vindex vester, ubi visum inimicis est, nullus repente fui: & vidistis in vincula duci universi eum, qui à singulis vobis vincula depuleram. Quid sperem, si plus in me audeant inimici? an exitum Cassii Malique expectem? Bene facitis, quòd abominamini: Dii prohibebunt hac: sed nunquam propter me de cælo descendant. Vobis deus mentem, oportet, ut prohibeatis: sicut mihi dederunt armato togatoque, ut vos à barbaris hostibus, à superbis defenderem civibus. Tam parvus animus tanti populi est, ut semper vobis auxilium adversus inimicos satis sit? nec ullum, nisi quatenus imperari vobis finatis, certamen adversus Patres moritis? Nec hoc natura insitum vobis est, sed usu possidemin. Cur enim adversus externos tantum animorum geritis, ut imperare illis æquum censeatis? quia consuevistis cum eis pro imperio certare, adversus hos tentare magis, quàm tueri, libertatem. Tamen qualescunque duces habuistis, qualescunque ipsi fuistis, omnia adhuc, quantacunque petistis, obtinuistis seu vi, seu fortuna vestra. tempus est, etiam majora conari. Experimini modò & vestram*

*vestram felicitatem, & me (ut spero) feliciter expertum: minore negotio, qui imperet Patribus, imponetis, quàm, qui resisterent imperantibus, imposuistis. Solo aquanda sunt distatura consulatusque, ut caput attollere Romana plebes possit. Proinde adeste, prohibete jus de pecuniis dici. ego me patrum profiteor plebis, quod mihi cura mea & fides nomen induit. Vos si quo insigni magis imperii honorisve nomine vestrum appellabitis ducem, eo utemini potentiore ad obtinenda ea, quæ vultis. Inde de regno agendi ortum initium dicitur: sed nec cum quibus, nec quem ad finem consilia pervenerint, sat planum traditur.*

XIX. At in parte altera senatus de secessione, in domum privatam, plebis, fortè etiam in arce positam, & imminenti mole libertati, agitatur. Magna pars vociferantur, *Servilio Abalâ opus esse, qui non in vincula duci jubendo irriter publicum hostem, sed unius jacturâ civis finiat intestinum bellum.* Decurritur ad leniorem verbis sententiam, vim tamen eandem habentem, *Ut videant magistratus, ne quid ex pernicioso consilio M. Manlii respublica detrimenti capiat.* Tum tribuni consulari potestate, tribunique plebi (nam &, quia eundem & suæ potestatis, quem libertatis omnium, finem cernebant, Patrum auctoritati se dediderant) hi tum omnes, quid opus factum sit, consultant. Quum præter vim & cædem nihil cuiquam occurreret, eam autem ingentis dimicationis fore appareret; tum M. Mænius & Q. Publilius tribuni plebis, *Quid Patrum & plebis certamen facimus, quod civitatis esse adversus unum pestiferum civem debet? Quid cum plebe aggredimur eum, quem per ipsam plebem tutius aggredi est, ut suis ipse oneratus viribus ruat? Diem dicere ei nobis in animo est. nihil minùs populare quàm regnum est. Simul multitudo illa non secum certari viderint, & ex advocatis iudices facti erunt, & accusatores de plebe, patricium reum intuebuntur, & regni crimen in medio; nulli magis, quàm libertati, favebunt, sua.*

XX. Approbantibus cunctis, diem Manlio dicunt. quod ubi est factum, primò commota plebs est, utique postquam sordidatum reum viderunt; nec cum eo non modò patrum quenquam, sed ne cognatos quidem aut affines, postremò ne fratres quidem A. & T. Manlios: quod ad eum diem nunquam usu venisset. ut in tanto discrimine non & proximi vestem mutarent. Ap. Claudio in vincula ducto, C. Claudium inimicum Claudiamque omnem gentem sordidatam fuisse. consensu opprimi popularem virum, quòd primus à Patribus ad plebem defecisset. Quum dies venit, quæ, præter cœtus multitudinis seditiosasque voces, & largitionem & fallax indicium, pertinentia propriè ad regni crimen ab accusatoribus objecta sint reo, apud neminem auctorem invenio. nec dubito haud parva fuisse, quum damnandi mora plebi non in causa, sed in loco, fuerit. Illud notandum videtur, ut sciant homines, quæ & quanta decora foeda cupiditas regni non ingrata solùm, sed invisa etiam, reddiderit. Homines propè quadringentos produxisse dicitur, quibus sine fenore expensas pecunias tulisset, quorum bona venire, quos duci addictos prohibuisset. Ad hæc, decora quoque belli non commemorasse tantùm, sed protulisse etiam conspicienda; spolia hostium cæsorum ad triginta, dona imperatorum ad quadraginta: in quibus insignes duas murales coronas, civicas octo. Ad hæc servatos ex hostibus cives produxisse; inter quos C. Servilium magistrum equitum absentem nominatum. & quum ea quoque, quæ bello gesta essent, pro fastigio rerum oratione etiam magnificè, facta dictis æquando, memorasset, nudasse pectus insigne cicatricibus bello acceptis; & identidem, Capitolium spectans, Jovem Deosque alios devocasse ad auxilium fortunarum suarum: precatumque esse, ut, quam mentem sibi Capitolinam arcem protegenti ad salutem populi Romani dedissent, eam populo Romano in suo discrimi-

ne darent : & orasse singulos universosque, ut Capitolium atque arcem intuentes, ut ad Deos immortales versi, de se judicarent. In campo Martio quum centuriatim populus citaretur, & reus, ad Capitolium manus tendens, ab hominibus ad Deos preces avertisset ; apparuit tribunis, nisi oculos quoque hominum liberassent ab tanti memoria decoris, nunquam fore in præoccupatis beneficio animis vero crimini locum. Itaprodictâ die, in Pœtelinum lucum extra portam Nomentanam, unde conspectus in Capitolium non esset, concilium populi indictum est. Ibi crimen valuit, & obstinatis animis triste iudicium, iavsumque etiam iudiciibus, factum. Sunt qui per duum viros, qui de perductione anquirerent, creatos, auctores sint damnatum. tribuni de saxo Tarpeio deiecerunt : locusque idem in uno homine & eximie gloriæ monumentum & pœnæ ultimæ fuit. Adjectæ mortuæ notæ sunt : publica una ; quod, quum domus ejus fuisset, ubi nunc ædes atque officina Moneta est, latum ad populum est, ne quis patricius in arce aut Capitolio habitaret : gentilicia altera ; quod gentis Manliæ decreto cautum est, ne quis deinde M. Manlius vocaretur. Hunc exitum habuit vir, nisi in libera civitate natus esset, memorabilis. Populum brevi, postquam periculum ab eo nullum erat, per se ipsas recordantem virtutes, desiderium ejus tenuit. pestilentia etiam brevi consecuta, nullis occurrentibus tantæ cladis causis, ex Manliano supplicio magnæ parti videri orta : *violationem Capitolium esse sanguine servatoris. nec Divi cordi fuisse pœnam ejus oblatam prope oculis suis, à quo sua templa erepta è manibus hostium essent.*

XXI. Pestilentiam inopia frugum, & vulgatam utriusque mali famam anno insequente multiplex bellum excepit, L. Valerio quartum, A. Manlio tertium, Ser. Sulpicio tertium, L. Lucretio, L. Emilio tertium, M. Trebonio, tribunis militum consulari potestate. Ho-

stes novi, præter Volscos velut forte quãdam propè in-  
 æternum exercendo Romano militi datos, Circejosque  
 & Velitras colonias jamdiu molientes defectionem, &  
 suspectum Latium, Lanuvini etiam, quæ fidelissima  
 urbs fuerat, subito exorta. Id Patres rati contemptu  
 accidere, quòd Veliternis civibus suis tamdiu impunita  
 defectio esset, decreverunt, ut primo quoque tempore  
 ad populum ferretur de bello eis indicendo. ad quam  
 militiam quo paratior plebes esset, quinqueviros Pom-  
 pino agro dividendo, & triumviros Nepete coloniz  
 deducendæ creaverunt. Tum, ut bellum juberent, la-  
 tum ad populum est: &, nequicquam dissuadentibus  
 tribunis plebis, omnes tribus bellum jusserunt. Appa-  
 ratum eo anno bellum est; exercitus propter pestilenti-  
 am non eductus. eaque cunctatio colonis spatium de-  
 derat deprecandi senatum; & magna hominum pars  
 eò, ut legatio supplex Romam mitteretur, inclinabat:  
 ni privato (ut sit) periculo publicum implicitum esset,  
 auctoresque defectionis ab Romanis, metu ne, soli cri-  
 mini subjecti, piacula iræ Romanorum dederentur, a-  
 vertissent colonias à consiliis pacis. Neque in senatu  
 solum per eos legatio impedita est, sed magna pars ple-  
 bis inoitata, ut prædatum in agrum Romanum exirent.  
 hæc novæ injuria exturbavit omnem spem pacis. De  
 Prænestinorum quoque defectione eo anno primum fa-  
 ma exorta: arguentibusque eos Tusculanis, & Gabi-  
 nis, & Lavicanis, quorum in fines incursum erat, ita  
 placide ab senatu responsum est, ut minus credi de  
 criminibus, quia nollent ea vera esse, appareret.

XXII. Insequenti anno Sp. & L. Papirii, novi tri-  
 buni militum consulari potestate, Velitras legiones du-  
 xere; quatuor collegis Ser. Cornelio Maluginense quar-  
 tum, Q. Servilio, Ser. Sulpicio, L. Emilio quartum,  
 tribunis ad præsidium arbis, & si qui ex Etruria novi  
 motus nunciarentur, (omnia enim inde suspecta erant)  
 collectis. Ad Velitras adversus majora penè auxilia

Prænestinorum, quàm ipsam colonorum multitudinem, secundo prælio pugnatum est; ita ut propinquitas urbis hosti & causa maturioris fugæ, & unum ex fuga receptaculum esset. Oppidi oppugnatione tribuni abstinere; quia & anceps erat, nec in perniciem colonie pugnandum censebant. Literæ Romanæ ad senatum cum victoriæ nunciis, acriores in Prænestinum, quàm in Veliternum hostem, missæ. Itaque ex senatusconsulto populique jussu bellum Prænestinis indictum: qui, conjuncti Volscis, anno insequente Satricum, coloniam populi Romani pertinaciter à colonis defensam, vi expugnârunt, sedéque in captis exercuere victoriam. Eam rem ægrè passi Romani, M. Furium Camillum septimum tribunum militum creavere: additi collegæ A. & L. Postumii Regillenses, ac L. Furius, cum L. Lucretio & M. Fabio Ambusto. Volscum bellum M. Furio extra ordinem decretum. adjutor ex tribunis sorte L. Furius datur; non tam è republica, quàm ut collegæ materia ad omnem laudem esset; & publicè, quòd rem temeritate ejus prolapsam restituit; & privatim, quòd ex errore gratiam potius ejus sibi, quàm suam gloriam, petiit. Exactæ jam ætatis Camillus erat, comitiisque jurare parato in verba excusandæ valetudini solita consensus populi resisterat. sed vegetum ingenium in vivido pectore vigeat, virebatque integris sensibus, & civiles jam res haud magnopere obseptem bella excitabant. Quatuor legionibus quaternum millium scriptis, exercitu indicto ad portam Esquilinam in posterum diem, ad Satricum profectus. ibi cum expugnatores colonie haudquaquam perculsi, fidentes militum numero, quo aliquantum præstabant, opperiebantur. postquam appropinquare Romanos senserunt, extemplo in aciem procedunt, nihil dilaturi, quin periculum summæ rerum facerent: ita paucitati hostium nihil artes imperatoris unici, quibus solis confiderent, profuturas esse.



XXIII: Idem ardor & in Romano exercitu erat, & in altero duce: nec præsentis dimicationis fortunam ulla res, præterquam unius viri consilium atque imperium, morabatur: qui occasionem juvandarum ratione virium trabendo bello quærebat. Eo magis hostis instare; nec jam pro castris tantum suis explicare aciem, sed procedere in medium campi, & vallo prope hostium signa inferendo, superbam fiduciam virium ostentare. Id ægrè patiebatur Romanus miles; multo ægrius alter ex tribunis militum L. Furius, ferox quum ætate & ingenio, tum multitudinis, ex incertissimo summentis animos, spe inflatus. Hic per se jam milites incitatos insuper instigabat elevando, quâ unâ poterat, ætate auctoritatem collegæ: *Juvenibus bella data, distitans, & cum corporibus vigere & deflorescere animos; cumflatores ex acerrimo bellatore factum; & qui adveniens castra arbesque primo impetu rapere sit solitus, cum residem intra vallum tempus terere: quid accessorium suis, decessurumve hostium viribus sperantem? quam occasionem, quod tempus, quem insidiis instruendis locum? ifrigere ac torpere suis consilia.* Sed Camillo quum videret satis, tum gloria esse, quid attinere, cum mortali corpore uno, civitatis, quam immortalē esse deceat, pati consistescere vires? His sermonibus tota in se averterat castra. & quum omnibus locis posceretur pugna, Sustinere, inquit, M. Furi, non possumus impetum militum: & hostis, cujus animos ciuitando auximus, jam minimè tolerandā superbiam insultat. Cede unus omnibus, & patere te vinci consilio, ut maturius bello vincas. Ad ea Camillus: *Quæ bella suo unius auspicio gesta ad eam diem essent, negare in eis neque se, neque populum Romanum, aut consilii sui, aut fortuna pœnituisse. nunc scire, se collegam habere jure imperioque parem, vigore ætatis præstantem. Itaque se, quod ad exercitum attineat, regere consueſſe, non regi. collegæ impetium se non posse impedire. Diis bene juvantibus ageret, quod è república duceret. Ætati suæ se veniam etiam petere, ne in prima acie esset. quæ seais mania*

*in bello sint, iis se non defuturum. Id à Diis immortalibus precari, ne qui casus suum consilium laudabile efficiat. Nec ab hominibus salutis sententia, nec à Diis tam piæ preces auditæ sunt. primam aciem auctor pugnae instruit, subsidia Camillus firmat, validamque stationem pro castris opponit. ipse edito loco spectator intentus in eventu alieni consilii constitit.*

XXIV. Simul primo concursu concrepuere arma, hostis dolo, non metu, pedem retulit. lenis ab tergo elivus erat inter aciem & castra : &, quod multitudo suppeditabat, aliquot validas cohortes in castris armatas instructasque reliquerant, quæ inter commissum jam certamen, ubi vallo appropinquasset hostis, erumpere. Romanus, cedentem hostem effusè sequendo in locum iniquum pertractus, opportunus huic eruptioni fuit. versus itaque in victorem terror, & novo hoste, & supinâ valle Romanam inclinavit aciem. Instant Volsci recētes, qui è castris impetum fecerant; integrant & illi pugnam, qui simulatâ cesserant fugâ. Jam non recipiebat se Romanus miles ; sed, immemor recentis ferociæ veterisque decoris, terga passim dabat, atque effuso cursu castra repetebat : quum Camillus, subiectus à circumstantibus in equum, & raptim subsidiis oppositis, *Hæc est, inquit, milites, pugna, quam poposcistis ? Quis homo, quis Deus est, quem accusare possitis ? vestra illa temeritas, vestra ignavia hæc est. Secuti alium ducem, sequimini nunc Camillum ; &, quod ductu meo soletis, vincite. Quid vallum & castra spectatis ? neminem vestrum illa, nisi victorem, receptura sunt.* Pudor primò tennit effusos : inde, ut circumagi signa, obvertique aciem viderunt in hostem, & dux, præterquam quòd tot insignis triumphis, etiam ætate venerabilis, inter prima signa (ubi plurimus labor periculumque erat) se offerebat, increpare singuli se quisque & alios, & adhortatio in vicem totam alacri clamore pervasit aciem. Neque alter tribunus rei defuit : sed, missus à collega

restituente peditum aciem ad equites, non castigando, (ad quam rem leviozem auctorem eum culpæ societas fecerat) sed, ab imperio totus ad preces versus, orare singulos universosque, ut se, reum fortune ejus dici, crimine eximerent. *Abnuente ac prohibente collegâ, temeritatis me omnium potius socium, quàm unius prudentiæ, dedi. Camillus in utraque vestra fortuna suam gloriam videt: ego, mi restituitur pugna, (quod miserrimum est) fortunam cum omnibus, infamiam solus sentiam.* Optimum visum est, in fluctuantem aciem tradi equos, & pedestri pugnam invadere hostem. Eunt insignes armis animisque, quâ premi parte maximè peditum copias vident. nihil, neque apud duces, neque apud milites, remittitur à summo certamine animi. Sensit ergo eventus virtutis enisæ opem: & Volsci, quâ modò simulato metu cesserant, eâ in veram fugam effusi, magna pars & in ipso certamine, & post in fuga cæsi: ceteri in castris, quæ capta eodem impetu sunt, plures tamen capti, quàm occisi.

XXV. Ubi in recensendis captivis quum Tusculani aliquot noscitarentur, secreti ab aliis ad tribunos adducuntur, percunctantibusque fassi, publico consilio se militasse. cujus tam vicini belli metu Camillus motus, *extemplo se Romam captivos ducturum, ait, ne Patres ignari sint, Tusculanos ab societate descisse. castris exercituique interim, si videatur, præsit collega.* Documento unus dies fuerat, ne sua consilia melioribus præferret. nec tamen aut ipsi, aut in exercitu cuiquam satis placato animo: Camillus laturus culpam ejus videbatur, quâ data in tam præcipitem casum respublica esset. & quum in exercitu, tum Romæ constans omnium fama erat, quum variâ fortunâ in Volscis gesta res esset, adversæ pugnæ fugæque in L. Furio culpam, secundæ decus omne penes M. Furium esse. Introductis in senatum captivis, quum bello persequendos Tusculanos Patres censuissent, Camilloque id bellum mandassent; adiutorem sibi ad

ad eam rem unum petit : permissoque, ut ex collegis optaret, quem vellet, contra spem omnium L. Furium optavit. quâ moderatione animi, quum collegæ levavit infamiam, tum sibi gloriam ingentem peperit. Nec fuit cum Tusculanis bellum : pace constanti vim Romanam arcuerunt, quam armis non poterant. Intran-  
tibus fines Romanis, non demigratum ex propinquis itineris locis, non cultus agrorum intermissus : patentibus portis urbis, togati-obviâ frequentes imperatoribus processere : commeatus exercitui comiter in castra ex urbe & ex agris devehitur. Camillus, castris ante portas positis, eademne forma pacis, quæ in agris ostentaretur, etiam intra mœnia esset, scire cupiens ; ingressus urbem, ubi patentes januas, & tabernis apertis proposita omnia in medio vidit, intentosque opifices suo quemque operi, & ludos literarum strepere discipulorum, vocibus, ac repletas semitas, inter vulgus aliud, puerorum & mulierum huc atque illuc euntium, quâ quemque suorum usuum causæ ferrent : nihil usquam, non pavidis modò, sed ne mirantibus quidem simile ; circumspiciebat omnia, inquirens oculis, ubi nam bellum fuisset : adeo nec amotæ rei usquam, nec oblatae ad tempus vestigium ullum erat : sed ita omnia constanti tranquillâ pace, ut eò vix fama belli perlata videri posset.

XXVI. Victus igitur patientiâ hostium, senatum eorum vocari iussit. *Soli adhuc, inquit, Tusculani, vera arma verasque vires, quibus ab ira Romanorum vestra tutamini, impensis. ite Romam ad senatum. aestimabunt. Patres, utrum plus, antè pœnæ, an nunc veniæ meriti sitis. non precipiam gratiam publici beneficii. deprecandi potestatem à me habueritis ; precibus eventum vestris senatus, quem videbitur, dabit.* Postquam Romam Tusculani venerunt, senatusque paulo, antè fidelium sociorum mœstus in vestibulo curiæ est, conspectus, moti extemplo Patres, vocari eos jam tum hospitaliter magis, quàm hostiliter,  
Q 5 jusserunt.

jussere. Dictator Tusculanus ita verba fecit: *Quibus bellum indixistis, intulistisque, Patres conscripti, sicut nunc videtis nos stantes in vestibulo domus vestrae, ita armati paratissime obviam imperatoribus legionibusque vestris processimus. Hic noster, hic plebis nostra habitus fuit, eritque semper, nisi si quando à vobis, proque vobis, arma acceperimus. Gratias agimus & ducibus vestris & exercitiis, quod oculis magis, quam auribus, crediderunt; &, ubi nihil hostile erat, ne ipsi quidem fecerunt. Pacem, quam nos praestitimus, eam à vobis petimas: bellum eò, sicuti est, avertatis, precamur. In nos quid arma polleant vestra, si patièdo experiendum est, inermes experiemur. Flac mens nostra est; Di immortales faciant, tam felix, quam pia. Quod ad crimina attinet, quibus moti bellum indixistis; etsi revicta rebus verbis confutare nihil attinet; tamen, etiamsi vera sint, vel fateri nobis ea, quum tam evidenter penituerit, tutum censuimus. Peccetur in vos, dum digni sitis, quibus ita satisfiat. Tantum fere verborum ab Tusculanis factum. Pacem in praesentia, nec ita multo post civitatem etiam, impetraverunt. ab Tusculo legiones reducit.*

XXVII. Camillus, consilio & virtute in Volsco bello, felicitate in Tusculana expeditione, utrobique singulari adversus collegam patientiâ & moderatione insignis, magistratu abiit; creatis tribunis militaribus in insequentem annum, L. & P. Valeris, Lucio quintum, Publio tertium, & C. Sergio tertium, L. Mennio secundum, Sp. Papirio, Ser. Cornelio Maluginense. Censoribus quoque eguit annus, maxime propter incertam famam aeris alieni; aggravantibus summam etiam invidiæ ejus tribunis plebis, quum ab iis elevaretur, quibus fide magis, quam fortunâ, debentium laborare creditum videri expediebat. Creati censores C. Sulpicius Camerinus, Sp. Postumius Regillensis. coeptaque jam res morte Postumii; quia collegam suffici censori religio erat, interpellata est. Igitur quum Sulpicius abdicasset se magistratu; censores alii, vitio crea-

creati, non gesserunt magistratum. tertios creati (velut Diis non accipientibus in eum annum censuram) religiosum fuit. Eam verò ludificationem plebis tribuni ferendam negabant. *Fugere senatum testes, tabulas publicas, census cujusque, quia nolint conspici summam aris alieni, qua indicatura sit, demersam partem à parte civitatis: quum interim oheratam plebem objectari aliis atque aliis hostibus. Passim jam sine ullo discrimine bella queri. ab Antio Satricum, ab Satrico Velitras, inde Tusculum legiones ducas. Latinis, Hernicis, Prænestinis jam intentari arma; civium magis quàm hostium odio; ut in armis terant plebem, nec respirare in urbe, aut per otium libertatis meminisse sinant; aut consistere in concione, ubi aliquando audiant vocem tribuniciam, de levando fœnore & sine aliarum injuriarum agentem. Quod si sit animus plebi memor patrum libertatis, se nec adduci quenquam civem Romanum ob creditam pecuniam passuros, neque delectum haberi; donec, inspecto ere alieno, initæque ratione minuendi ejus, sciat unusquisque, quid suum, quid alieni sit: supersit sibi liberum corpus, an id quoque vero debeat. Merces seditionis proposita confestim seditionem excitavit. nam & addicebantur multi, & ad Prænestini famam belli novas legiones scribendas Patres censuerant. quæ utraq; simul auxilio tribunicio & consensu plebis impediri coepta. Nam neque duci addictos tribuni sinebant, neque juniores nomina dabant. Quum Patribus minor præstans cura creditæ pecuniæ juris exsequendi, quàm delectûs, esset; quippe jam à Prænestis profectos hostes in agro Gabino confedissee nunciabatur; interim tribunos plebis fama ea ipsa irritaverat magis ad susceptum certamen, quàm deteruerat. neque aliud ad seditionem extinguendam in urbe, quàm propè illatum mœnibus ipsis bellum, valebat.*

XXVIII. Nam quum esset Prænestinis nunciatum, nullum exercitum conscriptum Romæ, nullum ducem certum esse, Patres ac plebem in semet ipsos verfos:

occasionem rati duces eorum, raptim agmine adro, pervastatis protinus agris, ad portam Collinam signa intulere. Ingens in urbe trepidatio fuit. conclamatum *ad arma*, concursumque in muros atque portas est: tandemque, ab seditione ad bellum versi, dictatorem T. Quinctium Cincinnatum creavere. Is magistrum equitum A. Sempronium Atratinum dixit. Quod ubi auditum est, (tantus ejus magistratus terror erat) simul hostes à mœnibus recessere, & juniores Romani ad edictum sine retractatione convenere. Dum conscribitur Romæ exercitus, castra interim hostium haud procul Allia flumine posita: inde agrum latè populantes, *fatalem se urbi Romana locum cepisse*, inter se jactabant: *similem pavorem inde ac fugam fore, ac bello Gallico fuerit. Et enim, si diem, contactum religione, insignemque nomine ejus loci, timeant Romani, quanto magis Allicensi die Alliam ipsam, monumentum tanta cladis, reformidaturos?* Species profectò his ibi truces Gallorum sonumque vocis in oculis atque in auribus fore. Has inanum rerum inanes ipsas volventes cogitationes, fortunæ loci delegaverant spes suas. Romani contra, *Ubicumque esset Latinus hostis, satis scire, eum esse, quem, ad Regillum lacum devictum, centum annorum pace obnoxia tenuerint. Locum, insignem memoriâ cladis, irritaturum se potius ad delendam memoriam dedecoris, quàm ut timorem faciat, ne qua terra sit nefasta victoria sua. Quia ipsi sibi Galli si offerantur illo loco, se ita pugnatos, ut Roma pugnauerint in repetenda patria, ut postero die ad Gabios; tunc, quum effecerint, ne quis hostis, qui mœnia Romana intrasset, nuncium secunda adversaque fortuna domum perferret.*

XXIX. His utrinque animis ad Alliam ventum est. Dictator Romanus, postquam in conspectu hostes erant instructi intentique, *Videsne tu, inquit, A. Semproni, loci fortunâ illos fretos ad Alliam constituisse? nec illis Dii immortales certioris quicquam fiducia, majorisve quod sit auxilii, dederint. At tu, fretus armis animisque, concitatis equis invade*

*vade mediam aciem : ego cum legionibus inturbatos trepidantesque inferam signa. Adeste, Dii testes fœderis, & expetite pœnas, debitas simul vobis violatis, nobisque per vestrum numen deceptis.* Non equitem, non peditem sustinere Prænestini. primo impetu ac clamore dissipati ordines sunt. Dein, postquam nullo loco constabat acies, terga vertunt; consternatique, & præter castra etiam sua pavore prælati, non prius se ab effuso cursu sistunt, quam in conspectu Prænestæ fuit. Ibi ex fuga dissipati, locum, quem tumultuario opere communirent, capiunt: ne, si intra mœnia se recepissent, extemplo ureretur ager, depopulatisque omnibus obsidio urbi inferretur. Sed, postquam, direptis ad Alliam castris, victor Romanus aderat, id quoque munimentum relictum: &, vix mœnia tuta rati, oppido se Prænestæ includunt. Octo præterea oppida erant sub ditione Prænestinorum: ad ea circumlatum bellum: deincepsque, haud magno certamine captis, Velitras exercitus ductus. Eæ quoque expugnatæ. tum ad caput belli Prænestæ ventum. Id non vi, sed per deditionem, receptum est. T. Quinctius, semel acie victor, binis castris hostium, novem oppidis vi captis, Prænestæ in deditionem accepto, Romam revertit: triumphansque signum, Prænestæ devectum, Jovis Imperatoris in Capitolium tulit. Dedicatum est inter cellam Jovis ac Minervæ; tabulaque sub eo fixa, monumentum rerum gestarum, his ferme incisa literis fuit: *Japitem atque divi omnes hoc dederunt, ut T. Quinctius, dictator oppida novem caperet.* Die vicesimo, quam creatus erat, dictaturâ se abdicavit.

XXX. Comitia inde habita tribunorum militum consulari potestate; quibus æquatus patriciorum plebeiorumque numerus. Ex patribus creati P. & G. Manlii, cum L. Julio: plebes C. Sextilium, M. Albini, L. Antistium dedit. Manliis, quod genere plebeios, gratiâ Julium antebant, Volsci provincia, sine forte,



forte, sine comparatione, extra ordinem data: ejus & ipsos postmodo & Patres, qui dederant, poenituit. Inexplorato pabulatum cohortes misere. quibus velut circumventis, quum id falso nunciatum esset, dum, praesidio ut essent, citati serantur, ne auctore quidem asservato, qui eos, hostis Latinus pro milite Romano, frustratus erat, ipsi in insidias praecipitavere. Ibi dum iniquo loco sola virtute militum restantes caeduntur, caeduntque, castra interim Romana, jacentia in campo, ab altera parte hostes invadere. Ab ducibus utrobique proditae temeritate atque insecuti res. quicquid super fuit fortunae populi Romani, id militum etiam sine relore stabilis virtus tutata est. Quae ubi Romam sunt relata, primum dictatorem dici placebat: deinde, postquam quietae res ex Volscis afferebantur, & apparuit, nescire eos victoriam & tempore uti, revocati etiam inde exercitus ac duces: otiumque inde, quantum a Volscis, fuit. id modo extremo anno tumultuatum, quod Praenestini concitatis Latinorum populis rebellaverunt. Eodem anno. Setiam, ipsis querentibus penuriam hominum, novi coloni adscripti. Robusque haud prosperis bello, domestica quies, quam tribunorum militum ex plebe gratia majestasque inter suos obtinuit, solatium fuit.

XXXI. Insequentis anni principia statim seditione ingenti arserunt, tribunis militum consulari potestate Sp. Furio, Q. Servilio secundum, C. Licinio, P. Clodio, M. Horatio, L. Gegonio. Erat autem & materia & causa seditionis res alienum: cujus noscendi gratia Sp. Servilius Priscus, Q. Clodius Siculus censores facti, ne rem agerent, bello impediti sunt. namque trepidi nuntii primo, fuga deinde ex agris legiones Volscorum ingressas fines, popularique passim Romanum agrum, attulero. In qua trepidatione tantum afuit ut civilia certamina terror externus cohiberet, ut contra eo violentior potestas tribunicia impediendo delectui esset: donec

donec conditiones impositæ Patribus, ne quæ, quoad bellatum esset, tributum daret, aut jus de pecunia credita diceret. Eo laxamento plebi sumpto, mora deletui non est facta. Legionibus novis scriptis, placuit, duos exercitus in agrum Volscum legionibus divisus duci. Sp. Furius, M. Horatius dextrorsus maritimam quam atque Antium, Q. Servilius & L. Geganius levâ ad montes Ecetram pergunt. Neutrâ parte hostis obvius fuit. Populatio itaque non illi vagæ similis, quam Volscus latrocinii more, discordiâ hostium fretus, & virtutem metuens, per trepidationem raptim fecerat; sed ab justo exercitu justâ irâ facta, spatio quoque temporis gravior. Quippe à Volscis, timentibus, ne interim exercitus ab Roma exiret, incursiones in extrema finium factæ erant: Romano contrâ etiam in hostico morandi causa erat, ut hostem ad certamen eliceret. Itaque, omnibus passim tectis agrorum, vicisque etiam quibusdam exustis, non arbore frugiferâ, non satis in spem frugum relictis, omni, quæ extra mœnia fuit, hominum pecundumque prædâ abactâ, Romam utrinque exercitus reducti.

XXXII. Parvo intervallo ad respirandum debitoribus dato, postquam quietæ res ab hostibus erant, celebrari de integro jurisdictio; & tantum abesse spes veteris levandi fœnoris, ut tributo novum fœnus contraheretur in murum, à censoribus locatum saxo quadrato faciundum. cui succumbere oneri coacta plebes; quia, quem delectum impedirent, non habebant tributum plebis. Tribunos etiam militares patricios omnes, coacta principum opibus, fecit, L. Æmilium, P. Valerium quartum, C. Veturium, Ser. Sulpicium, L. & C. Quinctios Cincinnatos. Iisdem opibus obtinere, ut adversus Latinos Volscosque, qui conjunctis legionibus ad Satricum castra habebant, nullo impediante omnibus junioribus sacramento adactis, tres exercitus scriberent: unum ad præsidium urbis; alterum, qui, si

quæ

qui alibi motus exstitisset, ad subita belli mitti posset; tertium longè validissimum P. Valerius & L. Æmilius ad Satricum duxere: ubi quum aciem instructam hostium loco æquo invenissent, extemplo pugnatum: & ut nondum satis claram victoriam, sic prosperæ spei pugnam imber ingentibus procellis fusus diremit. Postero die iterata pugna: & aliquandiu æquâ virtute fortunâque Latinæ maximè legiones, longâ societate militiam Romanam edoctæ, restabant. eques immixtus ordines turbavit; turbatis signa peditum illata: quantumque Romana se invexit acies, tantum hostes gradu demoti. & ut semel inclinavit pugna, jam intolerabilis Romana vis erat. Fusi hostes quum Satricum, quod duo millia inde aberat, non castra, peterent, ab equitatu maximè caesi. castra capta direptaque. Ab Satrico nocte, quæ proelio proxima fuit, fugæ simili agmine petunt Antium: & quum Romanus exercitus propè vestigiis sequeretur, plus tamen timor, quàm ira, celeritatis habuit. Prius itaque mœnia intravere hostes, quàm Romanus extrema agminis carpere aut morari posset. inde aliquot dies vastando agro absumpti, nec Romanis satis instructis apparatu bellico ad mœnia aggredienda, nec illis ad subeundum pugnae casum.

XXXIII. Seditio tum inter Antiates Latinosque coorta; quum Antiates, victi malis subactique bello, in quo & nati erant, & confecerant, deditionem spectarent; Latinos ex diutina pace nova, defectio recentibus adhuc animis ferociores ad perseverandum in bello faceret. finis certaminis fuit, postquam utrisque apparuit, nihil per alteros stare, quo minùs incepta perquerentur. Latini profecti à societate pacis, ut rebantur, inhonestæ sese vindicaverunt. Antiates, incommodis arbitris salutarium consiliorum remotis, urbem agrosque Romanis dedunt. Ira & rabies Latinorum, quia nec Romanos bello lædere, nec Volscos in armis retinere potuerant, eo erupit, ut Satricum urbem, quæ  
recc-

receptaculum primum eis adversæ pugnæ fuerat, igni concremarent: nec aliud testum ejus superfuit urbis, (quum faces pariter sacris profanisque injicerent) quàm matris Matutæ templum. Inde eos nec sua religio, nec verecundia Deum arcuisse dicitur, sed vox horrenda, edita templo cum tristibus minis, ni nefandos ignes procul delubris amovissent. Incensos eà rabie impetus Tusculum tulit, ob iram, quòd, deserto communi concilio Latinorum, non in societatem modò Romanam, sed etiam in civitatem, se dedissent. Patentibus portis quum improvise incidissent, primo clamore oppidum præter arcem captum est. in arcem oppidani refugere cum conjugibus ac liberis, nunciosque Romam, qui certiorẽ de suo casu senatum facerent, misere. Haud segniùs, quàm fide populi Romani dignum fuit, exercitus Tusculum ductus. L. Quinctius & Ser. Sulpicius tribuni militum duxere. clausas portas Tusculi, Latinosque simul obsidentium atque obsessorum animo hinc mœnia Tusculi tueri vident, illinc arcem oppugnare; terrere unà ac pavere. Adventus Romanorum mutaverat utriusque partis animos. Tusculanos ex ingenti metu in summam alacritatem, Latinos ex propè certa fiducia mox capiendæ arcis, quoniam oppido potirentur, in exiguam de se ipsis spem verterat. Tollitur ex arce clamor ab Tusculanis: excipitur aliquantò majore ab exercitu Romano. Utrinque urgentur Latini: nec impetus Tusculanorum, decurrentium ex superiore loco, sustinent: nec Romanos, subeuntes mœnia molientesque obices portarum, arcere possunt. Scalis priùs mœnia capta; inde effracta claustra portarum. & quum anceps hostis & à fronte & à tergo urgeret; nec ad pugnam ulla vis, nec ad fugam loci quicquam superesset; in medio cæsi ad unum omnes. Recuperato ab hostibus Tusculo, exercitus Romam est reductus.

XXXIV. Quanto magis prosperis eo anno bellis tranquilla omnia foris erant, tanto in urbe vis Patrum

in.

in dies miseriæque plebis crescebant; quum eo ipso, quod necesse erat solvi, facultas solvendi impediretur. Itaque, quum jam ex re nihil dari posset, famâ & corpore, judicati atque addicti, creditoribus satisfaciebant, pœnaque in vicem fidei cesserat. Adeo ergo obnoxios summisserant animos non infirmi solum, sed principes etiam plebis, ut non modò ad tribunatum militum inter patricios petendum, quod tantâ vi, ut liceret, tenderant; sed ne ad plebeios quidem magistratus capessendos petendosque ulli viro acri experientique animus esset: possessionemque honoris, usurpati modò à plebe per paucos annos, recuperâsse in perpetuum Patres viderentur. Ne id nimis lætum parti alteri esset, parva (ut plerumque solet) rem ingentem molundî causa intervenit. M. Fabii Ambusti, potentis viri, quum inter sui corporis homines, tum etiam ad plebem, quod haudquaquam inter id genus contemptor ejus habebatur, fillæ duæ nuptæ, Ser. Sulpicio major, minor C. Licinio Stolori erat, illustri quidem, viro tamen plebeio: eaque ipsa affinitas haud spreta gratiam Fabio, ad vulgum quæsierat. Fortè ita incidit, ut, in Ser. Sulpicii tributû militum domo sorores Fabiæ quum inter se (ut sit) sermonibus tempus tererent, hictor Sulpicii, quum is de foro se domum reciperet, forem, (ut mos est) virgâ percuteret. quum ad id, moris ejus insuetâ, expavisset minor Fabia, risui sorori fuit, miranti ignorare id forem. Ceterum is risus stimulos parvis mobili rebus animo muliebri subdidit: frequentia quoque prosequentium rogantiumque, *numquid vellet?* credò fortunatum matrimonium ei sororis visum; fulque ipsam malo arbitrio, quo à proximis quisque minimè anteiri vult, poenituisse. Confusam eam ex recenti morfu animi quum pater fortè vidisset, percunctatus, *satîn? salva?* avertentem causam doloris (quippe nec satis piam adversus sororem, nec admodum in virum honorificam) efflavit comiter sciscitando, ut fa-

tere-

feretur, eam esse causam doloris, quod juncta impari esset, nupta in domo, quam nec honores nec gratia intrare posset. Consolans inde filiam Ambustus bonum animum habere iussit: eisdem prope diem domi visuram honores, quos apud sororem videat. Inde consilia inire cum genero coepit, adhibito L. Sextio, strenuo adolescente, & cuius spei nihil præter genus patricium deesset.

XXXV. Occasio videbatur rerum novandarum propter ingentem vim aeris alieni; cuius levamen malis plebes, nisi suis in summo imperio locatis, nullum speraret. Accingendum ad eam cogitationem esse, conando agendoque jam eò gradum fecisse plebeios, unde, si porro annitantur, pervenire ad summa, & Patribus æquari, tam honore, quam virtute, possent. In præsentia tribunos plebis fieri placuit, quo in magistratu sibi nec ipsi viam ad ceteros honores aperirent, creatique tribuni C. Licinius & L. Sextius promulgare leges omnes adversus opes patriciorum, & pro incommotis plebis: nullam de ære alieno, ut, deducto eò de capite, quod usuris pernumeratum esset, id, quod superesset, triennio æquis portionibus persolveretur: alteram de modo agrorum, ne quis plus quingenta iugera agri possideret: tertiam, ne tribunorum militum comitia fierent, consulumque utique alter ex plebe crearetur. cuncta ingentia, & quæ sine certamine maximo obtineri non possent. Omnium igitur simul rerum, quarum immodica cupido inter mortales est, ægræ, pecuniæ, honorum, discrimine proposito, contriti Patres, quum trepidassent, publicis privatisque consiliis nullo remedio alio, præter expertam multis jam antè certaminibus intercessionem, invento, collegas adversus tribunicias rogationes comparaverunt. qui, ubi tribus ad suffragium ineundum citati à Licinio Sextioque viderunt, stipati Patrum præsidis, nec recitari rogationes, nec solenne quicquam aliud ad sciscendum plebi:

plebi fieri passi sunt. Jamque frustra sæpe concilio advocato, quum pro antiquatis rogationes essent; *Bene habet*, inquit Sextius, *quandoquidem tantum intercessionem pollere placet. isto ipso tebo tutabimur plebem. Agitedum, comitia indicite, Patres, tribunis militum creandis. faxo, ne juretur vox ista, VETO, quã nunc concinentes collegas nostros tam lati auditis.* Haud irritæ cecidere minæ: comitia, præter ædilium tribunorumque plebis, nulla sunt habita. Licinius Sextiusque, tribuni plebis resecti, nullos curules magistratus creari passi sunt. eaque solitudo magistratuum, & plebe resciente duos tribunos, & his comitia tribunorum militum tollentibus, per quinquennium urbem tenuit.

XXXVI. Alia bella opportunè quievire: Veliterni coloni, gesticantes otio, quòd nullus exercitus Romanus esset, & agrum Romanum aliquoties incurfavere, & Tusculum oppugnare adorti sunt. eaque res, Tusculanis veteribus sociis, novis civibus, opem orantibus, verecundiâ maximè non Patres modò, sed etiam plebem, movit. Remittentibus tribunis plebis, comitia per interregem sunt habita; creatique tribuni militum L. Furius, A. Manlius, Ser. Sulpicius, Ser. Cornelius, P. & C. Valerii, haudquaquam tam obedientem in ductu, quàm in comitiis, plebem habuere: ingentique contentione exercitu scripto profecti, non ab Tusculo modò summovere hostem, sed intra suamet ipsum moenia compulerat. obsidebanturque haud paulò vi majore Velitræ, quàm Tusculum obsessum fuerat: nec tamen ab eis, à quibus obsideri cœptæ erant, expugnari potuerunt. Antè novi creati sunt tribuni militum, Q. Servilius, C. Veturius, A. & M. Cornelii, Q. Quinctius, M. Fabius. nihil ne ab his quidem tribunis ad Velitras memorabile factum. In majore discrimine domi res vertebantur: nam præter Sextium Liciniumque latrones legum, jam octavum tribunos plebis resectos, Fabius quoque tribunus militum, Stolonis socer, quarum legum.

legum auctor fuerat, earum suaforem se haud dubium ferebat. &, quum octo ex collegio tribunorum plebis primò intercessores legum fuissent, quinque soli erant : & (ut ferme solent, qui à suis desciunt) capti, & stupentes animi, vocibus alienis id modò, quod domi præceptum erat, intercessioni suæ prætendebant : *Vellitis in exercitu plebis magnam partem abesse : in adventum militum comitia differri debere, ut universa plebes de suis commodis suffragium ferret.* Sextius Liciniusque, cum parte collegarum, & uno ex tribunis militum Fabio, artifices jam tot annorum usu tractandi animos plebis, primores Patrum productos interrogando de singulis, quæ ferebantur ad populum, fatigabant : *Auderentne postulare, ut, quum bina jugera agri plebi dividerentur, ipsis plus quingenta jugera habere liceret ? Ut singuli propè trecentorum civium possiderent agros, plebeio homini vix ad tetum necessarium, aut locum sepulturae, suus pateret ager ? An placeret, fœnore circumventam plebem potius, quàm sorte creditum solvat, corpus in nervum ac supplicia dare : & gregatim quotidie de foro adductos duci, & repleti vinctis nobiles domos ? &, ubicunque patricius habitat, ibi carcerem privatum esse ?*

XXXVII. Hæc indigna miserandaque auditu quum apud timentes sibimet ipsos, majore audientium indignatione, quàm suâ, increpuissent : atqui nec agros occupandi modum, nec fœnore trucidandi plebem alium Patribus unquam fore, affirmabant, nisi alterum ex plebe consulem, custodem suæ libertatis, plebes fecisset. *Contemni jam tribunos plebis, quippe quæ potestas jam suam ipsa vim frangat intercedendo. Non posse æquo jure agi, ubi imperium penes illos, penes se auxilium tantum sit. nisi imperio communicato, nunquam plebem in parte pari reipublica fore : nec esse, quòd quisquam satis putet, si plebeiorum ratio comitiis consularibus habeatur : nisi alterum consulem utique ex plebe fieri necesse sit, neminem fore. An jam memoria exisset, quum tribunos militum idcirco potius, quàm consules, creari placuisset, ut & plebeis*



plebeiis pateret summus honos, quatuor & quadraginta annis neminem ex plebe tribunum militum creatum esse? Qui crederent, duobusve in locis sua voluntate impartituros plebi honorem, qui octona loca tribunis militum creandis occupare soliti sunt? & ad consulatum viam fieri passuros, qui tribunatum septem tam diu habuerint? Lege obtinendum esse, quod comitiis per gratiam nequeat; & seponendum extra certamen alterum consulatum, ad quem plebi sit aditus. quoniam in certamine relictus premium semper potentioris futurus sit. Nec jam posse dici id, quod antea jactare soliti sint, non esse in plebeiis idoneos viros ad curules magistratus. Nunquid enim socordias aut segnius rempublicam administrari post P. Licinii Galvi tribunatum, qui primus ex plebe creatus sit, quam per eos annos gesta sit, quibus prater patricios nemo tribunus militum fuerit? quin contra patricios aliquot damnatos post tribunatum, neminem plebeium. Questores quoque, sicut tribunos militum, paucis ante annis ex plebe captos creari: nec ullius eorum populum Romanum permisisse. Consulatum superesse plebeiis: eam esse arcem libertatis, id columen. si eo perventum sit, tum populum Romanum verè exactos ex urbe reges, & stabilem libertatem suam existimaturum. Quippe ex illa die in plebem ventura omnia, quibus patricii excellent, imperium atque honorem, gloriam belli, genus, nobilitatem, magna ipsis fruenda, majora liberis relinquenda. Hujus generis orationes ubi accipi videre; novam rogationem promulgant, ut pro duumviris sacris faciundis decemviri creentur; ita ut pars ex plebe, pars ex Patribus fiat: omniumque earum rogationum comitia in adventum ejus exercitus differunt, qui Velitras obsidebat.

XXXVIII. Prius circumactus est annus, quam à Velitris reducerentur legiones. ita suspensa de legibus res ad novos tribunos militum dilata. nam plebis tribunos eosdem, duos utique, quia legum latores erant, plebes reficiebat. Tribuni militum creati T. Quinctius, Ser. Cornelius, Ser. Sulpicius, Sp. Sævilius, L. Papirius, L. Veturius. Principio statim anni ad ultimam dimissionem

tationem de legibus ventum: & quum tribus vocarentur, nec intercessio collegarum latoribus obstaret, trepidi Patres ad duo ultima auxilia, summum imperium summumque ad civem, decurrant. Dictatorem dici placet. dicitur M. Furius Camillus, qui magistrum equitum L. Æmilium cooptat. Legum quoque latores adversus tantum apparatus adversariorum & ipsa causam plebis ingentibus animis armant: concilioque plebis indicto, tribus ad suffragium vocant. Quum, dictator, stipatus agmine patriciorum, plenus iræ minarumque confedisset, atque ageretur res solito primum certamine inter se tribunorum plebi, ferentium legem intercedentiumque, & quanto jure potentior intercessio erat, tantum vinceretur favore legum ipsarum latorumque, & UTI RODAS, primæ tribus dicerent; tum Camillus, *Quandoquidem, inquit, Quirites, jam vos tribunicia libido, non potestas, regit, & intercessionem, secessione quondam plebis partem, vobis eadem vi facitis irritam, quæ peperistis; non reipublica magis universa, quam vestra causa, dictator intercessioni adero, eversumque vestrum auxilium imperio tutabor. Itaque, si C. Licinius & L. Sextius intercessioni collegarum cedunt; nihil patricium magistratum inferam concilio plebis. si adversus intercessionem, tanquam capta civitati leges imponere tendent, vim tribuniciam à se ipsa dissolvi non patiar.* Adversus ea quum contemptim tribuni plebis rem nihilo segnius peragerent, tum percitus iræ Camillus lictores, qui de medio plebem emoverent, misit. & addidit minas, si pergerent, sacramento omnes juniores adacturum, exercitumque extemplo ex urbe educturum. Terrorem ingentem incusserat plebi; ducibus plebis accendit magis certamine animos, quam minuit. sed, re neutro inclinata, magistratu se abdicavit; seu quia vitio creatus erat, ut scripsere quidam: seu quia tribuni plebis tulerunt ad plebem, idque plebs scivit, ut, si M. Furius pro dictatore quid egisset, quingentum millium ei multa esset.

Sed

Sed auspiciis magis, quàm novi exempli rogatione, deterritum ut potius credam, quum ipsius viri facit ingenium, tum quòd ei suffectus est extemplo P. Manlius dictator: quèd quid creari attinebat ad id certamen, quo M. Furius victus esset? & quòd eundem M. Furium dictatorem insequens annus habuit, haud-sine pudore certè fractum priore anno in se imperium repetiturum: simul quòd eo tempore, quo promulgatum de mulcta ejus traditur, aut & huic rogationi, quâ se in ordinem cogi videbat, obistere potuit; aut ne illas quidem, propter quas & hæc lata erat, impedire: &, quoad usque ad memoriam nostram tribuniciis consularibusque certatum viribus est, dictaturæ semper altius fastigium fuit.

XXXIX. Inter priorem dictaturam abdicatam novamque à Manlio initam, ab tribunis velut per interregnum concilio plebis habito, apparuit, quæ ex promulgatis plebi, quæ latoribus gratiora essent. nam de sœnore atque agro rogationes jubebant, de plebeio consulatu antiquabant. & perfecta utraque res esset, ni tribuni se in omnia simul consulere plebem dixissent. P. Manlius deinde dictator rem in causam plebis inclinavit, C. Licinio, qui tribunus militum fuerat, magistro equitum de plebe dicto. Id ægrè Patres passos accipio; dictatorem propinquâ cognatione Licinii se apud Patres excusare solitum, simul negantem, magistri equitum majus, quàm tribuni consularis, imperium esse. Licinius Sextiusque, quum tribunorum plebi creandorum indicta comitia essent, ita se gerere, ut, negando jam sibi velle continuari honorem, acerrimè accenderent ad id, quod dissimulando petebant, plebem. *Nonum se annum jam velut in aciem adversus optimates maximo privati periculo, nullo publicè emolumento stare. consensisse jam secum & rogationes promulgatas, & vim omnem tribuniciâ potestatis. Primum intercessione collegarum in leges suas pugnatum esse: deinde ablegatione juven-*  
tutis

tutis ad Veliternum bellum: postremò dictatorium fulmen in se intentatum. Jam nec collegas, nec bellum, nec dictatorem ob stare; quippe qui etiam omen plebeio consuli, magistro equitum ex plebe dicendo, dederit. se ipsam plebem & commoda morari sua. Liberam urbem ac forum à creditoribus, liberos agros ab injustis possessibus extemplo, si velit, habere posse. Quæ munera quando tandem satis grato animo aestimatos, si, inter accipiendas de suis commodis rogationes, spem honoris latoribus earum incidant? non esse modestia populi Romani id postulare, ut ipse sænore levetur, & in agrum injuriâ possessum à potentibus inducatur; per quos ea consecutus sit, senes tribunicios non sine honore tantum, sed etiam sine spe honoris, relinquat. Proinde ipsi primum statuerent apud animos, quid vellent: deinde comitiis tribunicis declararent voluntatem. Si conjunctim ferri ab se promulgatas rogationes vellent, esse, quòd eosdem reficerent tribunos plebis: perlaturos enim, quæ promulgaverint. sin, quod cuique privatim opus sit, id modò accipi velint; opus esse nihil invidiosâ continuatione honoris; nec se tribunatum, nec illos ea, quæ promulgata sint, habituros.

XL. Adversus tam obstinatham orationem tribunorum quum, præ indignitate rerum, stupor silentiumque inde ceteros Patrum defixisset; Ap. Claudius Crassus, nepos decemviri, dicitur odio magis iraque, quàm spe, ad dissuadendum processisse, & locutus in hanc ferè sententiam esse: Neque novum, neque inopinatum mihi sit, Quirites, si, quod unum familiæ nostræ semper objectum est ab seditiosis tribunis, id nunc ego quoque audiam: Claudia genti jam inde ab initio nil antiquius in republica Patrum majestate fuisse; semper plebis commodis adversatos esse. Quorum alterum neque nego, neque inficias eo, nos, ex quo adsciti sumus simul in civitatem & Patres, enixè operam dedisse, ut per nos aucta potius, quàm imminuta, majestas earum gentium, inter quas nos esse voluistis, dici verè posset. Illud alterum pro me majoribusque meis contendere ausim, Quirites, (nisi, quæ pro universa republica fiant, ea

plebi, tanquam aliam incolenti urbem, adversa quis putet) nihil nos, neque privatos, neque in magistratibus, quod incommodum plebi esset, scientes fecisse : nec ullum factum dictumve nostrum contra utilitatem vestram (etsi quadam contra voluntatem fuerint) verè referri posse. An hoc, si Claudia familia non sim, nec ex patricio sanguine ortus, sed unus Quiritorium quilibet, qui modò me duobus ingenuis ortum, & vivere in libera civitate sciam, reticere possim? L. illum Sextium & C. Licinium, perpetuos (si Diis placet) tribunos, tantum licentia novem annis, quibus regnant, sumpsisse, ut vobis negent potestatem liberam suffragii, non in comitiis, non in legibus jubendis, se permissuros esse? Sub conditione, inquit, nos reficietis decimùm tribunos. Quid est aliud dicere, quod petunt alii, nos adeo fastidimus, ut sine mercede magna non accipiamus. Sed qua tandem ista merces est, quã vos semper tribunos plebis habeamus? ut rogationes, inquit, nostras, seu placent, seu displicent, seu utiles, seu inutilis sunt, omnes conjunctim accipiat. Obsecro vos, Tarquinii tribuni plebis, putate me ex media concione unum civem succlamare : Bonã veniam vestrã liceat ex his rogationibus legere, quas salubres nobis censemus esse; antiquare alias. Non, inquit, licebit. Tu de fœnore atque agris, quod ad vos omnes pertinet, jubeas; & hoc portentis non fiat in urbe Romana, uti L. Sextium atque hunc C. Licinium consules, quod indignaris, quod abominaris, videas? Aut omnia accipe : aut nihil fero. Ut si quis ei, quem urgeat fames, venenum ponat cum cibo; & aut abstinere eo, quod vitale sit, jubeat, aut mortiferum vitæli admisceat. Ergo, si esset libera hæc civitas, non tibi frequentes succlamassent? Abi hinc cum tribunatibus ac rogationibus tuis? quid? si tu non tuleris, quod commodum est populo accipere, nemo erit, qui ferat illud? Si quis patricius, si quis (quod illi volunt invidiosus esse) Clandius diceret, Aut omnia accipite, aut nihil fero; quis vestrũ, Quirites, ferret? Nunquamne vos res potius, quàm auctores, spectabitis? sed omnia semper, quæ magistratus ille dicet, secundis auribus, quæ ab nostris quo dicentur, adversis accipietis? At

bercule

*bercule sermo est minimè civilis. Quid? Rogatio qualis est, quam à vobis antiquatam indignantur? sermoni, Quirites, simillima. Consules, inquit, rogo, ne vobis, quos velitis, facere liceat. An aliter rogat, qui utique alterum ex plebe fieri consulem jubet; nec duos patricios creandi potestatem vobis permittit? Si hodie bella sint, quale Etruscum fuit, quum Porsena Janiculum insedit; quale Gallicum modò, quum præter Capitolium atque arcem omnia hæc hostium erant, & consulatum cum hoc M. Furio & quolibet alio ex Patribus L. ille Sextius peteret; possetisne ferre, Sextium haud pro dubio consulem esse, Camillum de repulsa dimicare? Hoccine est in commune honores vocare, ut duos plebeios fieri consules liceat, duos patricios non liceat? & alterum ex plebe creari necesse sit, utrumque ex Patribus præterire liceat? Quenam ista societas, quenam consortio est? Parum est, si, cujus pars tua nulla adhuc fuit, in partem ejus venis, nisi partem petendo totum traxeris? Timeo, inquit, ne, si duos licebit creari patricios, neminem creetis plebeium. Quid est dicere aliud, quia indignos vestrà voluntate creaturi non estis, necessitatem vobis creandi, quos non vultis, imponam? Quid sequitur, nisi ut ne beneficium quidem debeat populo, si cum duobus patriciis unus petierit plebeius, & lege se, non suffragio, creatum dicat?*

**XLI.** *Quomodo extorqueant, non quomodo petant honores, querunt: & ita maxima sunt adepturi, ut nihil ne pro minimis quidem debeant; & occasionibus potius, quam virtute, peterent honores malunt. Est aliquis, qui se inspicere, aestimari fastidiat; qui certos sibi uni honores inter dimicantes competitores æquum censeat esse; qui se arbitrio vestro eximat; qui vestra necessaria suffragia pro voluntariis, & serva pro liberis faciat. Omitto Licinium Sextiumque, quorum annos in perpetua potestate, tanquam regum in Capitolio, numeratis: quis est hodie in civitate tam humilis, cui non via ad consulatum facilior per istius legis occasionem, quam nobis ac liberis nostris, fiat? si quidem nos, ne quum volueritis quidem, creare interdum poteritis; istos, etiam si nolueritis, necesse sit. De indignitate satis dictum est: (etenim dignitas ad homines*

pertinet) quid de religionibus atque auspiciis, qua propria Deorum immortalium contemptio atque injuria est, loquar? Auspiciis hanc urbem conditam esse, auspiciis bello ac pace, domi militiaeque, omnia geri, quis est, qui ignoret? Penes quos igitur sunt auspicia more majorum? nempe, penes Patres. nam plebeius quidem magistratus nullus auspicato creatur. Nobis adeo propria sunt auspicia, ut non solum, quos populus crearet patricios magistratus, non aliter, quam auspicato, creet; sed nos quoque ipsi sine suffragio populi auspicato interregem prodamus, & privatim auspicia habeamus, quae isti ne in magistratibus quidem habent. Quid igitur aliud, quam tollit ex civitate auspicia, qui, plebeios consules creando, à Patribus, qui soli ea habere possunt, aufert? Eludant nunc licet religiones. Quid enim est, si pulli non pascentur? si ex cavea tardius exierint? si occinuerit avis? Parva sunt haec: sed parva ista non contemnendo majores nostri maximam hanc rem fecerunt. Nunc nos, tanquam jam nihil pace Deorum opus sit, omnes ceremonias polluimus. Vulgo ergo pontifices, augures, sacrificuli reges creentur: cuilibet apicem dialem, dummodo homo sit, imponamus: tradamus ancilla, penetralia, Deos, Deorumque curam, quibus nefas est. non leges auspicato ferantur, non magistratus creentur: nec centuriatis, nec curiatis comitiis Patres auctores fiant. Sextius & Licinius, tanquam Romulus ac Tatius, in urbe Romana regnent, quia pecunias alienas, quia agros dono dant. Tanta dulcedo est ex alienis fortunis pradandi: nec in mentem venit, altera lege solitudines vastas in agris fieri pellendo finibus dominos: altera fidem abrogari, cum qua omnis humana societas tollitur. Omnium rerum causâ vobis antiquandas censeo istas rogationes. Quod faxitis, Deos velim fortunare.

XLII. Oratio Appii ad id modò valuit, ut tempus rogationum jubendarum proferretur. Refecti decimum eundem tribuni, Sextius & Licinius, de decemviris sacrorum ex parte de plebe creandis legem pertulere. creati quinque Patrum, quinque plebis: graduque eo jam via facta ad consulatum videbatur. Hac victoria

contenta

contenta plebes cessit Patribus, ut, in præsentia consulum mentione omisâ, tribuni militum crearentur. creati A. & M. Cornelii iterum, M. Geganius, P. Manlius, L. Veturius, P. Valerius sextum. Quum præter Velitrarum obsidionem, tardi magis rem exitus, quàm dubii, quietæ externæ res Romanis essent; fama repens belli Gallici allata, perpulit civitatem, ut M. Furius dictator quintum diceretur. is T. Quinctium Pennum magistrum equitum dixit. Bellatum cum Gallis: eo anno circa Anienem flumen, auctor est Claudius; inclitamque in ponte pugnam, quâ T. Manlius Gallum, cum quo provocatus manus conferuit, in conspectu duorum exercituum casum torque spoliavit, tum pugnatum. Pluribus auctoribus magis adducor, ut credam, decem haud minùs post annos ea acta: hoc autem anno in Albano agro cum Gallis, dictatore M. Furio, signa collata. Nec dubia, nec difficilis Romanis (quanquam ingentem Galli terrorem memoriâ pristinæ cladis attulerant) victoria fuit. multa millia barbarorum in acie, multa captis castris caesa: palati alii Apuliam maximè petentes, quum fugâ se longinquâ, tum quòd passim eos simul pavor terrorque distulerant, ab hoste sese tutati sunt. Dictatori, consensu Patrum plebisque, triumphus decretus. Vixdum perfunctum cum bello atrocior domi seditio excepit: & per ingentia certamina dictator senatusque victus, ut rogationes tribunicia acciperentur; & comitia consulum adversâ nobilitate habita, quibus L. Sextius de plebe primus consul factus. Et ne is quidem finis certaminum fuit. quia patricii se auctores futuros negabant, prope secessionem plebis res terribilesque alias minas civilium certaminum venit: quum tamen per dictatorem conditionibus sedatæ discordiæ sunt, concessumque ab nobilitate plebi de consule plebeio; à plebe nobilitati de prætore uno, qui jus in urbe diceret, ex Patribus creando. Ita ab diutina ira tandem in concordiam reda-



his ordinibus, quum dignam eam rem senatus censeret esse, meritóque id, si quando unquam aliàs, Deum immortalium causâ libenter facturos fore, ut ludi maximi fierent, & dies unus ad triduum adjiceretur; recusantibus id munus ædilibus plebis, conclamatum à patriciis est juvenibus, se id honoris Deum immortalium causâ libenter acturos, ut ædiles fierent. Quibus quum ab universis gratiæ actæ essent, factum senatusconsultum, ut duo viros ædiles ex Patribus dictator populum rogaret: Patres auctores omnibus ejus anni comitiis fierent.

## LIBER VII.

### E P I T O M E.

I. **D**UO novi magistratus adjecti sunt, pratura & curulis adilitas. II. Pestilentia civitas laboravit, eamque insignem fecit mors Furii Camilli. cujus remedium & finis quum per novas religiones quæreretur, ludi scenici tunc primum facti sunt. III, IV, V. Quum dies L. Manlio dicta esset à M. Pomponio tribuno plebis propter delectum acerbe actam, & T. Manlium filium rus relegatum sine ullo crimine; adolescens ipse, cujus relegatio patri objiciebatur, venit in cubiculum tribuni, strictoque gladio coëgit eum in verba sua jurare, non perseveraturum se in accusatione. VI. Quum telluris biatu tota ad ultimum territa patria foret, tunc omnia pretiosa missa sunt in præaltam voraginem urbis Romanæ. in eam Curtius armatus, sedens equo, se precipitavit, eaque expleta est. IX, X. T. Manlius adolescens, qui patrem à tribunicia vexatione vindicaverat, contra Gallum, provocantem aliquem ex militibus Romanis, in singulare certamen descendit, eique occiso torquem aureum detraxit; quem ipse postea tulit, & ex eo Torquatus est nuncupatus. XV. Due tribus addita, Pomptina

*ptina & Publilia. XVI. Licinius Stolo lege ab ipso lata damnatus est, quod plus quingentis jugeribus agri possideret. XXVI. M. Valerius tribunus militum Gallum, à quo provocatus erat, insidente galea corvo, & unguibus rostroque hostem infestante, occidit, & ex eo Corvi nomen accepit; consuleque proximo anno, quum annos viginti tres haberet, ab virtutem creatus est. XXVII. Amicitia cum Karthaginensibus juncta. XXIX, &c. Campani, quum urgerentur à Samnitibus bello, auxilio adversus eos à senatu petito, quum id non impetrarent, urbem atque agros populo Romano dediderunt. ob quam causam ea, quæ populi Romani facta essent, defendi bello adversus Samnites placuit. XXXIV, &c. Quum ab A. Cornelio consule exercitus in iniquum locum deductus in magno discrimine esset, P. Decii Muris tribuni militum operâ servatus est. qui, occupato colle super id jugum, in quo Samnites confederant, occasionem consuli in auiorem locum evadendi dedit: ipse ab hostibus circumfessus erupit. XXXVIII, &c. Quum milites Romani, qui Capua in presidio erant relictî, de ea occupanda urbe conspirassent, & detecto consilio, metu supplicii à populo Romano defecissent; per M. Valerium Corvum dictatorem, qui consilio suo eos à furore revocaverat, patria restituti sunt. Res præterea contra Hernicos, & Gallos, & Tiburtes, & Privernates, & Tarquinienses, & Samnites, & Kolscos prosperè gestas continet.*

**I.** **A**NNUS hic erit insignis novî hominis consulationu, insignis novis duobus magistratibus, præturâ & curuli ædilitate. Hos sibi patricii quæsivere honores pro concessio plebi altero consulationu. Plebes consulatum L. Sextio, cujus lege partus erat, dedit: Patres præturam Sp. Furio M. filio Camillo; ædilitatem Cn. Quinctio Capitolino & P. Cornelio Scipioni, suarum gentium viris, gratiâ campestri ceperunt. L. Sextio collega ex Patribus datus L. Æmilius Mamercinus. Principio anni & de Gallis, quos primò palatos per Apuliam congregari jam fama erat,

& de Hernicorum defectione agitata mentio. Quum de industria omnia, ne quid per plebeium consulem ageretur, proferrentur, silentium omnium rerum ac iustitio simile otium fuit: nisi quòd, non patientibus tacitum tribunis, quòd pro consule uno plebeio tres patricios magistratus, curulibus sellis prætextatos tanquam consules sedentes, nobilitas sibi sumpisset, prætorem quidem etiam jura reddentem, & collegam consulibus, atque iisdem auspiciis creatum, verecundia inde imposita est senatui ex Patribus jubendi ædiles curules creari. primò, ut alternis annis ex plebe fierent, convenerat: postea promiscuum fuit. Inde, L. Genucio & Q. Servillo consulibus, & ab seditione & à bello quietis rebus, ne quando à metu ac periculis vacarent, pestilentia ingens orta. Censorem, ædilem curulem, tres tribunos plebis mortuos ferunt, pro Portione & ex multitudine alia multa funera fuisse. maximèque eam pestilentiam insignem mors quàm matura, tam acerba, M. Furii fecit. Fuit enim verè vir unicuique in omni fortuna: princeps pace belloque prius, quàm exsulatum hret; clarior in exilio vel desiderio civitatis, quæ capta absentis imploravit opem, vel felicitate, quàm restitutus in patriam secum patriam ipsam restituit. Par deinde per quinque & viginti annos (tot enim postea vixit) titulo tantæ gloriæ fuit, dignusque habitus, quem secundum à Romulo conditorem urbis Romanæ ferrent.

II. Et hoc & infrequenti anno, C. Sulpicio Petico, C. Licinio Stolone, consulibus, pestilentia fuit. eo nihil dignum memoriâ actum, nisi quòd pacis Deum ex-poscendæ causâ tertio tum post conditam urbem lecti-sternium fuit. & quum vis morbi nec humanis consiliis nec ope divinâ levaretur, victis superstitione animis, ludi quoque scenici, nova res bellicoso populo, (nam circi modò spectaculum fuerat) inter alia cœlestis iræ placamina instituti dicuntur. Ceterum parva quoque

que (ut ferme principia omnia) & ea ipsa peregrinares fuit. Sine carmine ullo, sine imitandorum carminum actu, ludiones ex Etruria acciti, ad tibicinis modos saltantes, haud indecoros motus more Tusco dabant. imitari deinde eos juvenus, simul inconditis inter se jocularia fundentes versibus, cœpere; nec absoni à voce motus erant. Accepta itaque res sæpiusque usurpando excitata vernaculis artificibus, quia hister Tusco verbo ludio vocabatur, nomen histrionibus inditum: qui non, sicut antè, Fescennino versu similem incompositum temerè ac rudem alternis jaciebant; sed, impletas modis faturas, descripto jam ad tibicinem cantu, motuque congruenti peragebant. Livius post aliquot annos, qui ab saturis ausus est primus argumento fabulam ferere, (idem scilicet, id quod omnes tam erant, suorum carminum actor) dicitur, quum sæpius revocatus vocem obtudisset, vènià petità puerum ad canendum ante tibicinem quum statuisset, canticum egisse aliquanto magis vigente motu, quia nihil vocis usus impedièbat. inde ad manum cantari histrionibus cœptum, diverbiaque tantum ipsorum voci relicta. Postquam lege hac fabularum ab risu ac soluto joco res avocabatur, & ludus in artem paulatim vertebatur; juvenus, histrionibus fabellarum actu relicto, ipsa inter se more antiquo ridicula intexta versibus jactitare cœpit: quæ inde exodia postea appellata, confertaque fabellis potissimum Atellanis sunt. Quod genus ludorum ab Oscis acceptum tenuit juvenus, nec ab histrionibus pollui passa est. Eo institutum manet, ut actores Atellanarum nec tribu moveantur, & stipendia, tanquam expertes artis ludicræ, faciant. Inter aliarum parva principia rerum, ludorum quoque prima origo ponenda visa est: ut appareret, quàm ab fano initio res in hanc vix opulentis regnis tolerabilem infaniam venerit.

III. Nec tamen ludorum primum initium, procurandis

randis religionibus datum, aut religione animos, aut corpora morbis levavit. quin etiam, quum medios fortè ludos circus Tiberi superfuso irrigatus impedisset, id verò, velut averfis jam Diis aspernantibusque placamina iræ, terrorem ingentem fecit. Itaque, Cn. Genucio, L. Æmilio Mamercino secundum consulibus, quum piaculorum magis conquisitio animos, quàm corpora morbi, afficerent, repetitum ex seniorum memoria dicitur, pestilentiam quondam clavo ab dictatore fixo sedatam. Eà religione adductus senatus dictatorem clavi figendi causà dici jussit. dictus L. Manlius Imperiosus, L. Pinarium magistrum equitum dixit. Lex vetusta est, priscis literis verbisque scripta, ut, qui prætor maximus sit, Idibus Septembribus clavum pangat. Fixa fuit dextro lateri ædis Jovis optimi maximi, ex qua parte Minervæ templum est. Eum clavum, quia raræ per ea tempora literæ erant, notam numeri annorum fuisse ferunt: eoque Minervæ templo dicatam legem, quia numerus Minervæ inventum sit. Volsiniis quoque clavos, indices numeri annorum, fixos in templo Nortiæ, Etruscæ Deæ, comparere, diligens talium monumentorum auctor Cincius affirmat. M. Horatius consul ex lege templum Jovis optimi maximi dedicavit anno post reges exactos: à consulibus postea ad dictatores, quia majus imperium erat, solenne clavi figendi translatum est. Intermissio deinde more, digna etiam per se visa res, propter quam dictator crearetur. qua de causa creatus L. Manlius, perinde ac reipublicæ gerendæ, ac non solvendæ religionē, gratiā creatus esset, bellum Hernicum affectans, delectu acerbo juventutem agitavit; tandemque, omnibus in eum tribunis plebis coortis, seu vi, seu verecundiā victus, dictaturā abiit.

IV. Neque eo minùs principio insequentis anni, Q. Servilio Ahalà, L. Genucio consulibus, dies Manlio dicitur à M. Pomponio tribuno plebis. Acerbitas

bitas in delectu, non damno modò civium, sed etiam laceratione corporum lata, partim virgis cæsis, qui ad nomina non respondissent, partim in vincula ductis, invisa erat: & ante omnia invisum ipsum ingenium atrox, cognomenque Imperiosi grave liberæ civitati, ab ostentatione sævitæ adscitum; quam non magis in alienis, quàm in proximis, ac sanguine ipse suo exerceret. criminique ei tribunus inter cetera dabat, quòd filium juvenem, nullius probri compertum, extorrem urbe, domo, penatibus, foro, luce, congressu equalium prohibitum, in opus servile, propè in carcerem atque in ergastulum, dederit: ubi summo loco natus dictatorius juvenis quotidianà miserià disceret, verè imperioso patre se natum esse. At quam ob noxam? quia infacundior sit, & linguà impromptus. Quòd natura damnum utrùm nutriendum patri, (si quicquam in cohumani esset) an castigandum ac vexatione insigne faciendum fuisse? ne mutas quidem bestias minùs alere ac fovere, si quid ex progenie sua parum prosperum sit. At, bercule, L. Manlium, malum malo augere filii, & tarditatem ingenii insuper premere; & si quid in eo exiguum naturalis vigoris sit, id extinguere vitâ agresti & rustico cultu, inter pecudes habendo.

V. Omnium potiùs his criminationibus, quàm ipsius juvenis, irritatus est animus: quin contrà, se quoque parenti causam invidiæ atque criminum esse, ægrè passus, (ut omnes Dii hominesque scirent, se parenti opem latam, quàm inimicis ejus, malle) capit consilium, rudis quidem atque agrestis animi, & quanquam non civilis exempli, tamen pietate laudabile. Inscientibus cunctis, cultro succinctus, manè in urbem, atque à porta domum confestim ad M. Pomponium tribunum pergit: janitori, opus esse sibi domino ejus convento extemplo, ait. nunciaret, T. Manlium L. filium esse. Mox introductus, (etenim percitum irâ in patrem spes erat, aut criminis aliquid novi, aut consilii ad rem agendam, deferre) salute acceptâ redditâque, esse ait, quæ cum eo agere

*agere arbitris remotis velit.* Procul inde omnibus abire jussis, cultrum stringit : & , super lectum stans ferro intento, nisi, in quæ ipse concepisset verba, juraret, *se patris ejus accusandi causâ concilium plebis nunquam habiturum*, se eum extemplo transfixurum minatur. Pavidus tribunus (quippe qui ferrum ante oculos micare, se solum, inermem; illum prævalidum juvenem, & , quod haud minus timendum erat, stolidè ferocem viribus suis cerneret) adjurat, in quæ adaestus est verba; & præ se deinde tulit, eâ vi subactum se incepto destitisse. Nec perinde, ut maluisset plebes, sibi suffragii ferendi de tam crudeli & superbo reo potestatem fieri; ita ægrè habuit, filium id pro parente ausum. eoque id laudabilius erat, quòd animum ejus tanta acerbitas patria nihil à pietate avertisset. Itaque non patri modò remissa causæ dictio est, sed ipsi etiam adolescenti ea res honori fuit. & quum eo anno primum placuisset, tribunos militum ad legiones suffraglo fieri, (nam & antea, sicut nunc, quos Rufulos vocant, imperatores ipsi faciebant) secundum in sex locis tenuit, nullis domi militiæque ad conciliandam gratiam meritis; ut qui rure & procul cœtu hominum juventam egisset.

VI. Eodem anno, seu motu terræ, seu quâ vi aliâ, forum medium ferme specu vasto collapsum in immensam altitudinem dicitur: neque eam voraginem conjectu terræ, quum pro se quisque gereret, expleri potuisse prius, quàm Deum monitu quæri cœptum, quæ plurimum populus Romanus posset? Id enim illi loco dicandum, vates canebant, si rempublicam Romanam perpetuam esse vellent. Tum M. Curtium, juvenem bello egregium, castigasse ferunt dubitantes, an ullum magis Romanum bonum, quàm arma virtusque, esset. Silentio facto, templa Deorum immortalium, quæ foro imminet, Capitoliūque intuentem, & manus nunc in cœlum, nunc in patentes terræ hiatus ad Deos manes porrigentem, se devovisse; equo deinde, quàm poterat,

poterat, maximè exornato insidentem, armatum se in specum immisisse, donaque ac fruges super eum à multitudine virorum ac mulierum congestas; lacumque Curtium, non ab antiquo illo T. Tatii milite Curtio Metto, sed ab hoc appellatum. Cura non deesset, si qua ad verum via inquirentem ferret: nunc famà rerum standum est, ubi certam derogat vetustas fidem. & lacus nomen ab hac recentiore insignitius fabula est. Post tanti prodigii procurationem, eodem anno de Hernicis consultus senatus, quum feciales ad res repetendas nequicquam misisset, primo quoque die ferendum ad populum de bello indicendo Hernicis censuit; populusque id bellum frequens iussit. L. Genucio consuli ea provincia forte evenit. In expectatione civitas erat, quòd primus ille de plebe consul bellum suis auspiciis gesturus esset; perinde ut eveniret res, ita communicatos honores pro bene aut secus consulto habitura. Fortè ita tulit casus, ut Genucius, ad hostes magno conatu profectus, in insidias præcipitaret; legionibus nec opinato pavore fusis, consul circumventus ab insciis, quem interfecissent, occideretur. Quod ubi est Romam nunciatum, nequaquam tantum publicè calamitate mœsti Patres, quantum feroces infelicè consulis plebei ductu, fremunt omnibus locis: *Irent, crearent consules ex plebe, transferrent auspicia, quò nefas esset. Potuisse Patres plebiscito pelli honoribus suis: num etiam in Deos immortales inauspicatam legem valuisse? Vindicasse ipsos suum numen, sua auspicia. quæ ut primum contacta sint ab eo, à quo nec jus nec fas fuerit, deletum cum duce exercitum documento fuisse, ne deinde, turbato gentium jure, comitia haberentur.* His vocibus curia & forum personat. Ap. Claudium, quia dissuaserat legem, majore nunc auctoritate eventum reprehensi ab se consilii inculantem, dictatorem consensu patriciorum Servilius consul dicit: delectusque & iustitium indictum.

VII. Priusquam dictator legionesque novæ in Hernicos



nicos venirent, ductu C. Sulpicii legati res per occasionem gesta egregie est. In Hernicos, morte consulis contemptim ad castra Romana cum haud dubia expugnandi spe succedentes, hortante legato, & plenae irae atque indignitatis militum animis, eruptio est facta. Multum ab spe adeundi valli res Hernicis afuit; adeo turbatis inde ordinibus abscessere. Dictatoris deinde adventu novus veteri exercitus jungitur, & copiae duplicantur: & pro concione dictator laudibus legati militumque, quorum virtute castra defensa erant, simul audientibus laudes meritas, tollit animos; simul ceteros ad æmulandas virtutes acuit. Neque segnius ad hostes bellum apparatus, qui, & parti antè decoris memores, neque ignari auctarum virium hostis, suas quoque vires augent. Omne Hernicum nomen, omnis militaris ætas excitur. quadringenariae octo cohortes, lecta roborum virorum, scribuntur. Hunc eximium florem juventutis eo etiam, quod, ut duplex acciperent stipendium, decreverant, spei animorumque implevere. Immunes quoque operum militarium erant, ut, in unum pugnae laborem reservati, plus sibi, quam pro virili parte, annitendum scirent. Extra ordinem etiam in acie locati, quo conspectior virtus esset. Dum millium planities castra Romana ab Hernicis dirimebat: ibi pari ferme utrinque spatio in medio pugnatum est. Primò stetit ambigua spe pugna; nequicquam sæpe conatis equitibus Romanis impetu turbare hostium aciem. Postquam equestris pugna effectum, quam conatibus, vanior erat; consulto prius dictatore equites, permissu deinde ejus, relictis equis, clamore ingenti provolant ante signa, & novam integrant pugnam. neque sustineri poterant, nisi extraordinariae cohortes pari corporum animorumque robore se objecissent.

VIII. Tunc inter primores duorum populorum res geritur. quicquid hinc aut illinc communis Mars belli aufert;

aufert; multiplex, quàm pro numero, damnum est: vulgus aliud armatorum, velut delegatà primoribus pugna, eventum suum in virtute aliena ponit. multi utrinque cadunt, plures vulnera accipiunt. Tandem equites alius alium increpantes, *quid deinde restaret, quærendo, si neque ex equis pepulissent hostem, neque pedites quicquam momenti facerent? quam tertiam expectarent pugnam? quid ante signa feroces profiluissent, & alieno pugnarent loco?* His inter se vocibus concitati, clamore renovato, inferunt pedem: & primum gradu moverunt hostem, deinde pepulerunt; postremò jam haud dubiè avertunt: neque, tam vires pares quæ superaverit res, facile dictu est, nisi quòd perpetua fortuna utriusque populi & extollere animos, & minuere potuit. Usque ad castra fugientes Hernicos Romanus sequitur: castrorum oppugnatione, quia serum erat dici, abstinere. Diu non perlitatum tenuerat dictatorem, ne ante meridiem signum dare posset: eo in noctem tractum erat certamen. Postero die deserta fugà castra Hernicorum, & saucii relictì quidam inventi; agmenque fugientium ab signis, quum præter mœnia eorum infrequentia conspecta signa essent, fusum, ac per agros trepidà fugà palatum est. Nec Romanis incruenta victoria fuit. quarta pars militum amissa; &, ubi haud minus jacturæ fuit, aliquot equites Romani cecidere.

IX. Insequenti anno, quum C. Sulpicius & C. Licinius Calvus consules in Hernicos exercitum duxissent, neque inventis in agro hostibus, Ferentinum urbem eorum vi cepissent, revertentibus inde eis Tiburtes portas clausere. Ea ultima fuit causa, quum multæ antea querimonix ultro citroque jactatæ essent, cur, per feciales rebus repetitis, bellum Tiburti populo indiceretur. Dictatorem T. Quinctium Pennum eo anno fuisse, satis constat, & magistrum equitum Ser. Cornelium Maluginensem. Macer Licinius comitionum habendorum causà, & ab Licinio consule dictum, scribit,

scribit, quia, collegâ comitia bello præferre festinante, ut continuaret consulatum, obviâ eundem pravæ cupiditati fuerit. Quæsitâ ea propriæ familiæ laus leviorum auctorem Licinium facit. quum mentionem ejus rei in vetustioribus annalibus nullam inveniam, magis, ut belli Gallici causâ dictatorem creatum arbitrer, inclinât animus. eò certè anno Galli ad tertium lapidem Saliariâ viâ trans pontem Anienis castra habuere. Dictator, quum tumultûs Gallici causâ justitium edixisset, omnes juniores sacramento adegit, ingentique exercitû ab urbe profectus, in citeriore ripa Anienis castra posuit. Pons in medio erat, neutris eum rumpentibus, ne timoris indicium esset. Prælia de occupando ponte crebra erant; nec, qui potirentur, incertis viribus, satis discerni poterat. Tum eximiâ corporis magnitudinæ in vacuum pontem Gallus processit; & quantum maximâ voce potuit, *Quem nunc, inquit, Roma virum fortissimum habet, procedat, agedum, ad pugnam, ut noster dæorum eventus ostendat, utra gens bello sit melior.*

X. Diu inter primores juvenum Romanorum silentium fuit, quum & abnuere certamen vererentur, & præcipuam sortem periculi petere nollent. tum T. Manlius, L. filius, qui patrem à vexatione tribuniciâ vindicaverat, ex statione ad dictatorem pergît: *Injussu tuo, inquit, imperator, extra ordinem nunquam pugnaverim, non si certam victoriam videam. Si tu permittis, volo ego illi bellum ostendere, quando adeo ferox præfuit hostium signis, me ex ea familia ortum, quæ Gallorum agmen ex rupe Tarpeia dejecit.* Tum dictator, *Macte virtute, inquit, ac pietate in patrem, patriamque, T. Manli, esto. Perge, & nomen Romanum invictum, juvantibus Diis, præsta.* Armant inde juvenem æquales. pedestre scutum capit, Hispano cingitur gladio, ad propiorem habili pugnam. Armatum adornatumque adversus Gallum stolidè lætum, & (quoniam id quoque memoriâ dignum antiquis visum est) linguam etiam ab irrisu exerentem, pro-

producunt. Recipiunt inde se ad stationem: & duo in medio armati, spectaculi magis more, quam lege belli, destituuntur, nequaquam visu ac specie æstimantibus pares. Corpus alteri magnitudine eximium, verficolori veste pictisque & auro cælatis refulgens armis: media in altero militaris statura, modicaque in armis habilibus magis quam decoris species. non cantus, non exultatio armorumque agitatio vana, sed pectus, animorum iræque tacitæ plenum, omnem ferociam in discrimen ipsum certaminis distulerat. Ubi confitere inter duas acies, tot circà mortalium animis spe metuque pendentibus, Gallus, velut moles supernè imminens, projecto lævâ scuto, in advenientis arma hostis vanum casum cum ingenti sonitu casum dejecit. Romanus, mucrone surrecto, quum scuto scutum innum perculisset, totoque corpore interior periculo vulneris factus, insinuasset se inter corpus armaque, uno alteroque subinde ictu ventrem atque inguina hausit, & in spatium ingens ruentem porrexit hostem. jacentis inde corpus, ab omni alia vexatione intactum, uno torque spoliavit: quem respersum cruore collo circumdedit suo. Defixerat pavor cum admiratione Gallos. Romani, alacres ab statione obviam militi suo progressi, gratulantes laudantesque ad dictatorem perducunt. Inter carminum prope modum incondita quædam militariter joculantes, Torquati cognomen auditum; celebratum deinde posteris etiam familiarique honori fuit. Dictator coronam auream addidit donum, mirisque pro concione eam pugnam laudibus tulit.

XI. Et, Hercule, tanti ea ad universi belli eventum momenti dimicatio fuit, ut Gallorum exercitus proximâ nocte, relictis trepidè castris, in Tiburtem agrum, atque inde, societate belli factâ, comœatuque benignè ab Tiburtibus adjutus, mox in Campaniam transfierit. Ea fuit causa, cur proximo anno C. Poetelius Balbus consul, quam collegæ ejus M. Fabio Ambustor  
Hernick

Hernici provincia evenisset, adversus Tiburtes jussu populi exercitum duceret. ad quorum auxilium quum Galli ex Campania redissent, foedæ populationes in Lavicano, Tusculanoque, & Albano agro, haud dubiè Tiburtibus ducibus, sunt factæ. Et, quum adversus Tiburtem hostem duce consule contenta respublica esset, Gallicus tumultus dictatorem creari coëgit. creatus Q. Servilius Ahala T. Quinctium magistrum equitum dixit; & ex auctoritate Patrum, si prosperè id bellum evenisset, ludos magnos vovit. Dictator, ad continendos proprio bello Tiburtes consulari exercitu jussu manere, omnes juniores, nullo detrectante militiam, sacramento adegit. Pugnatum haud procul portâ Collinâ est totius viribus urbis, in conspectu parentum conjugumque ac liberorum. quæ magna, etiam absentibus, hortamenta animi, tum subjecta oculis, simul verecundiâ misericordiâque militem accendebant. Magnâ utrinque editâ cæde, avertitur tandem acies Gallorum, fugâ Tibur, sicut arcem belli Gallici, petunt: palati à consule Pœtelio haud procul Tibure excepti, egressis ad opem ferendam Tiburtibus, simul cum his intra portas compelluntur. Egregiè quum ab dictatore, tum ab consule res gesta est. Et consul alter Eabius præliis primùm parvis, postremò unâ insigni pugnâ, quum hostes totis adorti copiis essent, Hernicos devincit. Dictator, consulibus in senatu & apud populum magnificè collaudatis, & suarum quoque rerum illis remisso honore, dictaturâ se abdicavit. Pœtelius de Gallis Tiburtibusque geminum triumphum egit. Fabio satis visum, ut ovans urbem iniret. Irridere Pœtelii triumphum Tiburtes: *Ubi enim eum secum acie confixisse? spectatores paucos fugæ trepidationisque Gallorum, extra portas egressos, postquam in se quoque fieri impetum viderint, & sine discrimine obvias cedi, recepisse se intra urbem. Eam rem triumpho dignam visam Romanis? ne nimis mirum magnumque censerent, tumultum exciere in hostium*

*hostium portis, majorem ipsos trepidationem ante mœnia sua visuros.*

XII. Itaque insequenti anno, M. Popillio Lœnate, Cn. Manlio consulibus, primo silentio noctis ab Tibure agmine infesto profecti, ad urbem Romam venerunt. terrorem repentè ex somno excitatis subita res & nocturnus pavor præbuit: ad hoc multorum inscitia, qui, aut unde, hostes advenissent. Conclamatum tamen celeriter ad arma est, & portæ stationibus, murique præsidiiis firmati: & ubi prima lux mediocrem multitudinem ante mœnia, neque alium, quàm Tiburtem, hostem ostendit, duabus portis egressi consules utrinque aciem fubeuntium jam muros aggrediuntur: apparuitque occasione magis, quàm virtute, fretos venisse. adeo vix primum impetum Romanorum sustinere. Quin etiam bono fuisse Romanis adventum eorum constabat, orientemque jam seditionem inter Patres & plebem metu tam propinqui belli compressam. Alius adventus hostium fuit proximo bello, agris, quàm urbi, terribilior. Populabundi Tarquinienses fines Romanos, maxime qua ex parte Etruriam adjacent, peragrare: rebusque nequicquam repetitis, novi consules C. Fabius & C. Plautius jussu populi bellum indixere; Fabioque ea provincia, Plautio Hernici evenere. Gallici quoque belli fama increbrescebat. Sed inter multos terrores solatio fuit pax Latinis petentibus data, & magna vis militum ab iis ex fœdere vetusto, quod multis intermiserant annis, accepta. quo præsidio quum fulta res Romana esset, levius fuit, quòd Gallos mox Præneste venisse, atque inde circa Pedum confedisse, auditum est. Dictatorem dici C. Sulpicium placuit. consul ad id accitus C. Plautius dixit. magister equitum dictatori additus M. Valerius. Hi robora militum, ex quobus consularibus exercitibus electa, adversus Gallos duxerunt. Lentius id aliquanto bellum, quàm parti utrique placebat, fuit. quum primò Galli tantum a-

vidi

vidi certaminis fuissent, deinde Romanus miles, ruendo in arma ac dimicationem, aliquantum Gallicam ferociam vinceret; dictatori neutiquam placebat, quando nulla cogeret res, fortunæ se committere adversus hostem, quem tempus deteriores in dies & locus alienus faceret; sine preparato comœatu, sine firmo munimento morantem. ad hoc iis animis corporibusque, quorum omnis in impetu vis esset, parvâ eadem languesceret morâ. His consiliis dictator bellum trahebat, gravemque edixerat penam, si quis injussu in hostem pugnasset. Milites, ægrè id patientes, primò in stationibus vigiliisque inter se dictatorem sermonibus carpere; interdum Patres communiter increpare, quod non jussissent per consules geri bellum. *Electum esse eximium imperatorem, unicum ducem, qui nihil agenti sibi de celo devoluturum in finem victoriam censeat. Eadem deinde hæc intordiu propalam, ac ferociora his, jactare; se injussu imperatoris aut dimicaturus, aut agmine Romam ituros.* Immiscerique militibus-centuriones: nec in circulis modò fremere, sed jam in principiis ac prætorio in unum sermones confundi, atque in concionis magnitudinem crescere turba; & vociferari ex omnibus locis, ut exemplo ad dictatorem iretur: verba pro exercitu fateret Sex. Tullius, ut virtute ejus dignum esset.

XIII. Septimùm primum pitum jam Tullius ducebat; neque erat in exercitu, qui quidem pedestria stipendia fecisset, vir factis nobilior. is, præcedens militum agmen, ad tribunal pergit; mirantique Sulpicio non turbam magis, quàm turbæ principem Tullium, imperiis obedientissimum militem, *Scilicet, dictator, inquit, condemnatum se universus exercitus à te ignavia ratus, & propè ignominie causâ destitutum sine armis, oravit me, ut suam causam apud te agerem. Equidem, sicubi loco cessam, si terga data hosti, si signa fæde amissa objici nobis possent, tamen hoc à te impetrari æquum censerem, ut nos virtutis culpam nostram corrigere, & abolere flagitii memoriam.*

novæ

novâ gloriâ patereris. Etiam ad Alliam fusa legiones eandem, quam per pavorem amiserant, patriam, profecta postea ab Vejis, virtute recuperavere. nobis, Deum benignitate, felicitate tuâ populique Romani, et res et gloria est integra. Quanquam de gloria vix dicere ausim, si nos et hostes hand secus, quàm feminas, abditos intra vallum omnibus contumeliis eludunt; et tu imperator noster, quod agrius patimur, exercitum tuum sine animis, sine armis, sine manibus iudicas esse; et prius, quàm expertus nos esses, de nobis ita desperasti, ut te mancorum ac debilium ducem iudicares esse. Quid enim aliud esse causa credemus, cur veteranus dux, fortissimus bello, compressis, quod aiunt, manibus sedeas? utcumque enim se habet res, te de nostra virtute dubitasse videri, quàm nos de tua, verius est. Sin autem non tuum istuc, sed publicum est consilium, et consensus aliquis Patrum, non Gallicum bellum, nos ab urbe, à penatibus nostris ablegatos tenet; queso, ut ea, quæ dicam, non à militibus imperatori dicta censeas, sed à plebe Patribus; quæ, sicut vos vestra habeatis consilia, sic se sua habituram dicat. Quis tandem succenseat, milites nos esse, non servos vestros? ad bellum, non in-exsilium, missos? si quis det signum, in aciem educat, ut viris ac Romanis dignum sit, pugnuros? si nihil armis opus sit, otium Roma potius, quàm in castris, acturos? hæc dicta sint Patribus. Te, imperator, milites tui oramus, ut nobis pugnandi copiam facias. quum vincere cupimus, tum te duce vincere; tibi lauream insignem deferre; tecum triumphantes urbem inire; tuum sequentes currum Jovis optimi maximi templum gratantes ovantesque adire. Orationem Tullii exceperunt preces multitudinis: & undique, ut signum daret, ut capere arma juberet, clamabant.

XIV. Dictator, quanquam rem bonam exemplo haud probabili actam cernebat, tamen facturum, quod milites vellent, se recepit; Tulliumque secretò, quænam hæc res sit, aut quo acta more, percunctatur. Tullius magnopere à dictatore petere, ne se oblitum disciplina militaris, ne sui, neve imperatoris majestatis, crederet;



ret: multitudinì concitata, quæ ferme auctoribus similis esset, non subtraxisse se ducem, ne quis alias, quales mota creare multitudo solet, existeret. nam se quidem nihil non arbitrio imperatoris acturum. illi quoque tamen videndum magnopere esse, ut exercitum in potestate haberet. Differri non posse ad eo concitatos anîmos. ipsos sibi locum ac tempus pugnandi sumpturos, si ab imperatore non detur. Dum hæc loquuntur, jumenta fortè pascentia extra vallum Gallo abigenti duo milites Romani ademerunt. In eos saxa conjecta à Gallis: deinde ab Romana statione clamor ortus, ac procursum utrinque est. Jamque haud procul justo prælio res erant, ni celeriter diremptum certamen per centuriones esset. Affirmata certè eo casu Tullii apud dictatorem fides est. nec recipiente jam dilationem re, in posterum diem edicatur, acie pugnatueros. Dictator tamen, ut qui magis animis, quàm viribus, fretus ad certamen descenderet, omnia circumspicere atque agitare cœpit, ut arte aliquâ terrorem hostibus incuteret. Solerti animo rem novam excogitat, quâ deinde multi nostri atque externi imperatores, nostrâ quoque quidam ætate, usi sunt. Mulis strata detrahi jubet: binisque tantum centunculis relictis, agasones, partim captivis, partim ægrorum armis ornatos, imponit. His ferè mille effectis centum admiscet equites. & nocte super castra in montes evadere, ac silvis se occultare jubet: neque inde antè moveri, quàm ab se acciperent signum. Ipse, ubi illuxit, in radicibus montium extendere aciem cœpit sedulò, ut adversus montes consisteret hostis. Instrueto vani terroris apparatu, qui quidem terror plus penè veris viribus profuit, primò credere duces Gallorum, non descensuros in æquum Romanos; deinde, ubi degreßos repentè viderunt, & ipsi avidi certaminis in prælium ruunt: priusque pugna cœpit, quàm signum ab ducibus daretur.

XV. Acriùs invasere Galli dextrum cornu: neque sustineri potuissent, ni fortè eo loco dictator fuisset,

Sex.

**SEX.** Tullium nomine increpans rogitanſque : *Siccinè pugnatuſ milites ſpoſondiſſet ? ubi illi clamores ſint arma poſcentium ? ubi mina injuſſu imperatoris prælium inituſ ? en ipſum imperatorem clarâ voce vocare ad prælium, & ire armatum ante prima ſigna. ecquis ſequeretur eorum, qui modò ducturi fuerint ; in caſtris feroces, in acie pavidi ?* Vera audiebant. itaque tantos pudor ſtimulos admovit, ut ruerent in hoſtium tela, alienatis à memoria periculi animis. Hic primò impetus propè vecors turbavit hoſtes : eques deinde emiſſus turbatos avertit. Ipſe dictator, poſtquam labantem unâ parte vidit aciem, ſigna in lævum cornu confert, quò turbam hoſtium congregari cernebat ; & iis, qui in monte erant, ſignum, quod convenerat, dedit. Ubi inde quoque novus clamor ortus, & tendere obliquo monte ad caſtra Gallorum viſi ſunt ; tum metu, ne excluderentur, omiſſa pugna eſt, curſuque effuſo ad caſtra ferebantur. ubi quum occuriſſet eis M. Valerius, magiſter equitum, (qui, proſtigato dextro cornu, obequitabat hoſtium munimentis) ad montes ſilvaſque vertunt fugam : plurimique ibi à fallaci equitum ſpecie agaſonibuſque excepti ſunt : & eorum, quos pavor pertulerat in ſilvas, atrox cædes poſt ſedatum prælium fuit. Nec alius poſt M. Furium, quàm C. Sulpicius, juſtiorẽ de Gallis egit triumphum. auri quoque ex Gallicis ſpoliis ſatis magnum pondus, faxo quadrato ſeptum, in Capitolio ſacravit. Eodem anno & à conſulibus vario eventu bellatum. nam Hernici à C. Plautio deviſti ſubaſtique ſunt. Fabius collega ejus incautè atque inconfultè adverſus Tarquinienſes pugnavit : nec in acie tantum ibi cladiſ acceptum, quàm quòd trecentos ſeptem milites Romanos captos Tarquinienſes immolârunt. quâ ſœditate ſupplicii aliquanto ignominia populi Romani inſigniti-or fuit. Acceſſit ad eam cladem & vaſtatio Romani agri, quam Privernates, Veliterni deinde, incurſione repentinâ ſecerunt. Eodem anno duæ tribus, Pomptina

ptina & Publilia, additæ. Ludi votivi, quos M. Furius dictator voverat, facti : & de ambitu ab C. Pœtelio tribuno plebis, auctoribus Patribus, tum primum ad populum latum est : eaque rogatione novorum maximè hominum ambitionem, qui nundinas & conciliabula obire soliti erant, compressam credebant.

XVI. Haud æquè læta Patribus insequenti anno, C. Marcio, Cn. Manlio consulibus, de unciario fœnore à M. Duilio, L. Mænio tribunis plebis rogatio est perlata : & plebs aliquanto eam cupidius scivit accepitque. Ad bella nova, priore anno destinata, Falisci quoque hostes exorti, duplici crimine : quod & cum Tarquiniensibus juventus eorum militaverat ; & eos, qui Falerios perfugerant, quum malè pugnatum est, repetentibus fecialibus Romanis non reddiderant. Ea provincia Cn. Manlio obvenit : Marcius exercitum in agrum Privernatem, integrum pace longinquâ, induxit : militemque prædâ implevit. Ad copiam rerum addidit munificentiam, quod, nihil in publicum secernendo, augenti rem privatam militi favit. Privernates quum ante moenia sua castris permunitis consedissent ; vocatis ad concionem militibus, *Castra nunc, inquit, vobis hostium, urbemque præda do, si mihi pollicemini, vos fortiter ex acie operam navaturos, nec præda magis, quàm pugna, paratos esse.* Signum poscunt ingenti clamore : celsique & spe haud dubiâ feroces in prælium vadunt. Ibi ante signa Sex. Tullius, de quo antè dictum est, exclamat : *Aspice, imperator, inquit, quemadmodum exercitus tuus tibi promissa præstet :* piloque posito, stricto gladio in hostem impetum facit. Sequuntur Tullium antesignani omnes, primoque impetu avertere hostem : fustum inde ad oppidum persecuti, quum jam scalas moenibus admovent, in deditionem urbem acceperunt. triumphus de Privernatibus actus. Ab altero consule nihil memorabile gestum : nisi quod legem, novo exemplo ad Sutrium in castris tributum de vicissima eorum,

rati, qui manumitterentur, tulit. Patres, quia eâ lege haud parvum vestigal inopi ærario additum esset, auctores fuerunt. Ceterum tribuni plebis, non tam lege, quam exemplo, moti, ne quis postea populum sevocaret, capite sanxerunt. nihil enim non per milites, juratos in consulis verba, quamvis perniciosum populo, si id liceret, ferri posse. Eodem anno C. Licinius Stolo à M. Popillio Lænote suâ lege decem millibus æris est damnatus, quod mille jugerum agri cum filio possideret, emancipandoque filium fraudem legi fecisset.

XVII. Novi consules inde, M. Fabius Ambustus secundum & M. Popillius Lænas secundum, duo bella habuere. Facile alterum cum Tiburtibus, quod Lænas gessit : qui, hoste in urbem compulso, agros vastavit. Falisci Tarquinienfisque alterum consulem primâ pugnâ fuderunt. inde terror maximus fuit, quod sacerdotes eorum, facibus ardentibus anguibusque prælatis, incessu furiali militem Romanum insuetâ turbaverunt specie : & tunc quidem velut lymphati & attoniti munimentis suis trepido agmine inciderunt ; deinde, ubi consul legatique ac tribuni puerorum ritu vana miracula paventes irridebant increpabantque, vertit animos repente pudor ; & in ea ipsa, quæ fugerant, velut cæci ruebant. Discusso itaque vano apparatu hostium, quum in ipsos armatos se intulissent, averterunt totam aciem : castrisque etiam eo die potiti, prædâ ingenti partâ, victores reverterunt, militaribus jocis quum apparatum hostium, tum suum increpantes pavorem. Concitatur deinde omne nomen Etruscum, &, Tarquinienfibus Faliscisque ducibus, ad Salinas perveniunt. Adversus eum terrorem dictator C. Marcius Rutilus primus de plebe dictus, magistrum equitum item de plebe C. Plautium dixit. Id verò Patribus indignum videri, etiam dictaturam jam in promiscuo esse : omnique ope impediabant, ne quid dictatori ad id bel-

lum decerneretur, parareturve. eo promptius cuncta, ferente dictatore, populus jussit. Profectus ab urbe, utraq̃ue parte Tiberis, ratibus exercitu, quocunq̃ue fama hostium ducebat, trajecto, multos populatores agrorum vagos palantes oppressit. Castra quoque, necopinatò aggressus, cepit. &, octo millibus hostium captis, ceteris aut cæsis, aut ex agro Romano fugatis, sine auctoritate Patrum, populi jussu, triumphavit. Quia nec per dictatorem plebeium, nec per consulem, comitia consularia haberi volebant, & alter consul Fabius bello retinebatur, res ad interregnum redit. Interreges deinceps Q. Servilius Ahala, M. Fabius, Cn. Manlius, C. Fabius, C. Sulpicius, L. Æmilius, Q. Servilius, M. Fabius Ambustus. In secundo interregno orta contentio est, quòd duo patricii consules creabantur: intercedentibusque tribunis, interrex Fabius aiebat, *in duodecim tabulis legem esse, ut, quodcunq̃ue postremum populus jussisset, id jus ratumque esset: jussum populi & suffragia esse.* Quum intercedendo tribuni nihil aliud, quàm ut differrent comitia, valuissent; duo patricii consules creati sunt, C. Sulpicius Pæticus tertium, M. Valerius Publicola: eodemque die magistratum iniierunt.

XVIII. Quadringentesimo anno, quàm urbs Romana condita erat, quinto tricesimo, quàm à Gallis recuperata, ablato post undecimum annum à plebe consularatu, patricii consules ambo ex interregno magistratum iniere, C. Sulpicius Pæticus tertium, M. Valerius Publicola. Empulum eo anno ex Tiburtibus haud memorando certamine captum; sive duorum consulum auspicio bellum ibi gestum est, ut scripsere quidam; seu per idem tempus Tarquinienstem quoque sunt vastati agri ab Sulpicio consule, quo Valerius adversus Tiburtes legiones duxit. Domi majus certamen consulibus cum plebe ac tribunis erat. Fidei jam suæ, non solam virtutis, ducebant esse, ut accepissent duo patricii

tricii consulatum, ita ambobus patriciis mandare. quin aut toto cedendum esse, si plebeius jam magistratus consulatus fiat, aut totum possidendum, quam possessionem integram à Patribus acceperant. Plebes contrà fremit: *Quid se vivere, quid in parte civium censerit: si, quod duorum hominum virtute, L. Sextii ac C. Licinii, partum sit, id obtinere universi non possint? Vel reges, vel decem viros, vel, si quod tristius sit imperii nomen, patiendum esse potius, quàm ambos patricos consules videant, nec in vicem pareatur atque imperetur; sed pars altera, in aeterno imperio locata, plebem nusquam aliò natam, quàm ad serviendum, putet.* Non desunt tribuni auctores turbarum; sed inter concitatos per se omnes vix duces eminent. Aliquoties frustra in campum descensum quum esset, multique per seditiones acti comitiales dies; postremò victæ perseverantiâ consulum plebis eò dolor erupit, ut tribunos, actum esse de libertate vociferantes, relinquendumque non campum jam solum, sed etiam urbem captam atque oppressam regno patriciorum, mœsta plebs sequeretur. Consules, relictî à parte populi, per infrequentiam comitia nihilo segniùs perficiunt. creati consules ambo patricii, M. Fabius Ambustus tertium, T. Quinctius. In quibusdam annalibus pro T. Quinctio M. Popillium consulem invenio.

XIX. Duo bella eo anno prospere gesta. cum Tiburtibusque ad deditionem pugnatum. Saffula ex his urbs capta: ceteraque oppida eandem fortunam habuissent, ni universa gens, positis armis, in fidem consulis venisset. Triumphatum de Tiburtibus: alioquin mitis victoria fuit. In Tarquinienses acerbè sævitum, multis mortalibus in acie cæsis. ex ingenti captivorum numero trecenti quinquaginta octo delecti, nobilissimus quisque, qui Romam mitterentur: vulgus aliud trucidatum. Nec populus in eos, qui missi Romam erant, mitior fuit. medio in foro omnes virgis cæsi ac securi percussi, id pro immolatis in foro Tarquiniensium Ro-

manis pœnz hostibus redditum. Res bello bene gestæ, ut Samnites quoque amicitiam peterent, effecerunt. Legatis eorum comiter ab senatu responsum : fœdere in societatem accepti. Non eadem domi, quæ militiæ, fortuna erat plebi Romanæ. nam etsi, unciario fœnore facto, levata usura erat, sorte ipsâ obruebantur inopes, nexumque inibant. eo nec patricios ambo consules, neque comitiorum turam, publicæve studia præ privatis incommodis plebs ad animum admittebat. Consulatus uterque apud patricios manet. Consules creati C. Sulpicius Pæticus quartum, M. Valerius Publicola iterum. In bellum Etruscum intentam civitatem, quia Cæritem populum misericordiâ consanguinitatis Tarquiniensibus adjunctum fama ferebat, legati Latini ad Volscos convertere, nunciantes, exercitum conscriptum armatumque jam suis finibus imminere : inde populabundos in agrum Romanum venturos esse. Censuit igitur senatus, neutram negligendam rem esse : utrôque legiones scribi, consulesque fortiri provincias jussit. Inclinauit deinde pars major curæ in Etruscum bellum ; postquam literis Sulpicii consulis, cui Tarquinii provincia evenerat, cognitum est, depopulatum agrum circa Romanas Salinas, prædæque partem in Cæritem fines avertam, & haud dubiè juventutem ejus populi inter prædatores fuisse. Itaque Valerium consulem, Volscis oppositum, castraque ad finem Tusculanum habentem, revocatum inde senatus dictatorem dicere jussit. T. Manlium L. filium dixit. Is, quum sibi magistrum equitum A. Cornelium Cossam dixisset, consulari exercitu contentus, ex auctoritate Patrum ac populi jussu Cæritibus bellum indixit.

XX. Tam primum Cærites, tanquam in verbis hostium vis major ad bellum significandum, quàm in suis factis, qui per populationem Romanos lacefferant, esset, verus belli terror invasit : &, quàm non suarum virum ea dimicatio esset, cernebant. Pœnitebatque popula-

populationis, & Tarquinienſes exſecrabantur defeſſionis auctores. nec arma, aut bellum quiſquam appa-  
re, ſed pro ſe quiſque legatos mitti jubebat ad peten-  
dam erroris veniam. Legati ſenatum quum adſſent,  
ab ſenatu rejeſti ad populum, Deos rogaverunt, quo-  
rum ſacra bello Gallico accepta ritè procuràſſent, ut  
Romanos florentes ea ſui miſericordia caperet, quæ ſe  
rebus affectis quondam populi Romani cepiſſet; con-  
verſique ad delubra Veſtæ, hoſpitiū flaminum Veſta-  
liumque ab ſe caſtè ac religioſè cultum invocabant.  
*Eane meritos, crederet quiſquam, hoſtes repente ſine cauſa fa-  
ctos? aut, ſi quid hoſtiliter feciſſent, conſilio id magis, quàm  
furore lapſos, feciſſe, ut ſua vetera beneficia, locata præſer-  
tim apud tam gratos, novis corrumpere maleficiis? floren-  
temque populum Romanum ac feliciffimum bello ſibi deſume-  
rent hoſtem, cujus afflicti amicitiam cepiſſent? ne appellarent  
conſilium, quæ vis ac neceſſitas appellanda eſſet. Tranſeuntes  
agmine infeſto per agrum ſuum Tarquinienſes, quum præter  
viam nihil petiſſent, traxiſſe quosdam agreſtium, populationis  
ejus, quæ ſibi crimini datur, comites. Eos, ſeu dedi placeat,  
dedere ſe paratos eſſe; ſeu ſupplicio affici, daturus pœnas.  
Cære, ſacrarium populi Romani, deverſorium ſacerdotum, ac  
receptaculum Romanorum ſacrorum, intactum inviolatumque  
crimine belli, hoſpitio Veſtaliū cultiſque Diis darent. Mo-  
vit populum non tam cauſa præſens, quàm vetus me-  
ritum, ut maleficii, quàm beneficii, potiùs immemores  
eſſent. Itaque pax populò Cæriti data, induciasque in  
centum annos factas in ſenatuſconſultum referri pla-  
cuit. In Falifcos, eodem noxios crimine vis belli con-  
verſa eſt: ſed hoſtes nuſquam inventi. Quum popu-  
latione peragrati fines eſſent, ab oppugnatione urbium  
temperatum: legionibuſque Romam reductis, reliquum  
anni muris turribuſque reſcindiſ conſumptum, &  
ædes Apollinis dedicata eſt.*

XXI. Extremp anno comitia conſulària certamen  
patrum ac plèbis diremit, tribunis negantibus paſſuros.



comitia haberi, ni secundum Liciniam legem haberentur; dictatore obstinato tollere potius totum è republica consulatum, quàm promiscuum Patribus ac plebi facere. Prolatandis igitur comitiis quum dictator magistratu abisset, res ad interregnum rediit. In festam inde Patribus plebem interreges quum accepissent, ad undecimum interregem seditionibus certatum est. Legis Liciniae patrocinium tribuni iactabant. Propior dolor plebi fœnoris ingravescentis erat: curæque privatæ in certaminibus publicis erumpebant. Quorum tædio Patres L. Cornelium Scipionem interregem concordiae causâ observare legem Liciniam comitiis consularibus iussere. P. Valerio Publicolæ datus è plebe collega C. Marcius Rutilus. Inclinatorum semel in concordiam animis, novi consules, fœnebrem quoque rem, quæ distingere unanimes videbatur, levare aggressi, solutionem alieni æris in publicam curam verterunt; quinqueviris creatis, quos mensarios ab dispensatione pecuniæ appellârunt. Meriti æquitate curæque suæ, ut per omnium annalium monumenta celebres nominibus essent. Fuere autem C. Duilius, P. Decius Mus, M. Papirius, Q. Publilius, & Ti. Æmilius: qui rem, difficillimam tractatu, & plerumque parti utrique, semper certè alteri, gravem, quàm aliâ moderatione, tum impendio magis publico, quàm iacturâ, sustinuerunt. tarda enim nomina, & impeditiora inertia debitorum, quàm facultatibus, aut ærarium, mensis cum ære in foro positus, dissolvit, ut populo prius caveretur; aut æstimatio æquis rerum pretiis liberavit: ut non modò sine injuria, sed etiam sine querimoniis partis utriusque, exhausta vis ingens æris alieni sit. Terror inde vanus belli Etrusci, quum conjurâsse duodecim populos fama esset, dictatorem dici coëgit. dictus in castris (eò enim ad consules missum senatusconsultum est) C. Julius, cui magister equitum adjectus L. Æmilius. Ceterum foris tranquilla omnia fuere.

XXII. Tentatum domi per dictatorem, ut ambo patricii consules crearentur, rem ad interregnum perduxit. duo interreges C. Sulpicius & M. Fabius interpositi obtinere, quod dictator frustra tetenderat, mitiore jam plebe ob recens meritum levati æris alieni, ut ambo patricii consules crearentur. Creati ipse C. Sulpicius Patricus, qui prior interregno abiit, & T. Quintius Pennus. quidam Kæsonem, alii Caium nomen Quintio adjiciunt. Ad bellum ambo profecti, Faliscum Quintius, Sulpicius Tarquinienſe, nusquam acie congresso hoste, cum agris magis, quàm cum hominibus, urendo populandoque gesserunt bella: cujus lentæ velut tabis senio victa utriusque pertinacia populi est, ut primum à consulibus, dein permissu eorum ab senatu inducias peterent. in quadraginta annos impetraverunt. Ita, posita duorum bellorum, quæ imminebant, curâ, dum aliqua ab armis quies esset, quia solutio æris alieni multarum rerum mutaverat dominos, censum agi placuit. ceterum quum censoribus creandis indicta comitia essent, professus censuram se petere C. Marcius Rutilus, qui primus dictator de plebe fuerat, concordiam ordinum turbavit. quod videbatur quidem tempore alieno fecisse; quia ambo tum fortè patricii consules erant, qui rationem ejus se habituros negabant. Sed & ipse constantiâ inceptum obtinuit, & tribuni, omni vi recuperando jus consularibus comitiis amissum, adjuverunt; & quum ipsius viri majestas nullius honoris fastigium non æquabat, tum per eundem, qui ad dictaturam aperuisset viam, censuram quoque in partem vocari plebes volebat. Nec variatum comitiis est, quicquid cum Manlio Cnæo censor Marcius crearetur. Dictatorem quoque hic annus habuit M. Fabium, nullo terrore belli, sed ne Licinia lex comitiis consularibus observaretur. Magister equitum dictatori additus Q. Servilius. nec tamen dictatura potentiorum eum consensum

sum Patrum consularibus comitiis fecit, quàm censóriis fuerat.

XXIII. M. Popillius Lænas à plebe consul, à Patribus L. Cornelius Scipio datus. Fortuna quoque illustriorem plebeium consulem fecit. Nam quum ingentem Gallorum exercitum in agro Latino castra posuisse nunciatum esset; Scipione gravi morbo implicito, Gallicum bellum Popillio extra ordinem datum. Is, impigre exercitu scripto, quum omnes extra portam Capenam ad Martis ædem convenire armatos juniores jussisset, signaque eodem quæstores ex ærario deferre, quatuor expletis legionibus, quod superfuit militum, P. Valerio Publicolæ prætori tradidit; auctor Patribus scribendi alterius exercitus, quod ad incertos belli eventus subsidium reipublicæ esset. Ipse, jam satis omnibus instructis comparatisque, ad hostem pergit: cuius ut prius nosceret vires, quàm periculo ultimo tentaret; in tumulo, quem proximum castris Gallorum capere potuit, vallum ducere cœpit. Gens ferox & ingenii avidi ad pugnam, quum, procul visis Romanorum signis, ut extemplo prælium initura, explicuisset aciem; postquam neque in æquum demitti agmen vidit, & quum loci altitudine, tum vallo etiam integri Romanos, perculsos pavore rata, simul opportuniore, quod intenti tum maximè operi essent, truci clamore aggreditur. Ab Romanis nec opus intermissum, (tribarii erant, qui muniebant) & ab hastatis principibusque, qui pro munitioribus intenti armatique steterant, prælium initum. Præter virtutem locus quoque superior adjuvit, ut pila omnia hastæque non, tanquam ex æquo missa, vana (quod plerumque fit) caderent, sed omnia librata ponderibus figerentur; oneratique telis Galli, quibus aut corpora transfixa, aut prægravata inhærentibus gerebant scuta, quum cursu penè in adversum subissent, primo incerti resistere: dein, quum ipsa cunctatio & his animos minuisset, & auxisset hosti,

impulsi

impulsi retro ruere alii super alios, stragemque inter se cæde ipsâ fœdiorem dare. adeo præcipiti turbâ obtriti plures, quàm ferro necati.

XXIV. Nec dum certa Romanis victoria erat. alia in campum degressis supererat moles. Namque multitudo Gallorum, sensum omnem talis damni exsuperans, velut novâ rursus exoriente acie, integrum militem adversus victorem hostem ciebat. stetitque suppresso impetu Romanus; & quia iterum fessis subeunda dimicatio erat, & quòd consul, dum inter primores incautus agitat, lævo humero matari propè trajecto, cesserat parumper ex acie. Jamque omissa cunctando victoria erat, quum consul, vulnere alligato, relictus ad prima signa, *Quid stas, miles?* inquit. *Non cum Latino Sabinoque hoste res est, quem victum armis socium ex hoste facias. In belluas strinximus ferrum. hauriendus, aut dandus est sanguis. Propulistis à castris, supinâ valle præcipites egistis, stratis corporibus hostium superstitis. Complete eadem strage campos, quâ montes replèstis. Nolite expectare, dum stantes vos fugiant. inferenda sunt signa, & vadendum in hostem.* His adhortationibus iterum coorti pellunt loco primos manipulos Gallorum; cuneis deinde in medium agmen perrumpunt. Inde barbari dissipati, quibus nec certa imperia, nec duces essent, vertunt impetum in suos; fusique per campos, & præter castra etiam sua fugâ prælati, quod editissimum inter æquales tumulos occurrebat oculis, arcem Albanam petunt. Consul, non ultra castra insecutus, (quia & vulnus degravabat, & subjicere exercitum pugnâ fessam tumultis ab hoste occupatis nolebat) prædâ omni castrorum militi datâ, victorem exercitum, opulentumque Gallicis spoliis, Romam reduxit. Moram triumpho vulnus consulis attulit. eademque causa dictatoris desiderium senatui fecit, ut esset, qui ægris consulibus comitia haberet. Dictator L. Furius Camillus dictus, addito magistro equitum P. Cornelio Scipione, reddi-

dit Patribus possessionem pristinam consulatûs. ipse ob id meritum ingenti Patrum studio creatus consul, collegam Ap. Claudium Crassum dixit.

XXV. Priusquam inirent novi consules magistratum, triumphus à Popillio de Gallis actus magno favore plebis: mustantesque inter se rogitabant, *num quem plebeii consulis pœniteret?* simul dictatorem increpabant, qui legis Liciniæ spretæ mercedem consulatum, privatâ cupiditate, quàm publicâ injuriâ, fœdiorum, cepisset, ut se ipse consulem dictator crearet. Annus multis variisque motibus fuit insignis. Galli ex Albanis montibus, quia hiemis vim pati nequiverant, per campos maritimaque loca vagi populabantur. Mare infestum classibus Græcorum erat, oraque littoris Antiatis, Laurensque tractus, & Tiberis ostia: ut prædones maritimi, cum terrestribus congressi, accipiti semel prælio decertârint, dubiique discesserint in castra Galli, Græci retrò ad naves, victos se, an victores, putarent. Inter hos longè maximus existit terror, concilia populorum Latinorum ad lucum Feroniæ habita: responsumque haud ambiguum imperantibus milites Romanis datum, absterent imperare iis, quorum auxilio egerent. *Latinos pro sua libertate potius, quàm pro alieno imperio, laturos arma.* Inter duo simul bella externa, defectione etiam sociorum senatus anxius, quum cerneret metu tenendos, quos fides non tenuisset, extendere omnes imperii vires consules delectu habendo jussit. civili quippe standum exercitu esse, quando socialis cœtus desereret. Undique, non urbanâ tantum, sed etiam agresti juventute, decem legiones scriptæ dicuntur quaternum millium & ducenorum peditum, equitumque trecenorum. Quem nunc novum exercitum, si qua externa vis ingruat, hæ vires populi Romani, quas vix terrarum capit orbis, contractæ in unum haud facillè efficiant: adeo in quæ laboramus sola crevimus, divitias, luxuriamque. Inter

ter cetera tristitia ejus anni, consul alter Ap. Claudius in ipso belli apparatu moritur: redierantque res ad Camillum; cui unico consuli, vel ob aliam dignationem haud subjiaciendam dictaturæ, vel ob omen faustum ad Gallicum tumultum cognominis, dictatorem arrogari haud satis decorum visum est Patribus. Consul, duabus legionibus urbi præpositis, octo cum L. Pinario prætore divisis, memor paternæ virtutis, Gallicum sibi bellum extra sortem sumit: prætorem maritimam oram tutari, Græcosque arcere littoribus jussit. & quum in agrum Pomptinum descendisset, (quia neque in campis congregi nullâ cogente re volebat, & prohibendo populationibus, quos raptò vivere necessitas cogeret, satis domari credebat hostem) locum idoneum stativis elegit.

XXVI. Ubi quum stationibus quieti tempus tere-  
rent, Gallus processit, magnitudinæ atque armis in-  
signis: quatiensque scutum hastâ, quum silentium fecis-  
set, provocat per interpretem unum ex Romanis, qui  
secum ferro decernat. M. erat Valerius tribunus mili-  
tum, adolescens, qui haud indigniorem eo decore se,  
quàm T. Manium, ratus, prius sciscitatus consulis  
voluntatem, in medium armatus processit. Minus in-  
signe certamen humanum numine interposito Deorum  
factum. namque conferenti jam manu Romano cor-  
vus repenti in galea confedit, in hostem versus: quod  
primò, ut augurium cælo missum, lætus acceperat tribu-  
nus. precatus deinde, *Si divus, si diva esset, qui sibi præ-*  
*petem misisset, volens propitius adesset.* Dictu mirabile,  
tenuit non solum ales captam semel sedem, sed, quo-  
tiescunque certamen initum est, levans se alis, os ocu-  
losque hostis rostro & unguibus appetiit: donec terri-  
tum prodigii talis visu, oculisque simul ac mente tur-  
batum, Valerius obtruncat. corvus è conspectu elatus  
orientem petit. Hactenus quietæ utrinque stationes fu-  
ere. Postquam spoliare corpus cæsi hostis tribunus cep-  
pit,

pit, nec Galli se statione tenuerunt, & Romanorum cursus ad victorem etiam ocior fuit. Ibi, circa jacentis Galli corpus contracto certamine, pugna atrox concitatur. Jam non manipulis proximarum stationum, sed legionibus utrinque effusis res geritur. Camillus lætum militem victoriâ tribuni, lætum tam præsentibus ac secundis Diis, ire in prælium jubet: ostentansque insignem spoliis tribunum, *Hunc imitare, miles*, aiebat; & *circa jacentem ducem sterne Gallorum catervas*. Dii hominesque illi affuere pugnae; depugnatumque haudquam certamine ambiguo cum Gallis est. adeo duorum militum eventum, inter quos pugnatum erat, utraque acies animis perceperat. Inter primos, quorum concursus alios exciverat, atrox prælium fuit: alia multitudo, priusquam ad coniectum teli veniret, terga vertit. Primò per Volscos Falernumque agrum dissipati sunt: inde Apuliam ac mare inferum petierunt. Consul, concione advocatâ, laudatum tribunum decem bubus aureâque coronâ donat. ipse, jussus ab senatu bellum maritimum curare, cum prætore junxit castra. ibi, quia res trahi segnitia Græcorum non committentium se in aciem videbantur, dictatorem comitiorum causâ T. Manlium Torquatum ex auctoritate senatus dixit. Dictator, magistro equitum A. Cornelio Cossò dicto, comitia consularia habuit, æmulumque decoris sui absentem M. Valerium Corvum, (id enim illi deinde cognominis fuit) summo favore populi, tres & viginti natum annos, consulem renunciavit. collega Corvo de plebe M. Popillius Lænas quartum consul futurus datus est. Cum Græcis à Camillo nulla memorabilis gesta res: nec illi terrâ, nec Romanus mari bel-lator erat. Postremò, quum littoribus arcerentur, aquâ etiam præter cetera necessaria usui deficiente, Italiam reliquere. Cujus populi ea, cujusque gentis classis fuerit, nihil certum est. maximè Siciliae fuisse tyrannos crediderim. nam ulterior Græcia, eâ tempestate intestino

Intestino fessa bello, jam Macedonum opes horrebant

XXVII. Exercitibus dimissis, quum & foris pax & domi concordia ordinum otium esset, ne nimis lætæ res essent, pestilentia civitatem adorta coëgit senatum imperare decemviris, ut libros Sibyllinos inspicerent; eorumque monitu lectisternium fuit. Eodem anno Satricum ab Antiatribus colonia deducta, restitutaque urbs, quam Latini diruerant. & cum Karthaginienfibus legatis Romæ fœdus ictum, quum amicitiam ac societatem petentes venissent. Idem otium domi forisque mansit T. Manlio Torquato, C. Plautio consulibus: semunciarium tantum ex unciario fœnus factum, & in pensiones æquas triennii, ita ut quarta præsens esset, solutio æris alieni dispensata est. & sic quoque parte plebis affecta, fides tamen publica privatis difficultatibus potior ad curam senatui fuit. Levatæ maximè res, quia tributo ac delectu superfluum. Tertio anno post Satricum restitutum à Volscis, M. Valerius Corvus, secundum consulem C. Pœtelio factus, quum ex Latio nunciatum esset, legatos ab Antio circumire populos Latinorum ad concitandum bellum; priusquam plus hostium fieret, Volscis arma inferre iussus, ad Satrium exercitu infesto pergit. quò quum Antiates aliique Volsci præparatis jam antè, si quid ab Roma moveretur, copiis occurrissent, nulla mora inter infensos diutino odio dimicandi facta est. Volsci, ferocior ad rebellandum, quàm ad bellandum, gens, certamine victi, fugâ offusâ Satrici mœnia petunt. &, ne in muris quidem satis firmâ spe, quum coronâ militum cincta jam scâlis caperetur urbs, ad quatuor millia militum, præter multitudinem imbellem, sese dedidere. Oppidum dirutum atque incensum: ab æde tantum matris Matutæ abstinuere ignem. Præda omnis militi data. Extra prædam quatuor millia deditorum habita. eos victos consul ante currum triumphans egit: venditis deinde magnam pecuniam in ærarium redegit. Sunt, qui,



qui hanc multitudinem captivam servorum fuisse scribant: idque magis verisimile est, quam deditos veniisse.

XXVIII. Hos consules secuti sunt. M. Fabius Dorso, Ser. Sulpicius Camerinus. Auruncum inde bellum ab repentina populatione. cœptum. metuque, ne id factum populi unius, consilium omnis nominis Latini esset, dictator velut adversus armatum jam Latium L. Varius creatus, magistrum equitum Cn. Manlium Capitolinum dixit. & quum, (quod per magnos tumultus fieri solitum erat) justitio indicto, delectus sine vacationibus habitus esset; legiones, quantum maturari potuit, in Auruncos ductæ. ibi prædonum magis, quam hostium, animi inventi. Primâ itaque acie debellatum est. Dictator tamen, quia & ultro bellum intulerant, & sine detractione se certamini offerebant, Deorum quoque opes adhibendas ratus, inter ipsam dimicationem ædem Junoni Monetæ vovit: cujus damnatus voti quum victor Romam revertisset, dictaturâ se abdicavit. Senatus duumviros ad eam ædem pro amplitudine populi Romani faciendam creari jussit. locus in arce destinatus, quæ area ædium M. Manlii Capitolini fuerat. Consules, dictatoris exercitu ad bellum Volscum usi, Soram ex hostibus, incautos adorti, ceperunt. Anno post, quàm vota erat, ædes Monetæ dedicatur, C. Marcio Rutilo tertium, T. Manlio Torquato secundum consulibus. Prodigium extemplo dedicationem secutum, simile vetusto montis Albani prodigio. namque & lapidibus pluit, & nox interdiu visa. intendi: librisque inspectis, quum plena religione civitas esset, senatui placuit, dictatorem feriarum constituendarum causâ dici. Dictus P. Valerius Publicola. magister equitum ei Q. Fabius Ambustus datus est. Non tribus tantum supplicatum ire placuit, sed finitiis mos etiam populos; ordoque iis, quo quisque die supplicarent, statutus. Judicia eo anno populi tristia in sæneca-

foeneratores facta, quibus ab ædilibus dicta dies esset, traduntur. Et res, haud ullâ insigni ad memoriam causâ, ad interregnum rediit. Ex interregno, ut id actum videri posset, ambo patricii consules creati sunt, M. Valerius Corvus tertium, A. Cornelius Cossus.

XXIX. Majora jam hinc bella, & viribus hostium, & longinquitate vel regionum, vel temporum spatio, quibus bellatum est, dicentur. namque eo anno adversus Samnites, gentem opibus armisque validam, mota arma. Samnitium bellum ancipiti Marte gestum, Pyrrhus hostis, Pyrrhum Pœni secuti. Quanta rerum moles, quoties in extrema periculorum ventum, ut in hanc magnitudinem, quæ vix sustinetur, erigi imperium posset? Belli autem causa cum Samnitibus, Romanis, quum societate amicitiaque juncti essent, extrinsecus venit; non orta inter ipsos est. Samnites Sidicinis injusta arma, quia viribus plus poterant, quum intulissent, coacti inopes ad opulentiorum auxilium confugere, Campanis sese conjungunt. Campani magis nomen ad præsidium sociorum, quam vires, quum attulissent, fluentes luxu ab duratis usu armorum in Sidicino pulsi agro, in se deinde molem omnem belli verterunt. namque Samnites, omissis Sidicinis, ipsam arcem finitimorum Campanos adorti, unde æquè facilis victoria, prædæ atque gloriæ plus esset, Tifata, imminentes Capuæ colles, quum præsidio firmo occupassent, descendunt inde quadrato agmine in planitiem, quæ Capuam Tifataque interjacet. ibi rursus acie dimicatum: adversoque prælio Campani intra mœnia compulsi, quum, robore juventutis suæ acciso, nulla propinqua spes esset, coacti sunt ab Romanis petere auxilium.

XXX. Legati, introducti in senatum, maximè in hanc sententiam locuti sunt: *Populus nos Campanus legatos ad vos, Patres conscripti, misit; amicitiam in perpetuum, auxilium præsens à vobis petitum. quam si secundis rebus nostris*

stis petissemus, sicut capta celerius, ita infirmiore vinculo contracta esset. tunc enim, ut qui ex equo nos venisse in amicitiam meminissemus, amici forsitan pariter ac nunc, subiecti atque obnoxii vobis minùs essemus. nunc, misericordiâ vestrâ conciliati, auxilioque in dubiis rebus defensi, beneficium quoque acceptum colamus, oportet; ne ingrati atque omni ope diviniâ humanâque indigni videamur. Neque, Hercule, quod Samnites priores amici sociique vobis facti sunt, ad id valere arbitror, ne nos in amicitiam accipiamur: sed ut vetustate et gradu honoris nos præsent. neque enim fœdere Samnitium, ne qua nova iungeretis fœdera, cautum est. Fuit quidem apud vos semper satis iusta causa amicitia, velle cum vobis amicum esse, qui vos appeteret. Campani, etsi fortuna præsens magnificè loqui prohibet, non urbis amplitudine, non agri ubertate, ulli populo præterquam vobis cedentes, haud parva (ut arbitror) accessio bonis rebus vestris, in amicitiam venimus vestram. Æquis Volscisque, æternis hostibus huius urbis, quancumque se moverint, ab tergo erimus: et, quod vos pro salute nostra priores feceritis, id nos pro imperio vestro et gloria semper faciemus. Subactis iis gentibus, quæ inter nos vosque sunt, quod propediem futurum spondet et virtus et fortuna vestra, continens imperium usque ad nos habebitis. Acerbum ac miserum est, quod fateri nos fortuna nostra cogit. Ed ventum est, Patres conscripti, ut aut amicorum, aut inimicorum Campani simus. Si defenditis, vestri: si deseritis, Samnitium erimus. Capuam ergo et Campaniam omnem vestris an Samnitium viribus accedere malitis, deliberate. Omnibus quidem, Romani, vestram misericordiam, vestrumque auxilium æquum est patere; iis tamen maximè, qui, eam implorantibus aliis auxilium dum supra vires suas præstant, optines ipsi in hanc necessitatem venerunt. quanquam pugnavimus verbo pro Sidicinis, re pro nobis, quum videremus finitimum populum nefario latrocinio Samnitium peti; et, uti conflagrâssent Sidicini, ad nos trajecturum illud incendium esse. Nec enim nunc, quia dolent injuriam acceptam Samnites, sed quia gaudent oblatam sibi esse causam, oppugnatum nos veni-

unt. *An, si ultio ira hac, et non occasio cupiditatis explenda esset, parum fuit, quod semel in Sidicino agro, iterum in Campama ipsa legiones nostras cecidere? Quae est ista tam infesta ira, quam per duas acies fusus sanguis explere non potuerit? Adde huc populationem agrorum, praedas hominum atque pecudum actas, incendia villarum ac ruinas, omnia ferro ignique vastata. Hiscene ira expleri non potuit? Sed cupiditas explenda est. ea ad oppugnandam Capuam rapit. aut delere urbem pulcherrimam, aut ipsi possidere volunt. Sed vos potius, Romani, beneficio vestro occupate eam, quam illos habere per maleficium sinatis. Non loquor apud recusantem iusta bella populum; sed tamen, si ostenderitis auxilia vestra, ne bello quidem arbitror vobis opus fore. Usque ad nos contemptus Samnitium pervenit, supra non escendit. Itaque umbrâ vestri auxilii, Romani, tegi possumus: quicquid deinde habuerimus, quicquid ipsi fuerimus, vestrum id omne existimaturi. Vobis arabitur ager Campanus, vobis Capua urbs frequentabitur: conditorum, parentum, Deorum immortalium numero nobis eritis. Nulla colonia vestra erit, quae nos obsequio erga vos fideque superet. Anxiete, Patres conscripti, nutum numenque vestrum inuictum Campanis, et jubete sperare, incolumem Capuam futuram. Quâ frequentia omnium generum multitudinis prosequente creditis nos illinc profectos? quàm omnia votorum lacrimarumque plena reliquisse? in qua nunc expectatione senatum populumque Campanum, conjuges liberosque nostros esse? Stare omnem multitudinem ad portas, viam hinc ferentem prospectantes, certum habeo, quid illis nos, Patres conscripti, sollicitis ac pendentibus animi renunciare jubeatis. Alterum responsum salutem, victoriam, lucem, ac libertatem; alterum ominari horreo, quae fecit. Proinde ut aut de vestris futuris sociis atque amicis, aut nusquam ullis futuris nobis consulite.*

XXXI. Summotis deinde legatis, quum consultus senatus esset, etsi magnæ parti urbs maxima opulentissimaque Italiae, uberrimus ager marique propinquus ad varietates annonae horreum populi Romani fore videbatur.

debatur ; tamen tantâ utilitate fides antiquior fuit, responditque ita ex auctoritate senatûs consul : *Auxilio vos, Campani, dignos censet senatus : sed ita vobiscum amicitiam institui par est, ne qua vctustior amicitia ac societas violetur. Samnites nobiscum fœdere juncti sunt. itaque arma, Deos prius, quàm homines, violatura, adversus Samnites vobis negamus. Legatos, sicut fas jusque est, ad socios atque amicos precatum mittemus, ne qua vobis vis fiat. Ad ea princeps legationis (sic enim domo mandatum attulerant) Quandoquidem, inquit, nostra tueri adversus vim atque injuriam justâ vi non vultis ; vestra certè defendetis. Itaque populum Campanum, urbemque Capuam, agros, delubra Deûm, divina humanaque omnia in vestram, Patres conscripti, populique Romani ditionem dedimus ; quicquid deinde patiemur, dediticium vestri passuri. Sub hæc dicta omnes, manus ad consules tendentes, pleni lacrimarum in vestibulo curiæ procubuerunt. Commoti Patres vice fortunarum humanarum, si ille præpotens opibus populus, luxuriâ superbique clarus, à quo paulo antè auxilium finitimi petissent, adeo infractos gereret animos, ut se ipse suaque omnia potestatis alienæ faceret : tum jam fides agi visa, deditos non prodi, nec facturum æqua Samnitium populum censebant, si agrum urbemque, per deditionem factam populi Romani, oppugnarent. Legatos itaque extemplo mitti ad Samnites placuit. data mandata, ut preces Campanorum, responsum senatûs amicitia Samnitium memor, deditionem postremâ factam, Samnitibus exponerent. Petarent pro societate amicitiaque, ut dediticiis suis parcerent : neque in eum agrum, qui populi Romani factus esset, hostilia arma inferrent. Si leniter agendo parum proficerent, denunciarent Samnitibus populi Romani senatûsque verbis, ut Capud urbem Campanoque agro abstinere. Hæc legatis agentibus in concilio Samnitium adeo est ferociter responsum, ut non solum gesturos se esse dicerent id bellum, sed magistratus eorum è curia egressi, stantibus legatis, præfectos*

fectos cohortium vocarent; iisque clarâ voce imperarent, ut prædatum in agrum Campanum extemplo proficiscerentur.

XXXII. Hac legatione Romam relatâ, positis omnium aliarum rerum curis, Patres, fecialibus ad res repetendas missis, belloque, quia non redderentur, solenni more indicto, decreverunt, ut primo quoque tempore de ea re ad populum ferretur: jussuque populi consules ambo cum duobus ab urbe exercitibus profecti, Valerius in Campaniam, Cornelius in Samnium, ille ad montem Gaurum, hic ad Saticulam castra ponunt. Priori Valerio Samnitium legiones (cò namque omnem belli molem inclinaturam censebant) occurrunt. simul in Campanos stimulabat ira, tam promptos nunc ad ferenda, nunc ad arcessenda adversus se auxilia. Ut verò castra Romana viderunt, ferociter pro se quisque signum duces poscere, affirmare, eadem fortunâ Romanum Campano laturum opem, quâ Campanus Sidicino tulerit. Valerius, levibus certaminibus, tentandi hostis causâ, haud ita multos moratus dies, signum pugne proposuit, paucis suos adhortatus: *Ne novum bellum eos novusque hostis terreret. quicquid ab urbe longius proferrent arma, magis magisque in imbelles gentes eos prodire. Ne Sidicinorum Campanorumque cladibus Samnitium aestimarent virtutem. qualescunque inter se certaverint, necesse fuisse alteram partem vinci. Campanos quidem haud dubiè magis nimio luxu fluentibus rebus mollitiâque sua, quàm vi hostium; victos esse. Quid autem esse duo prospera in tot seculis bella Samnitium adversus tot decora populi Romani, qui triumphos penè plures quàm annos ab urbe condita, numeret? qui omnia circa se, Sabinos, Etruriam, Latinos, Hernicos, Æquos, Volcos, Auruncos, domita armis habeat? qui Gallos, tot præliis casos, postremò in mare ac naves fugâ compulerit? Quum gloriâ belli ac virtute sua quemque fretos ire in aciem debere, tum etiam intueri, cujus ductu auspicioque incunda pugna sit. utrùm qui audiendus duntaxat magnificus.*

cas adhortator sit, verbis tantum ferox, operum militarium: expertus; an qui & ipse tela tractare, procedere ante signa, versari media in mole pugna sciat? Facta mea, non dicta, vos, milites, inquit, sequi volo; nec disciplinam modò, sed exemplum etiam, à me petere. Non factionibus modò nec per coitiones usitatas nobilibus, sed hac dextrâ, mihi tres consulatus summamque laudem peperit. Fuit, quum hoc dici poterat: Patricius enim eras, & à liberatoribus patria ortus: & eodem anno familia ista consulatum, quo urbs hac consulem, habuit. Nunc jam nobis Patribus, vobisque plebeiis promissus consulatus patet; nec generis, ut antè, sed virtutis est premium. proinde summum quodque spectate, milites, decus. Non, si mihi novum hoc Corvi cognomen Diis auctoribus homines dedistis, Publicolarum vetustum familia nostra cognomen memoriâ excessit. Semper ego plebem Romanam militis domique, privatus, in magistratibus parvis magnisque, aequè tribunus ac consul, eodem tenore, per omnes deinceps consulatus, colo atque colui. nunc, quod instat, Diis bene juvantibus, novum atque integrum de Samnitibus triumphum mecum petite.

XXXIII. Non aliàs militi familiarior dux fuit, omnia inter infimos militum haud gravatè munia obundo. In ludo præterea militari, quum velocitatis viriumque inter se æquales certamina incunt, comiter facilis vincere ac vinci vultu eodem; nec quenquam aspernari parem, qui se offerret; factis benignus pro re, dictis haud minùs libertatis alienæ, quàm suæ dignitatis, memor: & quo nihil popularius est, quibus artibus petierat magistratus, iisdem gerebat. Itaque universus exercitus, incredibili alacritate adhortationem profecutus ducis, castris egreditur. Proelium, ut quod maximè unquam, pari spe, utrinque æquis viribus, cum fiducia sui, sine contemptu hostium, commissum est. Samnitibus ferociam augebant novæ res gestæ & paucos ante dies geminata victoria: Romanis contra quadringentorum annorum decora, & conditæ urbi æqualis.

qualis victoria. Utrisque tamen novus hostis curam addebat. pugna indicio fuit, quos gesserint animos. namque ita confixerunt, ut aliquandiu in neutram partem inclinarent acies. Tum consul, trepidationem injiciendam ratus, quando vi pelli non poterant, equitibus immixtis turbare prima signa hostium conatur. quos ubi nequicquam tumultuantes in spatio exiguo volvere turmas vidit, nec posse aperire in hostes viam, re-  
vectus ad antesignanos legionum, quum desiluisset ex equo, *Nostrum, inquit, peditum illud, milites, est opus. agitedum, ut me videritis, quacunque incesse- ro in aciem hostium, ferro viam facientem, sic pro se quisque obvios sternite. Illa omnia, quæ nunc erecta micant hasta, patefacta strage vastâ cernetis.* Hæc dicta dederat, quum equites consulis jussu discurrent in cornua, legionibus in mediam aciem aperiunt viam. Primus omnium consul invadit hostem; & cum quo fortè contulit gradum, obtruncat. hoc spectaculo accensi dextrâ levâque, ante se quisque, memorandum prælium cient. Stant obnisi Samnites; quanquam plura accipiunt, quàm inferunt, vulnera. Aliquamdiu jam pugnatum erat: atrox cædes circa signa Samnitium, fuga ab nulladum parte erat. adeo morte solâ vinci destinaverant animis. Itaque Romani, quum & fluere jam lassitudine vires sentirent, & dici haud multum superesset, accensi irâ concitant se in hostem. Tum primum referri pedem atque inclinari rem in fugam apparuit; tum capi, occidi Samnis nec superfuissent multâ, ni nox victoriam magis, quàm prælium, diremisset. Et Romani fatebantur, nunquam cum pertinaciore hoste confictum: & Samnites, quum quæreretur, quænam prima causa tam obstinatos movisset in fugam, oculos sibi Romanorum ardere visos, aiebant, *vesanosque vultus & furentiâ ora: inde plus, quàm ex alia ulla re, terroris ortum.* quem terrorem non pugne solum eventu, sed nocturnâ profectioe, confessi sunt. Postero die vacuis hostium castris Romanus pos-  
titur;



titur: quò se omnis Campanorum multitudo gratulabunda effudit.

XXXIV. Ceterùm hoc gaudium magnâ propè clade in Samnio fœdatum est. nam ab Saticula profectus Cornelius consul exercitum incautè in saltum, cavâ valle pervium, circâque infessum ab hoste, induxit: nec priùs, quàm recipi tutò signa non poterant, imminentem capiti hostem vidit. Dum id moræ Samnitibus est, quoad totum in vallem infimam demitterent agmen, P. Decius tribunus militum conspicit unum editum in saltu collem, imminentem hostium castris, aditu arduum impedito agmini, expeditis haud difficilem. Itaque consuli territo animi, *Videsne tu, inquit, A. Corneli, cacumen illud supra hostem? Arx illa est spei salutisque nostra, si eam, quam cæci reliquere Samnites, impigre capimus. ne tu mihi plus, quàm unius legionis princeps hastatosque, dederis. cum quibus ubi evasero in summum, perge hinc omni liber metu, teque & exercitum serva. neque enim moveri hostis, subjectus nobis ad omnes ictus, sine sua pernicie poterit. Nos deinde aut fortuna populi Romani, aut nostra virtus expediet.* Collaudatus ab consule, accepto præsidio, vadit occultus per saltum; nec priùs ab hoste est visus, quàm loco, quem petebat, appropinquavit. Inde admiratione paventibus cunctis, quum omnium in se vertisset oculos, & spatium consuli dedit ab subducendum agmen in æquiores locum, & ipse in summo constitit vertice. Samnites, dum huc illuc signa vertunt, utriusque rei amissâ occasione, neque insequi consulem, nisi per eandem vallem, in qua paulo antè subjectum eum telis suis habuerant, possunt; nec erigere agmen in captum super se ab Decio tumultum. Sed quum ira in hos magis, qui fortunam gerendæ rei eripuerant, tum propinquitas loci atque ipsa paucitas incitat: & nunc circumdare undique collem armatis volunt, ut à consule Decium intercludant; nunc viam patefacere, ut degressos in vallem adoriantur. incertos quid

quid agerent, nox oppressit. Decium primum spes tenuit, cum subeuntibus in adversum collem ex superiore loco se pugnaturum: deinde admiratio incessit, quod nec pugnam inirent, nec, si ab eo consilio iniquitate loci deterrentur, opere se valloque circumdarent. Tum centurionibus ad se vocatis, *Quenam illa inscitia belli ac pigritia est? aut quonam modo isti ex Sidicinis Campanisque victoriam pepererunt? huc atque illuc signa moveri, ac modò in unum conferri, modò educi videtis. opus quidem incipit nemo, quum jam circumdati vallo potuerimus esse. tum verò nos similes istorum simus, si diutius hic moremur, quàm commodum sit. Agitedum, ite mecum; ut, dum lucis aliquid superest, quibus locis prasidia ponant, quâ pateat hinc exitus, exploremus.* Hæc omnia sagulo gregali amictus, centurionibus item manipularium militum habitu ductis, ne ducem circumire hostes notarent, perlustravit.

XXXV. Vigiliis deinde dispositis, ceteris omnibus tesseram dari jubet: ubi secunda vigilia buccinâ datum signum esset, armati cum silentio ad se convenirent. quò ubi, sicut edictum erat, taciti convenissent, *Hoc silentium, milites, inquit, omisso militari assensu, in me audiendo servandum est. ubi sententiam meam vobis peregero, tum, quibus eadem placebunt, in dextram partem taciti transibitis: quæ pars major erit, eo stabitur consilio. nunc, quæ mente agitem, audite. Non fugâ delatos, nec inertia relictos hinc vos circumvenit hostis. virtute cepistis locum; virtute hinc, oportet, evadatis. Veniendo huc exercitum egregium populi Romani servastis; erumpendo hinc, vosmet ipsos servate. digni estis, qui pauci pluribus opem tuleritis, ipsi nullius auxilio e-gueritis. Cum eo hoste res est, qui hesterno die delendi omnis exercitus fortunâ per socordiam usus non sit; hunc tam opportu-num collem imminuentem capiti suo non antè viderit, quàm captum à nobis; nos tam paucos tot ipsi millibus hominum nec ascensu arcuerint; nec tenentes locum, quum diei tantum super-esset, vallo circumdaderint: quem videntem ac vigilantem se-celuseritis, sopitum, oportet, fullatis; immo necesse est.* *La*

eo enim loco res sunt nostræ, ut vobis ego magis necessitatis vestra index, quàm consilii auctor; sim. neque enim maneat, an abeat hinc, deliberari potest; quum, præter arma et animos armorum memores, nihil vobis fortuna reliqui fecerit, fameque et siti moriendum sit, si plus, quàm viros ac Romanos decet, ferrum timeamus. Ergo una est salus erumpere hinc atque abire. id aut interdiu aut nocte faciamus, oportet. Ecce autem aliud minùs dubium. quippe si lux expectetur, quæ spes est, non vallo perpetuo fossaque nos septurum hostem? qui nunc corporibus suis subiectis undique cinxerit, ut videtis, collem. Atqui, si nox opportuna est eruptioni, sicut est, hæc profectò noctis aptissima hora est. Signo secunda vigilie convenistis, quod tempus mortales somno altissimo premit. per corpora sopita vadetis; vel silentio incautos fallentes, vel sentientibus clamore subito pavorem injecturi. Me modò sequimini, quem secuti estis. ego eandem, quæ duxit huc, sequar fortunam. Quibus hæc salutaria videntur, agitedum, in dextram partem pedibus transite.

XXXVI. Omnes transierunt, vadentemque per intermissa custodiis loca Decium secuti sunt. Jam evaserant media castra, quum supercandens vigilum strata somno corpora miles offenso scuto præbuit sonitum. quo excitatus vigil quum proximum movisset, erectique alios concitarent, ignari cives an hostes essent, præsidium erumperet, an consul castra cepisset: Decius, quum non fallerent, clamorem tollere jussis militibus, torpidos somno insuper pavore exanimat; quo præpediti, nec arma impigre capere, nec obistere, nec insequi poterant. Inter trepidationem tumultumque Sannitium, præsidium Romanum, obviis custodibus cæsis, ad castra consulis pervadit. Aliquantum supererat noctis, jamque in tuto videbantur esse; quum Decius, *Masti virtute*, inquit, *militēs Romani, este. vestrum iter ac reditum omnia secula laudibus ferent. Sed ad conspiciendam tantam virtutem luce ac die opus est. nec vos digni estis, quos cum tanta gloria in castra reduces silentium ac nox tegat.*

*hic lucem quieti opperiamur.* Dictis obtemperatum. atque urbi primum illuxit, præmisso nuncio ad consulem in castra, ingenti gaudio concitantur: & tesserà datà, incolumes reverti, qui sua corpora pro salute omnium haud dubio periculo objecissent, pro se quisque obviam effusi laudant, gratulantur, singulos universosque servatores suos vocant: Diis laudes gratesque agunt, Decium in cælum ferunt. Hic Decii castrensis triumphus fuit, incedentis per media castra cum armato præsidio, conjectis in eum omnium oculis, & omni honore tribunum consuli æquantibus. Ubi ad prætorium ventum est, consul classico ad concionem convocat: orsusque meritis Decii laudes, interfante ipso Decio, distulit concionem: qui auctor omnia posthabendi, dum occasio in manibus esset, perpulit consulem, ut hostes, & nocturno pavore attonitos, & circa collem castellatim dissipatos, aggrederetur: credere etiam aliquos, ad se sequendum emissos, per saltum vagari. Jussæ legiones arma capere: egressæque castris, quum per exploratores notior jam saltus esset, viâ patientiore ad hostem ducuntur. quem incautum improvisò adortæ, quum palati passim Samnitium milites, plerique inermes, nec coire in unum, nec arma capere, nec recipere intra vallum se possent, paventem primum in castra compellunt: deinde castra ipsa, turbatis stationibus, capiunt. Perfertur circa collem clamor; fugatque ex suis quemque præsidiis. ita magna pars absenti hosti cessit. quos intra vallum egerat pavor, (fuere autem ad triginta millia) omnes cæsi; castra direpta.

XXXVII. Ita rebus gestis, consul, advocatà concione, P. Decii non coeptas solum antè, sed cumulas novâ virtute laudes peragit: & præter militaria alia dona, aureâ coronâ eum & centum bubus, eximioque uno albo opimo auratis cornibus, donat. Milites, qui in præsidio simul fuerant, duplici frumento in perpetuum, in præsentia singulis bubus binisque privis tuni-

niciis donati. Secundum consulis donationem legiones gramineam coronam obsidionalem, clamore donum approbantes, Decio imponunt. altera corona, ejusdem honoris index, a presidio suo imposita est. His decoratus insignibus bovem eximium Marti immolavit; centum boves militibus dono dedit, qui secum in expeditione fuerant. iisdem militibus legiones libras faris & sextarios vini contulerunt: omniaque ea ingenti alacritate per clamorem militarem, indicem omnium assensus, gerebantur. Tertia pugna ad Sueffulam commissa est: quâ fugatus à M. Valerio Samnitium exercitus, omni robore juventutis domo accito, certamine ultimo fortunam experiri statuit. Ab Sueffula nuntii trepidi Capuam; inde equites citati ad Valerium consulem, opem oratum, veniunt. Confestim signa mota: relictisque impedimentis castrorum valido presidio, raptim agitur agmen: nec procul ab hoste locum perexiguum (ut quibus, præter equos, ceterorum jumentorum calorumque turba abesset) castris cepit. Samnitium exercitus, velut haud ulla mora pugnae futura esset, aciem instruit: deinde, postquam nemo obvius ibat, infestis signis ad castra hostium succedit. ibi ut militem in vallo vidit, missique ab omni parte exploratum, quàm in exiguum orbem contracta castra essent, paucitatem inde hostium colligentes, retulerunt; fremere omnis acies, complectas esse fossas scindendumque vallum, & in castra irrumpendum. transactumque eâ temeritate bellum foret, ni duces continuissent impetum militum. Ceterum, quia multitudo sua comœatibus gravis, & prius sedendo ad Sueffulam, & tum certaminis morâ, haud procul ab rerum omnium inopia esset; placuit, dum inclusus paveret hostis, frumentatum per agros militem duci. interim & Romano, qui expeditus, quantum humeris inter arma geri posset frumenti, secum attulisset, defutura omnia. Consul palatos per agros quum vidisset hostes, statio-

stationes infrequentes relictas, paucis milites adhortatus, ad castra oppugnanda ducit. quæ quum primo clamore atque impetu cepisset, pluribus hostium in tentoriis suis, quàm in portis valloque, cæsis, signa captiva in unum locum conferri iussit; relictisque quibus legionibus custodiæ & præsidii causâ, gravi edicto monitis, ut, donec ipse revertisset, prædâ abstinere; profectus agmine instructo, quum præmissus eques velût indagine dissipatos Samnites ageret, cædem ingentem fecit. nam nequæ quo signo coirent inter se, neque, utrùm castra peterent, an longiorem intenderent fugam, territis constare poterat. Tantumque fugæ ac formidinis fuit, ut ad quadraginta millia scutorum, nequaquam tot cæsis, & signa militaria cum iis, quæ in castris capta erant, ad centum septuaginta ad consulem deferrentur. Tum in castra hostium reditum: ibique omnis præda militi data.

XXXVIII. Hujus certaminis fortuna & Faliscos, quum in induciis essent, fœdus petere ab senatu cœgit; & Latinos, jam exercitibus comparatis, ab Romano in Pelignum vertit bellum. Neque ita rei gestæ fama Italiæ se finibus tenuit: sed Karthaginienfes quoque legatos gratulatum Romam misere cum coronæ aureæ dono, quæ in Capitolio in Jovis cella poneretur. fuit pondo viginti quinque. Consules ambo de Samnitibus triumpharunt, sequente Decio insigni cum laude donisque: quum incondito militari joco haud minus tribuni celebre nomen, quàm consulum, esset. Campanorum deinde Sueſſanorumque auditæ legationes: precantibusque datum, ut præsidium eò in hiberna mitteretur, quo Samnitium excursions arcerentur. Jam tum minimè salubris militari disciplinæ Capua instrumentum omnium voluptatum delenitos militum animos avertit à memoria patriæ: inibanturque consilia in hibernis eodem scelere adimendæ Campanis Capuæ, per quod illi eam antiquis cultoribus ademissent: neque

*immeritò suum ipsorum exemplum in eos versurum. Cui autem potius Campani agrum Italia uberrimum, dignam agro urbem, qui nec se nec sua tutari possint, quam victor exercitus haberet, qui suo sudore ac sanguine inde Samnites depulisset? An equum esse, dediticios suos illà fertilitate atque amœnitate perfrui; se militando fessos, in pestilenti atque arido circa urbem solo luctari, aut in urbe infidentem tabem crescentis in dies fœnoris pati? Hæc agitata occultis conjurationibus, nec dum vulgata in omnes consilia, invenit novus consul C. Marcius Rutilus, cui Campania sorte provincia evenerat, Q. Servilio collegâ ad urbem relicto. Itaque quum omnia ea, sicut gesta erant, per tribunos comperta haberet, & ætate & usu doctus (quippe qui jam quartum consul esset, dictatorque & censor fuisset) optimum ratus, differendo spem, quandoque vellent, consilii exsequendi, militarem impetum frustrari; rumorem dissipat, in iisdem oppidis & anno post præsidia hibernatura. divisa enim erant per Campaniæ urbes, manaverantque à Capua consilia in exercitum omnem. Eo laxamento cogitationibus dato, quievit in præsentia seditio.*

XXXIX. Consul, educto in æstiva milite, dum quietos Samnites habebat, exercitum purgare missionibus turbulentorum hominum instituit, aliis emerita dicendo stipendia esse, alios graves jam ætate, aut viribus parum validos. quidam in commeatus mittebantur, singuli primò, deinde & cohortes quædam, quia procul ab domo ac rebus suis hibernassent. Per speciem etiam militarium usuum, quum alii aliò mitterentur, magna pars ablegati. quam multitudinem consul alter Romæ prætorque, alias ex aliis fingendo moras, retinebat. Et primò quidem, ignari ludificationis, minime invitì domos revisebant. postquam neque reverti ad signa primos, nec ferme alium, quam qui in Campania hibernassent, præcipueque ex iis seditionis auctores mitti viderunt; primùm admiratio, deinde haud dubius

dubius timor incessit animos, consilia sua emanasse : *jam quæstiones, jam indicia, jam occulta singulorum supplicia, impotensque & crudele consulum ac Patrum in se regnum passuros.* Hæc, qui in castris erant, occultis sermonibus ferunt, nervos conjurationis ejectos arte consulis cernentes. Cohors una, quum haud procul Anxure esset, ad Lautulas saltu angusto inter mare ac montes confedit, ad excipiendos, quos consul aliis atque aliis (ut antè dictum est) causis mittebat. Jam valida admodum numero manus erat ; nec quicquam ad justî exercitûs formam, præter ducem, decrat. incompositi itaque prædantes in agrum Albanum perveniunt, & sub jugo Albæ Longæ castra vallo cingunt. Perfecto inde opere, reliquum dici de imperatore sumendo sententiis decertant, nulli ex præsentibus satis fidentes. *Quem autem ab Roma posse exciri ? quem Patrum aut plebis esse, qui aut se tanto periculo sciens offerat, aut cui ex injuria insanientis exercitûs causa rectè committatur ?* Postero die, quum eadem deliberatio teneret, ex prædatoribus vagis quidam compertum attulerunt, T. Quinctium in Tusculano agrum colere, urbis honorumque immemorem. Patriciæ hic vir gentis erat : cui quum militiæ, magnæ tum gloria actæ, finem pes alter ex vulnere claudus fecisset, ruri agere vitam procul ambitione ac foro constituit. Nomine audito, extemplo agnovere virum : & quod bene verteret, acciri jusserunt. Sed parum spei erat, voluntate quicquam facturum. vim adhiberi ac metum placuit. Itaque silentio noctis quum tectum villæ, qui ad id missi erant, intrassent ; somno gravem Quinctium oppressum, nihil medium, aut imperium atque honorem, aut, ubi resistaret, mortem, ni sequeretur, denunciantes, in castra pertraxerunt. Imperator extemplo adveniens appellatus : insigniaque honoris exterrito subitæ rei miraculo deferunt, & ad urbem ducere jubent. Suo magis inde impetu, quàm consilio ducti, convulsis signis, infesto agmine ad lapidem octa-



vum viæ, quæ nunc Appia est, perveniunt: issentque confestim ad urbem, ni venire contrà exercitum distatoremque adversus se M. Valerium Corvum dictum audissent, & magistrum equitum L. Æmilium Mamercinum.

XL. Ubi primum in conspectum ventum est, arma signaque agnovere; extemplo omnibus memoria patriæ iras permulsit. nondum erant tam fortes ad sanguinem civilem, nec, præter externa, noverant bella: ultimaque rabies secessio ab suis habebatur. itaque jam duces, jam milites utrinque, congressus querere ad colloquia. Quinctius, quem armorum etiam pro patria satietas teneret, nedum adversus patriam; Corvus, omnes caritate cives, præcipuè milites, & ante alios suum exercitum, complexus, ad colloquium processit. Cognito ei extemplo haud minor ab adversariis verecundia, quàm ab suis silentium, datum: *Deos*, inquit, *immortales, milites, vestros publicos, meosque, ab urbe proficiscens ita adoravi, veniamque supplex poposci, ut mihi de vobis concordia parte gloriam, non victoriam, darent. Satis fuit eritque, unde belli decus pariat: hinc pax petenda est. Quod Deos immortales inter nuncupanda vota expoposci, ejus me compotem voti vos facere potestis; si meminisse vultis, non vos in Samnio, nec in Volscis, sed in Romano solo castra habere: si illos colles, quos cernitis, patriæ vestra esse, si hunc exercitum civium vestrorum: si me consulem vestrum, cujus ductu auspicioque priore anno bis legiones Samnitium fudistis, bis castra vi cepistis. Ego sum M. Valerius Corvus, milites, cujus vos nobilitatem beneficiis erga vos, non injuriis, sensistis; nullius superba in vos legis, nullius crudelis senatusconsulti auctor; in omnibus meis imperiis in me severior, quàm in vos. Ac si cui genus, si cui sua virtus, si cui etiam majestas, si cui bonos subdere spiritus potuerunt; iis etiam natus, id specimen mei dederam, eadem ætate consulatum adeptus eram, ut potuerim, tres & viginti annos natus, consul Patribus quoque ferox esse, non solum ple-*

hi. Quod meum factum dictumve consulis gravius, quam tribuni, audistis? eodem tenore duo insequentes consulatus gessi; eodem hac imperiosa dictatura geretur: ut neque in hos meos & patria mea milites mitiar, quam in vos, horreo dicere, hostes. Ergo vos prius in me strinxeritis ferrum, quam in vos ego. istinc signa canent, istinc clamor prius incipiet atque impetus, si dimicandum est. Inducite in animum, quod non induxerunt patres avique vestri; non illi, qui in Sacrum montem secesserunt; non hi, qui postea Aventinum insederunt. Expectate, dum vobis singulis, ut olim Coriolano, matres conjugisque criminibus passis obvia ab urbe veniant. Tum Volsorum legiones, quia Romanum habebant ducem, quieverunt: vos, Romanus exercitus, ne destiteritis impio bello? T. Quinti, quocunque istic loco, seu volens, seu invitus, consististi, si dimicandum erit, tum tu in novissimos te recipito: fugeris etiam honestius, tergumque civi dederis, quam pugnaveris contra patriam. Nunc ad pacificandum bene atque honeste inter primos stabis, & colloqui hujus salutaris interpretes fueris. Postulate aqua, & ferte: quanquam vel iniquis standum est potius, quam impias inter nos conservamus manus. T. Quintius plenus lacrimarum, ad suos versus, Me quoque, inquit, milites, si quis usus mei est, meliorem pacis, quam belli, habetis ducem. Non enim illa modò Volsus aut Samnis, sed Romanus, verba fecit; vester consul, vester imperator, milites: cujus auspicia pro vobis experti nolite adversus vos velle experiri. Qui pugnarent vobiscum infestius, & alios duces senatus habuit: qui maxime vobis, suis militibus, parceret, cui plurimum vos imperatori vestro crederetis, eum elegit. Pacem, etiam qui vincere possunt, volunt. quid nos velle oportet? quin, omissis ira & spe, fallacibus auctoribus, nos ipsos nostraque omnia cognita permittimus fidei.

XLI. Approbantibus clamore cunctis, T. Quintius, ante signa progressus, in potestate dictatoris milites fore dixit: oravit, ut causam miserorum civium susciperet: susceptamque eadem fide, quâ rempublicam administrare solitus esset, tueretur. Sibi se privatim ni-

*bit cavere : nolle alibi, quàm in innocentia, spem habere. Militibus cavendum, quod apud Patres semel plebi, iterum legionibus cautum sit, ne fraudi secessio esset.* Quintio colaudato, ceteris bonum animum habere jussis, dictator, equo citato ad urbem reiectus, auctoribus Patribus, tulit ad populum in luco Petelino, ne cui militum fraudi secessio esset. Oravit etiam bonâ veniâ Quirites, ne quis eam rem joco seriôve cuiquam exprobraret. Lex quoque sacrata militaris lata est, ac cujus militis scripti nomen, nisi ipso volente, deleteretur. additumque legi, ne quis, ubi tribunus militum fuisset, postea ordinum ductor esset. Id propter P. Salonium postulatum est ab conjuratis ; qui alternis propè annis & tribunus militum, & primus centurio erat, quem nunc primi pili appellant. Huic insensî milites erant, quòd semper adversatus novis consiliis fuisset, & ne particeps eorum esset, qui ab Lautulis fugissent. Itaque quum hoc unum propter Salonium ab senatu non impetraretur ; tum Salonius, obtestatus Patres conscriptos, ne suum honorem pluris, quàm concordiam civitatis, aestimarent, perpulit, ut id quoque ferretur. Æquè impotens postulatum fuit, ut de stipendio equitum (merebant autem triplex eâ tempestate) æra demerentur, quòd adversati conjurationi fuissent.

XLII. Præter hæc invenio apud quosdam, L. Genucium, tribunum plebis, tulisse ad populum, ne fœnerare liceret : item aliis plebiscitis cautum, ne quis eundem magistratum intra decem annos caperet ; neque duos magistratus uno anno gereret ; utique liceret consules ambos plebeios creari. quæ si omnia concessa sunt plebi, apparet, haud parvas vires defectionem habuisse. Aliis annalibus proditum est, neque dictatorem Valerium dictum, sed per consules omnem rem actam : neque, antequam Romam veniretur, sed Romæ, eam multitudinem conjuratorum ad arma conseruatam esse ; nec in T. Quintii villam, sed in ædes

C. Manlii

C. Manlii, nocte impetum factum, eumque à conjuratis comprehensum, ut dux fieret : inde ad quartum lapidem profectos loco munito consedisſe. nec ab ducibus mentionem concordiae ortam ; ſed repentè, quum in aciem armati exercitus proceſſiſſent, ſalutationem factam : & permixtos dextras jungerè, ac complecti inter ſe lacrimantes milites cœpiſſe, coactosque conſules, quum viderent averſos à dimicatione militum animos, retuliſſe ad Patres de concordia reconcilianda. adeo nihil, præterquam ſeditionem fuiſſe, eamque compoſitam, inter antiquos rerum auctores conſtat. Et hujus fama ſeditionis, & ſuſceptum cum Samnitibus grave bellum, aliquot populos ab Romana ſocietate avertit : &, præter Latinorum infidum jam diu ſœdus, Privernates etiam Norbam atque Setiam, finitimas colonias Romanas, incurſione ſubitâ depopulati ſunt.

## LIBER VIII.

## EPI TOME.

HI;&c. **L**ATINI cum Campanis defecerunt, &, miſſis legatis ad ſenatum, conditionem tulerunt, ut, ſi pacem habere vellent, alterum ex Latinis conſulem facerent. VI. Quâ legatione perlata, prætor eorum Annius de Capitolio ita prolapſus eſt, ut exanimaretur. VII. T. Manlius conſul filium, quod contra ediſtum adverſus Latinos, quamvis proſpere, pugnaſſet, ſecuri percuffit. IX. Laborantibus in acie Romanis, P. Decius, tunc conſul cum Manliò, devovit ſe pro exercitu : &, concitato equo quum in medios hoſtes ſe intuliſſet, interfectus morte ſua Romanis victoriam reſtituit. XI. Latini in deditiõnem venerunt. XII. T. Manliò in urbem reverſo nemo ex juventute obvium proceſſit. XV.

*Minucia virgo Vestalis incesti damnata est. XVI. Ausonibus victis, in oppidum ex iis captum Cales colonia deducta est. XXII. Item Fregella colonia deducta sunt. XVIII. Veneficium complurium matronarum deprebensum est: quarum plurimæ statim epotis medicaminibus perierunt. Lex de veneficio tunc primum constituta est. XIX, XX, XXI. Privernatibus, quum rebellassent, victis civitas data est. XXV. Palapolitani, bello & obsidione victi, in deditionem venerunt. XXVI. Q. Publilio, qui eos obsederat, primò & imperium prolatum, & pro consule decretus triumphus. XXVIII. Plebs nexu liberata est propter L. Papirii creditoris libidinem, qui C. Publilio debitori suo stuprum inferre voluerat. XXX, &c. Quum L. Papirius dictator reversus in urbem ab exercitu esset propter auspicia repetenda, Q. Fabius magister equitum, occasione rei bene gerenda invitatus, contra edictum ejus prospere adversus Samnites pugnavit. Ob eam causam quum dictator de magistro equitum supplicium sumpturus videretur, XXXIII. Fabius Romam profugit: XXXIV, XXXV. &, quum causâ parum proficeret, populi precibus donatus est. XXXVI, &c. Res præterea contra Samnites prospere gestas continet.*

I. **J**AM consules erant C. Plautius secundum, L. Æmilius Mamercinus; quum Setini Norbani-  
que Romam, nuncii defectionis Privernatium, cum querimoniis acceptæ cladis venerunt. Volscorum item exercitum, duce Antiati populo, confedis-  
se ad Satricum, allatum est. utrumque bellum Plautio sorte evenit. Prius ad Privernum profectus extemplo acie  
conflixit. haud magno certamine devicti hostes: oppidum captum redditumque Privernatibus, præsidio  
valido imposito: agri partes duæ ademptæ. Inde victor exercitus Satricum contra Antiates ductus. Ibi  
mag-nâ utrinque cæde atrox prælium fuit: & quum tempestas eos, neutro inclinâtâ spe, dimicantes diremisset,  
Romani, nihil eo certamine tam ambiguo fessi, in pos-  
terum

Secura diem praelium parant. Volscis, recensentibus quos viros in acie amisissent, haudquaquam idem animus ad iterandum periculum fuit. nocte pro victis Antium agmine trepido, faucibus ac parte impedimentorum relictâ, abierunt. Armorum magna vis tum inter caesa corpora hostium, tum in castris inventa est. *Ea Læmæ matri dare se*, consul dixit: finesque hostium usque ad oram maritimam est depopulatus. Alteri consuli Æmilio, ingresso Sabellum agrum, non castra Samnitium, non legiones usquam oppositæ. ferro ignique vastantem agros legati Samnitium pacem orantes adeunt, à quo rejecti ad senatum, potestate fastâ dicendi, positis ferocibus animis, pacem sibi ab Romanis, bellicæque jura adversus Sidicinos petierunt. *qua se eo justius petere, quod & in amicitiam populi Romani secundis suis rebus, non adversis, ut Campani, venissent: & adversus Sidicinos sumerent arma, suos semper hostes, populi Romani nunquam amicos. qui nec, ut Samnites, in pace amicitiam, nec, ut Campani, auxilium in bello petissent, nec in fide populi Romani, nec in ditione essent.*

II. Quum de postulatis Samnitium Ti. Æmilius prætor senatum consulisset, reddendumque his fœdus Patres censuissent, prætor Samnitibus respondit: *Nec, quo minus perpetua cum eis amicitia esset, per populum Romanum stetisse: nec contradici, quin, quoniam ipsos belli culpa sua contracti tædium cepert, amicitia de integro reconcilietur. Quod ad Sidicinos attineat, nihil intercedi, quo minus Samniti populo pacis bellicæque liberum arbitrium sit. Fœdere isto, quum domum revertissent, extemplo inde exercitus Romanus deductus, annuo stipendio & trium mensium frumento accepto; quod pepigerat consul, ut tempus induciis daret, quoad legati redissent. Samnites, copiis iisdem, quibus usi adversus Romanum bellum fuerant, contra Sidicinos profecti, haud in dubia spe erant maturè urbis hostium potiundæ. Tum ab Sidicinis deditio prius ad Romanos cepta fieri est: de-*  
T 6
in,

in, postquam Patres ut feram eam ultimâque tandem necessitate expressam aspernabantur, ad Latinos jam suâ sponte in arma motos facta est. ne Campani quidem (adeo injuriæ Samnitium, quàm beneficii Romanorum, memoria præsentior erat) his se armis abstinere. Ex his tot populis unus ingens exercitus, duce Latino fines Samnitium ingressus, plus populationibus, quàm proeliis, cladium fecit. &, quanquam superiores certaminibus Latini erant, haud inviti, ne sæpius dimicandum foret, agro hostium excessere. Id spatium Samnitibus datum est Romam legatos mittendi. qui quum adissent senatum, conquesti eadem se foederatos pati, quæ hostes essent passi, precibus infimis petiere, *ut satis ducerent Romani victoriam, quam Samnitibus ex Campano Sidicinoque hoste eripuissent : ne vinci etiam se ab ignavissimis populis finerent. Latinos Campanosque, si sub ditione populi Romani essent, pro imperio arcerent. Samniti agro ; sin imperium abnuerent, armis coercerent.* Adversus hæc responsum anceps datum, quia fateri pigebat, in potestate sua Latinos jam non esse, timebantque, ne arguendo abalienarent : *Campanorum aliam conditionem esse, qui non fœdere, sed per deditionem, in fidem venissent ; itaque Campanos, seu velint, seu nolint, quieturos. in fœdere Latino nihil esse, quo bellare, cum quibus ipsi velint, prohibeantur.*

III. Quod responsum sicut dubios Samnites, quidnam facturum Romanum censerent, dimisit, ita Campanos metu abalienavit; Latinos, velut nihil jam non concedentibus Romanis, ferociiores fecit. Itaque, per speciem adversus Samnites belli parandi crebra concilia indicentes, omnibus consultationibus inter se principes occultè Romanum coquebant bellum. huic quoque adversus servatores suos bello Campanus aderat. Sed quanquam omnia de industria celabantur, priusque, quàm moverentur Romani, tolli ab tergo Samnitum hostem volebant; tamen per quosdam, privatim hospitibus

hospitiis necessitudinibusque conjunctos, indicia conjurationis ejus Romam emanarunt. jussisque ante tempus consulibus abdicare se magistratu, quo maturius novi consules adversus tantam molem belli crearentur, religio incessit, ab eis, quorum imminutum imperium esset, comitia haberi. Itaque interregnum initum. duo interreges fuerunt, M. Valerius ac M. Fabius. Creati consules, T. Manlius Torquatus tertium, P. Decius Mus. Eo anno Alexandrum, Epiri regem, in Italiam classem appulisse constat. quod bellum, si prima satis prospera fuissent, haud dubie ad Romanos pervenisset. Eadem ætas rerum Magni Alexandri est: quem, sorore hujus ortum, in alio tractu orbis, invitum bellis juvenem, fortuna morbo exstinxit. Ceterum Romani, etsi defectio sociorum nominisque Latini haud dubia erat; tamen, tanquam de Samnitibus, non de se, curam agerent, decem principes Latinorum Romam evocaverunt, quibus imperarent, quæ vellent. Prætores tum duos Latium habebat, L. Annium Setium & L. Numicium Circejensem, ambo ex coloniis Romanis: per quos, præter Signiam Velitrasque, & ipsas colonias Romanas, Volsci etiam exciti ad arma erant. eos nominatim evocari placuit. Haud cuiquam dubium erat, super qua re accirentur. itaque, concilio prius habito, prætores, quam Romam proficiscerentur, evocatos se ab senatu docent Romano, & quæ actum ibi secum credant, quidnam ad ea responderi placeat, referunt.

IV. Quum aliud alii censerent, tum Annius: *Quamquam ipse ego retuli, quid responderi placeret, tamen magis ad summam rerum nostrarum pertinere arbitror, quid agendum nobis, quam quid loquendum sit. facile erit, explicatis consiliis, accommodare rebus verba. Nam, si etiam nunc sub umbra fœderis equi servitutem pati possumus, quid abest, quin, proditis Sidicinis, non Romanorum solum, sed Samnitium quoque dicto parcamus, respondeamusque Romanis, nos,*

*ubi*



ubi inauerint, posyturos arma? Sin autem tandem libertatis desiderium remordet animos, si fœdus est, si societas equatio juris est, si consanguineos nos Romanorum esse, quod olim pudebat, nunc gloriari licet, si socialis illis exercitus is est, quo adjuncto duplicent vires suas, quem secernere ab se consules bellis propriis ponendis sumendisq̃ue nolint; cur non omnia æquantur? cur non alter ab Latinis consul datur? ubi pars virium, ibi & imperii pars est? Est quidem nobis hoc per se haud nimis amplum, quippe concedentibus, Romam caput Latii esse. sed, ut amplum videri posset, diuturnâ patientiâ fecimus. Atqui, si quando unquam consociandi imperii, usurpanda libertatis tempus optâstis, en hoc tempus adest, & virtute vestrâ, & Deûm benignitate vobis datum. Tentâstis patientiam negando militem. quis dubitat exarsisse eos, quum plus ducentorum annorum morem solueremus? pertulerunt tamen hunc dolorem. Bellum nostro nomine cum Pelignis gessimus. qui ne nostrorum quidem finium nobis per nos tuendorum jus antea dabant, nihil intercesserunt. Sidicinas in fidem receptos, Campanos ab se ad nos descisse, exercitus nos parare aduersus Samnites fœderatos suos audierunt, nec mouerunt se ab urbe. Unde hæc illis tanta modestia, nisi à conscientia virium & nostrarum & suarum? Idoneos auctores habeo, querentibus de nobis Samnitibus ita responsam ab senatu Romano esse, ut facile appareret, ne ipsos quidem iam postulare, ut Latium sub Romano imperio sit. Usurpate modò postulando eo, quod illi vobis taciti concedunt. Si quem hoc metus dicere prohibet, en ego ipse, audiente non populo Romano modò senatuque, sed Ioue ipso, qui Capitolium incolit, profiteor me dicturum; ut, si nos in fœdere ac societate esse velint, consulem alterum ab nobis senatûsque partem accipiant. Hæc ferociter non suadenti solum, sed pollicenti, clamore & assensu omnes permiserunt, ut ageret diceretque, quæ è republiâ nominis Latini fideque sua viderentur.

V. Ubi est Romam ventum, in Capitolio eis senatus datus est: Ibi quum T. Manlius consul egisset cum eis ex auctoritate Patrum, ne Samnitibus fœderatis bel-

lum

lum inferrent; Annius, tanquam victor armis Capitolium cepisset, non legatus, jure gentium tutus, loqueretur, *Tempus erat*, inquit, *T. Manli*, vosque Patres conscripti, tandem jam vos nobiscum nihil pro imperio agere, quum florentissimum Deum benignitate nunc Latium armis virisque, Samnitibus bello victis, Sidicinis Campanisque sociis, nunc etiam Volscis adjunctis, videretis; colonias quoque vestras Latinum Romano pratulisse imperium. Sed quoniam vos, regno impotenti finem ut imponatis, non inducitis in animum; nos, quanquam armis possumus asserere Latium in libertatem, consanguinitati tamen hoc dabimus, ut conditiones pacis feramus equas utrisque, quoniam vires quoque equari Diis immortalibus placuit. Consulem alterum Romam, alterum ex Latia creari oportet: senatus partem equam ex utraque gente esse: unum populum, unam rempublicam fieri: & ut imperii eadem sedes sit, idemque omnibus nomen, quoniam ab alterutra parte concedi necesse est; quod utrisque bene vertat, sit hac sane patria potior, & Romani omnes vocemur. Fortè ita accidit, ut parem ferociae hujus & Romani consulem *T. Manlium* haberent: qui adeo non tenuit iram, ut, si tanta dementia Patres conscriptos cepisset, ut ab *Setino* homine leges acciperent, gladio cinctum in senatum venturum se esse, palam diceret, & quemcunque in curia Latinum vidisset, suam manu interempturum. & conversus ad simulachrum Jovis, *Audi, Jupiter, haec scelera*, inquit, *audite jus fasque*. *Peregrinos consules & peregrinum senatum in tuo, Jupiter, augurato templo, captus atque ipse oppressus, visurus es?* Haecine foedera *Tullus Romanus* rex cum *Albanis*, patribus vestris, *Latini*, haec *L. Tarquinius* vobiscum postea fecit? Non venit in mentem pugna apud *Regillum lacum*? adeo & cladium veterum vestrarum & beneficiorum nostrorum erga vos obliti estis?

VI. Quum consulis vocem subsecuta Patrum indignatio esset, proditur memoriae, adversus crebram implorationem Deum, quos testes foederum saepius invocabant

cabant consules, vocem Annii, spernentis numina Jo-  
vis Romani, auditam. certè, quum commotus irà se ab  
vestibulo templi citato gradu proriperet, lapsus per  
gradus, capite graviter offenso, impactus imo ita est  
faxis, ut sopiretur. Exanimatum auctores quoniam  
non omnes sunt, mihi quoque in incerto relictum sit :  
sicut inter fœderum ruptorum testationem ingenti fra-  
gore cœli procellam effusam. nam & vera esse, & aptè  
ad repræsentandam iram Deûm ficta possunt. Tor-  
quatus, missus ab senatu ad dimittendos legatos, quum  
jacentem Annium vidisset, exclamat, ita ut populo  
Patribusque audita vox pariter sit, *Bene habet. Diis  
pium movere bellum. Est caeleste numen ! es magno-Jupiter !  
haud frustra te patrem Deûm hominumque hac sede sacravi-  
mus. Quid cessatis, Quirites, vosque, Patres conscripti, ar-  
ma capere Diis ducibus ? Sic stratas legiones Latinorum dabo,  
quemadmodum legatum jacentem videtis.* Assensu populi  
excepta vox consulis tantum ardoris animis fecit, ut  
legatos proficiscentes cura magistratum magis, quàm  
jussu consulis prosequerentur, quàm jus gentium, ab  
ira impetuque hominum tegeret. Consensit & senatus  
bellum : consulesque, duobus scriptis exercitibus per  
Marfos Pelignosque profecti, adjuncto Samnitium ex-  
ercitu, ad Capuam, quò jam Latini sociique convene-  
rant, castra locant. Ibi in quiete utrique consuli ca-  
dem dicitur visa species viri majoris, quàm pro huma-  
no habitu, augustiorisque, dicentis : *Ex una acie impe-  
ratorem, ex altera exercitum Diis manibus matrique Terra  
deberi : utrius exercitus imperator legiones hostium, superque  
eas se devovisset, ejus populi partisque victoriam fore.* Hos  
ubi nocturnos visus inter se consules contulerunt ; pla-  
cuit averruncandæ Deûm iræ victimas cædi : simul ut,  
si extis eadem, quæ somno visa fuerant, portenderen-  
tur, alteruter consulum fata impleverat. Ubi responsa  
aruspicum insidenti jam animo tacitæ religioni congru-  
erunt ; tum, adhibitis legatis tribunisque, & imperiis  
Deûm

Deum propalam expositis, ne mors voluntaria consulis exercitum in acie terreret, comparant inter se, ut, ab utra parte cedere Romanus exercitus cepisset, inde se consul devoveret pro populo Romano Quiritibusque. Agitatum etiam in consilio est, ut, si quando unquam severo ullum imperio bellum administratum esset, tunc uti disciplina militaris ad priscos redigeretur mores. Curam acuebat, quod adversus Latinos bellandum erat, linguâ, moribus, armorum genere, institutis ante omnia militaribus congruentes: milites militibus, centurionibus centuriones, tribuni tribunis compares collegæque, iisdem prædiis, sæpe iisdem manipulis permixti fuerant. per hæc ne quo errore milites caperentur, edicunt consules, ne quis extra ordinem in hostem pugnaret.

VII. Fortè inter ceteros turmarum præfectos, qui exploratum in omnes partes dimissi erant, T. Manlius consulis filius super castra hostium cum suis turmalibus evasit, ita ut vix teli jactu ab statione proxima abesset. ibi Tusculani erant equites. præerat Geminus Metius, vir tum genere inter suos, tum factis, clarus. Is ubi Romanos equites, insignemque inter eos præcedentem consulis filium (nam omnes inter se, utique illustres viri, noti erant) cognovit, *Unde, ait, turma Romani cum Latinis sociisque bellum gesturi estis? quid interea consules, quid duo exercitus consulares agent? Aderunt in tempore, Manlius inquit, & cum illis aderit Jupiter ipse, fœderum à vobis violatorum testis, qui plus potest, palletque. Si ad Regillum lacum ad satietatem vestram pugnavimus, hic quoque efficiemus profectò, ne nimis acies vobis & collata signa nobiscum cordi sint.* Ad ea Geminus, paululum ab suis equo proVectus, *Visne igitur, dum dies ista venit, quâ magno conatu exercitus moveatis, interea tu ipse congregari mecum, ut nostro duorum jam hinc eventu cernatur, quantum eques Latinus Romano præstet?* Movet ferocem animum juvenis seu ira, seu detrectandi certaminis pudor, seu  
inex-

inexsuperabilis vis fati. oblitus itaque imperii patris, consulumque edicti, præceps ad id certamen agitur, quo, vinceret, an vinceretur, haud multum interesset. equitibus ceteris velut ad spectaculum summotis, spatium, quod vacui interjacebat campi, adversos concitant equos: & quum infestis cuspidibus concurrissent, Manlii cuspis super galeam hostis, Metii trans cervicem equi elapsa est. Circumactis deinde equis, quum prior ad iterandum istum Manlius consurrexisset; spiculum inter aures equi fixit. ad cuius vulneris sensum quum equus, prioribus pedibus erectis, magnâ vi caput quateret, excussit equitem: quem cuspide parmaeque innisum, attollentem se ab gravi casu, Manlius ab jugulo, ita ut per costas ferrum emergeret, terræ affixit. spoliisque lectis ad suos reiectus, cum ovante gaudio turma in castra, atque inde ad prætorium ad patrem tendit, ignarus fati futurique, laus an poena merita esset, *Ut me omnes, inquit, pater, tuo sanguine ortum verè ferrent, provocatus equestria hac spolia capta ex hoste caesperto.* Quod ubi audivit consul, extemplo, filium aversatus, concionem classico advocari iussit. quæ ubi frequens convenit, *Quandoque, inquit, tu, T. Manli, neque imperium consulare, neque majestatem patriam veritus, adversus edictum nostrum extra ordinem in hostem pugnavisti, & quantum in te fuit, disciplinam militarem, quæ stetit ad hanc diem Romana res, solvisti; neque in eam necessitatem adduxisti, ut aut reipublica mihi, aut mei meorumque obliviscendum sit; nos potius nostro delicta plectemur, quam respublica tanto suo damno nostra peccata luat. triste exemplum, sed in posterum salubre juventuti, erimus. Me quidem quum ingenua caritas liberam, tum specimen istud virtutis, deceptum vana imagine decoris, in te movet. Sed quum aut morte tua sancienda sint consulum imperia, aut impunitate in perpetuum abroganda; ne te quidem, si quid in te nostri sanguinis est, recusare censeam, quin disciplinam militarem, culpam tuam prolapsam, poenam restituas. I, lister, deliga ad patrem.*  
 Exani.

Exanimati omnes tam atroci imperio, nec aliter quam in se quisque destrectam cernentes securim, metu magis, quam modestiâ, quievere. Itaque, velut emerſo ab admiratione animo, quum ſilentio defixi ſtetiſſent; repente, poſtquam cervice cæſa fuſus eſt cruor, tum libero conquæſtu coortæ voces ſunt, ut neque lamentis, neque exſecrationibus parceretur: ſpoliisque conteſtum juvenis corpus, quantum militariſus ſtudiis ſunus ullum concelebrari poteſt, ſtructo extra vallum rogo cremaretur: Manlianaque imperia non in præſentia modò horrenda, ſed exempli etiam tritiſus in poſterum eſſent.

VIII. Fecit tamen atrocitas poenæ obediëntiorem duci militem: &, præterquam quòd cuſtodiz vigilæque & ordo ſtationum intentioris ubique curæ erant, in ultimo etiam certamine, quum deſcenſum in aciem eſt, ea ſeveritas profuit. Fuit autem civili maxime bello pugna ſimilis. adeo nihil apud Latinos diſſonum ab Romana re, præter animos, erat. Clypeis antea Romani uſi ſunt: deinde, poſtquam ſtipendiarii facti ſunt, ſcuta pro clypeis fecere: &, quod antea phalanges ſimiles Macedonicis, hoc poſtea manipulatim ſtructa acies coepit eſſe. Poſtremo in plures ordines inſtruebantur. ordo ſexagenos milites, duos centuriones, vexillarium unum habebat. prima acies haſtati erant, manipuli quindecim, diſtantes inter ſe modicum ſpatium: manipulus leves vicenos milites, aliam turbam ſcutatorum habebat. leves autem, qui haſtam tantum geſſæque gererent, vocabantur. Hæc prima frons in acie ſtorem juvenum pubeſcentium ad militiam habebat. Robuſtior inde ætas totidem manipulorum, quibus principibus eſt nomen, hos ſequébantur, ſcutati omnes, inſignibus maxime armis. hoc triginta manipulorum agmen antepilanos appellabant, quia ſub ſignis jam alii quindecim ordines locabantur: ex quibus ordo unusquisque tres partes habebat. earum unamquamque pri-

mum

mum pilum vocabant. Tribus ex vexillis constabat. vexillum centum octoginta sex homines erant. Primum vexillum triarios ducebat, veteranum militem spectatæ virtutis: secundum rorarios, minus roboris ætate factisque: tertium accensos, minimæ fiduciæ manum. eo & in postremam aciem rejiciebantur. Ubi his ordinibus exercitus instructus esset, hastati omnium primi pugnam inibant. si hastati profligare hostem non possent, pede presso eos retrocedentes in intervalla ordinum principes recipiebant. tum principum pugna erat; hastati sequebantur. triarii sub vexillis confidebant, sinistro crure porrecto, scuta innisa humeris, hastas subrepta cuspide in terra fixas, haud secus quam vallo septa inhorreret acies, tenentes. Si apud principes quoque haud satis prospere esset pugnatum, à prima acie ad triarios sensim referebantur. inde *rem ad triarios redisse*, quum laboratur, proverbio increbruit. triarii consurgentes, ubi in intervalla ordinum suorum principes & hastatos recepissent, extemplo compressis ordinibus velut clauderant vias: unoque continenti agmine, jam nullâ spæ post relicta, in hostem incedebant: id erat formidolosissimum hosti, quum, velut victos insecuti, novam repente aciem exsurgentem auctam numero cernebant. Scribebantur autem quatuor serè legiones quinis millibus peditum, equitibus in singulas legiones trecentis. alterum tantum ex Latino delectu adjiciebatur, qui eâ tempestate hostes erant Romanis, eodemque ordine instruxerant aciem: nec vexilla cum vexillis tantum, universi hastati cum hastatis, principes cum principibus; sed centurio quoque cum centurione, si ordines turbati non essent, concurrendum sibi esse sciebant. Duo primipili ex utraque acie inter triarios erant: Romanus corpore haudquam satis validus, ceterum strenuus vir peritusque militiæ: Latinus viribus ingens bellatorque primus; notissimi inter se, quia pares semper ordines duxerant.

Romano,

Romano, haud satis fidenti viribus, jam Romæ permissum erat ab consulibus, ut subcenturionem sibi, quem vellet, legeret, qui tutaretur eum ab uno destinato hoste. isque juvenis, in acie oblatu, ex centurione Latino victoriam tulit. Pugnatum est haud procul radicibus Vesuvii montis, quâ via ad Veferim ferebat.

IX. Romani consules prius, quàm educerent in aciem, immolaverunt. Decio caput jocinoris à familiari parte cæsum aruspex dicitur ostendisse; alioqui acceptam Diis hostiam esse: Manlium egregiè litasse. *Atqui bene habet, inquit Decius, si ab collega litatum est.* Instructis, sicut antè dictum est, ordinibus, processere in aciem. Manlius dextro, Decius lævo cornu præerat. primò utrinque æquis viribus, eodem ardore animorum gerebatur res: deinde ab lævo cornu hastati Romani, non ferentes impressionem Latinorum, se ad principes recepere. In hac trepidatione Decius consul M. Valerium magnâ voce inclamat: *Deorum, inquit, ope, Valeri, opus est. agedum, pontifex publicus populi Romani, præi verba, quibus me pro legionibus devoteam.* Pontifex eum togam prætextam sumere iussit, & velato capite, manu subter togam ad mentum exertâ, super telum subjectum pedibus stantem sic dicere. *Jane, Jupiter, Mars pater, Quirine, Bellona, Lares, Divi Novenses, Dii indigetes, Divi, quorum est potestas nostrorum hostiumque, Diique manes, vos precor, veneror, veniam peto feroque, uti populo Romano Quiritium vim victoriamque prosperetis; hostesque populi Romani Quiritium terrore, formidine, morteque afficiatis. Sicut verbis nuncupavi, ita pro republica Quiritium, exercitu, legionibus, auxiliis populi Romani Quiritium, legiones auxiliaque hostium mecum Diis manibus Tellurique devoteo.* Hæc ita precatus, listores ire ad T. Manlium jubet, maturèque collegæ se devotum pro exercitu nunciare. Ipse, incinctus cinctu Gabino, armatus in equum insiluit, ac se in medios hostes immisit,



misit. Conspectus ab utraque acie aliquanto augustior humano visu, sicut cœlo missus placidum omnis Deorum iræ, qui pestem ab suis averfam in hostes ferret; ita omnis terror pavorque cum illo latus signa primò Latinorum turbavit; deinde in totam penitus aciem pervasit. Evidentissimum id fuit, quòd, quacunq̃ equo investus est, ibi haud secus quàm pestifero fidere istis, pavebant: ubi verò corruit obrutus telis, inde jam haud dubiè consternatæ cohortes Latinorum fugam ac vastitatem latè fecerunt. Simul & Romani, exsolutis religione animis, velut tum primùm signo dato coorti, pugnam integram ediderunt. nam & rorarii procurrebant inter antepilanos, addiderantque vires hastatis ac principibus: & triarii, genu dextro innisi, nutum consulis ad consurgendum exspectabant.

X. Procedente deinde certamine, quum aliis partibus multitudo superaret Latinorum, Manlius consul, audito eventu collegæ, quum, ut jus fasque erat, lacrimis non minùs quàm laudibus debitis profecutus tam memorabilem mortem esset; paulisper addubitavit, an consurgendi jam triariis tempus esset: deinde, melius ratus integros eos ad ultimum discrimen servari, accensos ab novissima acie antè signa procedere jubet. Qui ubi subiere, extemplo Latini, tanquam idem adversarii fecissent, triarios suos excitaverunt: quì aliquandiù pugna atroci quum & semet ipsi fatigassent, & hastas aut præfregissent, aut hebetassent, pellerent vi tamen hostem, debellatum jam rati, perventumque ad extremam aciem; tum consul triariis, *Consurgite nunc, inquit, integri adversus fessos, memores patriæ parentumque & conjugum ac liberorum; memores consulis pro vestra victoria morte occumbentis.* Ubi triarii consurrexerunt integri, resurgentibus armis, nova ex improvviso exorta acies, receptis in intervalla ordinum antepilanis, clamore sublato principia Latinorum perturbant. hastisque ora fodientes, primo robore viro-  
rum

ram caeso, per alios manipulos, velut inermes, propè intacti evasere; tantàque cæde perrupere cuneos, ut vix quartam partem relinquerent hostium. Samnites quoque, sub radicibus montis procul instructi, præbuerent terrorem Latinis. Ceterùm inter omnes cives sociosque præcipua laus ejus belli penes consules fuit: quorum alter omnes minas periculaque ab Diis superis inferisque in se unum vertit: alter eà virtute eoque consilio in prælio fuit, ut facilè convenerit inter Romanos Latinosque, qui ejus pugnae memoriam posteris tradiderunt, utrius partis T. Manlius dux fuisset, ejus futuram haud dubiè fuisse victoriam. Latini ex fuga se Minturnas contulerunt. castra secundùm prælium capta, multique mortales ibi vivi oppressi, maximè Campani. Decii corpus ne eo die inveniretur, nox quærentes oppressit. postero die inventum inter maximam hostium stragem, coopertum telis; funusque ei par morti, celebrante collegà, factum est. Illud adjiciendum videtur, licere consuli dictatorique & prætori, quum legiones hostium devoveat, non utique se, sed quem velit ex legione Romana scripta civem, devovere: *si is homo, qui devotus est, moritur, probè factum videri: si moritur, tum signum septem pedes altum, aut majus, in terram defodi, & piaculum hostià cadi. Ubi illud signum defoffum erit, eò magistratum Romanum descendere fas non esse. sin autem sese devovere volet, sicuti Decius devovit; si moritur, neque suum, neque publicum divinum purè faciet, qui sese devoverit. Vulcano arma sive cui alii Divo vovere volet, sive hostià, sive quo alio volet, jus est. telo, super quod stans consul precatus est, hostem potiri, fas non est: si potiatur, Marti suovetaurilibus piaculum fieri.*

XI. Hæc (et si omnis divini humanique moris memoria abolevit, nova peregrinaque omnia priscis ac patriis præferendo) haud ab re duxi, verbis quoque ipsis, ut tradita nuncupataque sunt, referre. Romanis  
post

post prælium demum factum Samnites venisse subsidio, expectato eventu pugnae, apud quosdam auctores invenio. Latinis quoque ab Lavinio auxilium, dum deliberando terunt tempus, victis demum ferri coeptum. &, quum jam portis prima signa & pars agminis esset egressa, nuncio allato de clade Latinorum, quum conversus signis retro in urbem rediretur, prætorem eorum nomine Milonium dixisse ferunt, *pro paulula via magnam mercedem Romanis esse solvendam*. Qui Latinorum pugnae superfuerant, multis itineribus dissipati, quum se in unum conglobassent, Vescia urbs eis receptaculum fuit. Ibi in conciliis Numisius imperator eorum, affirmando *communem verè Martem belli utramque aciem pari cade prostravisse, victoriae nomen tantum penes Romanos esse, ceteram pro victis fortunam & illos gerere: funesta duo consulum pratoria, alterum parricidio filii, alterum consulis devoti cade; trucidatum exercitum omnem; caesos hastatos principesque; stragem & ante signa & post signa factam; triarios postremò rem restituisse. Latinorum etsi pariter accisa copia sint, tamen supplemento vel Latium proprius esse, vel Volscos, quàm Romam*. Itaque, si videatur eis, se, ex Latinis & ex Volscis populis juventute properè excita, rediturum infesto exercitu Capuam esse; Romanosque, nihil tum minùs quàm prælium expectantes, necopinato adventu perculsurum. Fallacibus literis circa Latium nomenque Volscum missis, quia, qui non interfuerant pugnae, ad credendum temerè faciliores erant, tumultuarius undique exercitus raptim conscriptus convenit. Huic agmini Torquatus consul ad Trifanum (inter Sinuessam Minturnasque is locus est) occurrit. prius, quàm castris locus caperetur, sarcinis utrinque in acervum coniectis, pugnatum debellatumque est. adeo enim accisæ res sunt, ut consuli, victorem exercitum ad depopulandos agros eorum ducenti, dederent se omnes Latini, deditionemque eam Campani sequerentur. Latium Capuaque agro multati. Latinus ager, Priver-

nati

nati addito agro, & Falernus, qui populi Campani fuerat, usque ad Vulturnum flumen, plebi Romanæ dividitur. bina in Latino jugera, ita ut dodrantem ex Privernati complerent, data; terna in Falerno, quadrantibus etiam pro longinquitate adjectis. Extra pœnam fuere Latinorum Laurentes Campanorumque equites, quia non desciverant. Cum Laurentibus renovari fœdus iussum. renovaturque ex eo quotannis post diem decimum Latinarum. Equitibus Campanis civitas data: monumetoque ut esset, æneam tabulam in æde Castoris Romæ fixerunt. vestigal quoque eis Campanus populus iussus pendere in singulos quotannis (fuere autem mille & sexcenti) denarios nummos quadringenos quinquagenos,

XII. Ita bello gesto, præmiis pœnæque pro cuiusque merito persolutis, T. Manlius Romam rediit: cui venienti seniores tantum obviâ exisse constat; juvenutem, & tunc, & omni vitâ deinde, averfatam cum execratamque. Antiates in agrum Ostiensem, Ardeatem, Solonium incursiones fecerunt. Manlius consul, quia ipse per valetudinem id bellum exsequi nequiebat, dictatorem L. Papirium Crassum, qui tum fortè erat prætor, dixit: ab eo magister equitum L. Papirius Cursor dictus. Nihil memorabile adversus Antiates ab dictatore gestum est, quum aliquot menses stativa in agro Antiati habuisset. Anno insigni victoriâ de tot ac tam potentibus populis, ad hoc consulum alterius nobili morte, alterius sicut truci, ita claro ad memoriam, imperio, succedere consules Ti. Æmilius Mamercinus & Q. Publilius Philo; neque in similem materiam rerum, & ipsi aut suarum rerum, aut partium in republica magis, quam patriæ, memores. Latinos, ob iram agri amissi rebellantes, in campis Fennanis fuderunt, castrisque exuerunt. Ibi Publilio, cuius ductu auspicioque res gestæ erant, in deditionem accipiente Latinos populos, quorum ibi juvenus cæsa erat, Æmilius ad Pedum exercitum duxit. Pedanoceuebatur Tibur, Prænestinus, Veliternusque populus;

venerant & ab Lanuvio Antioque auxilia. Ubi quum praeliis quidem superior Romanus esset, ad urbem ipsam Pedum castraque sociorum populorum, quæ urbi adjuncta erant, integer labor restaret; bello infecto repente omisso, consul, quia collegæ decretum triumphum audivit, ipse quoque triumphi ante victoriam flagitator Romam rediit. Quâ cupiditate offensi Patribus, negantibusque, nisi Pedito capto aut dedito, triumphum, hinc alienatus ab senatu Æmilius seditiosis tribunatibus similem deinde consulatum gessit. Nam neque, quoad fuit consul, criminari apud populum Patres destitit, collegâ haudquaquam adversante, quia & ipse de plebe erat: (materiam autem præbebat criminibus ager in Latino Falernoque agro malignè plebei divisus) &, postquam senatus, finire imperium consulibus cupiens, dictatorem adversus rebellantes Latinos dici jussit, Æmilius, cujus tum fasces erant, collegam dictatorem dixit: ab eo magister equitum Junius Brutus dictus. Dictatura popularis, & orationibus in Patres criminosis, fuit, & quod tres leges secundissimas plebei, adversas nobilitati, tulit: unam, ut plebiscita omnes Quirites tenerent: alteram, ut legum, quæ comitiis centuriatis ferrentur, ante initum suffragium Patres auctores fierent: tertiam, ut alter utique ex plebe, quum eò ventum sit, ut utrumque plebeium consulem fieri liceret, censor crearetur. Plus eo anno domi acceptum cladis ab consulibus ac dictatore, quam ex victoria eorum bellicisque rebus foris auctum imperium, Patres credebant.

XIII. Anno insequenti, L. Furio Camillo, C. Mænio consulibus, quo insignitiùs omissa res Æmilio, superioris anni consuli, exprobraretur, Pedum armis virisque & omni vi expugnandum ac delendum senatus fremit: coactique novi consules omnibus eam rem præverti, proficiscuntur. Jam Latro is status erat rerum, ut neque bellum neque pacem pati possent. ad bellum spes decrant: pacem ob agri adempti dolorem asperna-

aspernabantur. Mediis consiliis standum videbatur, ut oppidis se tenerent; ne laceffitus Romanus causam belli haberet; & si cujus oppidi obsidio nunciata esset, undique ex omnibus populis auxilium obsessis ferretur. Neque tamen, nisi admodum à paucis populis, Pedani adjuti sunt. Tiburtes Prænestinique, quorum ager propior erat, Pedum pervenere. Aricinos Lanuvinosque & Veliternos, Antiatis Volscis se conjungentes, ad Asturæ flumen Mænius, improvisò adortus, fudit. Camillus ad Pedum cum Tiburtibus, maximè valido exercitu, majore mole, quanquam æquè prospero eventu, pugnat. Tumultum maximè repentina interprælium eruptio oppidanorum fecit: in quos parte exercitus conversâ, Camillus non compulit solum eos intra mœnia, sed eodem etiam die, quum ipsos auxiliaque eorum perculisset, oppidum scalis cepit. Placuit inde, jam majore conatu animoque ab unius expugnatione urbis ad perdomandum Latium victorem circumducere exercitum. nec quiescere antè, quam, expugnando aut in deditionem accipiendo singulas urbes, Latium omne subegere. Præfidiis inde dispositis per recepta oppida, Romam ad destinatum omnium consensu triumphum decessere. additus triumpho honos, ut statuae equestres eis, rara illa ætate res, in foro ponerentur. Priùs, quàm comitiis in insequentem annum consules rogarent, Camillus de Latinis populis ad senatum retulit, atque ita differuit: *Patres conscripti, quod bello armisque in Latio agendum fuit, id jam Deum benignitate ac virtute militum ad finem venit. cæsi ad Pedum Asturamque sunt exercitus hostium: oppida Latina omnia, & Antium ex Volscis, aut vi capta, aut recepta in deditionem, præfidiis tenentur vestris. Reliqua consultatio est, quoniam rebellando sæpius nos sollicitant, quoniam modo perpetuâ pace quietos obtineamus. Dii immortales ita vos potentes hujus consilii fecerunt, ut, sit Latium deinde, an non sit, in vestra manu posuerint. Itaque pacem vobis, quod ad Latinos attinet,*

*parare in perpetuum, vel sciendo, vel ignoscendo, potestis. Vultis crudeliter consulere in deditos victosque? licet delere omne Latium, vastas inde solitudines facere, unde sociali egregio exercitu per multa bella magnaque saepe usi estis. Vultis exemplo majorum augere rem Romanam, victos in civitatem accipiendo? materia crescendi per summam gloriam suppeditat. certè id firmissimum. longè imperium est, quo obedientes gaudent. Sed maturato opus est, quicquid statuere placet. tot populos inter spem motumque suspensos animi habetis: & vestram itaque de eis curam quàm primum absolvi, & illorum animos, dum expectatione stupent, seu pœnâ, seu beneficio, praecipuari oportet. nostrum fuit efficere, ut omnium rerum vobis ad consulendum potestas esset. vestrum est decernere, quod optimum vobis rei publicae sit.*

XIV. Principes senatûs relationem consulis de summa rerum laudare; sed, quum aliorum causa alia esset, ita expediri posse consilium, dicere, ut pro merito cuiusque statueretur, si de singulis nominatim referrent populis. Relatum igitur de singulis decretumque. Lanuvinis civitas data sacraque sua reddita cum eo, ut ædes lucusque Sospitæ Junonis communis Lanuvinis municipibus cum populo Romano esset. Aricini Nomentanique & Pedani eodem jure, quo Lanuvini, in civitatem accepti. Tusculanis servata civitas, quam habebant; crimenque rebellionis à publica fraude in paucos auctores versum. In Veliternos, veteres cives Romanos, quod toties rebellassent, graviter sævitum: & muri dejecti, & senatus inde abductus, iussique trans Tiberim habitare: ut ejus, qui cis Tiberim deprehensus esset, usque ad mille pondo clarigatio esset; nec prius, quàm ære persoluto, is, qui cepisset, extra vincula captum haberet. In agrum senatorum coloni missi: quibus adscriptis, speciem antiquæ frequentiae Velitræ receperunt. Et Antium nova colonia missa cum eo, ut Antiatibus permetteretur, si & ipsi adscribi coloni vellent. naves inde longæ abactæ, interdictumque mari

uari Antiati populo est, & civitas data. Tiburtes Prænestinique agro mulctati, neque ob recens tantum rebellionis, commune cum aliis Latinis, crimen; sed quod, tardio imperii Romani, cum Gallis, gente effrata, arma quendam confociassent. Ceteris Latinis populis connubia commerciaque & concilia inter se ademerunt. Campanis, equitum honoris causâ, quia cum Latinis rebellare noluisent, Fundanisque & Formianis, quod per fines eorum tuta pacataque semper fuisset via, civitas sine suffragio data. Cumanos Sueffulanosque ejusdem juris conditionisque, cujus Capuam, esse placuit. Naves Antiatium partim in navalia Romæ subductæ, partim incensæ, rostrisque earum suggestum, in foro exstructum, adornari placuit: Rostraque id templum appellatum.

XV. C. Sulpicio Longo, P. Ælio Pæto consulibus, quum omnia non opes magis Romanæ, quàm beneficiis parata gratia bonâ pace obtineret, inter Sidicinos Auruncosque bellum ortum. Aurunci, à T. Manlio consule in deditionem accepti, nihil deinde moverant: eo petendi auxilii ab Romanis causa justior fuit. Sed prius, quàm consules ab urbe (jusserat enim senatus defendi Auruncos) exercitum educerent, fama afferatur; Auruncos metu oppidum deseruisse, profugosque cum conjugibus ac liberis Suefflam communisse, quæ nunc Aurunca appellata; mœnia antiqua eorum urbemque ab Sidicinis deletam. Ob ea insensus consilibus senatus, quorum cunctatione proditi socii essent, dictatorem dici jussit. dictus C. Claudius Regillensis, magistrum equitum C. Claudium Hortatorem dixit. Religio inde injecta de dictatore: &, quum augures vitio creatum videri dixissent, dictator magisterque equitum se magistratu abdicarunt. Eo anno Minucia Vestalis, suspecta primò propter mundiolem cultum, insinulata deinde apud pontifices ab indice sexuo; quum decreto eorum jussa esset sacris abstinere,



familiamque in potestate habere; facto iudicio, viva sub tetram ad portam Collinam dextrâ viâ stratâ defossa Scelerato campo. credo, ab incesto id ei loco nomen factum. Eodem anno Q. Publilius Philo prætor primum de plebe, adversante Sulpicio consule, qui negabat rationem ejus se habiturum, est factus; senatu, quum in summis imperiis id non obtinuisset, minùs in prætura tendente.

XVI. Insequens annus, L. Papirio Crasso, K. Duilio consulibus, Aufonum magis novo, quàm magno bello fuit insignis. ea gens Cales urbem incolebat. Sidicinis finitimis arma conjunxerat: unoque proelio haud sanè memorabili duorum populorum exercitus fusus, propinquitate urbium & ad fugam pronior, & in fuga ipsa tutior fuit. nec tamen omiſsa ejus belli cura Patribus, quia toties jam Sidicini aut ipsi movebant bellum, aut moventibus auxilium tulerant, aut causa armorum fuerant. Itaque omni ope amissi sunt, ut maximum eâ tempestate imperatorem M. Valerium Corvum consulem quartum facerent. collega additus Corvo M. Atilius Regulus. &, ne fortè casu erraretur, petiit ab consulibus, ut extra sortem Corvi ea provincia esset. Exercitū victore à superioribus consulibus accepto, ad Cales, unde bellum ortum erat, profectus, quum hostes, ab superioris etiam certaminis memoria pavidos, clamore atque impetu primo fudisset; mœnia ipsa oppugnare est aggressus. & militum quidem is erat ardor, ut jam inde cum scâlis succedere ad muros vellent, evasurosque contenderent. Corvus, quia id arduum factu erat, labore militum potius, quàm periculo, peragere inceptum voluit. itaque aggerem & vineas egit, turreſque muro admovit: quarum usum fortè oblata opportunitas prævertit. namque M. Fabius, captivus Romanus, quum, per negligentiam custodum festo die vinculis ruptis, per murum inter opera Romanorum, religatâ ad pinnam muri recte suspensus, manibus

manibus se demississet; perpulit imperatorem, ut vino epulisque sepitos hostes aggredereetur. nec majore certamine capti cum urbe Aufones sunt, quam acie fuissent. Præda capta ingens est, præsidieque imposito Calibus reductæ Romam legiones. Consul ex senatusconsulto triumphavit; & ne Atilius expers gloriæ esset, jussi ambo consules adversus Sidicinos ducere exercitum. Dictatorem antè ex senatusconsulto comitiarum habendorum causâ dixerunt L. Æmilium Mamercinum. is magistrum equitum Q. Publilium Philonem dixit. Dictatore comitia habente, consules creati sunt T. Veturius, Sp. Postumius. Etsi belli parum Sidicinis restabat; tamen, ut beneficio prævenirent desiderium plebis, de colonia deducenda Cales retulerunt: factoque senatusconsulto, ut duo millia quingenti homines eo scriberentur, triumphos coloniam deducendæ agroque dividundo creaverunt K. Duilius, T. Quinctius, M. Fabium.

XVII. Novi deinde consules, à veteribus exercitu accepto, ingressi hostium facies, populando usque ad moenia atque urbem pervenerunt. Ibi, quia, ingenti exercitu comparato, Sidicini & ipsi pro extrema spe dimicaturi crasse videbantur, & Samnium fama erat conciri ad bellum; dictator ab consulibus ex auctoritate senatus dictus P. Cornelius Rufinus; magister equitum M. Antonius. Religio deinde incessit, vitio eos creatos: magistratuque se abdicaverunt. & quia pestilentia insecta est, velut omnibus eo vitio contactis auspiciis, res ad interregnum rediit. ab interregno inito per quintum demum interregem M. Valerium Corvum creati consules A. Cornelius iterum & Cn. Domitius. Tranquillis rebus, fama Gallioi belli pro tumultu valuit, ut dictatorem dici placeret. Dictus M. Papirius Crassus, & magister equitum P. Valerius Publicola. à quibus quum delectus intentius, quam adversus finitima bella, haberetur, exploratores missi at-

tulerunt, quæta omnia apud Gallos esse. Samnium quoque jam alterum annum turbari novis consiliis suspectum erat. eo ex agro Sidicino exercitus Romanus non est deductus. Ceterum Samnites bellum Alexandri Epirensis in Lucanos traxit, qui duo populi adversus regem, exsensionem à Pæsto facientem, signis collatis pugnaverunt. eo certamine superior Alexander, incertum quâ fidē culturus, si perinde cetera processissent, pacem cum Romanis fecit. Eodem anno census actus, novique cives censi: tribus propter eos additæ Mæcia & Scaptia: censores addiderunt Q. Publilius Philo, Sp. Postumius. Romani facti Acerrani, lege ab L. Papirio prætorē latâ, quâ civitas sine suffragio data. Hæc eo anno domi militiæque gesta.

XVIII. Fœdus insequens annus seu intemperie cœli, seu humanâ fraude fuit, M. Claudio Marcello, C. Valerio consulibus. Flaccum Potitumque variè in annalibus cognomen consulis invenio: ceterum, in eo, parvi refert, quid veri sit. illud pervelim (nec omnes auctores sunt) proditum falsò esse, venenis absumptos, quorum mors infamem annum pestilentia fecerit. sicut proditur tamen res, ne cui auctorum fidem abrogaverim, exponenda est. Quum primores civitatis similibus morbis, eodemque ferme omnes eventu, morerentur; ancilla quædam ad Q. Fabium Maximum ædilem curulem, indicaturam sc̄ causam publicæ pestis, professæ est, si ab eo fides sibi data esset, haud futurum noxæ indicium. Fabius confessim rem ad consules, consules ad senatum referunt: consensuque ordinis fides indici data. Tum patefactum, muliebri fraude civitatem premi, matronasque ea venena coquere; & si sequi extemplo velint, manifestò deprehendi posse. Secuti indicem, & coquentes quasdam medicamenta, & recondita alia, invenerunt. quibus in forum delatis, & ad viginti matronis, apud quas deprehensa erant, per viatorem accitis, quæ ex eis, Cornelia ac Sergia, patricia

patriciæ utraque gentis, quum ea medicamenta salubria esse contenderent, ab confutante indice bibere iussæ, ut se falsum commentam arguerent; spatio ad colloquendum sumpto; quum, summoto populo, in conspectu omnium rem ad ceteras retulissent; haud abnuentibus & illis bibere, epoto medicamento, suamet ipsæ fraude omnes interierunt. comprehensæ exemplo earum comites magnum numerum matronarum indicaverunt: ex quibus ad centum septuaginta damnatae. Neque de beneficiis ante eam diem Romæ quæsitum est. Prodigii ea res loco habita; captisque magis mentibus, quam consecratis, similis visa. itaque, memoriâ ex annalibus repetitâ, in secessionibus quondam plebis clavum ab dictatore fixum, alienatasque discordiâ mentes hominum eo piaculo compotes sui fecisse, dictatorem clavi figendi causâ creari placuit. creatus En. Quinctilius magistrum equitum L. Valerium dixit: qui, fixo clavo, magistratu se abdicaverunt.

XIX. Creati consules L. Papirius Crassus iterum, L. Plautius Venno. cujus principio anni legati ex Volscis Fabraterni, & Lucani, Romam venerunt, orantes, ut in fidem reciperentur. si à Samnitium armis defensû essent, se sub imperio populi Romani fideliter atque obedienter futuros. Missi tum ab senatu legati, denunciatumque Samnitibus, ut eorum populorum finibus vim abstinerent. valuitque ea legatio, non tam quia pacem volebant Samnites, quam quia nondum parati erant ad bellum. Eodem anno Privernas bellum initum: cujus socii Fundani, dux etiam fuit Fundanus, Vitruvius Vaccus; vir non domi solum, sed etiam Romæ, clarus. ædes fuere in Palatio ejus, quæ Vacci præta, diruto ædificio publicatoque solo, appellata. Adversus hunc, vastantem effusè Setiaum Norbanumque & Coranum agrum, L. Papirius profectus, haud procul castris ejus confedit. Vitruvio nec, ut vallo se teneret adversus validiorem hostem, sana constare.

mens, nec, ut longius à castris dimicaret, animus suppetere. vix totà extra portam castrorum explicatà acie, fugam magis retro, quàm prœlium aut hostem, spectante milite, sine consilio, sine audacia depugnat: & ut levi momento nec ambigùe est victus; ita, brevitate ipsà loci faciliq̃ue receptu in tam propinqua castra, haud ægrè militem à multa cæde est tutatus: nec ferè quisquam in ipso certamine, pauci in turba fugæ extremæ, quum in castra ruerent, cæsi; primisque tenebris Privernum inde petitem agmine trepido, ut muris potiùs, quàm vallo, sese tutarentur. A Priverno Plautius alter consul, pervastatis passim agris prædâque abactà, in agrum Fundanum exercitum inducit. Ingredientis fines senatus Fundanorum occurrit; *negant, se pro Vitruvio sectamquo ejus secutis precatum venisse, sed pro Fundano populo; quem extra culpam belli esse, ipsum Vitruvium judicasse, quum receptaculum fugæ Privernum habuerit, non patriam Fundos. Priverni igitur hostes populi Romani querendos persequendosque esse, qui simul à Fundanis ac Romanis, utriusque patria immemores, defecerint. Fundanis pacem esse, & animas Romanos, & gratiam memoriam accepta civitatis. Orare se consulem, ut bellum ab innoxio populo abstineat: agros, urbem, corpora ipsorum, conjugumque, ac liberorum suorum, in potestate populi Romani esse, futuraque.* Collaudatis Fundanis, consul, literisque Romanam missis, in officio Fundanos esse, ad Privernum flexit iter. Priùs animadversum in eos, qui capita conjurationis fuerant, à consule scribit Claudius: ad trecentos quinquagintà ex conjuratis victos Romanam missos; eamque deditionem ab senatu non acceptam: quod egentium atque humilium penà defungi velle Fundanum populum censuerint.

XX. Privernum duobus consularibus exercitibus quum obsideretur, alter consul comitiorum causà Romanam revocatus. Carceres eo anno in circo primùm statuti. Nondum persunos curà Privernatis belli tumultus

multus Gallici fama atrox invasit, haud ferme unquam neglecta Patribus. Extemplo igitur consules novi, L. Æmilius Mamercinus & C. Plautius, eo ipso die, Kalendis Quintilibus, quo magistratum inierunt, comparare inter se provincias iussi; & Mamercinus, cui Gallicum bellum evenerat, scribere exercitum sine ulla vacationis venia. quin opificum quoque vulgus & scilularii, minimè militiæ idoneum genus, exciti dicuntur: Vejosque ingens exercitus contractus, ut inde obviam Gallis iretur. longius discedi, ne alio itinere hostis falleret ad urbem incedens, non placuit. Paucos deinde post dies, satis exploratâ temporis ejus quiete, à Gallis Privernum omnis conversa vis. Duplex inde fama est: alii vi captam urbem, Vitruviumque vivum in potestatem venisse: alii, priusquam ultima adhiberetur vis, ipsos se in deditionem consulis caducum præferentes permisisse, auctores sunt, Vitruviumque ab suis traditum. Senatus, de Vitruvio Privernatibusque consultus, consulem Plautium, dirutis Priverni muris, præsidioque valido imposito, ad triumphum arcessit; Vitruvium in carcerem asservari iussit, quoad consul redisset; tum verberatum necari, ædes ejus, quæ essent in Palatio, diruendas, bona Semoni Sanco censuerunt consecranda: quodque æris ex eis redactum est, ex eo ænei orbes facti, positi in facello Sanci versus ædem Quirini. de senatu Privernate ita decretum, ut, qui senator Priverni post defectionem ab Romanis mansisset, trans Tiberim lege eadem, quâ Veliterni, habitaret. His ita decretis, usque ad triumphum Plautii silentium de Privernatibus fuit: post triumphum consul, necato Vitruvio sociisque ejus noxæ, apud satiatis jam suppliciis nocentium tutam mentionem de Privernatibus ratus; *Quoniam auctores defectionis, inquit, meritas pœnas & ab Diis immortalibus & à vobis habent, Patres conscripti, quid placet de innoxia multitudine fieri? Equidem, etsi mea partes exquirenda magis*

*sententia, quàm danda sunt; tamen, quum videam, Privernates vicinos Samnitibus esse, unde nunc nobis incertissima pax est; quàm minimum irarum inter nos illosque relinqui velim.*

XXI. Quum ipsa per se res anceps esset, prout cujusque ingenium erat, atrocius mitiusve suadentibus; tum incertiora omnia unus ex Privernatibus legatis fecit, magis conditionis, in qua natus esset, quàm præsentis necessitatis, memor: qui, interrogatus à quodam tristioris sententiæ auctore, *quam pœnam meritos Privernates censeret? eam, inquit, quam merentur, qui se libertate dignos censent.* cujus quum feroci responso infestiores factos videret consul eos, qui antè Privernatium causam impugnabant; ut ipse benignâ interrogatione mitius responsum eliceret, *Quid, si pœnam, inquit, remittimus vobis, qualem nos pacem vobiscum habituros speremus? Si bonam dederitis, inquit, & fidam, & perpetuam: si malam, baud diuturnam.* Tum verò minari, nec id ambiguit, Privernatem quidam, & illis vocibus ad rebellandum incitari pacatos populos. pars melior senatûs ad meliora responsum trahere, & dicere, *Viri, & liberi, vocem auditam. an credi posse, ullum populum, aut hominem denique, in ea conditione, cujus eum pœniteat, diutius, quàm necesse sit, mansurum? Ibi pacem esse fidam, ubi voluntarii pacati sint: neque eo loco, ubi servitutem esse velint, fidem sperandam esse.* In hanc sententiam maximè consul ipse inclinavit animos, identidem ad principes sententiarum consulares, uti exaudiri posset à pluribus, dicendo, *Eos demum, qui nihil, præterquam de libertate, cogitent, dignos esse, qui Romani fiant.* Itaque & in senatu causam obtinere, & ex auctoritate Patrum latum ad populum est, ut Privernatibus civitas daretur. Eodem anno Anxur trecenti in coloniam missi sunt: bina jügera agri acceperunt.

XXII. Secutus est annus nullâ re belli domive insignis, P. Plautio Proculo, P. Cornelio Scapulâ consuli-bus; præterquam quòd Fregellas (Sidicinorum is ager, deinde

deinde Volscorum fuerat) colonia deducta; & populo visceratio data à M. Flavio in funere matris. Erant, qui, per speciem honorandæ parentis, meritam mercedem populo solutam interpretarentur; quòd cum, die dicta ab ædilibus, crimine stupratæ matrisfamilie absolvisset. Data visceratio in præteritam iudicii gratiam, honoris etiam ei causa fuit: tribunatumque plebei, proximis comitiis, absens petentibus præfertur. Palæpolis fuit haud procul inde, ubi nunc Neapolis sita est. duabus urbibus populus idem habitabat. Cumis erant oriundi. Cumani ab Chalcide Euboica originem trahunt. Classe, quâ adveſti ab domo fuerant, multum in ora maris ejus; quod accolunt, potuere. Primum in insulas Ænariam & Pithecusas egressi, deinde in continentem aſi fedes transferre. Hæc civitas, quum suis viribus, tum Samnitium infidâ adversus Romanos societate freta, sive pestilentie, quæ Romanam urbem adorta nunciabatur, fidens, multa hostilia adversus Romanos, agrum Campanum Falernumque incolentes, fecit. Igitur, L. Cornelio Lentulo, Q. Publilio Philone iterum consulibus, fecialibus Palæpolim ad res repetendas missis, quum relatum esset à Græcis, gente linguâ magis strenuâ, quàm factis, ferox responsum; ex auctoritate Patrum populus Palæpolitaniſ bellum fieri jussit. Inter consules provinciis comparatis, bello Græci persequendi Publilio evenerunt; Cornelius altero exercitu Samnitibus, si quâ se moverent, oppositus. Fama autem erat, defectioni Campanorum imminentes admoturos castra. ibi optimum visum Cornelio stativa habere.

XXIII. Ab utroque consule, exiguam spem pacis cum Samnitibus esse, certior fit senatus. Publilius, duo millia Nolanorum militum & quatuor Samnitium, magis Nolanis cogentibus, quàm voluntate Græcorum, recepta Palæpolim, miserat: Cornelius, delectum indictum à magistratibus, universum Samnium erectum, ac vicinos populos, Privernatem, Funda-



Fundanumque, & Formianum, haud ambigue sollicitari. Ob hæc quum legatos mitti placuisset prius ad Samnites, quàm bellum fieret; responsum redditur ab Samnitibus ferox. Ulro inculabant injurias Romanorum: neque eo negligentius ea, quæ ipsis objicerentur, purgabant. *Haud ullo publico consilio auxiliove juveni Græcos: nec Fundanum Formianumve à se sollicitatos, quippe minimè pœnitere se virium suarum, si bellum placeat. Ceterum non posse dissimulare, agrè pati civitatem Samnitium, quòd Fregellas, ex Volscis captas dirutasque ab se, restituerit Romanus populus, coloniamque in Samnitium agro imposuerit, quam coloni eorum Fregellas appellent. Eam se contumeliam injuriamque, ni sibi ab iis, qui fecerint, detrahetur, ipsos omni vi depulsuros esse.* Quum Romanus legatus ad disceptandum eos ad communes socios atque amicos vocaret: *Quid perplexè agimus?* inquit. *Nostra certamina, Romani, non verba legatorum, nec hominum quisquam disceptator, sed campus Campanus, in quo concurrendum est, et arma, et communis Mors belli decernet.* Proinde inter Campanam Sueffulanque castra castris conferamus: et, Samnis Romanusve imperio Italiam regat, decernamus. Legati Romanorum quum se, non quò hostis vocasset, sed quò imperatores sui duxissent, ituros esse respondissent; jam Publius, inter Palæpolim Neapolimque loco opportunè capto, diremerat hostibus societatem auxilii mutui; quâ, ut quisque locus premeretur, inter se usi fuerant. Itaque quum et comitiorum dies instaret, et, Publium, imminentem hostium muris, avocari ab specipiendæ in dies urbis, haud è republica esset; actum cum tribunis est, ad populum ferrent, ut, quum Publius Philo consulatu abisset, pro consule rem gereret, quoad debellatum cum Græcis esset. L. Cornelia (quia ne cum quidem in Samnium jam ingressum revocari ab impetu belli placebat) literæ missæ, ut dictatorem comitiorum causâ diceret. dixit M. Claudium Marcellum. ab eo magister equitum dictus Sp. Postumius.

Nec

Nec tamen ab dictatore comitia sunt habita, quia, vitione creatus esset, in disquisitionem venit. consulti augures, vitiosum videri dictatorem, pronuntiaverunt. Eam rem tribuni suspectam infamemque criminando fecerunt. *Nam neque facile fuisse id vitium nosci, quum consul oriens nocte silentio diceret dictatorem : neque ab consule cuiquam publice privatimve de ea re scriptum esse : nec quonquam mortalium exstare, qui se vidisse aut audisse quid dicat, quod auspiciam dirimeret : neque augures divinare Romae sedentes potuisse, quid in castris consuli vitii obvenerisset. Cui non apparere, quod plebeius dictator sit, id vitium auguribus visum ?* Hæc aliaque ab tribunis nequicquam jactata. Tandem ad interregnum res redit : dilatisque alia atque alia de causa comitiis, quartusdecimus demum interrex L. Æmilius consules creat C. Pœtelium, L. Papirium Mugillanum. Cursorem in aliis annalibus invenio.

XXIV. Eodem anno Alexandriam in Ægypto proditum conditam ; Alexandrumque, Epiri regem, ab exsule Lucano interfectum, sortes Dodonzi Jovis eventu affirmasse. Accito ab Tarentinis in Italiam data dictio erat, *caveret Acherusiam aquam Pandosiamque urbem : ibi fatis ejus terminum dari.* Eoque ocius transmisit in Italiam, ut quam maximè procul abesset urbe Pandosia in Epiro & Acheronte amni, quem ex Molosside fluentem in stagna inferna accipit Thesprotius sinus. Ceterum (ut ferme fugiendo in media fata ruitur) quum sæpe Bruttias Lucanasque legiones fudisset ; Heracleam Tarentinorum coloniam, Consentiam ex Lucanis, Sipontumque, Bruttiorum Terinam, alias inde Messapiorum ac Lucanorum cepisset urbes, & trecentas familias illustres in Epirum, quas obsidum numero haberet, misisset ; haud procul Pandosia urbe imminente Lucanis ac Bruttiis sinibus tris tumulos, aliquantum inter se distantes, infodit ; ex quibus incursiones in omnem partem agri hostilis faceret. & ducentos ferme Lucanorum exsules circa se pro fidis habebat, ut pleraque

pleraque ejus generis ingenia sunt, cum fortuna mutabilem gerentes fidem. Imbres continui, campis omnibus inundantes, quum interclusissent trifariam exercitum à mutuo inter se auxilio, duo præsidia, quæ sine rege erant, improvise hostium adventu opprimuntur: deletisque eis, ad ipsius obsidionem omnes conversi. Inde ab Lucanis exsulibus ad suos nuncii missi sunt: pactoque reditu promissum est, regem, aut vivum, aut mortuum, in potestatem daturus. Ceterum cum delectis ipse, egregium facinus ausus, per medios erumpit hostes, & ducem Lucanorum cominus congressum obtruncat: contrahensque suos ex fuga palatos, pervenit ad amnem, ruinis recentibus pontis, quem vis aquæ abstulerat, indicantem iter. quem quum incerto vado transiret agmen, fessus metu ac labore miles, increpans nomen abominandum fluminis, *Jure Acheron vocaris*, inquit. quod ubi ad aures accedit regis; adjecit extemplo animum fatis suis; substititque dubius, an transiret. Tum Sotinus minister ex regiis pueris, *quid in tanto discrimine periculi cunctaretur* interrogans, indicat Lucanos insidiis querere locum. Quos ubi respexit rex procul grege facto venientes, stringit gladium, & per medium amnem transmittit equum. Jamque in vadum egressum eminus verito Lucanus exsul transfigit. lapsum inde cum inhærente telò corpus exanime detulit amnis in hostium præsidia. Ibi fæda laceratio corporis facta. namque, præciso medio, partem Consentiam misere: pars ipsis retenta ad ludibrium. quæ quum jaculis saxisque procul incessetur, mulier una, ultra humanarum irarum fidem sævienti-turbæ immixta, ut parumper sustinerent præcata, fletu ait, *viram sibi liberisque captos apud hostes esse: sperare, corpore regio utcumque mulcato se suos redempturam*. Is finis lacerationi fuit. sepultumque Consentiam, quod membrorum reliquum fuit, curâ mulieris unius: ossaque Metapontum ad hostes remissa; inde Epirum devecta ad Cleopatram uxorem.

rem sororemque Olympiadem : quarum mater Magni Alexandri altera, soror altera fuit. Hæc de Alexandri Epirensis tristi eventu, quanquam Romano bello fortuna eum abstinuit, tamen, quia in Italia bella gessit, paucis dixisse satis sit.

XXV. Eodem anno lectisternium Romæ, quintò post conditam urbem, iisdem, quibus antè, placandis habitum est Diis. Novi deinde consules jussu populi quum misissent, qui indicerent Samnitibus bellum; & ipsi majore conatu, quàm adversus Græcos, cuncta parabant; & alia nova nihil tum animò tale agitantibus accesserunt auxilia. Lucani atque Apuli, quibus gentibus nihil ad eam diem cum Romano populo fuerat, in fidem venerunt, arma virosque ad bellum pollicentes. fœdere ergo in amicitiam accepti. Eodem tempore etiam in Samnio res prospere gesta. tria oppida in potestatem venerunt, Allifæ, Callifæ, Ruffrium: aliisque ager primo adventu consulum longè latèque est pervastatus. Hoc bello tam prospere commisso, alteri quoque bello, quo Græci obsidebantur, jam finis aderat. nam, præterquam quòd, interseptis munimentis hostium, pars parti abscissa erat, fœdiora aliquanto intra muros iis, quibus hostis territabat, patiebantur: & velut capti à suismet ipsis præfidiis, indigna jam liberis quoque ac conjugibus, & quæ captarum urbium extrema sunt, patiebantur. Itaque quum, & à Tarento & à Samnitibus, fama esset, nova auxilia ventura, Samnitium plus, quàm vellent, intra mœnia esse rebantur: Tarentinorum juventutem, Græci Græcos, haud minùs per quos Samniti Nolanoque, quàm ut Romanis hostibus resisterent, expectabant. Postremò levissimum malorum deditio ad Romanos visa. Charilaus & Nymphius, principes civitatis, communicato inter se consilio, partes ad rem agendam divisere, ut alter ad imperatorem Romanorum transfugeret, alter subsisteret ad præbendam opportunam consilio urbem.

Charilaus

Charilaus fuit, qui ad Publium Philonem venit: & quod bonum, faustum, felix Paleopolitanis populoque Romano esset, tradere se, ait, mœnis statuisse. Ea facta utrum ab se prodita, an servata, patria videatur, in fide Romana positum esse sibi privatim nec pacisci quicquam, nec petere: publice petere, quam pacisci, magis, ait, si successisset inceptum, cogitaret populus Romanus, potius cum quanto studio periculoque reditum in amicitiam suam esset, quam quâ stultitiâ & temeritate de officio decessum. Collaudatus ab imperatore tria millia militum ad occupandam eam partem urbis, quam Samnites infidebant, accepit: præsidio ei L. Quinctius tribunus militum præpositus.

.i. XXVI. Eodem tempore & Nymphius prætorem Samnitium arte aggressus perpulerat, ut, quoniam omnis Romanus exercitus aut circa Paleopolim aut in Samnio esset, lineret se classe circumvehi ad Romanum agrum, non oram modò maris, sed ipsi urbi propinqua loca depopulaturum. Sed, ut falleret, nocte proficiscendum esse, extemploque naves deducendas, quod quomodo fieret, omnis juventus Samnitium, præter necessarium urbis præsidium, ad littus missa, ubi dum Nymphius in tenebris & multitudine semet ipsa impediante, sedulo aliis aliâ imperia turbans, terit tempus: Charilaus, ex composito ab sociis in urbem receptus, quum summa urbis Romano milite impleret, tolli clamorem iussit: ad quem Græci, signo accepto à principibus, quievire. Nolani per averfam partem urbis viâ Nola ferente effugiunt. Samnitibus exclusis ab urbe, ut expeditior in præsentia fuga, ita foedior, postquam periculo evaserunt, visa: quippe qui inermes, nullâ rerum suarum non relictâ inter hostes, ludibrium non externis modò, sed etiam popularibus, spoliati atque egentes domos rediere. Haud ignarus opinionis alterius, quâ hæc proditio ab Samnitibus facta traditur, quum auctoribus hoc dedi, quibus dignius credi est, tum sedus Neapolitanum (eò enim deinceps summa rei Græcorum

corum venit) similis vero facit, ipsos in amicitiam redisse. Publilio triumphus decretus; quod satis credebatur, obsidione domitos hostes in fidem venisse. Duo singularia hæc ei viro primum contingere; proxiatio imperii non antè in ullo facta, & actio honore triumphus.

XXVII. Aliud subinde bellum cum altèrius oræ Græcis exortum. namque Tarentini, quum rem Palæopolitanam vanâ spe auxilii aliquandiu sustinuisent, postquam Romanos urbe positos accepere, velut destituti, ac non qui ipsi destituisent, increpare Palæpolitānos: irâ atque invidiâ in Romanos furere; eo etiam, quod Lucanos & Apulos (nam utraq; eo anno societas coepta est) in fidem populi Romani venisse allatum est. *quippe propemodum perventum ad se esse: jamque in eo rem fore, ut Romani aut hostes, aut domini habendi sint. Discrimen profectò rerum suarum in bello Samnitium eventusque ejus videri. eam solam gentem restare, nec eam ipsam satis validam, quando Lucanus defecerit. quem revocari adhuc, impellique ad abolendam societatem Romanam posse, si quæ ars ferendis discordiis adhibeatur.* Hæc consilia quum apud cupidos rerum movandarum valuissent; ex juventute quidam Lucanorum pretio asciti, clari magis inter populares, quàm honesti, inter se mulcati ipsi virgis, quum corpora nuda intulissent in civium cœtum, vociferati sunt, se, quod castra Romana ingredi ausi essent, à consule virgis caesos, ac propè securi percussos esse. Deformis suapte naturâ res quum speciem injuriæ magis, quàm doli, præ se ferret, concitati homines cogunt clamore suo magistratus senatum vocare; & alii, circumstantes concilium, bellum in Romanos poscunt: alii ad concitandam in arma multitudinem agrestium discurrunt: tumultique etiam sanos consternante animos, decernitur, ut societas cum Samnitibus renovaretur; legatique ad eam rem mittuntur. Repentina res quia quàm causam nullam, tam ne fidem quidem

quidem habebat, coacti à Samnitibus & obsides dare, & præsidia in loca munita accipere, cæci fraude & irâ nihil recusarunt. Dilucere deinde brevi fraus cæpit, postquam criminum falsorum auctores Tarentum commigravere: sed, amissâ omni de se potestate, nihil ultra, quàm ut pœniteret frustra, restabat.

XXVIII. Eo anno plebi Romanæ velut aliud initium libertatis factum est, quòd necti desierunt: mutatum autem jus ob unius fœneratoris simul libidinem, simul crudelitatem insignem. L. Papirius is fuit: cui quum se C. Publius ob æs alienum paternum nexum dedisset; quæ ætas formaque misericordiam elicere poterat, ad libidinem & contumeliam animum accenderunt: & florem ætatis ejus fructum adventicium crediti ratus, primò perlicere adolescentem sermone incesto est conatus: dein, postquam aspernabantur flagitium aures, minis territare, atque identidem admonere fortunæ: postremò, quum ingenuitatis magis, quàm præsentis conditionis, memorem videret, nudari jubet, verberaque afferri. Quibus laceratus juvenis, quum se in publicum proripuisset, libidinem crudelitatemque conquerens fœneratoris; ingens vis hominum, quum ætatis miseratione atque indignitate injuriæ accensa, tum suæ conditionis liberumque suorum respectu in forum; atque inde, agmine facto, ad curiam concurrit. & quum consules, tumultu repentino coacti, senatum vocarent, introeuntibus in curiam Patribus laceratum juvenis tergum, procumbentes ad singulorum pedes, ostentabant. Victum eo die ob impotentem injuriam unius ingens vinculum fidei: jussique consules ferre ad populum, ne quis, nisi qui noxam meruisset, donec pœnam lueret, in compedibus aut in nervo teneretur: pecuniæ creditæ bona debitoris, non corpus, obnoxium esset. Ita nexi soluti; cautumque in posterum, ne necterentur.

XXIX. Eodem anno, quum satis per se ipsum Samnitium

initium bellum & defectio repens Lucanorum, auctoresque defectionis Tarentini sollicitos haberent Patres, accessit, ut & Vestinus populus Samnitibus sese conjungeret. quæ res sicut eo anno sermonibus magis passim hominum jactata, quam in publico ullo concilio est; ita insequentis anni consulibus, L. Furio Camillo iterum, Junio Bruto Scævæ, nulla prior potiorque visa est, de qua ad senatum referrent. &, quanquam nova res erat, tamen tanta cura Patres incessit, ut pariter eam susceptam neglectamque timerent: ne aut impunitas eorum lasciviâ superbiâque, aut bello pœnæ expetitæ metu propinquo atque irâ concirent finitimos populos. Et erat genus omne abunde bello Samnitibus par, Marfi Pelignique & Marrucini: quos, si Vestinus attingeretur, omnes habendos hostes. Vicit tamen pars, quæ in præsentia videri potuit majoris animi, quam consilii: sed eventus docuit, fortes fortunam juvare. Bellum ex auctoritate Patrum populus adversus Vestinos jussit. Provincia ea Bruto, Samnium Camillo sorte evenit. Exercitus utroque ducti, & curâ tuendorum finium hostes prohibiti conjungere arma. Ceterum alterum consulem L. Furium, cui major moles rerum imposita erat, morbo gravi implicitum fortuna bello subtraxit: jussusque dictatorem dicere rei gerendæ causâ, longè clarissimum bello eâ tempestate dixit L. Papirium Cursorem; à quo Q. Fabius Maximus Rullianus magister equitum est dictus: par nobile rebus in eo magistratu gestis, discordiâ tamen, quâ propè ad ultimum dimicationis ventum est, nobilius. Ab altero consule in Vestinis multiplex bellum, nec usquam vario eventu, gestum est. nam & pervastavit agros, &, populando atque urendo testa hostium sataque, in aciem invitus extraxit: & ita proelio uno accidit Vestinorum res, haudquaquam tamen incruento milite suo, ut non in castra solum refugerent hostes, sed, jam ne vallo quidem ac fossis freti, dilaberentur



berentur in oppida, situ urbium mœnibusque se defensori. Postremò oppida quoque vi expugnare adortus, primò Cutinam ingenti ardore militum aut vulnere irâ, quòd haud serè quisquam integer prælio excesserat, scalis cepit: deinde Cingiliam. utriusque urbis prædam militibus, quòd eos neque portæ, neque murî hostium arcuerant, concessit.

XXX. In Samnium incertis itum auspiciis est: cuius rei vitium non in belli eventum, quod prospere gestum est, sed in rabiem atque iras imperatorum vertit. namque Papirius dictator, à pullario monitus, quum ad auspicium repetendum Romam proficisceretur, magistro equitum denunciavit, ut sese loco teneret, neu, absente se, cum hoste manum confereret. Fabius quum post profectiorem dictatoris per exploratores comperisset, perinde omnia soluta apud hostes, ac si nemo Romanus in Samnio esset; seu ferox adolescens indignitate accensus, quòd omnia in dictatore viderentur reposita esse; seu occasione bene gerendæ rei inductus; exercitu instructo paratoque profectus ad Imbrinium, (ita vocant locum) acie cum Samnitibus conflictit. ea fortuna pugnae fuit, ut nihil relictum sit, quo, si adfuisset dictator, res melius geri potuerit: non dux militi, non miles duci defuit. Eques etiam, auctore L. Cominio tribuno militum, qui aliquoties impetu capto perumpere non poterat hostium agmen, detraxit frenos equis; atque ita concitatos calcaribus permisit, ut sustinere eos nulla vis posset. per arma, per viros latè stragem dedere. Secutus pedes impetum equitum, turbatis hostibus intulit signa. Viginti millia hostium cæsa eo die traduntur. Auctores habeo, his cum hoste signa collata, dictatore absente, his rem egregiè gestam. Apud antiquissimos scriptores una hæc pugna invenitur: in quibusdam annalibus tota res prætermissa est. Magister equitum, ut ex tanta cæde, multis potius spoliis, congesta in ingentem acervum hostilia

hostilia arma subdito igne concremavit: seu votum id Deorum cuiuspiam fuit; seu credere libet Fabio auctori, eo factum, ne suæ gloriæ fructum dictator caperet, nomenque ibi scriberet, aut spolia in triumpho ferret. Literæ quoque de re prospere gesta ad senatum, non ad dictatorem, missæ, argumentum fuere minimè eum eo communicantis laudes. Ita certè dictator id factum accepit, ut, lætis aliis victoriâ partâ, præ se ferret iram tristitiamque. Misso itaque repente senatu, se ex curia præripuit: tum verò, non Samnitium magis legiones, quàm majestatem dictatoriam & disciplinam militarem, à magistro equitum victam & eversam dictitans, si illi impune spretum imperium fuisset. Itaque plenus minarum iræque, profectus in castra, quum maximis itineribus esset, non tamen prævenire famam adventûs sui potuit. Præcucurrerant enim ab urbe, qui nuntiarent, dictatorem avidum pœnæ venire, alternis penè verbis T. Manlii factum laudantem.

XXXI. Fabius, concione extemplo advocatâ, obtestatus milites est, ut, quâ virtute rempublicam ab infestissimis hostibus defendissent, eadem se, cujus ductu auspicioque vicissent, ab impotenti crudelitate dictatoris tutarentur. Venire amentem invidiâ, iratum virtuti aliena felicitatique, furere, quodd, se absente, respublica egregiè gesta esset: malle, si mutare fortunam posset, apud Samnites, quàm Romanos, victoriâ esse. Imperium dictitare spretum, tanquam non eadem mente pugnari vetueris, quâ pugnatum doleat: & tunc invidiâ impedire virtutem alienam voluisse, cupidissimisque arma ablaturum fuisse militibus, ne, se absente, moveri possent: & nunc id furere, id agere pati, quod sine L. Papirio, non inermes, non manci milites fuerint; quod se Q. Fabius magistrum equitum duxerit; ac non accensum dictatoris. Quid illum salturum fuisse, si, quod belli casus ferunt, Marsque communis, adversa pugna evanisset; qui fœdi, devictis hostibus, republicâ bene gesta, ita ut non ab illo unico

unico duce melius geri potuerit, supplicium magistro equitum minetur? Neque illum magistro equitum infestiores, quam tribunis militum, quam centurionibus, quam militibus esse. si possit, in omnes seviturum fuisse: quia id nequeat, in unum favire. Etiam invidiam, tanquam ignem, summa petere; in caput consilii, in ducem incurrere. si se simul cum gloria rei gesta exstinxisset, tunc victorem, velut in capto exercitu dominantem, quicquid licuerit in magistro equitum, in militibus ausurum. Proinde adessent in sua causa omnium libertati. Si consensum exercitus eundem, qui in praelio fuerit, in tuenda victoria videat, et salutem unius omnibus curae esse; inclinaturum ad clementiorem sententiam animum. Postremo se vitam fortunaeque suas illorum fidei virtutique permittere.

XXXII. Clamor è tota concione ortus, uti bonum animum haberet; neminem illi vim allaturum, salvis legionibus Romanis. Haud multo post dictator advenit: classicoque extemplo ad concionem advocavit. Tum, silentio facto, praeco Q. Fabium magistrum equitum citavit. qui simul ex inferiore loco ad tribunal accessit, tum dictator, *Quaro*, inquit, *de te, Q. Fabi*, quum summum imperium dictatoris sit, pareantque ei consules, regia potestas, pratores iisdem auspiciis, quibus consules, creati; aequum censeas, necne, magistrum equitum dicto audientem esse? Itemque illud interrogo, quum me incertis auspiciis profectum ab domo scirem, utrum mihi turbatis religionibus respublica in discrimen committenda fuerit, an auspicia repetenda, ne quid dubiis Diis agerem? Simul illud, qua dictatori religio impedimentum ad rem gerendam fuerit, num ad magister equitum solutus ac liber potuerit esse? Sed quid ego hac interrogo? quum, si ego tacitus abissem, tamen tibi ad voluntatis interpretationem mea dirigenda tua sententia fuerit. Quin tu respondes, vetuerimne, te quicquam rei, me absente, agere? vetuerimne, signa cum hostibus conferre? quo tu imperio meo spreto, incertis auspiciis, turbatis religionibus, adversas morem militarem, disciplinamque maiorum et munus Deorum, ausus es cum hoste confligere. Ad  
hac,

*hæc, quæ interrogatus es, responde: extra ea, curæ, vocem mittere. Accede, lector. Adversus quæ singula quum respondere haud facile esset, & nunc quereretur, eundem accusatorem capitis sui ac iudicem esse; modò, vitam sibi eripi citius, quàm gloriam rerum gestarum, posse, vociferaretur; purgaretque se in vicem, atque ultro accusaret: tunc Papius, redintegratâ irâ, spoliari magistrum equitum, ac virgas & fœcures expediri iussit. Fabius, fidem militum implorans, lacerantibus vestimentis lictoribus, ad triarios, tumultum jam in concione miscentes, sese recepit. Inde clamor in totam concionem est perlatum: alibi preces, alibi minæ audiebantur. qui proximi fortè tribunal steterant, quia subjecti oculis imperatoris noscitari poterant, orabant, ut parceret magistro equitum, neu cum eo exercitum damnares. Extrinsecus concio & circa Fabium globus increpabant inclementem dictatorem: nec procul seditione aberant. ne tribunal quidem satis quietum erat. Legati circumstantes secliam orabant, ut rem in posterum diem differret, & iræ suæ spatium, & consilio tempus daret: Satis castigatam adolescentiam Fabii esse: satis deformatam victoriam: ne ad extremum finem supplicii tenderet: neu amico, juveni, neu patri ejus, clarissimo viro, neu Fabia genti damnum injungeret ignominiam. Quum parum precibus, parum causâ proficerent, intueri salventem concionem jubebant. ita iritatis militum animis subdere ignem ac materiam seditioni, non esse atatis, non prudentia ejus. neminem id Q. Fabio, pœnam deprecandi suam, vitio versurum, sed dictatori, si occidatus irâ infestam multitudinem in se pravo certamine movisset. Postremò, ne id se gratia dare Q. Fabii crederet, se iurjurandum dare paratos esse, non videri à republica, in Q. Fabium eo tempore animadverti.*

XXXIII. His vocibus quum in se magis incitarent dictatorem, quàm in magistrum equitum placarent, iussi de tribunali descendere legati: & silentio nequicquam per præconem tentato, quum, præ strepitu ac tumultu,

tamultu, nec ipsius dictatoris, nec apparitorum ejus vox audiretur; nox, velut in prælio, certamini finem fecit. Magister equitum, jussus postero die adesse, quum omnes affirmarent, infestius Papirium exarsurum, agitatum contentione ipsâ exacerbatumque, clam ex castris Romam profugit: & patre auctore M. Fabio, qui ter jam consul dictatorque fuerat, vocato ex templo senatu, quum maximè conquereretur apud Patres vim atque injuriam dictatoris, repente strepitus ante curiam licitorum submoventium auditur: & ipse insensus aderat, postquam comperit profectum ex castris, cum expedito equitatu secutus. Iterata deinde contentio: & prendi Fabium Papirius jussit. Ubi quum, deprecantibus primoribus Patrum atque universo senatu, perstaret in incepto immitis animus; tum pater M. Fabius, *Quandoquidem, inquit, apud te nec auctoritas senatus, nec ætas mea, cui orbitatem paræ, nec virtus nobilitasque magistri equitum, à te ipso nominati, valet, nec preces, quæ sæpe hostem mitigavere, quæ Deorum iras placant; tribunos plebis appello, & provoco ad populum. eumque tibi, fugienti exercitus tui, fugienti senatus judicium, judicem fero, qui certè unus plus, quàm tua dictatura, potest polletque. Videro, cessurusne provocationi sis, cui rex Romanus, Tullus Hostilius æssit.* Ex curia in concionem itur. quò cum paucis dictator, cum omni agmine principum magister equitum quum descendisset; deduci eum de rostris Papirius in partem inferiorem jussit. Secutus pater, *Bene agis, inquit, quum eò nos deduci jussisti, unde & privati vocem mittere possent.* Ibi primò non tam perpetuæ orationes, quàm altercatio, exaudiebantur. Vicit deinde strepitum vox & indignatio Fabii senis, increpantis superbiam crudelitatemque Papirii: *Se quoque dictatorem Romæ fuisse, nec à se quenquam, ne plebis quidem hominem, non centurionem, non militem, violatum; Papirium, tanquam ex hostium ducibus, sic ex Romano imperatore victoriam & triumphum petere. Quantum interesset*  
inter

inter moderationem antiquorum, & novam superbiam crudelitatemque. Dictatorem Quintium Cincinnatum in L. Minucium consulem, ex obsidione à se ereptum, non ultra saviſſe, quàm ut legatum eum ad exercitum pro consule relinqueret. M. Furium Camillum in L. Fario, qui, contemptâ suâ senectute & auctoritate, fœdissimo cum eventu pugnâſſet, non solum in præsentia moderatum ira esse, ne quid de collega sacus populo aut senatui scriberet; sed, quum revertiſſet, potissimum ex tribunis consularibus habuisse, quem ex collegis, optione ab senatu datâ, socium sibi imperiâ delegerit. Nam populi quidem; penes quem potestas omnium rerum esset, ne iram quidem unquam atrociorẽ fuisse in eos, qui temeritate atque insitiâ exercitus amiſſissent, quàm ut pecuniâ eos mulctaret. capite anquisitum ob rem bello malè gestam de imperatore nullo ad eam diem esse. Nunc ducibus populi Romani, qua ne victis quidem bello fas fuerit; virgas & secures victoribus, & justissimos meritis triumphos intentari. Quid enim tandem passurum fuisse filium suum, si exercitum amiſſet: si fusus, fugatus, castris exutus fuisset? quod ultra iram violentiamque ejus excessuram fuisse, quàm ut verberaret necaretque? Quàm conveniens esse, propter Q. Fabium civitatem in latitia, victoria, supplicationibus, ac gratulationibus esse: cum, propter quem Deum delubra pateant, ara sacrificiis fument, honore, donis cumulentur, nudatum virgis lacerari in conspectu populi Romani; intuentem Capitolium atque arcem, Deosque ab se duobus præliis haud frustra advocatos? Quo id animo exercitum, qui ejus ductu auspiciisque viciſſet, laturum? quem luctum in castris Romanis, quam letitiam inter hostes fore? Hæc, simul jurgans, querens, Deum hominumque fidem obtestans, & complexus filium, plurimis cum lacrimis agebat.

XXXIV. Stabat cum eo senatus majestas, favor populi, tribuniciam auxilium, memoria absentis exercitus. Ex parte altera, imperium invictum populi Romani, & disciplina rei militaris, & dictatoris edictum pro numine semper observatum, & Manliana imperia, & postba-

bila filii caritas publica utilitati, jaſtabantur. Hoc etiam L. Brutum, conditorem Romane libertatis, antea in duobus liberis feciſſe. nunc patres comes, & ſenes faciles de alieno imperio ſpreto, tanquam rei parva, diſciplina militaris everſa juventuti gratiam facere. Se tamen perſtaturum in incepto: nec ei, qui adverſus dictum ſuum, turbatis religionibus ac dubiis auſpiciis, pugnaſſet, quicquam ex juſta poena remiſſum. Majeſtas imperii perpetua ne eſſet, non eſſe in ſua poteſtate. L. Papirium nihil de ejus jure deminuturum. optare, ne poteſtas tribunicia, inviolata ipſa, violet interceſſione ſua Romanum imperium, neu populus in ſe potiſſimam dictatorem & jus dictatura exſtinguat. Quod ſi feciſſet, non L. Papirium, ſed tribunos, ſed pravam populi judicium, nequicquam poſteros accuſaturos: quum, polluta ſemel militari diſciplinâ, non miles centurionis, non centurio tribuni, non tribunus legati, non legatus conſulis, non magiſter equitum dictatoris pareat imperio; nemo hominum, nemo Decorum venerandam habeat; non edicta imperatorum; non auſpicia obſerventur; ſine comitatu vagi milites in pacato, in hoſtico errent, immemores ſacramenti, licentiâ ſola ſe, ubi velint, exantorent; inſequentiâ deſerantur ſigna; neque conveniatur ad edictum, nec diſcernatur, interdum nocte, aqua iniquo loco, juffu injuffu imperatoris pugnent; & non ſigna, non ordines ſervent; latrocinii modo caeda & fortuita, pro ſolemnibus ſacra militiâ ſit. Horum criminum vos reos in omnia ſecula offerte, tribuni plebi: veſtra obnoxia capita pro licentiâ Q. Fabii objicite.

XXXV. Stupentes tribunos & ſuam jam vicem magis anxios, quàm ejus, cui auxillium ab ſe petebatur, liberavit onere conſenſus populi Romani, ad preces & obteſtationem verſus, ut ſibi poenam magiſtri equitum dictator remitteret. Tribuni quoque, inclinatam rem in preces ſubſecuti, orare dictatorem inſiſtunt, ut veniam errori humano, veniam adoleſcentiæ Q. Fabii daret: ſatis eum poenarum dediffe. Jam ipſe adoleſcens, jam pater M. Fabius contentioni oblitus, procumbere

sumbere ad genua, & iram deprecari dictatoris. Tum dictator, silentio facto, *Bene habet, inquit, Quirites. vicit disciplina militaris, vicit imperii majestas, quæ in discrimine fuerunt, an ulla post hanc diem essent. Non noxa eximitur Q. Fabius, qui contra edictum imperatoris pugnavit; sed, noxa damnatus, donatur populo Romano; donatur tribunicie potestati, precarium non justum auxilium ferenti. Vive, Q. Fabi, felicior hoc consensu civitatis ad tuendum te, quam, quæ paulo antè exullabas, victoriæ. vive, id facinus ausus, cujus tibi ne parens quidem, si eodem loco fuisset, quo fuit L. Papirius, veniam dedisset. Mecum, ut voles, reverteris in gratiam: populo Romano, cui vitam debes, nihil majus præstiteris, quam si hic tibi diis satis documenti dederis, ut bello ac pace pati legitima imperia possis. Quam se nihil morari magistrum equitum pronunciasset, degressam cum templo lætus senatus, lætior populus, circumfusi, ac gratulantes hinc magistro equitum, hinc dictatori, prosecuti sunt: firmatumque imperium militare haud minùs periculo Q. Fabii, quam supplicio miserabili adolescentis Manlii, videbatur. Fortè ita eo anno evenit, ut, quotiescunque dictator ab exercitu recessit, hostes in Samnio moverentur: ceterum in oculis exemplum erat Q. Fabius M. Valerio legato, qui castris præerat, ne quam vim hostium magis, quam trucem dictatoris iram, timeret. Itaque, frumentatores quum, circumventi ex insidiis, cæsi loco iniquo essent, creditum vulgò est, subveniri eis ab legato potuisse, ni tristia edicta exhorruisset. ea quoque ira alienavit à dictatore militum animos, jam antè insensos, quòd implacabilis Q. Fabio fuisset; &, quod suis precibus negasset, ejus populo Romano veniam dedisset.*

XXXVI. Postquam dictator, præposito in urbe L. Papirio Crasso magistro equitum, Q. Fabio vetito quicquam pro magistratu agere, in castra rediit; neque civibus satis lætus adventus ejus fuit, nec hostibus quicquam attulit terroris. namque postero die, sen



ignari venisse dictatorem, seu, adesset an abesset, parvi facientes, instructâ acie ad castra accesserunt. Ceterum tantum momenti in uno viro L. Papirio fuit, ut, si ducis consilia favor subsecutus militum foret, debellari eo die cum Samnitibus potuisse, pro haud dubio habitum sit: ita instruxit aciem loco ac subsidiis, ita omni arte bellicâ firmavit. cessatum à milite, ac de industria, ut obrectaretur laudibus ducis, impedita victoria est. Plures Samnitium cecidere: plures Romani vulnerati sunt. Sensit peritus dux, quæ res victoriæ obstat: temperandum ingenium suum esse, & severitatem miscendam comitati. Itaque, adhibitis legatis, ipse circum saucios milites insertus in tentoria caput, singulos, ut sese haberent, rogans, curam eorum nomination. legatis, tribunisque, & præfectis demandabat: rem per se popularem ita dexter egit, ut, medendis corporibus, animi multo prius militum imperatori reconciliarentur; nec quicquam ad salubritatem efficacius fuerit, quàm quod grato animo ea cura accepta est. Resecto exercitu, cum hoste congressus haud dubiâ spe, suâ militumque, ita fudit, fugavitque Samnites, ut ille ultimus eis dies conferendi signa cum dictatore fuerit. Incessit deinde, quâ duxit prædæ spes, victor exercitus; perhustravitque hostium agros, nulla arma, nullam vim, nec apertam, nec insidiis, expertus. Addebatur alacritatem, quod dictator prædam omnem edixerat militibus: nec ira magis publica, quàm privatum compendium, in hostem acuebat. His claudibus subacti Samnites pacem à dictatore petiere: cum quo pacti, ut singula vestimenta militibus, & annum stipendium darent; quum ire ad senatum jussi essent, secuturos se dictatorem responderunt, unius ejus fidei virtutisque causam suam commendantes. ita deductus ex Samnitibus exercitus.

XXXVII. Dictator triumphans urbem est ingressus: &, quum se dictaturâ abdicare vellet, jussu Patrum,

trum, priusquam abdicaret, consules creavit C. Sulpicium Longum iterum, Q. Æmilium Cerretanum. Samnites, infectâ pace, quia de conditionibus agebatur, inducias annuas ab urbe retulerunt. nec earum ipsarum sancta fides fuit: adeo, postquam Papirium abesse magistratu nunciatum est, arrepti ad bellandum animi sunt. C. Sulpicio, Q. Æmilio (Aulium quidam annales habent) consulibus, ad defectionem Samnitium Apulum novum bellum accessit. Utrôque exercitus missi. Sulpicio Samnites, Apuli Æmilio forte evenerunt. Sunt, qui non ipsis Apulis bellum illatum, sed socios ejus gentis populos ab Samnitium vi atque injuriis defensos scribant. Ceterum fortuna Samnitium, vix à se ipsis eo tempore propulsantium bellum, propius ut sit vero, facit, non Apulis ab Samnitibus arma illata, sed cum utraque simul gente bellum Romanis fuisse. nec tamen res ulla memorabilis acta: ager Apulus Samniumque evastatum: hostes nec hic, nec illic inventi. Romæ nocturnus terror ita ex somno trepidam repente civitatem excivit, ut Capitolium atque arx, moeniaque & portæ, plena armatorum fuerint. & quum concursatum conclamatumque ad arma omnibus locis esset, primâ luce nec auctor, nec causa terroris comparuit. Eodem anno de Tusculanis Flavia rogatione populi fuit judicium. M. Flavius tribunus plebis tulit ad populum, ut in Tusculanos animadverteretur; quorum eorum ope ac consilio Veliterni Privernatesque populo Romano bellum fecissent. Populus Tusculanus cum conjugibus ac liberis Romam venit. ea multitudo, veste mutata, & specie reorum, tribus circuit, genibus se omnium advolvens. plus itaque misericordia ad poenæ veniam impetrandam, quàm causa ad crimen purgandum valuit. Tribus omnes, præter Polliam, antiquarunt legem. Polliæ sententia fuit, puberes verberatos necari, conjuges liberosque sub corona lege belli venire: memoriamque

que ejus itz Tusculanis in poenz tam atrocis auctores mansisse ad patrum ætatem constat, nec quenquam ferme ex Pollia tribu candidatum Papiriam ferre solitum.

XXXVIII. Insequenti anno, Q. Fabio, L. Fulvio consulibus, A. Cornelius Arvina dictator & M. Fabius Ambustus magister equitum, metu gravioris in Samnio belli (conducta enim pretio à finitimis juventus dicebatur) intentiore delectu habito, egregium exercitum adversus Samnites duxerunt. Castra in hostico incuriosè ita posita, tanquam procul abesset hostis: quum subito advenere Samnitium legiones tantà ferocità, ut vallum usque ad stationem Romanam inferrent. Nox jam appetebat: id prohibuit munimenta adoriri. nec dissimulabant, ortà luce postero die facturos. Dictator, ubi propiorem spe dimicationem vidit, ne militum virtuti damno locus esset, ignibus crebris relictis, qui conspectum hostium frustrarentur, silentio legiones educit: nec tamen fallere propter propinquitatem castrorum potuit. Eques exemplo insecutus ita institit agmini, ut, donec lucesceret, prælio abstineret. ne pedestres quidem copiaz ante lucem castris egressz. Eques, luce demum ausus incurfare in hostem, carpendo novissimos, premendoque iniquis ad transitum locis, agmen detinuit. interim pedes equitatem affecutus; & totis jam copiis Samnis urgebat. Tum dictator, postquam sine magno incommodo progredi non poterat, cum ipsum, in quo constiterat, locum castris dimetari jussit. Id verò, circumfuso undique equitatu, ut vallum peteretur, opusque inciperet, fieri non poterat. Itaque, ubi neque eundi, neque manendi copiam esse videt, instruit aciem, impedimentis ex agmine remotis. instruunt contrà & hostes, & animis & viribus pares. auxerat id maxime animos, quòd, ignari loco iniquo, non hosti, cessum, velut fugientes ac territòs terribiles ipsi secuti fuerant. Id aliquandiu.

liquandiu æquavit pugnam, jam pridem desueto Samnite clamorem Romani exercitus pati. At, hercule, illo die ab hora dici tertiâ ad octavam ita anceps dicitur certamen stetisse, ut neque clamor, ut primo semel concursu est sublatus, iteratus sit; neque signa promota loco, retrove recepta; neque recursum ab ulla sit parte. In suo quisque gradu obnixi, urgentes scutis, sine respiratione ac respectu pugnabant. fremitus æqualis, tenorque idem pugnae in defatigationem ultimam aut noctem spectabat. Jam viris vires, jam ferro sua vis, jam consilia ducibus decrant: quum subito Samnitium equites, quum, turmâ unâ longius provectâ, accepissent, impedimenta Romanorum procul ab armatis sine præsidio, sine munimento stare, aviditate prædæ impetum faciunt. Quod ubi dictatori trepidus nuncius attulit; *Sine modò, inquit, sese prædâ præpediant.* Alii deinde super alios, diripi passim ferrique fortunas militum, vociferabantur. Tum magistro equitum accito; *Vides tu, inquit, M. Fabi, ab hostium equite omissam pugnam? hærent impediti impedimentis nostris. Aggredere; quod inter prædandum ampli multitudinis evadit; dissipatos: raros equis insidentes, raros, quibus ferrum in manu sit, invenies: equosque dum prædâ onerunt; cæde inermes, cruentamque illis prædâ redde. Mibi legiones peditumque pugna circa erant: penes te equestre sit decus.*

XXXIX. Equitum acies, qualis quæ esse instructissima potest, in vestra in dissipatos impeditosque hostes, cæde omnia replet. inter sarcinas omissas repente, obiacentes pedibus fugientium consternatorumque equorum, neque pugnae, neque fugæ satis potentes, caduntur. Tum, deloto propè equitatu hostium, M. Fabius, circumductis paululum alis, ab tergo pedestrem aciem adoritur. clamor inde novus accidens & Samnitium terruit animos; & dictator, ubi respectantes hostium antesignanos, turbataque signa, & fluctuantem aciem vidit, tum appellare, tum adhortari milites, tribunos princi-

principesque ordinum nominatim ad iterandam secum pugnam vocare. Novato clamore, signa inferuntur : & quicquid progrediebantur, magis magisque turbatos hostes cernebant. Eques ipse jam primus erat in conspectu : & Cornelius, respiciens ad manipulos militum, quod manu, quod voce poterat, monstrabat, vexilla se suorum parmasque cernere equitum. Quod ubi auditum simulque visum est, adeo repente laboris, per diem penè totum tolerati, vulnorumque oblitum sunt, ut haud secus, quàm si tum integri è castris signum pugnae accepissent, concitaverint se in hostem. nec ultra Samnis tolerare terrorem equitum, peditumque vim potuit : partim in medio cæsi, partim in fugam dissipati sunt. Pedes restantes ac circumventos cecidit : ab equite fugientium strages est facta ; inter quos & ipse imperator cecidit. Hoc demum prælium Samnitium res ita infregit, ut omnibus conciliis fremerent, *minimè id quidem mirum esse, si impio bello, & contra fœdus suscepto, infestioribus meritis Diis quàm hominibus, nihil prospere agerent. expiandum id bellum magnâ mercede, luendumque esse. Id referre tantum, utrâ supplicia noxi paucorum, an omnium innoxio præbeant sanguine* : audebantque jam quidam nominare auctores armorum. Unum maximè nomen per consensum clamantium Brutuli Papii exaudiebatur. vir nobilis potensque erat, haud dubiè proximarum induciarum ruptor. De eo coacti referre prætores decretum fecerunt, *Ut Brutulus Papius Romanis dederetur, & cum eo praeda omnis Romana, captivisque ut Romam mitterentur ; quæque res per fœciales ex fœdere repetita essent, secundum jus fasque restituerentur.* Fœciales Romam, ut censuerunt, missi, & corpus Brutuli exanime : ipse morte voluntariâ ignominia se ac supplicio subtraxit. Placuit cum corpore bona quoque ejus dedi. nihil tamen earum rerum, præter captivos, ac si qua cognita ex præda sunt, acceptum est : ceterarum rerum irrita fuit deditio. dictator ex senatuscon-

ausconsulto triumphavit. Hoc bellum à consulibus bellatum, quidam auctores sunt, eosque de Samnitibus triumphasse: Fabium etiam in Apuliam processisse, atque inde magnas prædas egisse.


XL. Nec discrepat, quin dictator eo anno A. Cornelius fuerit. id ambigitur, belline gerendi causâ creatus sit; an ut esset, qui ludis Romanis, quia L. Plautius prætor gravi morbo fortè implicitus erat, signum mittendis quadrigis daret; functusque eo haud sanè memorandi imperii ministerio, se dictaturâ abdicaret. nec facile est, aut rem rei, aut auctorem auctori præferre. Vitiatam memoriam funebribus laudibus reor, falsisque imaginum titulis, dum familia ad se quæque famam rerum gestarum honorumque fallente mendacio trahunt. Inde certè & singulorum gesta, & publica monumenta rerum confusa. nec quisquam æqualis temporibus illis scriptor exstat, quo satis certo auctore ætetur.

*Finis tomi primi.*

Smith


R. 14

40









**THE NEW YORK PUBLIC LIBRARY  
REFERENCE DEPARTMENT**

**This book is under no circumstances to be  
taken from the Building**

[illegible]

REV 7 1921

